



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:


- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



3 3433 07439217 0



NTRB  
(D. J. A.)

Home  
Collected  
Latin  
1800



QUINTUS  
HORATIUS  
FLACCUS.


---

EDITIO STEREOTYPA.

---



PARISIIS,  
EX OFFICINA STEREOTYPA  
PETRI DIDOT NATU MAJ., ET FIRMINI DIDOT.  
ANNO VIII. (1800.)



# QUINTI HORATII FLACCI

## OPERA.

Cette édition stéréotype se vend à Paris,

Chez P. DIDOT l'ainé, imprimeur, aux galeries du  
Louvre, n° 3 ;

Et chez FIRMIN DIDOT, libraire, rue de Thionville,  
n° 1850.

### Prix en feuilles :

Papier ordinaire, édition corri-  
gée, avec des notes de Jean

Bon, . . . . . 0 fr. 75 cent.

Papier fin d'Angoulême, édition

non corrigée, . . . . . 1 50

Papier-vélin, édition non corri-

gée, . . . . . 3

Grand papier-vélin, édition non

corrigée, . . . . . 4 50



2





QUINTI  
HORATII FLACCI  
CARMINUM  
LIBER PRIMUS.

---

ODE I.

AD MAECENATEM.

**M**AECENAS, atavis edite regibus,  
O et praesidium et dulce decus meum!  
Sunt quos curriculo pulverem Olympicum  
Collegisse juvat; metaque fervidis  
Evitata rotis, palmaque nobilis,  
Terrarum dominos evehit ad deos:  
Hunc, si mobilium turba Quiritium  
Certat tergemini tollere honoribus;  
Illum, si proprio condidit horreo  
Quidquid de Libycis verritur arcis.


Gaudentem patrios findere sarculo  
 Agros Attalicis conditionibus  
 Numquam dimoveas ut trabe Cypriâ  
 Myrtoum pavidus nauta secet mare.  
 Luctantem Icaris fluctibus Africum  
 Mercator metuens, otium et oppidi  
 Laudat rura sui: mox reficit rates  
 Quassas, indocilis pauperiem pati.  
 Est qui nec veteris pocula Massici,  
 Nec partem solido demere de die  
 Spernit, nunc viridi membra sub arbuto  
 Stratus; nunc ad aquæ lene caput sacræ.  
 Multos castra juvant, et lituo tubæ  
 Permixtus sonitus, bellaque matribus  
 Detestata. Manet sub Jove frigido  
 Venator, teneræ conjugis immemor;  
 Sen visa est catulis cerva fidelibus,  
 Seu rupit teretes Marsus aper plagas.  
 Me doctarum ederæ præmia frontium  
 Dis miscent superis; me gelidum nemus,  
 Nympharumque leves cum Satyris chori,  
 Secernunt populo; si neque tibia  
 Euterpe cohibet, nec Polyhymnia  
 Lesboum refugit tendere barbiton.  
 Quod si me lyricis vatibus inseres,  
 Sublimi feriam sidera vertice.

---

## ODE II.

AD AUGUSTUM CAESAREM.

**J**AM satis terris nixiv atque diræ  
 Grandinis misit Pater, et, rubente  
 Dexterâ sacras jaculatus arces,  
 Terruit urbem:



CARMINUM LIB. I

3

Terruit gentes, grave ne rediret  
Sæculum Pyrrhæ, nova monstra questæ;  
Omne quum Proteus pecus egit altos  
Visere montes;

Piscium et summâ genus hæsit ulmo,  
Nota quæ sedes fuerat columbis;  
Et superjecto pavidæ natârunt  
Aequore damæ.

Vidimus flavum Tiberim, retortis  
Littore Etrusco violenter undis,  
Ire dejectum monumenta regis,  
Templaque Vestæ:

Illic dum se nimium querenti  
Jactat ultorem, vagus et sinistra  
Labitur ripâ, Jove non probante, u-  
xorius amnis.

Audiet cives acuisse ferrum  
Quo graves Persæ melius perirent;  
Audiet pugnas, vitio parentum  
Rara, juvenus.

Quem vocet divum populus ruentis  
Imperi rebus? prece quâ fatigent  
Virgines sanctæ minus audientem  
Carmina Vestam?

Cui'dabit partes scelus expiandi  
Juppiter? tandem venias, precamur,  
Nube candentes humeros amictus,  
Angur Apollo.

Sive tu mavis, Erycina ridens,  
Quam Jocus circumvolat, et Cupido.

## Q. HORATII FLACCI

Sive neglectum genus et nepotes  
Respicis, auctor,

Heu ! nimis longo satiate ludo ,  
Quem juvat clamor, galeæque leves,  
Acer et Mauri peditis cruentum  
Vultus in hostem :

Sive mutatâ juvenem figurâ ,  
Ales, in terris imitaris, almæ  
Filius Maïæ, patiens vocari  
Cæsaris ultor :

Serus in cælum redeas, diùque  
Lætus intersis populo Quirini ;  
Neve te nostris vitiis iniquum  
Ocior aura

Tollat. Hic magnos potiùs triumphos,  
Hic ames dici pater atque princeps :  
Neu sinas Medos equitare inultos,  
Te duce, Cæsar.



## ODE III.

AD NAVEM QUA VIRGILIUS ATHENAS  
PROFICISCENS VEHEBATUR.

Sic te diva potens Cypri,  
Sic fratres Helenæ, lucida sidera,  
Ventorumque regat pater,  
Obstrictis aliis præter Iapyga,  
Navis, quæ tibi creditum  
Debes Virgilium, finibus Atticis



CARMINUM LIB. I.

5

Reddas incolumem, precor,  
 Et serves animæ dimidium meæ.  
 Illi robur et æs triplex  
 Circa pectus erat, qui fragilem truci  
 Commisit pelago ratem  
 Primus, nec timuit præcipitem Africum  
 Decertantem aquilonibus,  
 Nec tristes Hyadas, nec rabiem Noti,  
 Quo non arbiter Hadriæ  
 Major, tollere seu ponere vult freta.  
 Quem mortis timuit gradum,  
 Qui siccis oculis monstra natantia,  
 Qui vidit mare turgidum, et  
 Infames scopulos Acroceraunia?  
 Nequidquam Deus abscidit  
 Prudens Oceano dissociabili  
 Terras, si tamen impiæ  
 Non tangenda rates transiliunt vada.  
 Audax omnia perpeti  
 Gens humana ruit per vetitum; nefas!  
 Audax Iapeti genus  
 Ignem fraude malâ gentibus intulit.  
 Post ignem æthereâ domo  
 Subductum, macies et nova febrium  
 Terris incubuit cohors;  
 Semotique priûs tarda necessitas  
 Leti corripuit gradum.  
 Expertus vacuum Dædalus aëra  
 Pennis non homini datis.  
 Perrupit Acheronta Herculeus labor.  
 Nil mortalibus arduum est:  
 Cælum ipsum petimus stultitiâ; neque  
 Per nostrum patimur scelus  
 Iracunda Jovem ponere fulmina.

## ODE IV.

## AD L. SEXTIUM, CONSULAREM.

SOLVITUR acris hiems gratâ vice  
Veris, et Favoni,  
Trahuntque siccas machinæ carinas;  
Ac neque jam stabulis gaudet pecus,  
Aut arator igni;  
Nec prata canis albicant pruinis.  
Jam Cytherea choros ducit Venus,  
Imminente Lunâ;  
Junctæque Nymphis Gratia decentes  
Alterno terram quatiant pede,  
Dum graves Cyclopum  
Vulcanus ardens urit officinas.  
Nunc decet aut viridi nitidum caput  
Impedire myrto,  
Aut flore, terræ quem ferunt solutæ.  
Nunc et in umbrosis Fauno decet  
Immolare lucis,  
Seu poscat agnâ, sive malit hædo.  
Pallida Mors æquo pulsat pede  
Pauperum tabernas,  
Regumque turres. O beate Sexti,  
Vitæ summa brevis spem nos vetat  
Inchoare longam:  
Jam te premet nox, fabulæque Manes,  
Et domus exilis Plutonia;  
Quò simul mearis,  
Nec regna vini sortiere talis,  
Nec tenerum Lycidan mirabere,  
Quo calet juvenus  
Nunc omnis, et mox virgines tepebunt.

## ODE V.

AD PYRRHAM.

**Q**UIS multâ gracilis te puer in rosâ  
Perfusus liquidis urget odoribus,  
Grato, Pyrrha, sub antro?  
Cui flavam religas comam,

Simplex munditiis ? Heu ! quoties fidem  
Mutatosque Deos flebit, et aspera  
Nigris æquora ventis  
Emirabitur insolens,

Qui nunc te fruitur credulus aureâ;  
Qui semper vacuum, semper amabilem  
Sperat, nescius auræ  
Fallacis ! Miseri quibus

Intentata nites ! Me tabulâ sacer  
Votivâ paries indicat uvida  
Suspendisse potenti  
Vestimenta maris deo.

## ODE VI.

AD M. VIPSANIUM AGRIPPAM.

**S**CRIBERIS Vario fortis, et hostium  
Victor, Mæonii carminis aliti,  
Quam rem cumque ferox navibus aut equis  
Miles te duce gesserit.



Nos, Agrippa, neque hæc dicere, nec gravem  
 Pelidæ stomachum cedere nescii,  
 Nec cursus duplicis per mare Ulyxei,  
 Nec sævam Pelopis domum,

Conamur, tenues grandia: dum pudor,  
 Imbellisque lyræ Musa potens vetat  
 Laudes egregii Cæsaris, et tuas,  
 Culpâ deterere ingeni.

Quis Martem tunicâ tectum adamantinâ  
 Dignè scripserit? aut pulvere Troïo  
 Nigrum Merionen? aut ope Palladis  
 Tydiden Superis parem?

Nos convivia, nos prælia virginum  
 Sectis in juvenes unguibus acrimus,  
 Cantamus, vacui, sive quid urimur,  
 Non præter solitum leves.

---

## ODE VII.

AD MUNATIUM PLANCUM, CONSULAREM.

**L**AUDASUNT alii claram Rhodon, aut Mitylenen,  
 Aut Ephesum, bimarisque Corinthi  
 Mœnia, vel Baccho Thebas, vel Apolline Delphos  
 Insignes, aut Thessala Tempe.  
 Sunt quibus unum opus est intactæ Palladis arces  
 Carmine perpetuo celebrare, et  
 Undique decerptam fronti præponere olivam.  
 Plurimus, in Junonis honorem,  
 Aptum dicit equis Argos, ditiesque Mycenæ.  
 Me nec tam patiens Lacedæmon,  
 Nec tam Larissæ percussit campus opimæ,

Quàm domus Albunæ resonantis,  
 Et præceps Anio, ac Tiburni lucus, et uda  
 Mobilibus pomaria rivis.  
 Albus ut obscuro deterget nubila cælo  
 Sæpè Notus, neque parturit imbres  
 Perpetuos; sic tu sapiens finire memento  
 Tristitiam vitæque labores  
 Molli, Plance, mero; seu te fulgentia signis  
 Castra tenent, seu densa tenebit  
 Tiburis umbra tui. Teucer Salamina patremque  
 Quum fugeret, tamen uda Lyæo  
 Tempora populæ fertur vinxisse coronâ,  
 Sic tristes affatus amicos:  
 Quò nos cumque feret melior fortuna parente,  
 Ibimus, ô socii comitesque!  
 Nil desperandum Teucro duce, et auspice Teucro;  
 Certus enim promisit Apollo  
 Ambiguam tellure novâ Salamina futuram.  
 O fortes pejoraque passi  
 Mecum sæpè viri! nunc vino pellite curas:  
 Cras ingens iterabimus æquor.

---

ODE VIII.

AD LYDIAM.

LYDIA, dic, per omnes  
 Te deos oro: Sybarin cur properas amando  
 Perdere? cur apricum  
 Oderit campum, patiens pulveris atque solis?  
 Cur neque militaris  
 Inter æquales equitat, Gallica nec lupatis  
 Temperat ora frænis?  
 Cur timet flavum Tiberim tangere? cur olivum  
 Sanguine viperino  
 Cautius vitat? neque jam livida gestat armis

Brachia, sæpè disco  
 Sæpè trans finem jaculo nobilis expedito?  
 Quid latet, ut marinæ  
 Filium dicunt Thetidis sub lacrymosa Trojæ  
 Funera, ne virilis  
 Cultus in cædem et Lycias proriperet catervas?

## ODE IX.

## AD THALIARCHUM.

Vides ut altâ stet nive candidum  
 Soracte, nec jam sustineant onus  
 Silvæ laborantes, geluque  
 Flumina constiterint acuto.

Dissolve frigus, ligna super foco  
 Largè reponens; atque benigniùs  
 Deprome quadrimum Sabinâ,  
 O Thaliarche, merum diotâ.

Permitte Divis cætera: qui simul  
 Stravere ventos æquore fervido  
 Depræliantes, nec cupressi,  
 Nec veteres agitantur orni.

Quid sit futurum cras, fuge quærere; et  
 Quem sors dierum cumque dabit, lucro  
 Appone: nec dulces amores  
 Sperne puer, neque tu choreas;

Donec virenti canities abest  
 Morosa. Nunc et campus, et arææ,  
 Lenesque sub noctem susurri,  
 Compositâ repetantur horâ:



CARMINUM LIB. I.

11

Nunc et latentis proditor intimo  
Gratus puellæ risus ab angulo,  
Pignusque dereptum lacertis,  
Aut digito malè pertinaci.

---

ODE X.

AD MERCURIUM.

MERCURI, facunde nepos Atlantis,  
Qui feros cultus hominum recentum  
Voce formasti catus, et decoræ  
More palestræ;

Te canam, magni Jovis et deorum  
Nuntium, curvæque lyrae parentem,  
Callidum, quidquid placuit, jocosum  
Condere furto.

Te, boves olim nisi reddidisses  
Per dolum amotas, puerum minaci  
Voce dum terret, viduus pharetrâ  
Risit Apollo.

Quin et Atridas, dnce te, superbos,  
Ilio dives Priamus relicto,  
Thessalosque ignes et iniqua Trojæ  
Castra fefellit.

Tu pias lætis animas reponis  
Sedibus, virgæque levem coerces  
Auræ turbam, superis deorum  
Gratus et imis.

## ODE XI.

AD LEUCONOEN.

**T**u ne quæsieris, scire nefas, quem mihi, quem tibi  
 Finem di dederint, Leuconoë; nec Babylonios  
 Tentaris numeros. Ut melius, quidquid erit, pati!  
 Seu plures hiemes, seu tribuit Juppiter ultimam,  
 Quæ nunc oppositis debilitat pumicibus mare  
 Tyrrhenum. Sapias, vina liques, et spatio brevi  
 Spem longam reseces. Dum loquimur, fugerit invida  
 Aetas. Carpe diem, quàm minimùm credula postero.

## ODE XII.

AD AUGUSTUM.

**Q**uæ virum aut heroa lyrâ vel acri  
 Tibiâ sumis celebrare, Clio?  
 Quem deum, cujus recinet jocosa  
 Nomen imago,

Aut in umbrosis Heliconis oris,  
 Aut super Pindo, gelidove in Flæmo,  
 Unde vocalem temerè insecutæ  
 Orphea silvæ,

Arte maternâ rapidos morantem  
 Fluminum lapsus, celeresque ventos,  
 Blandum et auritas fidibus canoris  
 Ducere quercus.

Quid prius dicam solitis Parentis  
Laudibus, qui res hominum ac deorum,  
Qui mare ac terras, variisque mundum  
Temperat horis?

Unde nil majus generatur ipso,  
Nec viget quidquam simile aut secundum:  
Proximos illi tamen occupavit  
Pallas honores.

Præliis audax, neque te silebo,  
Liber; et sævis inimica virgo  
Belluis; nec te metuende certâ  
Phœbe sagittâ.

Dicam et Alciden; puerosque Ledæ,  
Hunc equis, illum superare pugnis  
Nobilem: quorum simul alba nautis  
Stella refulsit,

Defluit saxis agitatus humor;  
Concidunt venti, fugiuntque nubes;  
Et minax, nam sic volvere, ponto  
Unda recumbit.

Romulum post hos prius, an quietum  
Pompili regnum memorem, an superbos  
Tarquinii fasces dubito, an Catonis  
Nobile letum.

Regulum, et Scauros, animæque magnæ  
Prodigum Paullum, superante Pœno,  
Gratus insigni referam cæmonâ,  
Fabriciumque.

## Q. HORATII FLACCI

Hunc, et incomptis Curium capillis,  
 Utilem bello tulit, et Camillum,  
 Sæva paupertas, et avitus apto  
 Cum lare fundus.

Crescit occulto velut arbor ævo  
 Fama Marcelli: micat inter omnes  
 Julium sidus, velut inter ignes  
 Luna minores.

Gentis humanæ pater atque custos,  
 Orte Saturno, tibi cura magni  
 Cæsaris fatis data; tu secundo  
 Cæsare regnes.

Ille, seu Parthos Latio imminentes  
 Egerit justo domitos triumpho,  
 Sive subjectos Orientis oræ  
 Seras et Indos,

Te minor latum reget æquus orbem:  
 Tu gravi curru quaties Olympum;  
 Tu parum castis inimica mittes  
 Fulmina lucis.

## ODE XIII.

## AD LYDIAM.

Quum tu, Lydia, Telephi  
 Cervicem roseam, cerea Telephi  
 Laudas brachia, væ! meum  
 Fervens difficili bile tmnet jecur.  
 Tunc nec mens mihi, nec color

Certâ sede manet: humor et in genas  
Furtim labitur, arguens  
Quâm lentis penitûs macerer ignibus.  
Uror, seu tibi candidos  
Turpârunt humeros immodicæ mero  
Rixæ; sive puer furens  
Impressit memorem dente labris notam.  
Non, si me satis audias,  
Speres perpetuum, dulcia barbarè  
Lædentem oscula quæ Venus  
Quintâ parte sui nectaris imbuit.  
Felices ter, et ampliùs,  
• Quos irrupta tenet copula, nec malis  
Divulsus querimoniis  
Supremâ citiùs solvet amor die!

---

## ODE XIV.

## AD REMPUBLICAM.

O NAVIS, referent in mare te novi  
Fluctus! O quid agis? Fortiter occupa  
Portum. Nonne vides ut  
Nudum remigio latus

Et malus celeri sancius Africo,  
Antennæque gemant, ac sine funibus  
Vix durare carinæ  
Possint imperiosius

Aequor? Non tibi sunt integra lintea,  
Non di quôs iterum pressa voces malo;  
Quamvis Pontica pinus,  
Silvæ filia nobilis,



Jactes et genus et nomen inutile.  
 Nil pictis timidus navita puppibus  
 Fidit. Tu, nisi ventis  
 Debes ludibrium, cave.

Nuper sollicitum quæ mihi tædium,  
 Nunc desiderium, curaque non levis,  
 Interfusa nitentes  
 Vites æquora Cycladas.

## ODE XV.

NEREI VATICINIUM DE EXCIDIO  
TROJAE.

P<sup>A</sup>STOR quum traheret per freta navibus  
 Idæis Helenen perfidus hospitam,  
 Ingrato celeres obruit otio  
 Ventos, ut caneret fera

Nereus fata: « Malâ ducis avi domum,  
 Quam multo repetet Græcia milite,  
 Conjurata tuas rumpere nuptias,  
 Et regnum Priami vetus.

Eheu! quantus equis, quantus adest viris  
 Sudor! quanta moves funera Dardanæ  
 Genti! Jam galeam Pallas, et ægida,  
 Currusque, et rabiem, parat.

Nequidquam, Veneris præsidio ferox,  
 Pectes cæsariem, grataque feminis  
 Imbelli citharâ carmina divides;  
 Nequidquam thalamo graves



Hastas, et calami spicula Gnosii,  
Vitabis, strepitumque, et celerem sequi  
Ajacem: tamen, heu serus! adulteros  
Crines pulvere collines.

Non Laertiaden, exitium tuæ  
Gentis, non Pylum Nestora respicis?  
Urgent impavidi te Salaminus  
Teucer, te Sthenelus sciens

Pugnæ, sive opus est imperitare equis,  
Non auriga piger. Merionen quoque  
Nosces. Ecce furit te reperire atrox  
Tydides, melior patre:

Quem tu, cervus uti vallis in alterâ  
Visum parte lupum graminis immemor,  
Sublimi fugies mollis anhelitu,  
Non hoc pollicitus tuæ.

Iracunda diem proferet Ilio  
Matronisque Phrygum classis Achillei:  
Post certas hiemes uret Achaius  
Ignis Pergameas domos. »

---

## ODE XVI.

### PALINODIA.

O MATRÆ pulchrâ filia pulchrior,  
Quem crimosus cumque voles modum  
Pones iambis; sive flammâ,  
Sive mari libet Hadriano.

## Q. HORATII FLACCI

Non Dindymene, non aditis quatit  
Mentem sacerdotum incola Pythius,  
Non Liber æquè, non acuta  
Sic geminant Corybantes æra,

Tristes ut iræ: quas neque Noricus  
Deterret ensis, nec mare naufragum,  
Nec sævus ignis, nec tremendo  
Juppiter ipse ruens tumultu.

Fertur Prometheus addere principi  
Limo coactus particulam undique  
Desectam, et insani leonis  
Vim stomacho apposuisse nostro.

Iræ Thyesten exitio gravi  
Stravere; et altis urbibus ultimæ  
Stetere causæ cur perirent  
Funditus, imprimeretque muris

Hostile aratrum exercitus insolens.  
Compesce mentem. Me quoque pectoris  
Tentavit in dulci juventâ  
Fervor, et in celeres iambos

Misit farentem: nunc ego mitibus  
Mutare quæro tristia, dum mihi  
Fias recantatis amica  
Opprobriis, animumque reddas.

## ODE XVII.

AD TYNDARIDEM.

V<sup>EL</sup>ox amœnum sæpè Lucretilem  
Mutat Lycæo Faunus, et igneam  
Defendit æstatem capellis  
Usque meis, pluviosque ventos.

Impunè tutum per nemus arbutos  
Quærant latentes et thyma devixæ  
Olentis uxores mariti;  
Nec virides metuunt colubras,

Nec martiales hædulæ lupos;  
Utcumque dulci, Tyndari, fistulâ  
Valles et Usticæ cubantis  
Lævia personuere saxa.

Dî me tuentur: dis pietas mea  
Et musa cordi est. Hic tibi copia  
Manabit ad plenum benigno  
Ruris honorum opulenta cornu.

Hic in reductâ valle caniculæ  
Vitabis æstus; et fide Teiâ  
Dices laborantes in uno  
Penelopen vitreamque Circen.

Hic innocentis pocula Lesbii  
Duces sub umbrâ: nec Semeleius  
Cum Marte confundet Thyoneus  
Prælia; nec metues protervum

Suspecta Cyrum, ne malè dispari  
 Incontinentes injiciat manus,  
 Et scindat hærentem coronam  
 Crinibus, immeritamque vestem.

## ODE XVIII.

AD VARUM.

**N**ULLAM, Vare, sacrâ vite priûs severis arborem  
 Circa mite solum Tiburis, et mcenia Catili:  
 Siccis omnia nam dura Deus proposuit; neque  
 Mordaces aliter diffugiunt sollicitudines.  
 Quis postvina gravem militiam aut pauperiem crepat?  
 Quis non te potiùs, Bacche pater, teque, decens Venus?  
 At ne quis modici transiliat munera Liberi,  
 Centaurea monet cum Lapithis rixa super mero  
 Debellata; monet Sithoniis non levis Evius,  
 Quum fas atque nefas exiguo fine libidinum  
 Discernunt avidi. Non ego te, candide Bassareu,  
 Invitum quatiàm: nec variis obsita frondibus  
 Sub divum rapiam. Sæva tene cum Berecynthio  
 Cornu tympana, quæ subsequitur cæcus amor sui,  
 Et tollens vacuum plus nimio gloria verticem,  
 Arcanique fides prodiga, perlucidior vitro.

## ODE XIX.

DE GLYCERA.

**M**ATER sæva Cupidinum,  
 Thebanæque jubet me Semeles puer,

Et lasciva Licentia,  
Finitis animum reddere amoribus.  
Urit me Glyceræ nitor  
Splendentis Pario marmore purius:  
Urit grata protervitas,  
Et vultus nimium lubricus aspici.  
In me tota ruens Venus  
Cyprum deseruit: nec patitur Scythas,  
Et versis animosum equis  
Parthum dicere; nec quæ nihil attinent.  
Hic vivum mihi cespitem, hic  
Verbenas, pueri, ponite, thuraque,  
Bimi cum paterâ meri:  
Mactatâ veniet lenior hostiâ.

---

## ODE XX.

## AD MAECENATEM.

VILÆ potabis modicis Sabinum  
Cantharis, Græcâ quod ego ipse testâ  
Conditum levi, datus in theatro  
Quum tibi plausus,

Care Mæcenas eques, ut paterni  
Fluminis ripæ, simul et jocosa  
Redderet laudes tibi Vaticanæ  
Montis imago.

Cæcubum et prælo domitam Caleno  
Tu bibes uvam: mea nec Falernæ  
Temperant vites neque Formiani  
Pocula colles.

## ODE XXI.

IN DIANAM ET APOLLINEM.

**D**IANAM teneræ dicite virgines :  
 Intonsum, pueri, dicite Cynthium :  
 Latonamque supremo  
 Dilectam penitus Jovi.

Vos lætam fluvii, et nemorum comâ,  
 Quæcumque aut gelido prominet Algido,  
 Nigris aut Erymanthi  
 Silvis, aut viridis Cragi :

Vos Tempe totidem tollite laudibus,  
 Natalemque, mares, Delon Apollinis,  
 Insignemque pharetrâ,  
 Fraternalque humerum lyrâ.

Hic bellum lacrymosum, hic miseram famem  
 Pestemque, a populo et principe Cæsare, in  
 Persas atque Britannos  
 Vestrâ motus aget prece.

## ODE XXII.

AD ARISTIUM FUSCUM.

**I**NTEGRA vitæ scelerisque purus  
 Non eget Mauris jaculis, neque arcu,  
 Nec venenatis gravidâ sagittis,  
 Fusce, pharetrâ;



CARMINUM LIB. I.

23

Sive per Syrtes iter æstuosas,  
Sive facturus per inhospitalem  
Caucasum, vel quæ loca fabulosus  
Lambit Hydaspes.

Namque me silvâ lupus in Sabinâ,  
Dum meam canto Lalagen, et ultra  
Terminum curis vagor expeditis,  
Fugit inermem :

Quale portentum neque militaris  
Daunias latis alit æsculetis,  
Nec Jubbæ tellus generat, leonum  
Arida nutrix.

Pone me pigris ubi nulla campis  
Arbor æstivâ recreatur aurâ,  
Quod latus mundi nebulae malusque  
Juppiter urget;

Pone sub curru nimum propinqui  
Solis, in terrâ domibus negatâ:  
Dulcè ridentem Lalagen amabo,  
Dulcè loquentem.

---

ODE XXIII.

AD CHLOEN.

VITAS hinnuleo me similis, Chloë,  
Quærenti pavidam montibus aviis  
Matrem, non sine vano  
Aurarum et silvæ metu :



Nam, sen mobilibus veris inhorruit  
 Adventus foliis, seu virides rubum  
 Dimovère lacertæ,  
 Et corde et genibus tremit.

Atqui non ego te, tigris ut aspera,  
 Gætulusve leo, frangere persequor.  
 Tandem desine matrem  
 Tempestiva sequi viro.

## ODE XXIV.

### AD VIRGILIUM.

QUIS desiderio sit pudor aut modus  
 Tam cari capitis? Præcipe lugubres  
 Cantus, Melpomene, cui liquidam Pater  
 Vocem cum citharâ dedit.

Ergo Quinctilium perpetuus sopor  
 Urget! cui Pudor, et Justitiæ soror  
 Incorrupta Fides, nudaque Veritas,  
 Quando ullum inveniet parem?

Multis ille bonis flebilis occidit;  
 Nulli flebilior quàm tibi, Virgili.  
 Tu frustrâ pius, heu! non ita creditum  
 Poscis Quinctilium deos.

Quod si Threicio blandius Orpheo  
 Auditam moderere arboribus fidem,  
 Non vanæ redeat sanguis imagini  
 Quam virgâ semel horridâ,

Non lenis precibus fata recludere  
 Nigro compulerit Mercurius gregi.  
 Durum ! Sed levius fit patientiâ  
 Quidquid corrigere est nefas.

## ODE XXV.

AD LYDIAM.

PANGIUS junctas quatunt fenestras  
 Ictibus crebris juvenes protervi,  
 Nec tibi somnos adimunt; amatque  
 Janua limen,

Quæ prius multum faciles movebat  
 Cardines. Audis minus et minus jam,  
 ME TUO LONGAS PEREUNTE NOCTEA,  
 LYDIA, DORMIS !

Invicem mœchos anus arrogantes  
 Flebis in solo levis angiportu,  
 Thracio bacchaute magis sub inter-  
 lunia vento :

Quum tibi flagrans amor, et libido  
 Quæ solet matres furiare equorum,  
 Sæviet circa jecur ulcerosum;  
 Non sine questu,

Læta quod pubes edera virenti  
 Gaudet pullâ magis atque myrto;  
 Aridas frondes hiemis sodali  
 Dedicet Euro.

## ODE XXVI.

DE AELIO LAMIA.

**M**USIS amicus, tristitiâ et metus  
 Tradam protervis in mare Creticum  
 Portare ventis: quis sub Arcto  
 Rex gelidæ metuatur oræ,

Quid Teridatan terreat, unice  
 Securus. O, quæ fontibus integris  
 Gaudes, apricos necte flores,  
 Necte meo Lamiae coronam,

Pimplei dulcis! nil sine te mei  
 Possunt honores: hunc fidibus novis,  
 Hunc Lesbio sacrare plectro,  
 Teque tuasque decet sorores,

## ODE XXVII.

AD SODALES.

**N**ATIS in usum lætitiæ scyphis  
 Pugnare, Thracum est. Tollite barbarum  
 Morem, verecundumque Bacchum  
 Sanguineis prohibete rixis.

Vino et lucernis Medus acinaces  
 Immanè quantum discrepat! Impium  
 Lenite clamorem, sodales,  
 Et cubito remanete presso.

## CARMINUM LIB. I.

17

Vultis severi me quoque sumere  
Partem Falerni? dicat Opuntiae  
Frater Megillae quo beatus  
Vulnere, quâ pereat sagittâ.

Cessat voluntas? noni aliâ bibam  
Mercede. Quæ te cumque domat Venus,  
Non erubescendis adurit  
Ignibus, ingenuoque semper

Amore peccas. Quidquid habes, age,  
Depone tutis auribus.... Ah miser!  
Quantâ laborabas Charybdi,  
Digne puer meliore flammâ!

Quæ saga, quis te solvere Thessalia  
Magus venenis, quis poterit Deus?  
Vix illigatum te triformi  
Pegasus expedit Chimæra.

---

## ODE XXVIII.

### ARCHYTAS.

**T**e maris et terræ numeroque carentis arenæ  
Mensorem cohibent, Archyta,  
Pulveris exigui prope littus parva Matinum  
Munera; nec quidquam tibi prodest  
Aërias tentasse domos, animoque rotundum  
Percurrisse polum, morituro!

Occidit et Pelopis genitor conviva deorum,  
Tithonusque remotus in auras,  
Et Jovis arcanis Minos admissus: habentque  
Tartara Panthoiden, iterum Orco

Demissum, quamvis, clypeo Trojana refixo  
 Tempora testatus, nihil ultra  
 Nervos atque cutem morti concesserat atræ;  
 Judice me, non sordidus auctor  
 Naturæ verique. Sed omnes una manet nox,  
 Et calcanda semel via leti.  
 Dant alios Furis torvo spectacula Marti;  
 Exitio est avidum mare nautis:  
 Mixta senum ac juvenum densentur funera; nullum  
 Sæva caput Proserpina fugit.  
 Me quoque devexi rapidus comes Orionis  
 Illyricis Notus obruit undis.  
 At tu, nauta, vagæ ne parce malignus arenæ  
 Ossibus et capiti inhumato  
 Particulam dare: sic, quodcumque minabitur Eurus  
 Fluctibus Hesperii, Venusinæ  
 Plectantur silvæ, te sospite; multaue merces,  
 Unde potest, tibi defluat æquo  
 Ab Jove, Neptunoque sacri custode Tarenti!  
 Negligis immeritis nocituram  
 Post modo te natis fraudem committere? Fors et  
 Debita jura vicesque superbæ  
 Te maneant ipsum: precibus non linquar inultis;  
 Teque piacula nulla resolvent.  
 Quamquam festinas, non est mora longa; licebit  
 Injecto ter pulvere curras.

## ODE XXIX.

## AD ICCIUM.

Icci, beatis nunc Arabum invades  
 Gazis, et acrem militiam paras  
 Non antè devictis Sabæ  
 Regibus, horribiliq; Medo



Nectis catenas. Quæ tibi virginum,  
Sponso necato, barbara serviet?  
Puer quis ex aulâ capillis  
Ad cyathum statuatur unctis,

Doctus sagittas tendere Sericas  
Arcu paterno? Quis neget arduis  
Pronos relabi posse rivos  
Montibus, et Tiberim reverti;

Quum tu coemptos undique nobiles  
Libros Panæti, Socraticam et domum  
Mutare loricis Iberis,  
Pollicitus meliora, tendis?

---

### ODE XXX.

#### AD VENEREM.

**O** VENERUS, regina Gnidi Paphique,  
Sperne dilectam Cypron, et vocantis  
Thure te multo Glyceræ decoram  
Transfer in ædem.

Fervidus tecum puer, et solutis  
Gratiæ zonis, properentque Nymphæ,  
Et parum comis sine te Juventas,  
Mercuriusque.

## ODE XXXI.

## AD APOLLINEM.

QUIBUS dedicatum poscit Apollinem  
Vates? quid orat, de paterâ novum  
Fundens liquorem? Non opimas  
Sardiniae segetes feracis:

Non æstuosæ grata Calabriæ  
Armenta; non aurum aut ebur Indicum;  
Nec rura quæ Liſia, quietâ  
Mordet aquâ, taciturnus amnis.

Fremant Calenâ falce, quibus dedit  
Fortuna, vitem: dives et aureis  
Mercator exsiccet culullis  
Vina Syra reparata merce,

Dis carus ipais; quippe ter et quater  
Anno revisens æquor Atlanticum  
Impunè. Me pascant oliuæ,  
Me cichorea, levesque malvæ.

Frui paratis et valido mihi,  
Latoë, dones, et, precor, integrâ  
Cum mente; nec turpem senectam  
Degere, nec citharâ carentem.

## ODE XXXII.

AD LYRAM.

**P**OSCIMUR... si quid vacui sub umbrâ  
Lusimus tecum, quod et hunc in annum  
Vivat, et plures; age, dic Latinum,  
Barbite, carmen;

Lesbio primum modulate civi,  
Qui ferox bello, tamen inter arma,  
Sive jactatam religarat udo  
Littore navim,

Liberum, et Musas, Veneremique, et illi  
Semper hærentem Puerum, canebat,  
Et Lycum nigris oculis nigroque  
Crine decorum.

O decus Phœbi, et dapibus supremi  
Grata testudo Jovis, ô laborum  
Dulce lenimen, mihi cunque salve  
Rite vocanti!

## ODE XXXIII.

AD ALBIUM TIBULLUM.

**A**LBI, ne doleas plus nimio, memor  
Immitis Glycæ; neu miserabiles  
Decantes elegos, cur tibi junior  
Læsâ præniteat fide.



Insignem tenui fronte Lycorida  
 Cyri torret amor; Cyrus in asperam  
 Declinat Pholoën; sed prius Appulis  
 Jungentur capreae lupis,

Quàm turpi Pholoë peccet adultero.  
 Sic visum Veneri, cui placet impares  
 Formas atque animos sub juga ahenæ  
 Sævo mittere cum joco.

Ipsum me melior quum peteret Venns,  
 Gratâ detinuit compede Myrtale  
 Libertina, fretis acrior Hadriæ  
 Curvantis Calabros sinus.

## ODE XXXIV.

## AD SEIPSUM.

Placuis deorum cultor, et infrequens,  
 Insanientis dum sapientiæ  
 Consultus erro; nunc retrorsùm  
 Vela dare, atque iterare cursus

Cogor relictos. Namque Diespiter,  
 Igni corusco nubila dividens  
 Plerumque, per purum tonantes  
 Egit equos, volucremque currum:

Quo bruta tellus, et vaga flumina,  
 Quo Styx, et invisi horrida Tænari  
 Sedes, Atlantensque finis  
 Concutitur. Valet ima summis



Mutare, et insignia attennat Deus,  
Obscura promens: hinc apicem rapax  
Fortuna cum stridore acuto  
Sustulit; hic posuisse gaudet.

---

## ODE XXXV.

## AD FORTUNAM ANTIATEM.

O DIVA, gratum quæ regis Antium,  
Præsens vel imo tollere de gradu  
Mortale corpus, vel superbos  
Vertere funeribus triumphos:

Te pauper ambit sollicitâ prece  
Ruris colonus; te dominam æquoris,  
Quicumque Bithynâ lacessit  
Carpathium pelagus carinâ.

Te Dacus asper, te profugi Scythæ,  
Urbesque, gentesque, et Latium ferox,  
Regumque matres barbarorum, et  
Purpurei metuunt tyranni,

Injurioso ne pede prornas  
Stantem columnam, neu populus frequens  
Ad arma cessantes ad arma  
Concitet, imperiumque frangat.

Te semper anteit sæva Necessitas,  
Clavos trabales et cuneos manu  
Gestans ahenâ; nec severus  
Uncus abest, liquidumque plumbum.

Te Spes et albo rara Fides colit  
 Velata panno; nec comitem abnegat,  
 Utcumque mutata potentes  
 Veste domos inimica linquis.

At vulgus infidum et meretrix retro  
 Perjura cedit: diffugiunt cadis  
 Cum face siccatis amici,  
 Ferre jugum pariter dolosi.

Serves iturum Cæsarem in ultimos  
 Orbis Britannos, et juvenum recens  
 Examen Eois timendum  
 Partibus, Oceanoque rubro.

Eheu! cicatricum et sceleris pudet,  
 Fratrumque. Quid nos dura refugimus  
 Aetas? quid intactum nefasti  
 Liquimus? unde manum juvenus

Metu deorum continuit? quibus  
 Pepercit aris?... O utinam nova  
 Incude diffingas retusum in  
 Massagetis Arabasque ferrum!

## ODE XXXVI.

AD PLOTIUM NUMIDAM.

Et thure et fidibus juvat  
 Placare, et vituli sanguine debito  
 Custodes Numidæ deos,  
 Qui nunc Hesperia sospes ab ultima



Caris multa sodalibus,  
 Nulli plura tamen dividit oscula,  
 Quàm dulci Lamiae; memoi  
 Actæ non alio rege puertis,  
 Mutatæque simul togæ,  
 Cressâ ne careat pulchra dies notâ;  
 Neu promptæ modus amphoræ:  
 Neu morem in Salium sit requies pedum:  
 Neu multi Damalis meri.  
 Bassum Threiciâ vincat amystide:  
 Neu desint epulis rosæ,  
 Neu vivax apium, neu breve lilium.  
 Omnes in Damalin putres  
 Deponent oculos: nec Damalis novo  
 Divelletur adultero,  
 Lascivis ederis ambitiosior.

## ODE XXXVII.

## AD SODALES.

Nunc est bibendum, nunc pede libero  
 Pulsanda tellus; nunc Saliaribus  
 Ornare pulvinar deorum  
 Tempus erat dapibus, sodales.

Antehac nefas depromere Cæcubum  
 Cellis avertis, dum Capitolio  
 Regina dementes ruinas  
 Funus et imperio parabat,

Contaminato cum grege turpium  
 Morbo virorum, quidlibet impotens

Sperare, fortunâque dulci  
Ebria. Sed minuit furorem

Vix una sospes navis ab ignibus:  
Mentemque lymphatam Mareotico  
Redegit in veros timores  
Cæsar, ab Italiâ volentem

Remis adurgens, sociipiter velut  
Molles columbas, aut leporem citus  
Venator in campis nivalis  
Hæmonia, daret ut catenis

Fatale monstrum: quæ generosius  
Perire quærens, nec muliebritur  
Expavit ense, nec latentes  
Classe citâ reparavit oras:

Ansa et jacentem visere regiam  
Vultu sereno, fortia et asperas  
Tractare serpentes, ut atrum  
Corpore combiberet venenum;

Deliberatâ morte ferocior:  
Sævis Liburnis scilicet invidens  
Privata deduci superbo  
Non humilis mulier triumpho.

## ODE XXXVIII.

AD PUERUM.

Pueros odi, puer, apparatus;  
Displicent nexæ phylaræ coronæ;

CARMINUM LIB. I.

37

Mitte sectari rose quo locorum  
Sera moretur.

Simplici myrto nihil allabores  
Sedulus curæ : neque te ministrum  
Dedecet myrtus, neque me sub arcâ  
Vite bibentem.

QUINTI  
HORATII FLACCI  
CARMINUM  
LIBER SECUNDUS.

---

ODE I.  
AD ASINIUM POLLIONEM.

**M**orum ex Metello consule civicum,  
Bellique causas, et vitia, et modos,  
Ludumque Fortunæ, gravesque  
Principum amicitias, et arma

Nondum expiatis uncta cruoribus,  
Periculosa plenum opus aleæ,  
Tractas, et incedis per ignes  
Suppositos cineri doloso,

Paulum severæ musa tragœdiæ  
Desit theatris: mox, ubi publicas  
Res ordinâris, grande munus  
Cecropio repetes cothurno,

Insigne mœstis præsidium reis,  
Et consulenti, Pollio, curiæ;

**Q. HORATII FLACCI, etc. 39**

Cui laurus æternos honores  
Dalmatico peperit triumpho.

**Jam nunc minaci mrmure cornuum  
Perstringis aures: jam litui strepant;  
Jam fulgor armorum fugaces  
Terret equos, equitumque vultus.**

**Audire magnos jam videor duces  
Non indecoro pulvere sordidos,  
Et cuncta terrarum subacta,  
Præter atrocem animum Catonis.**

**Juno, et deorum quisquis amior  
Afris inultâ cesserat impotens  
Tellure, victorum nepotes  
Rettulit inferias Jugurthæ.**

**Quis non, Latino sanguine pinguior,  
Campus sepulcris impia prælia  
Testatur, auditumque Medis  
Hesperiae sonitum ruinæ?**

**Qui gurgēs, aut quæ flumina lugubris  
Ignara belli? quod mare Dauniæ  
Non decoloravere cædes?  
Quæ caret ora cruore nostro?**

**Sed ne relictis, mœsa prociis,  
Cææ retractes munera nœniæ:  
Mecum Dionæo sub antro  
Quære modos levioꝛe plectro.**



## ODE II.

## AD CRISPUM SALLUSTIUM.

**N**ULLUS argento color est avaris  
Abdito terris, inimice laminae  
Crispe Sallusti, nisi temperato  
Splendeat usu.

Vivet extento Procleius ævo,  
Notus in fratres animi paterni:  
Illum ager pennâ metuente solvi  
Fama superstes.

Latius regnes avidum domando  
Spiritus, quàm si Libyam remotis  
Gadibus jungas, et uterque Pœnus  
Serviat uni.

Crescit indulgens sibi dirus hydrops;  
Nec sitim pellit, nisi causa morbi  
Fugerit venis, et aquosus albo  
Corpore languor.

Redditum Cyri solio Phraaten,  
Dissidens plebi, numero beatorum  
Eximit virtus; populumque falsis  
Dedocet uti

Vocibus; regnum et diadema tutum  
Deferens uni, propriamque laurum,  
Quisquis ingentes oculo irretorto  
Spectat acervos.

## ODE III.

## AD DELLIUM.

**A**QUAM memento rebus in arduis  
Servare mentem, non secus in bonis  
Ab insolenti temperatam  
Lætitiâ, moriture Delli,

Seu mœstus omni tempore vixeris,  
Seu te in remoto gramine per dies  
Festos reclinatum beâris  
Interiore notâ Falerni,

Quâ pinus ingens albaque populus  
Umbram hospitalẽ consociare amant  
Ramis, quâ et obliquo laborat  
Lympha fugax trepidare rivo.

Huc vina, et unguenta, et nimiũ brevis  
Flores amœnos ferre jube rosæ,  
Dum res, et ætas, et sororum  
Fila trium patiuntur atra.

Cedes coemptis saltibus, et domo,  
Villâque flavus quam Tiberis lavit:  
Cedes; et exstructis in altum  
Divitiis potietur hæres.

Divesne, prisco natus ab Inacho,  
Nil interest, an pauper, et infimâ

De gente, sub divo moreris,  
Victima nil miserantis Orci.

Omnes eodem cogimur: omnium  
Versatur urna; seriùs ociùs  
Sors exitura, et nos in æternum  
Exilium impositura cymbæ.

## ODE IV.

### AD XANTHIAM PHOCEUM.

Næ sit ancillæ tibi amor pudori,  
Xanthia Phocæ. Priùs insolentem  
Sera Briseis niveo colore  
Movit Achillem.

Movit Ajacem Telamone natum  
Forma captivæ dominum Tecmessæ.  
Arsit Atrides medio in triumpho  
Virgine raptâ,

Barbaræ postquam cecidere turmæ,  
Thessalo victore, et ademptus Hector  
Tradidit fessis leviora tolli  
Pergama Graiis.

Nescias an te generum beati  
Phyllidis flavæ decorent parentes:  
Regium certè genus et Penates  
Mœret iniquos.

Crede non illam tibi de scelestâ  
Plebe dilectam, neque sic fidelem,

Sic lucro aversam, potuisse nasci  
Matre pudendâ.

Brachia et vultum teretesque suras  
Integer laudo : fuge auspicari,  
Cujus octavum trepidavit sætas  
Claudere lustrum.

---

### ODE V.

NONDUM subactâ ferre jugum valet  
Cervice; nondum munia comparis  
Aequare, nec tauri ruentis  
In Venerem tolerare pondus.

Circa virentes est animus tuæ  
Campos juvencæ, nunc fluvii gravem  
Solantis æstum, nunc in udo  
Ludere cum vitulis salicto

Prægestientis. Tolle cupidinem  
Immitis uvæ: jam tibi lividos  
Distinguet autumnus racemos  
Purpureo varius colore.

Jam te sequetur (currit enim ferox  
Aetas, et illi, quos tibi dempserit,  
Apponet annos); jam protervâ  
Fronte petet Lalage maritum:

Dilecta, quantum non Pholoë fugax;  
Non Chloris, albo sic humero nitens,  
Ut pura nocturno renidet  
Luna mari; Gnidiæve Gyges,

Quem si puellarum insereres choro,  
 Mirè sagaces falleret hospites  
 Discrimen obscurum, solutis  
 Crinibus ambiguoque vultu.

## ODE VI.

## AD SEPTIMIUM.

SEPTIMI, Gades aditure mecum, et  
 Cantabrum indoctum juga ferre nostra, et  
 Barbaras Syrtes, ubi Maura semper  
 Aestuat unda :

Tibur, Argeo positum colono,  
 Sit meæ sedes utinam semectæ!  
 Sit modus lasso maris, et viarum,  
 Militiæque!

Unde si Parcæ prohibent iniquæ,  
 Dulce pellitis ovibus Galæsi  
 Flumen, et regnata petam Laconi  
 Rura Phalanto.

Ille terrarum mihi præter omnes  
 Angulus ridet, ubi non Hymetto  
 Mella decedunt, viridique certat  
 Bacca Venafro;

Ver ubi longum, tepidasque præbet  
 Juppiter brumas; et amicus Aulon  
 Fertili Baccho, minimùm Falernis  
 Invidet uvis.

Ille te mecum locus et beatae  
Postulant arces : ibi tu caentem  
Debita sparges lacrymâ favillam  
Vatis amici.

# ODE VII.

## AD POMPEIUM.

O sâpè mecum tempus in ultimum  
Deducte, Bruto militiæ dace,  
Quis te redonavit Quiritem  
Dis patriis, italoque cœlo,

Pompei, meorum prime sodalium,  
Cum quo morantem sæpè diem mero  
Fregi, coronatus nitentes  
Malobathro Syrio capillos?

Tecum Philippos et celerem fugam  
Sensi, relictâ non bene parmâ,  
Quum fracta virtus et minaces  
Turpe solum tetigere mento.

Sed me per hostes Mercurius celer  
Denso paventem sustulit aëre :  
Te rursus in bellum resorbens  
Unda fretis tulit æstuosâ.

Ergo obligatam redde Jovi dapem,  
Longâque fessum militiâ latus  
Depone sub lauro meâ: nec  
Parce cadis tibi destinatis.

Oliviosos lævia Massico  
 Ciboria exple: funde capacibus  
 Unguenta de conchis. Quia udo  
 Deproperare apio coronas

Curatve myrto? quem Venus arbitrum  
 Dicet bibendi? Non ego sanius  
 Bacchabor Edonis: recepto  
 Dulce mihi furere est amico.

## ODE VIII.

AD BARINEN.

ULLA si juris tibi pejerati  
 Poena, Barine, nocuisset umquam;  
 Dente si nigro fieres vel uno  
 Turpior ungui;

Crederem. Sed tu, simul obligasti  
 Perfidum votis caput, enitescis  
 Pulchrior multò, juvenumque prodis  
 Publica cura.

Expedit matris cineres opertos  
 Fallere, et toto taciturna noctis  
 Signa cum cœlo, gelidâque divos  
 Morte carentes.

Ridet hoc, inquam, Venus ipsa; rident  
 Simples Nymphæ, ferus et Cupido,  
 Semper ardentes acens sagittas  
 Cote cruentâ.

CARMINUM LIB. II.

47

Adde quod pubes tibi crescit omnis,  
Servitus crescit nova; nec priores  
Impiæ tectum dominæ relinquunt,  
Sæpe minati.

Te suis matres metuunt juvenis;  
Te senes parci; miseræque nuper  
Virgines nuptæ, tua ne retardet  
Aura maritos.

---

ODE IX.

AD VALGIUM.

**N**ow semper imbres nubibus hispidos  
Manant in agros, aut mare Caspium  
Vexant inæquales procellæ  
Usque; nec Armeniis in oris,

Amice Valgi, stat glacies iners  
Menses per omnes; aut aquilonibus  
Querceta Gargani laborant,  
Et foliis viduantur orni.

Tu semper urges flebilibus modis  
Mysten, ademptum: nec tibi vespero  
Surgente decedunt amores,  
Nec rapidum fugiente solem.

At non ter ævo functus amabilem  
Ploravit omnes Antiochum senex  
Annos: nec impubem parentes  
Troilon, aut Phrygiæ sorores,



Flevire semper. Desine mollium  
Tandem querelarum : et potius nova  
Cantemus Augusti tropæa  
Cæsaris, et rigidum Niphaten,

Medumque flumen, gentibus additum  
Victis, minores volvere vortices,  
Intraque præscriptum Gelonos  
Exiguus equitare campis.

## ODE X.

## AD LICINIUM.

**R**ECTIUS vives, Licini, neque altum  
Semper urgendo, neque, dum procellas  
Cantus horrescis, nimium premendo  
Littus iniquum.

Auream quisquis mediocritatem  
Diligit, tutus caret obsoleti  
Sordibus tecti, caret invidendâ  
Sobrius aulâ.

Savius ventis agitur ingens  
Pinus : et cœles graviore casu  
Decidunt turres ; feriuntque summos  
Fulgura montes.

Sperat infestis, metuit secundis,  
Alteram sortem bene præparatum  
Pectus. Informes hiemes reduci;  
Juppiter, idem

Submovet. Non, si malè nunc, et olim  
Sic erit: quondam citharà tacentem  
Suscitât musam, neque semper arcum  
Tendit Apollo.

Rebus angustis animosus atque  
Fortis appare: sapienter idem  
Contraheis vento nimium secundo  
Turgida vela.

---

## ODE XI.

### AD QUINCTIUM.

QUIO bellicosus Cantaber, et Scythes,  
Hirpine Quincti, cogitet, Hadriâ  
Divisus objecto, remittas  
Quærere: nec trepides in usum

Poscentis ævi pauca. Fugit retro  
Levis Juventas, et Decor, aridâ  
Pellente lascivos Amores  
Canitie, facilemque Somnum.

Non semper idem floribus est honor  
Vernis; neque uno Luna rubens nitet  
Vultu: quid æternis minorem  
Consiliis animum fatigas?

Cur non sub altâ vel platano vel hâc  
Pinnâ jacentes sic temerè, et rosâ  
Canos odorati capillos,  
Dum licet, Assyriâque nardo

Potamus uncti? Dissipat Evius  
 Curas edaces. Quis puer ociùs  
 Restinguet ardentis Falerni  
 Pocula prætereunte lymphâ?

Quis devium scortum eliciet domo  
 Lyden? eburnâ, dic age, cum lyrâ  
 Matures, in comptum Lacœnæ  
 More comam religata nodum.

## ODE XII.

### AD MAECENATEM.

**N**OLIS longa feræ bella Numantiæ,  
 Nec durum Hannibalem, nec Siculum mare  
 Pœno purpureum sanguine, mollibus  
 Aptari citharæ modis;

Nec sævos Lapithas, et nimium mero  
 Hylæum; domitosve Herculeâ manu  
 Telluris juvenes, unde periculum  
 Fulgens contremuit domus

Satnrni veteris. Tuque pedestribus  
 Dices historiis prælia Cæsaris,  
 Mæcenas, melius, ductaque per vias  
 Regum colla minantium.

Me dulcis dominæ musa Licymniæ  
 Cantus, me voluit dicere lucidum  
 Fulgentes oculos, et bene mutuis  
 Fidum pectus amoribus:

CARMINUM LIB. II.

51

Quam nec ferre pedem dedecuit choris,  
Nec certare joco, nec dare brachia  
Ludentem nitidis virginibus, sacro  
Dianæ celebris die.

Num tu, quæ tenuit dives Achæmenes,  
Aut pinguis Phrygiæ Mygdonias opes,  
Permutare velis crine Licymniæ,  
Plenas aut Arabum domos?

Dum fragrantia detorquet ad oscula  
Cervicem, aut facili sævitiâ negat,  
Quæ poscente magis gaudet eripi,  
Interdum rapere occupet.

---

ODE XIII.

IN ARBOREM.

ILLÆ et nefasto te posuit die,  
Quicumque primum et sacrilegæ manu  
Produxit, arbos, in nepotum  
Perniciem, opprobriumque pagi:

Illum et parentis crediderim sui  
Fregisse cervicem, et penetralia  
Sparsisse nocturno cruore  
Hospitis: ille venena Colcha,

Et quidquid usquam concipitur nefas,  
Tractavit, agro qui statuit meo  
Te, triste lignum, te, caducum  
In domini caput immerentis.

## Q. HORATII FLACCI

Quid quisque vitet, numquam homini satis  
Cautum est, in horas. Navita Bosporum  
Poenus perhorrescit, neque ultra  
Cæca timet aliunde fata;

Miles sagittas et celerem fugam  
Parthi; catenas Parthus et Italum  
Robur: sed improvisa leti  
Vis rapuit rapietque gentes.

Quàm penè furvæ regna Proserpinæ,  
Et judicantem vidimus Aeacum;  
Sedesque discretas piorum et  
Aeoliis fidibus querentem

Sappho puellis de popularibus;  
Et te sonantem plenius aureo,  
Alcæ, plectro dura navis,  
Dura fugæ mala, dura belli!

Utrumque sacro digna silentio  
Mirantur umbræ dicere: sed magis  
Pugnas et exactos tyrannos  
Densum humeris bibit aure vulgus.

Quid mirum, ubi illis carminibus stupens  
Demittit atras bellua centiceps  
Aures, et intorti capillis  
Eumenidum recreantur angues?

Quin et Prometheus, et Pelopis parens,  
Dulci laborum decipitur sono:  
Nec curat Orion leones  
Aut timidos agitare lyncas.

## ODE XIV.

## AD POSTHUMUM.

**E**REU! fugaces, Posthume, Posthume,  
Labuntur anni: nec pietas moram  
Rugis et instanti senectæ  
Afferet, indomitæque morti.

Non, si trecentis quotquot eunt dies,  
Amice, places illacrymabilem  
Plutona tauris, qui ter amplum  
Geryonen Tityonque tristi

Compescit undâ, scilicet omnibus,  
Quicumque terræ munere vescimur,  
Enavigandâ, sive reges,  
Sive inopes erimus coloni.

Frustrâ cruento Marte carebimus,  
Fractisque rauci fluctibus Hadriæ;  
Frustrâ per autumnos nocentem  
Corporibus metuemus Austrum:

Visendus ater flumine languido  
Cocytus errans, et Danaï genus  
Infame, damnatusque longi  
Sisyphus Aeolides laboris.

Linquenda tellus, et domus, et placens  
Uxor: neque harum quas colis arborum  
Te, præter invisas cupressos,  
Ulla brevem dominum sequetur.

Absumet hæres cæcuba dignior  
 Servata centum clavibus ; et mero  
 Tinget pavimentum superbum  
 Pontificum potiore cœnis.

## ODE XV.

## IN SUI SÆCULI LUXURIAM.

JAM pauca aratro jugera regis  
 Moles relinquent : undique latius  
 Extenta visentur Lucrino  
 Stagna lacu ; platanusque cælebs

Evincet ulmos : tum violaria et  
 Myrtus , et omnis copia narium  
 Spargent olivetis odorem ,  
 Fertilibus domino priori :

Tum spissa ramis laurea servidos  
 Excludet ictus. Non ita Romuli  
 Præscriptum et intonsi Catonis  
 Auspiciis , veterumque normâ.

Privatus illis census erat brevis ,  
 Commune magnum : nulla decempedis  
 Metata privatis opacam  
 Porticus excipiebat Arcton :

Nec fortuitum spernere cespitem  
 Leges sinebant , oppida publico  
 Sumptu jubentes et deorum  
 Tempia novo decorare saxo.

## ODE XVI.

## AD GROSPHUM.

**O**TIUM divos rogat in patenti  
Prensus Aegæo, simul atra nubes  
Condidit lunam, neque certa fulgent  
Sidera nautis :

Otium bello furiosa Thrace,  
Otium Medi pharetrâ decori,  
Grosphe, non gemmis, neque purpurâ ve-  
nale, neque auro.

Non enim gazæ, neque consularis  
Submovet lictor miseros tumultus  
Mentis, et curas laqueata circum  
Tecta volantes.

Vivitur parvo bene, cui paternum  
Splendet in mensâ tenui salinum :  
Nec leves somnos timor aut cupido  
Sordidus aufert.

Quid brevi fortes jaculamur ævo  
Multa? Quid terras alio calentes  
Sole mutamus? Patriæ quis exul  
Se quoque fugit?

Scandit æratas vitiosa naves  
Cura; nec turmas equitum relinquit,  
Ocior cervis, et agente nimbo  
Ocior euro.



Lætus in præsens animus quod ultrà est  
 Oderit curare, et amara lento  
 Temperet risu. Nihil est ab omni  
 Parte beatum.

Abstulit clarum cita mors Achillem ;  
 Longa Tithonum minuit senectus ;  
 Et mihi forsàn, tibi quod negàrit,  
 Porriget hora.

Te greges centum Siculæque circum  
 Mugiant vaccæ ; tibi tollit hinnitum  
 Aptæ quadrigis equa ; te bis Afro  
 Murice tinctæ

Vestiunt lanæ : mihi parva rura et  
 Spiritum Græjæ tenuem Camenæ  
 Parca non mendax dedit, et malignum  
 Spernere vulgus.

## ODE XVII.

### AD MÆCENATÈM AEGROTUM.

Cura me querelis exanimas tuis ?  
 Nec dis amicum est, nec mihi, te priùs  
 Obire, Mæcenas, mearum  
 Grande decus columenque rerum.

Ah ! te meæ si partem animæ rapit  
 Maturior vis, quid moror altera,  
 Nec carus æquè, nec superstes  
 Integer ? Ille dies utramque

Non trabes Hymettiae  
Premunt columnas ultimâ recisas  
Africâ : neque Attali  
Ignotus hæres regiam occupavi :  
Nec Laconicas mihi  
Trahunt honestæ purpuras clientæ.  
At fides et ingeni  
Benigna vena est ; pauperemque dives  
Me petit : nihil suprâ  
Deos lacesso ; nec potentem amicum  
Largiora flagito ,  
Satis beatus unicus Sabinis.  
Truditur dies die ,  
Novæque pergunt interire lunnæ :  
Tu secunda marmora  
Locas sub ipsûm funus ; et , sepulcri  
Immemor , struis domos ;  
Marisque Baiis obstrepentis urges  
Submovere littora ,  
Parum locuples continente ripâ.  
Quid ? quod usque proximos  
Revellis agri terminos , et ultra  
Lîmites clientium  
Salis avarus ; pellitur paternos  
In sinu ferens deos  
Et uxor , et vir , sordidosque natos !  
Nulla certior tamen ,  
Rapacis Orci sine , destinata  
Aula divitem manet  
Herum. Quid ultrâ tendis ? Aequa tellus  
Pauperi recluditur  
Regumque pueris : nec satelles Orci  
Callidum Promethea  
Revenit , auro captus. Hic superbum  
Tantalum atque Tantali  
Genus coercet : hic levare functum

Pauperem laboribus ,  
Vocatus atque non vocatus, audit.

---

## ODE XIX.

## IN BACCHUM.

BACCHUM in remotis carmina rupibus  
Vidi docentem (credite, posteri),  
Nymphasque discentes, et aures  
Capripedum Satyrorum acutas.

Evoe! recenti mens trepidat metu ,  
Plenoque Bacchi pectore turbidum  
Lætatur! Evoe! parce, Liber!  
Parce, gravi metuende thyrsos!

Fas pervicaces est mihi Thyiadas ,  
Vinique fontem, lactis et uberes  
Cantare rivos, atque truncis  
Lapsa cavis iterare mella.

Fas et beatæ conjugis additum  
Stellis honorem, tectaque Penthei  
Disjecta non leni ruinâ,  
Thracis et exitium Lycurgi.

Tu flectis amnes, tu mare barbarum:  
Tu separatis uvidus in jugis  
Nodo coerces viperino  
Bistonidum sine fraude crines :

Tu, quum parentis regna per arduum  
Cohors Gigantum scanderet impia,

Rhœtum retorsisti leonis  
Unguibus horribilique malâ ;

Quamquam , choreis aptior et jocis  
Ludoque dictus , non sat idoneus  
Pugnæ ferebaris : sed idem  
Pacis eras mediusque belli.

Te vidit insons Cerberus aureo  
Cornu decorum , leniter atterens  
Caudam ; et recedentis trilingui  
Ore pedes tetigitque crura.

## ODE XX.

### AD MAECENATEM.

Non usitatâ , non tenui ferar  
Pennâ biformis per liquidum æthera  
Vates : neque in terris morabor  
Longius : invidiâque major

Urbes relinquam. Non ego , pauperum  
Sanguis parentum , non ego , quem vocas  
Dilecte , Mæcenas , obibo ,  
Nec Stygiâ cohibebor undâ.

Jam jam residunt cruribus asperæ  
Pelles : et album nutor in alitem  
Superna : nascunturque leves  
Per digitos humerosque plumæ.

Jam Dædaleo ocior Icaro  
Visam gementis littora Bospori ,



C A R M I N U M L I B. I I.

61

Syrtesque Gætulas, canorus  
Ales, Hyperboreosque campos.

Me Colchus, et qui dissimulat metum  
Marsæ cohortis Dacus, et ultimi  
Noscent Geloni : me peritus  
Discet Iber, Rhodanique potor.

Absint inani funere nœniæ,  
Luctusque turpes, et querimoniz :  
Compesce clamorem, ac sepulcri  
Mitte supervacuos honores.



QUINTI  
HORATII FLACCI  
CARMINUM  
LIBER TERTIUS.

---

ODE I.

**O**di profanum vulgus, et arceo.  
Favete linguis : carmina non prius  
Audita Musarum sacerdos  
Virginibus puerisque canto.

Regum timendorum in proprios greges,  
Reges in ipsos imperium est Jovis,  
Clari Giganteo triumpho,  
Cuncta supercilio moventis.

Est ut viro vir latius ordinet  
Arbusta sulcis; hic generosior  
Descendat in campum petitor;  
Moribus hic meliorque fama

Contendat; illi turba clientium  
Sit major : æquâ lege necessitas  
Sortitur insignes et imos;  
Omne capax movet urna nomen.

Districtus ensis cui super impiâ  
Cervice pendet, non Siculæ dapes  
Dulcem elaborabunt saporem;  
Non avium citharæque cantus

Somnum reducent. Somnus agrestium  
Lenis virorum non humiles domos  
Fastidit, umbrosamve ripam,  
Non Zephyris agitata Tempe:

Desiderantem quod satis est, neque  
Tumultuosum sollicitat mare,  
Nec sævus Arcturi cadentis  
Impetus, aut orientis Hædi:

Non verberatæ grandine vineæ;  
Fundusve mendax, arbore nunc aquas  
Culpante, nunc torrentia agros  
Sidera, nunc hiemes iniquas.

Contracta pisces æquora sentiunt,  
Jactis in altum molibus: huc frequens  
Cæmenta demittit redemptor  
Cum famulis, dominusque terræ

Fastidiosus: sed Timor et Minæ  
Scandunt eodem quò dominus; neque  
Decedit æratâ triremi, et  
Post equitem sedet atra Cura.

Quod si dolentem nec Phrygius lapis,  
Nec purpurarum sidere clarior  
Delenit usus, nec Falerna  
Vitis, Achæmeniumve costum;

Cur invidendis postibus et novo  
Sublime ritu moliar atrium?

Cur valle permutem Sabina  
Divitias operosiores?

---

## ODE II.

**A**UGUSTA amicè pauperiem pati  
Robustus acri militiâ puer  
Condiscat; et Parthos feroces  
Vexet eques metuendus hasta:

Vitamque sub divo et trepidis agat  
In rebus. Illum ex mœnibus hosticis  
Matrona bellantis tyranni  
Prospiciens, et adulta virgo,

Suspiret: Eheu! ne rudis agminum  
Sponsus lacessat regius asperum  
Tactu leonem, quem cruenta  
Per medias rapit ira cædes.

Dulce et decorum est pro patriâ mori:  
Mors et fugacem persequitur virum,  
Nec parcit imbellis juventæ  
Poplitibus timidove tergo.

Virtus, repulsæ nescia sordidæ,  
Intaminatis fulget honoribus:  
Nec sumit aut ponit secures  
Arbitrio popularis auræ.

Virtus, recludens immeritis mori  
Cælum, negatâ tentat iter viâ:  
Cœtusque vulgares et udam  
Spernit humum fugiente pennâ.





Est et fideli tuta silentio  
 Merces : vetabo, qui Cereris sacrum  
 Vulgârit arcanae, sub isdem  
 Sit trabibus, fragilemve mecum

Solvat faselnm. Sæpe Diespiter  
 Neglectus incesto addidit integrum :  
 Rarò antecedentem scelestum  
 Deservit pede Poena claudò.

### ODE III.

**J**ustum ac tenacem propositi virum  
 Non civium ardor prava jubentium,  
 Non vultus instantis tyranni  
 Mente quatit solidâ, neque Anster,

Dux inquieti turbidus Hadriæ,  
 Nec fulminantis magna Jovis manus :  
 Si fractus illabatur orbis,  
 Impavidum ferient ruinæ.

Hâc arte Pollux, et vagus Hercules,  
 Ensis, arces attigit igneas :  
 Quos inter Augustus recumbens  
 Purpureo bibit ore nectar.

Hâc te merentem, Bacche pater, tum  
 Vexere tigres, indocili jugum  
 Collo trahentes. Hâc Quirinus  
 Martis equis Acheronta fugit ;

Gratum eloquentâ consilientibus  
 Junone divis : Ilion, Ilion

Fatalis, incestusque iudex,  
Et mulier peregrina, vertit

In pulverem, ex quo destituit deos  
Mercede pactâ Laomedon, mihi  
Castæque damnatum Minervæ  
Cum populo et duce fraudulento.

Jam nec Lacæne splendet adulteræ  
Famosus hospes, nec Priami domus  
Perjura pugnaces Achivos  
Hectoreis opibus refringit;

Nostrisque ductum seditionibus  
Bellum resedit. Protenus et graves  
Iras, et invisum nepotem,  
Troica quem peperit sacerdos,

Marti redonabo. Illum ego lucidas  
Inire sedes, ducere nectaris  
Succos, et adscribi quietis  
Ordinibus patiar deorum.

Dum longus inter sæviat Ilion  
Romamque pontus; quâlibet exules  
In parte regnanto beati:  
Dum Priami Paridisque busto

Insultet armentum, et catulos feræ  
Celent inultæ; stet Capitolium  
Fulgens, triumphatisque possit  
Roma ferox dare jura Medis.

Horrenda late nomen in ultimas  
Extendat oras; quâ medius liquor  
Secernit Europen ab Afro,  
Quâ tumidus rigat arva Nilus:

Aurum irrepertum, et sic melius situm  
Quum terra celat, spernere fortior,  
Quàm cogere humanos in usus,  
Omne sacrum rapiente dextrâ.

Quicumque mundo terminus obstitit,  
Hunc tangat armis, visere gestiens  
Quâ parte debacchentur ignes,  
Quâ nebulae pluviique rores.

Sed bellicosus fata Quiritibus  
Hâc lege dico, ne, nimium pii,  
Rebusque fidentes, avitæ  
Tecta velint reparare Trojæ.

Trojæ renascens alite lugubri  
Fortuna tristi clade iterabitur,  
Ducente victrices catervas  
Conjuge me Jovis et sorore.

Ter si resurgat murus aeneus  
Auctore Phœbo; ter pereat meis  
Excisus Argivis; ter uxor  
Capta virum puerosque ploret.

Non hæc jocosæ conveniunt lyræ.  
Quò, musa, tendis? Desine pervicax  
Referre sermones deorum, et  
Magna modis tenuare parvis.

## ODE IV.

## AD CALLIOPEN.

**D**ESCENDE cœlo, dic age tibiâ  
Regina longum, Calliope, melos,  
Seu voce nunc mavis acutâ,  
Seu fidibus, citharâque Phœbi.

Auditis? an me ludit amabilis  
Insania? Audire et videor pios  
Errare per lucos, amœnæ  
Quos et aquæ subeunt et auræ.

Me fabulosæ, Vulture in Appulo,  
Altricis extra limen Apuliæ,  
Ludo fatigatumque somno  
Fronde novâ puerum palumbes

Texère: mirum quod foret omnibus,  
Quicumque celsæ nidum Acherontis,  
Saltusque Bantinos, et arvum  
Pingue tenent humilis Forenti;

Ut tuto ab atris corpore viperis  
Dormirem et ursis; ut premerer sacrâ  
Lauroque collatâque myrto,  
Non sine dis animosus infans.

Vester, Camœnæ, vester in arduos  
Tollor Sabinos; seu mihi frigidum  
Præneste, seu Tibar supinum,  
Seu liquidæ placuere Baiæ.

Vestris amicum fontibus et choris  
Non me Philippi versa acies retro,  
Devota non extinxit arbos,  
Nec Siculâ Palinurus undâ.

Utcumque mecum vos eritis, libens  
Insanientem navita Bosporum  
Tentabo, et arentes arenas  
Littoris Assyrii viator:

Visam Britannos hospitibus feros,  
Et lætum equino sanguine Concanum;  
Visam pharetratos Gelonos,  
Et Scythicum inviolatus amnem.

Vos Cæsarem altum, militiâ simul  
Fessas cohortes abdidit oppidis,  
Finire quærentem labores  
Pierio recreatis antro.

Vos lene consilium et datis, et dato  
Gaudetis, almæ. Scimus ut impios  
Titanas immanemque turmam  
Fulmine sustulerit caduco,

Qui terram inertem, qui mare temperat  
Ventosum, et urbes, regnaque tristia,  
Divosque, mortalesque turbas,  
Imperio regit unus æquo.

Magnum illa terrorem intulerat Jovi  
Fidens juvenus horrida brachiis,  
Fratresque tendentes opaco  
Pelion imposuisse Olympo.

Sed quid Typhœus, et validus Mimas,  
Aut quid minaci Porphyryon statu,

Quid Rhætas, evulsiq; truncis  
Enecclades jaculator audax,

Contra sonantem Palladis ægida  
Possent ruentes? Hinc avidus stetit  
Vulcanus; hinc matrona Juno, et  
Numquam humeris positurus arcum,

Qui rore puro Castaliæ lavit  
Crines solutos, qui Lyciæ temet  
Dumeta natalemque silvam,  
Delius et Patareus Apollo.

Vis consili expers mole ruit suâ:  
Vim temperatam di quoque provehunt  
In majus: idem odere vires  
Omne nefas animo moventes.

Testis mearum centimanus Gyges  
Sententiarum; notus et integræ  
Tentator Orion Dianæ,  
Virginæ domitus sagittâ.

Injecta monstros terra dolet suis,  
Mœretque partus fulmine luridum  
Missos ad Orcum: nec peredit  
Impositam celer ignis Aetnæ:

Incontinentis nec Tityi jecur  
Relinquit ales, nequitiz additus  
Custos: amatorem trecentæ  
Pirithoum cohibent catenæ.



## ODE V.

COELO tonantem credidimus Jovem  
Regnare : præsens divus habebitur  
Augustus, adjectis Britannis  
Imperio, gravibusque Persis.

Milesne Crassi conjuge barbarâ  
Turpis maritus vixit ! et hostium  
(Proh curia, inversique mores !)  
Consenuit socerorum in arvis,

Sub rege Medo, Marsus et Appulus,  
Anciliorum et nominis et togæ  
Oblitus, æternæque Vestæ,  
Incolumi Jove et urbe Româ !

Hoc caverat mens provida Reguli,  
Dissentientis conditionibus  
Fœdis, et exemplo trahenti  
Perniciem veniens in ævum,

Si non periret immiserabilis  
Captiva pubes. Signa ego Punicis  
Affixa delubris, et arma  
Militibus sine cæde, dixit,

Direpta vidi : vidi ego civium  
Retorta tergo brachia libero,  
Portasque non clausas, et arva  
Marte coli populata nostro.

Auro repensus scilicet acrior  
Miles redibit ? Flagitio additis

## Q. HORATII FLACCI

Quid Rhoetus, evulsisque truncis  
Euceladus jaculator audax,

Contra sonantem Palladis ægida  
Possent ruentes? Hinc avidus stetit  
Vulcanus; hinc matrona Juno, et  
Numquam humeris positurus arcum,

Qui rore puro Castaliæ lavit  
Crines solutos, qui Lyciæ tenet  
Dumeta natalemque silvam,  
Delius et Patareus Apollo.

Vis consili expers mole ruit suâ:  
Vim temperatam di quoque provehunt  
In majus: Idem odere vires  
Omne nefas animo moventes.

Testis mearum centimanus Gyges  
Sententiarum; notus et integræ  
Tentator Orion Dianæ,  
Virgineâ domitus sagittâ.

Injecta monstros terra dolet suis,  
Mœretque partus fulmine luridum  
Missos ad Orcum: nec peredit  
Impositam celer ignis Aetnæ:

Incontinentis nec Tityi jecur  
Relinquit ales; nequitiae additus  
Custos: amatorem trecentæ  
Pirithoum cohibent catenæ.





## ODE V.

Cœlo tonantem credidimus Jovem  
Regnare : præsens divus habebitur  
Augustus, adjectis Britannis  
Imperio, gravibusque Persis.

Milesne Crassi conjuge barbarâ  
Turpis maritus vixit ! et hostium  
(Proh curia, inversique mores !)  
Consenuit socerorum in arvis,

Sub rege Medo, Marsus et Appulus,  
Anciliorum et nominis et togæ  
Oblitus, æternæque Vestæ,  
Incolumi Jove et urbe Româ !

Hoc caverat mens provida Reguli,  
Dissentientis conditionibus  
Fœdis, et exemplo trahenti  
Perniciem veniens in ævum,

Si non periret immiserabilis  
Captiva pubes. Signa ego Punicis  
Affixa delubris, et arma  
Militibus sine cæde, dixit,

Direpta vidi : vidi ego civium  
Retorta tergo brachia libero,  
Portasque non clausas, et arva  
Marte coli populata nostro.

Auro repensus scilicet acrior  
Miles redibit ? Flagitio additis

Dammum. Neque amissos colores  
Lana refert medicata fuco;

Nec vera virtus, quum semel excidit,  
Curat reponi deterioribus.

Si pugnat extricata densis  
Cerva plagis; erit ille fortis,

Qui perfidis se credidit hostibus;  
Et Marte Pœnos proteret altero,  
Qui lora restrictis lacertis  
Sensit iners, timuitque mortem.

Hic, unde vitam sumeret inscius,  
Pacem duello miscuit. O pudor!  
O magna Carthago, probrosis  
Altior Italiæ ruinis!

Fertur pudicæ conjugis osculum,  
Parvosque natos, ut capitis minor,  
Ab se removisse, et virilem  
Torvus humi posuisse vultum:

Donec labantes consilio patres  
Firmaret auctor numquam aliàs dato,  
Interque mœrentes amicos  
Egregius properaret exul.

Atqui sciebat quæ sibi barbarus  
Tortor pararet: non aliter tamen  
Dimovit obstantes propinquos,  
Et populum reditus morantem,

Quàm si clientum longa negotia  
Dijudicatâ lite relinqueret,  
Tendens Venafranos in agros,  
Aut Lacedæmonium Tarentum.

## ODE VI.

AD ROMANOS.

**D**ELICTA majorum immeritus lues,  
Romane, donec templa refeceris,  
Aedesque labentes deorum, et  
Fœda nigro simulacra fumo.

Dīs te minorem quòd geris, imperas:  
Hinc omne principium, huc refer exitum.  
Dī multa neglecti dederunt  
Hesperiae mala luctuosæ.

Jam bis Monæses et Pacori manus  
Non auspicatos contudit impetus  
Nostros, et adjecisse prædam  
Torquibus exiguis renidet.

Penè occupatam seditionibus  
Delevit urbem Dacus et Aethiops;  
Hic classe formidatus, ille  
Missilibus melior sagittis.

Fecunda culpæ sæcula nuptias  
Primùm inquinavere et genus et domos:  
Hoc fonte derivata clades  
In patriam populumque fluxit.

Motus doceri gaudet Ionicos  
Matura virgo, et fingitur artibus:  
Jam nunc et incestos amores  
De tenero meditatur ungui.

## Q. HORATII FLACCI

Damnum. Neque amissos colores  
Lana refert medicata fuco;

Nec vera virtus, quum semel excidit,  
Curat reponi deterioribus.  
Si pugnat extricata densis  
Cerva plagis; erit ille fortis,

Qui perfidis se credidit hostibus;  
Et Marte Pœnos proteret altero,  
Qui lora restrictis lacertis  
Sensit iners, timuitque mortem.

Hic, unde vitam sumeret inascius,  
Pacem duello miscuit. O pudor!  
O magna Carthago, probrois  
Altior Italiæ ruinis!

Fertur pudicæ conjugis osculum,  
Parvosque natos, ut capitis minor,  
Ab se removisse, et virilem  
Torvus humi posuisse vultum:

Donec labantes consilio patres  
Firmaret auctor numquam aliâs dato,  
Interque mœrentes amicos  
Egregius properaret exul.

Atqui sciebat quæ sibi barbarus  
Tortor pararet: non aliter tamen  
Dimovit obstantes propinquos,  
Et populum reditus morantem,

Quàm si clientum longa negotia  
Dijudicatâ lite relinqueret,  
Tendens Venafranos in agros,  
Aut Lacedæmonium Tarentum.

## ODE VI.

## AD ROMANOS.

**D**ELICTA majorum immeritus lues,  
Romane, donec templa refeceris,  
Aedesque labentes deorum, et  
Fœda nigro simulacra fumo.

Dīs te minorem quòd geris, imperas:  
Hinc omne principium, huc refer exitum.  
Dī multa neglecti dederunt  
Hesperiae mala luctuosæ.

Jam bis Monæses et Pacori manus  
Non auspicatos contudit impetus  
Nostros, et adjecisse prædam  
Torquibus exiguis renidet.

Penè occupatam seditionibus  
Delevit urbem Dacus et Aethiops;  
Hic classe formidatus, ille  
Missilibus melior sagittis.

Fecunda culpæ sæcula nuptias  
Primum inquinavere et geus et domos:  
Hoc fonte derivata clades  
In patriam populumque fluxit.

Motus doceri gaudet Ionicos  
Matura virgo, et fingitur artibus:  
Jam nunc et incestos amores  
De tenero meditatur ungui.

Mox juniores quærit adulteros  
Inter mariti vina : neque elegit  
Cui donet impermissa raptum  
Gaudia, luminibus remotis ;

Sed jussa coram non sine conscio  
Surgit marito, seu vocat institor,  
Seu navis Hispanæ magister,  
Dedecorum pretiosus emptor.

Non his juvenus orta parentibus  
Infecit æquor sanguine Punico ,  
Pyrrhumque et ingentem cecidit  
Antiochum , Hannibalemque dirum :

Sed rusticorum mascula militum  
Proles, Sabellis docta ligonibus  
Versare glebas, et severæ  
Matris ad arbitrium recisos

Portare fustes, sol ubi montium  
Mutaret umbras, et juga demeret  
Bobus fatigatis, amicum  
Tempus agens abeunte curru.

Damnosa quid non imminuit dies?  
Aetas parentum, pejor avis, tulit  
Nos nequiores, mox daturos  
Progeniem vitiosiore.

## ODE VII.

AD ASTERIEN.

QUID fles, Asterie, quem tibi candidi  
Primo restituent vere Favonii,  
Thynâ merce beatum,  
Constanti juvenem fide,

Gygen? Ille, Notis actus ad Oricum  
Post insana Capræ sidera, frigi las  
Noctes non sine multis  
Insomnis lacrymis agit.

Atqui sollicitæ nuntius hospitæ,  
Suscipere Chloen, et miseram tuis  
Dicens ignibus uri,  
Tentat mille vafer modis.

Ut Prætorum mulier perfida credulum  
Falsis impulerit criminibus, nimis  
Casto Bellerophonti  
Maturare necem, refert.

Narrat penè datum Pelea Tartaro,  
Magnessam Hippolyten dum fugit abstinens;  
Et peccare docentes  
Fallax historias movet:

Frustrâ; nam seopulis surdior Icari  
Voces audit adhuc integer. At tibi  
Ne vicinus Enipeus  
Plus justo placeat cave;

Quamvis non alius flectere equum sciens  
 Aequè conspicitur gramine Martio,  
 Nec quisquam citus sequè  
 Tusco denatat alveo.

Primà nocte domum clande: neque in vias  
 Sub cantu querulæ despice tibiar:  
 Et te sæpè vocanti  
 Duram difficilis mane.

## ODE VIII.

### AD MAECENATEM.

MARTIIS cælebs quid agam kalendis,  
 Quid velint flores, et acerra thuris  
 Plena, miraris, positusque carbo in  
 Cespite vivo,

Docte sermones utriusque linguae.  
 Voveram dulces epulas et album  
 Libero caprum, propè funeratus  
 Arboris ictu.

Hic dies anno redeunte festus  
 Corticem astrictum pice dimovebit  
 Amphoræ, fumum bibere institutæ  
 Consule Tullo.

Sume, Mæcenas, cyathos amici  
 Sospitis centum: et vigiles lucernæ  
 Perfer in lucem: procul omnis esto  
 Clamor et ira.



CARMINUM LIB. III.

77

Mitte civiles super urbe curas :  
Occidit Daci Cotisonis aguen :  
Medus iufestis sibi luctuosus  
Dissidet armis :

Servit, Hispanæ vetus hostis oræ,  
Cantaber, serâ domitus catenâ :  
Jam Scythæ laxo meditantur arcu  
Cedere campis.

Negligens, ne quâ populus laboret,  
Parce privatus nimium cavere ;  
Dona præsentis cape lætus horæ, et  
Linque severa.

---

ODE IX.

AD LYDIAM.

HORATIUS.  
Donec gratus eram tibi,  
Nec quisquam potior brachia candidæ  
Cervici juvenis dabat,  
Persarum vigui rege beatior.

LYDIA.  
Donec non aliâ magis  
Arsisti, neque erat Lydia post Chloen,  
Multi Lydia non minus  
Romanâ vigui clarior Iliâ.

HORATIUS.  
Me nunc Thressa Chloë regit,  
Dulces docta modos, et citharæ sciens :  
Pro quâ non metuum mori,  
Si parcent animæ fata superstiti.

LYDIA.

Me torret face mutua  
 Thurini Calais filius Ornythi:  
 Pro quo his patiar mori,  
 Si parcent puero falsi superstiti.

HORATIUS.

Quid? si prisca redit Venus,  
 Diductosque jugo cogit aheneo?  
 Si flava excutitur Chloë,  
 Rejectæque patet janua Lydiæ?

LYDIA.

Quamquam sidere pulchrior  
 Ille est, tu levior cortice, et improbo  
 Iracundior Hadriâ;  
 Tecum vivere amem, tecum obeam libens.

## ODE X.

IN LYCEN.

**E**XTREMUM Tanain si biberes, Lyce,  
 Sævo nupta viro, me tamen asperas  
 Porrectum ante fores obicere incolis  
 Plorares Aquilonibus.

Audis quo strepitu janua, quo nemus  
 Inter pulchra satum tecta remugiat  
 Ventis, et positas ut glaciæ nives  
 Puro numine Juppiter?

Ingratam Veneri pone superbiam,  
 Ne currente rotâ funis eat retro.  
 Non te Penelopen difficilem procis  
 Tyrrhenus genuit parens.

CARMINUM LIB. IIL.

79

O, quamvis neque te munera, nec preces,  
Nec tinctus violâ pallor amantium,  
Nec vir Pieriâ pellice saucius  
Curvat, supplicibus tuis

Parcas, nec rigida mollior æsculo,  
Nec Mauris animum mitior anguibus.  
Non hoc semper erit liminis aut aquæ  
Cœlestis patiens latus.

---

ODE XI.

AD MERCURIUM.

MERCURI, (nam te docilis magistro  
Movit Amphion lapides canendo,)  
Tuque, testudo, resonare septem  
Callida nervis,

Nec loquax olim, neque grata nunc et  
Divitum mensis et amica templis,  
Dic modos Lyde quibus obstinatas  
Applicet aures;

Quæ, velut latis equa trima campis,  
Ludit exultim, metuitque tangi  
Nuptiarum expers, et adhuc protervo  
Cruda marito.

Tu potes tigres comitesque silvas  
Ducere, et rivos celeres morari.  
Cessit immanis tibi blandienti  
Janitor aulae

Cerberus : quamvis furiale ceatum  
Muniant aegres caput ejus , atque  
Spiritus teter saniesque manet  
Ore trilingui.

Quin et Ixion Tityosque vultu  
Risit invito : stetit urna paulum  
Sicca , dum grato Danaï puellas  
Carminē mulces.

Audiat Lyde scelus atque notas  
Virginum poenas , et inane lymphæ  
Dolium fundo pereuntis imo ,  
Seraque fata

Quæ manent culpas etiam sub Orco.  
Impiæ , ( nam quid potuere majus ? )  
Impiæ sponso potuere duro  
Perdere ferro !

Una de multis , face nuptiali  
Digna , perjurum fuit in parentem  
Splendide mendax , et in omne virgo  
Nobilis ævum :

Surge , quæ dixit juveni marito ,  
Surge , ne longus tibi somnus , unde  
Non times , detur : socerum et scelestas  
Falle sorores ;

Quæ , velut noctæ vitulos lænæ ,  
Singulos , eheu ! lacerant. Ego , illis  
Mollior , nec te feriam , neque intra  
Clastra tenebo.

Me pater sævis oneret catenis ,  
Quòd viro clemens misero peperci ;

Me vel extremos Numidarum in agros  
Classe releget.

I pedes quò te rapiunt et auræ,  
Dum favet nox et Venus: i secundo  
Omine, et nostri memorem sepulcro  
Scalpe querelam.

---

## ODE XII.

AD NEOBULEN.

**M**ISERARUM est, neque amorì dare ludum, neque  
dulci

Mala vino lavere, aut exanimari metuentes  
Patruæ verbera linguæ. Tibi qualum Cytheræ  
Puer ales, tibi telas, operosæque Minervæ  
Studium aufert, Neobule, Liparæi nitor Hebri,  
Simul unctos Tiberinis humeros lavit in undis,  
Eques ipso melior Bellerophonte, neque pugno,  
Neque segni pede victus: catus idem per apertum  
Fugientes agitato grege cervos jaculari, et  
Celer alto latitantem fruticeto excipere aprum.

---

## ODE XIII.

AD FONTEM BANDUSIUM.

**O**FRONS Bandusiæ, splendidiôr vitro,  
Dulci digne mero non sine floribus,  
Cras donaberis hœdo,  
Cui frons turgida cornibus

Primis, et venerem et prœlia destinat:  
 Frustrâ; nam gelidos inficiet tibi  
 Rubro sanguine rivos  
 Lascivi soboles gregis.

Te flagrantis atrox hora Caniculæ  
 Nescit tangere: tu frigus amabile  
 Fessis vomere tauris  
 Præbes et pecori vago.

Fies nobilium tu quoque fontium,  
 Me dicente cavis impositam ilicem  
 Saxis, unde loqnaces  
 Lymphæ desiliunt tuæ.

## ODE XIV.

AD ROMANOS.

**H**ÆRACULIS ritu, modò dictus, o plebs  
 Morte venalem petiisse laurum,  
 Cæsar Hispanâ repetit penates  
 Victor ab orâ.

Unico gaudens mulier marito  
 Prodeat, justis operata divis;  
 Et soror clari ducis: et decoræ  
 Supplice vittâ

Virginum matres juvenumque nuper  
 Sospitum. Vos, o pueri, et puellæ  
 Jam virum expertæ, malè ominatis  
 Parcite verbis.

Hic dies verè mihi festus atras  
Eximet curas: ego nec tumultum,  
Nec mori per vim metuan, tenente  
Cæsare terras.

I, pete unguentum, puer, et coronas,  
Et cadum Marsi memorem duelli,  
Spartacum si quâ potuit vagantem  
Fallere testa.

Dic et argutæ properet Næaræ  
Myrrhinum nodo cohibere crinem:  
Si per invisum mora janitorem  
Fiet, abito.

Lenit albescens animos capillus  
Litium et rixæ cupidos protervæ:  
Non ego hoc ferrem, calidus juvenâ,  
Consule Planco.

---

## ODE XV.

### IN CHLORIM.

Uxoræ pauperis Ibyci,  
Tandem nequitiae sige modum tuæ,  
Famosisque laboribus:  
Maturo propior desine funeri  
Inter ludere virgines,  
Et stellis nebulam spargere candidis.  
Non, si quid Pholoen satis,  
Et te, Chlори, decet: filia rectius  
Expugnat juvenum domos,  
Pulso Thyas uti concita tympano.

Illam cogit amor Nothi  
 Lascivæ similem ludere capræ :  
 Te lænæ prope nobilem  
 Tonæ Luceriam, non citharæ, decent,  
 Nec flos purpureus rosæ,  
 Nec poti, vetulam, sæce tenuis cadi.

## ODE XVI.

## AD MAECENATEM.

**I**NCLOSAM Danaen turris ahenæ,  
 Robustæque fores, et vigilum canum  
 Tristes excubiæ, munierant satis  
 Nocturnis ab adulteris ;

Si non Acrisium, virginis abditæ  
 Custodem pavidum, Juppiter et Venns  
 Risissent : fore enim tutum iter et patens  
 Converso in pretium deo.

Aurum per medios ire satellites,  
 Et perrumpere amat saxa, potentius  
 Ictu fulmineo. Concidit auguris  
 Argivi domus, ob lucrum

Demersa excidio. Diffidit urbium  
 Portas vir Macedo, et subruit æmulos  
 Reges muneribus. Munera navium  
 Sævos illaqueant duces.

Crescentem sequitur cura pecuniam,  
 Majorumque fames. Jure perhorru  
 Latè conspicuum tollere verticem,  
 Mæcenæ, equitum decus.



Quantò quisque sibi plura negaverit,  
A dis plura feret. Nil cupientium  
Nudus castra peto, et transfuga divitum  
Partes linquere gestio ;

Contemptæ dominus splendidior rei,  
Quàm si quidquid arat impiger Appulus  
Occultare meis dicerer horreis,  
Magnas inter opes inops.

Puræ rivus aquæ, silvaque jugerum  
Paucorum, et segetis certa fides meæ,  
Fulgentem imperio fertilis Africæ  
Fallit sorte beator.

Quamquam nec Calabræ mella ferunt apes,  
Nec Læstrygoniâ Bacchus in amphorâ  
Languescit mihi, nec pingua Gallicis  
Crescunt vellera pascuis ;

Importuna tamen pauperies abest ;  
Nec, si plura velim, tu dare deneges.  
Contracto melius parva cupidine  
Vectigalia porrigam,

Quàm si Mygdoniis regnum Alyattei  
Campis continuem. Multa petentibus  
Desunt multa. Bene est cui Deus obtulit  
Parcâ quod satis est manu.

## ODE XVII.

## AD AELIUM LAMIAM.

**A**ELI, vetusto nobilis ab Lamo,  
(Quando et priores hinc Lamias ferunt  
Denominatos, et nepotum  
Per memores genus omne fastos

Auctore ab illo ducit originem;  
Qui Formiarum mœnia dicitur  
Princeps, et innantem Maricæ  
Littoribus tenuisse Lirim,

Latè tyrannus); cras foliis nemus  
Multis et algâ littas inutili  
Demissa tempestas ab Euro  
Sternet, aquæ nisi fallit augur

Annosa cornix. Dum potes, aridum  
Compone lignum: cras genium mero  
Curabis, et porco himestri,  
Cum famulis operum solutis.

## ODE XVIII.

## AD FAUNUM.

**F**AUNE, Nympharum fugientum amator,  
Per meos fines et aprica rura  
Lenis incedas, abeasque parvis  
Æquus alumnis:

Si tener pleno cadit hœdus anno,  
Larga nec desunt Veneris sodali  
Vina crateræ, vetus ara multo  
Fumat odore.

Ludit herboso pecus omne campo,  
Quum tibi nonæ redeunt decembres:  
Festus in pratis vacat otioso  
Cum bove pagus:

Inter audaces lupus errat agnos:  
Spargit agrestes tibi silva frondes:  
Gaudet invisam pepulisse fossor  
Ter pede terram.

---

## ODE XIX.

### AD TELEPHUM.

QUANTUM distet ab Inacho  
Codrus, pro patriâ non timidus mori,  
Narras, et genus Aeaci,  
Et pugnata sacro bella sub Ilio:  
Quo Chinum pretio cadum  
Mercesmur, quis aquam temperet ignibus,  
Quo præbente domum et quotâ  
Pelignis caream frigoribus, taces.  
Da lunæ propere novæ,  
Da noctis mediæ, da, puer, auguris  
Murenæ: tribus aut novem  
Miscentur cyathis pocula commodis.  
Qui Musas amat impares,  
Ternos ter cyathos attonitus petet  
Vates: tres prohibet supra  
Rixarum metuens tangere Gratia,

Nudis juncta sororibus.  
 Insanire juvat. Cur Berecynthiæ  
 Cessant flamina tibiæ?  
 Cur pendet tacitâ fistula cum lyrâ?  
 Parentes ego dexteras  
 Odi: sparge rosas; audiat invidus  
 Dementem strepitum Lycus  
 Et vicina seni non habilis Lyco.  
 Spissâ te nitidum comâ,  
 Puro te similem, Telephe, Vespero,  
 Tempestiva petit Rhode:  
 Me lentus Glycæræ torret amor meæ.

## ODE XX.

AD PYRRHUM.

Non vides quanto moveas periculo,  
 Pyrrhe, Gætulæ catulos lænæ?  
 Dura post paulò fugies inaudax  
 Prælia raptor,

Quum per obstantes juvenum catervas  
 Ibit insignem repetens Nearchum:  
 Grande certamen, tibi præda cedit  
 Major, an illi.

Interim, dum tu celeres sagittas  
 Promis, hæc dentes acuit timendos,  
 Arbiter pugnæ posuisse nudo  
 Sub pede palmam

Fertur, et leni recreare vento  
 Sparsum odoratis humerum capillis:



ODE XXI.

AD AMPHORAM.

O NATA mecum consule Manlio,  
Seu tu querelas, sive geris jocos,  
Seu rixam et insanos amores,  
Seu facilem, pia testa, somnum,

Quocumque lectum nomine Massicum  
Servas, moveri digna bono die:  
Descende, Corvino jubente,  
Promere languidiora vina.

Non ille, quamquam socraticis madet  
Sermonibus, te negliget horridus:  
Narratur et prisci Catonis  
Sæpè mero caluisse virtus.

Tu lene tormentum ingenio admoves  
Plerumque duro: tu sapientium  
Curas et arcanum jocoso  
Consilium retegis Lyæo:

Tu spem reducis mentibus anxiiis  
Viresque; et addis cornua pauperi,  
Post te neque iratos trementi  
Regum apices, neque militum arma.

Te Liber, et, si læta aderit, Venus,  
Segnesque nodum solvere Gratiae,

## Q. HORATII FLACCI

Vivæque producent lucernæ,  
Dum rediens fugat astra Phœbus.

## ODE XXII.

AD DIANAM.

MONTIUM custos nemorumque, virgo,  
Quæ laborantes utero puellas  
Ter vocata audis, adimisque leto,  
Diva triformis;

Imminens villæ tua pinus esto,  
Quam per exactos ego lætus annos  
Verris obliquum meditantis ictum  
Sanguine donem.

## ODE XXIII.

AD PHIDYLEN.

CORLO supinas si tuleris manus  
Nascente Lunâ, rustica Phidyle,  
Si thure placâris et hornâ  
Frugæ Lares, avidâque porcâ;

Nec pestilentem sentiet Africum  
Fecunda vitis, nec sterilem seges  
Ruginem aut dulces alumni  
Pomifero grave tempus anno.

CARMINUM LIB. III.

91

Nam, quæ nivali pascitur Algidò  
Devota quercus inter et ilices,  
Aut crescit Albanis in herbis  
Victima, pontificum secures

Cervice tinget. Te nihil attinet  
Tentare multâ cæde bidentium  
Parvos coronantem marino  
Rore deos, fragilique myrto.

Immunis aram si tetigit manus,  
Non sumptuosâ blandior hostiâ,  
Mollivit aversos Penates  
Farre pio et saliente micâ.

---

ODE XXIV.

IN DIVITES AVAROS.

INTACTIS opulentior  
Thesauris Arabum et divitis Indiæ,  
Cæmentis licet occupes  
Tyrrenum omne tuis et mare Apulicum;  
Si figit adamantinos  
Summis verticibus dira necessitas  
Clavos, non animum metu,  
Non mortis laqueis expedit caput.  
Campestres melius Scythæ,  
Quorum plaustra vagas rite trahunt domos  
Vivunt, et rigidi Getæ;  
Immetata quibus jugera liberas  
Fruges et Cererem serunt,  
Nec cultura placet longior annuâ;  
Defunctamque laboribus

Aequali recreat sorte vicarius.  
 Illic matre carentibus  
 Privignis mulier temperat ianocens;  
 Nec dotata regit virum  
 Conjux, nec nitido fidit adultero:  
 Dos est magna parentium  
 Virtus, et metuens alterius viri  
 Certo fœdere castitas,  
 Et peccare nefas, aut pretium emori.  
 O quisquis volet impias  
 Cædes, et rabiem tollere civicam,  
 Si quæret pater urbium  
 Subscribi statuis, indomitam audeat  
 Refrænare licentiam,  
 Clarus postgenitis: quatenus, heu nefas!  
 Virtutem incolumem odimus,  
 Sublatam ex oculis quærimus, iavidi.  
 Quid tristes querimoniz,  
 Si non supplicio culpa reciditur?  
 Quid leges, sine moribus  
 Vanæ, proficiunt? si neque fervidis  
 Pars inclusa caloribus  
 Mundi, nec Boreæ finitimum latus,  
 Duratæque solo nives,  
 Mercatorem abigunt? horrida callidi  
 Vincunt æquora navitæ?  
 Magnum pauperies opprobrium jubet  
 Quidvis et facere et pati,  
 Virtutisque viam deserere arduæ?  
 Vel nos in Capitolium,  
 Quò clamor vocat et turba faventium,  
 Vel nos in mare proximum  
 Gemmas, et lapides, aurum et inutile,  
 Summi materiam mali,  
 Mittamus, scelerum si bene poenitet.  
 Eradenda cupidinis



Pravi sunt elementa ; et teneræ nimis  
Mentes asperioribus  
Formandæ studiis. Nescit equo rudis  
Hærere ingenuus puer,  
Venarique timet ; ludere doctior,  
Seu Græco jubeas trocho,  
Seu malis vetitâ legibus alcæ :  
Quum perjura patris fides  
Consortem socium fallat et hospitem ,  
Indignoque pecuniam  
Hæredi properet. Scilicet improbæ  
Crescunt divitiæ : tamen  
Curtæ nescio quid semper abest rei.

---

## ODE XXV.

## AD BACCHUM.

Quò me, Bacche, rapis tui  
Plenum? Quæ nemora, quos agor in specus,  
Velox mente novâ? Quibus  
Antris egregii Cæsaris audiar  
Aeternum meditans decus  
Stellis inserere et consilio Jovis?  
Dicam insigne, recens, adhuc  
Indictum ore alio. Non secus in jugis  
Exsomnis stupet Evias,  
Hebrum prospiciens, et nive candidam  
Thracen, ac pede barbaro  
Lustratam Rhodopen. Ut mihi devio  
Ripas et vacuum nemus  
Mirari libet! O Naiadum potens,  
Baccharumque valentium

Proceras manibus vertere fraxinos!  
 Nil parvum, aut humili modo,  
 Nil mortale loquar. Dulce periculum,  
 O Lenæ, sequi Deum  
 Cingentem viridi tempora pampino!

## ODE XXVI.

AD VENEREM.

Vixi puellis nuper idoneus,  
 Et militavi non sine gloriâ:  
 Nunc arma defunctumque bello  
 Barbiton hic paries habebit,

Lævum marinæ qui Veneris latus  
 Custodit. Hic, hic ponite lucida  
 Funalia et vectes et arcus  
 Oppositis foribus minaces.

O quæ beatam, Diva, tenes Cyprum, et  
 Memphin carentem Sythoniâ nive,  
 Regina, sublimi flagello  
 Tange Chloën semel arrogantem.

## ODE XXVII.

AD GALATEAM.

Impios parvæ recinentis omen  
 Ducat, et prægnans canis, aut ab agro  
 Rava decurrens lupa lanuvino,  
 Fetaque vulpes:

CARMINUM LIB. III.

95

Rumpat et serpens iter institutum ,  
Si per obliquum similis sagittæ  
Terruit mannos. Ego cui timebo ,  
Providus auspex ,

Antequam stantes repetat paludes  
Imbrium divina avis imminentum ,  
Oscinem corvum prece suscitabo  
Solis ab ortu.

Sis licet felix ubicumque mavis ,  
Et memor nostri , Galatea , vivas :  
Teque nec lævus vetet ire picus ,  
Nec vaga cornix .

Sed vides quanto trepidet tumultu  
Pronus Orion. Ego quid sit ater  
Hadræ novi sinus et quid albus  
Peccet Iapyx.

Hostium uxores puerique cæcos  
Sentiant motus orientis austri , et  
Aequoris nigri fremitum , et trementes  
Verbere ripas !

Sic et Europe niveum doloso  
Credidit tauro latus , et scatentem  
Belluis pontum , mediasque fraudes  
Palluit audax.

Nuper in pratis studiosa florum , et  
Debitæ Nymphis opifex coronæ ,  
Nocte sublustri nihil astra præter  
Vidit et undas.

Quæ simul centum tetigit potentem  
Oppidis Creten , pater , o relictum

Filiæ nomen, pietasque, dixit,  
Victa furore!

Undè? quò veni? Levis una mors est  
Virginum culpæ. Vigilansne ploro  
Turpe commissum? an vitiis carentem  
Ludit imago

Vana, quæ portâ fugiens eburnâ  
Somnium ducit? Meliusne fluctus  
Ire per longos fuit, an recentes  
Carpere flores?

Si quis infamem mihi nunc juvencum  
Dedat iratæ! lacerare ferro, et  
Frangere enitar modò multum amati  
Cornua monstri.

Impudens liqui patrios Penates:  
Impudens Orcum moror! O Deorum  
Si quis hæc audis, utinam inter errem  
Nuda leones!

Antequam turpis macies decentes  
Occupet malas, teneræque succus  
Defluat prædæ, speciosa quæro  
Pascere tigres.

Vilis Europe, pater urget absens:  
Quid mori cessas? Potes hæc ab orno  
Pendulum zonâ bene te sequutâ  
Lædere collum.

Sive te rupes et acuta leto  
Saxa delectant, age, te procellæ  
Crede veloci: nisi herile mavis  
Carpere pensum,

CARMINUM LIB. III.

97

Regius sanguis, dominæque tradi  
Barbaræ pellex. Aderat querenti  
Perfidum ridens Venus, et remisso  
Filius arcu.

Mox, ubi lusit satis, Abstineto,  
Dixit, irarum calidæque rixæ,  
Quam tibi invisus laceranda reddet  
Cornua taurus.

Uxor invicti Jovis esse nescis :  
Mitte singultus : bene ferre magnam  
Disce fortunam : tua sectus orbis  
Nomina ducet.

---

ODE XXVIII.

AD LYDEN.

FESTO quid potius die  
Neptuni faciam? Prome reconditum,  
Lyde strenua, Cæcubum;  
Munitæque adhibe vim sapientiæ.  
Inclinare meridiem  
Sentis; ac, veluti stet volucris dies,  
Parcis deripere horreo  
Cessantem Bibuli consulis amphoram.  
Nos cantabimus invicem  
Neptunum, et virides Nereidum comas:  
Tu curvâ recines lyrâ  
Latonam, et celeris spicula Cynthiæ:  
Summo carmine, quæ Cnidon  
Fulgentesque tenet Cycladas, et Paphon

Junctis visit oloribus :  
Dicetur meritâ Nox quoque nœniâ.

---

## ODE XXIX.

AD MAECENATEM.

**T**YRRHENA regum progenies, tibi  
Non antè verso lene merum cado  
Cum flore, Mæcnas, rosarum, et  
Pressa tuis balanis capillis

Jamdudum apud me est. Eripe te moræ :  
Ne semper udum Tibur et Aesulæ  
Declive contempleris arvum, et  
Telegoni juga parricidæ.

Fastidiosam desere copiam, et  
Molem propinquam nubibus arduis :  
Omitte mirari beatæ  
Fumum et opes strepitumque Romæ.

Plerumque gratæ divitibus vices ;  
Mundæque parvo sub lare pauperum  
Cœnæ, sine aulæis et ostro,  
Sollicitam explicuere frontem.

Jam clarus occultum Andromedes pater  
Ostendit ignem : jam Procion furit,  
Et stella vesani Leonis,  
Sole dies referente siccos.

Jam pastor umbras cum grege languido  
Rivumque fessus quærit, et horridi

CARMINUM LIB III.

99

Dumeta Silvani; caretque  
Ripa vagis taciturna ventis.

Tu civitatem quis deceat status  
Curas, et Urbi sollicitus times  
Quid Seres et regnata Cyro  
Bactra parent, Tanaisque discors.

Prudens futuri temporis exitum  
Caliginosâ nocte premit Deus;  
Ridetque, si mortalis ultra  
Fas trepidat. Quod adest, memento

Componere æquus: cetera fluminis  
Ritu feruntur, nunc medio alveo  
Cum pace delabentis Etruscum  
In mare, nunc lapides adesos

Stirpesque raptas et pecus et domos  
Volventis unâ, non sine montium  
Clamore vicinæque silvæ,  
Quum fera diluvies quietos

Irritat amnes. Ille potens sui  
Lætusque deget, cui licet in diem  
Dixisse, Vixi: cras vel atrâ  
Nube polum Pater occupato,

Vel sole puro: non tamen irritum  
Quodcumque retro est efficiet; neque  
Diffinget infectumque reddet  
Quod fugiens semel hora vexit.

Fortuna, sævo læta negotio, et  
Ludum insolentem ludere pertinax,  
Transmutat incertos honores,  
Nunc mihi, nunc alii benigna.

112176B

Laudo manentem: si celeres quatit  
 Pennas, resigno quæ dedit, et meâ  
 Virtute me involvo, probamque  
 Pauperiem sine dote quæro.

Non est meum, si mugiat Africa  
 Malus procellis, ad miseræ preces  
 Decurrere, et votis pacisci  
 Ne Cypriæ Tyriæque merces

Addant avaro divitias mari.  
 Tum me, hiremis præsidio scaphæ,  
 Tutum per Aëgeos tumultus  
 Aura feret geminusque Pollux.

## ODE XXX.

Exegi monumentum ære perennius,  
 Regalique situ pyramidum altius;  
 Quod non imber edax, non Aquilo impotens  
 Possit diruere, aut innumerabilis  
 Annorum series, et fuga temporum.  
 Non omnis moriar: multaque pars mei  
 Vitabit Libitinam. Usque ego postera  
 Crescam laude recens, dum Capitolium  
 Scandet cum tacitâ virgine Pontifex.  
 Dicar, quâ violens obstrepit Aufidus,  
 Et quâ pauper aquæ Daunus agrestium  
 Regnavit populorum, ex humili potens  
 Princeps Aeolium carmen ad Italos  
 Deduxisse modos. Sume superbiam  
 Quæsitam meritis, et mihi Delphicâ  
 Lauro cinge volens, Melpomene, comam.





QUINTI  
HORATII FLACCI  
CARMINUM  
LIBER QUARTUS.

---

ODĒ I.

AD VENEREM.

INTERMISSA, Venus, diù,  
Rursus bella moves. Parce, precor, precor!  
Non sum qualis eram bonæ  
Sub regno Cinaræ. Desine, dulcium  
Mater sæva Cupidinum,  
Circa lustra decem flectere mollibus  
Jam durum imperiis. Abi  
Quò blandæ juvenum te revocant preces.  
Tempestivius in domum  
Paulli, purpureis ales oloribus,  
Commessabere Maximi,  
Si torrere jecur quæris idoneum.  
Namque et nobilis et decens,  
Et pro sollicitis non tacitus reia,  
Et centum puer artium,  
Latè signa feret militiæ tuæ:  
Et, quandoque potentior

Largis muneribus riserit æmuli,  
 Albanos prope te lacus  
 Ponet marmoream sub trabe Cypriâ.  
 Illic plurima naribus  
 Duces thura, lyræque et Berecynthiæ  
 Delectabere tibiæ  
 Mixtis carminibus, non sine fistulâ.  
 Illic bis pueri die  
 Numen cum teneris virginibus tuum  
 Laudantes pede candido  
 In morem Saliæ ter quantient humum.  
 Me nec femina, nec puer  
 Jam, nec spes animi credula mutui,  
 Nec certare juvat mero,  
 Nec vincere novis tempora floribus.  
 Sed cur, heu! Liguriæ, cur  
 Manat rara meas lacryma per genas?  
 Cur facunda parum decoro  
 Inter verba cadit lingua silentio?  
 Nocturnis ego somniis  
 Jam captum teneo, jam volucrem sequor  
 Te per gramina Martii  
 Campi, te per aquas, dure, volubiles.

## ODE II.

## AD JULUM ANTONIUM.

PINDARUM quisquis studet æmulari,  
 Jule, ceratis ope Dædaleâ  
 Nititur pennis, vitreo daturus  
 Nomina ponto.

Monte decurrens velut amnis, imbres  
 Quem super notas aluere ripas,

Fervet immensusque ruit profundo  
Pindarus ore;

Laureâ donandus Apollinari,  
Sen per audaces nova dithyrambos  
Verba devolvit, numerisque fertur  
Lege solutis;

Sen Deos, regesve canit, Deorum  
Sanguinem, per quos cecidere justâ  
Morte Centauri, cecidit tremendâ  
Flamma Chimææ;

Sive, quos Elea domum reducit  
Palma cœlestes, pugilemve equumve  
Dicit, et centum potiore signis  
Munere donat;

Flebili sponsæ juvenemque raptum  
Plorat, et vires animumque moresque  
Aureos educit in astra, nigroque  
Invidet Orco.

Multa Dircaum levat aura cyncum,  
Tendit, Antoni, quoties in altos  
Nubium tractus: ego, apis matinx  
More modoque,

Grata carpentis thyma per laborem  
Plurimum, circa nemus uvidique  
Tiburis ripas operosa paryus  
Carmina fingo.

Concines majore poëta plectro  
Cæsarem, quandoque trahet feroces  
Per sacrum clivum, meritâ decorus  
Fronde, Sicambros;

Quo nihil majus meliusve terris  
Fata donavere, bonique Divi,  
Nec dabunt, quamvis redeant in aurum  
Tempora priscum.

Concines lætosque dies et Urbis  
Publicum ludum, super impetrato  
Fortis Augusti reditu, forumque  
Litibus orbum.

Tum meæ ( si quid loquar audiendum )  
Vocis accedet bona pars ; et , O Sol  
Pulcher ! o laudande ! canam, recepto  
Cæsare felix.

Tuque dum procedis, Io triumphè!  
Non semel dicemus, Io triumphè!  
Civitas omnis, dabimusque Divis  
Thura benignis.

Te decem tauri totidemque vaccæ,  
Me tener solvet vitulus, relictâ  
Matre, qui largis juvenescit herbis  
In mea vota,

Fronte curvatos imitatus ignes  
Tertium Lunæ referentis ortum,  
Quâ notam duxit nivena videri,  
Cetera fulvus.

## ODE III.

## AD MELPOMENEN.

QUEM tu, Melpomene, semel  
Nascentem placido lumine videris,  
    Illum non labor Isthmæus  
Clarabit pugilem, non equus impiger  
    Curru ducet Achaïco  
Victorem; neque res bellica Deliis  
    Ornatum foliis ducem,  
Quòd regum tumidas contuderit minas,  
    Ostendet Capitolio:  
Sed quæ Tibur aquæ fertile præfluunt,  
    Et spissæ nemorum comæ,  
Fingent Aeolio carmine nobilem.  
    Romæ principis urbium  
Dignatur soboles inter amabiles  
    Vatum ponere me choros;  
Et jam dente minùs mordeor invido.  
    O, testudinis aureæ  
Dulcem quæ strepitum, Pieri, temperas;  
    O mutis quoque piscibus  
Donatura cynci, si libeat, sonum!  
    Totum muneris hoc tui est,  
Quòd monstror digito prætereuntium  
    Romanæ fidicen lyræ:  
Quòd spiro et placeo, si placeo, tuum est.

## ODE IV.

## DRUSI LAUDES.

Q UALEM ministrum fulminis alitem  
( Cui rex Deorum regnum in aves vagas  
Permisit, expertus fidelem  
Juppiter in Ganymede flavo )

Olim juvenas, et patris vigor,  
Nido laborum propulit inscium;  
Vernique, jam nimbis remotis,  
Insolitos docere nisus

Venti paventem; mox in ovilia  
Demisit hostem vividus impetus;  
Nunc in reluctantes dracones  
Egit amor dapis atque pugnae:

Qualemve lætis caprea pascuis  
Intenta fulvæ matris ab ubere  
Jam lacte depulsum leonem,  
Dente novo peritura, vidit:

Videre Rhætis bella sub Alpibus  
Drusum gerentem Vindelici; quibus  
Mos unde deductus per omne  
Tempus Amazoniâ securi

Dextras obarmet, quærere distuli;  
Nec scire fas est omnia: sed diù  
Latèque victrices catervæ,  
Consiliis juvenis revictæ,

Sensere quid mens rite, quid iudoles,  
Nutrita faustis sub penetralibus,  
Posset, quid Angusti paternus  
In pueros animus Neronæ.

Fortes creantur fortibus; et bonis  
Est in juvenis, est in equis, patrum  
Virtus: nec imbellem feroces  
Progenerant aquilæ columbam.

Doctrina sed vim promovet insitam,  
Rectique cultus pectora roborant:  
Utrumque defecere mores,  
Indecorant bene nata culpæ.

Quid debeas, ô Roma, Neronibus,  
Testis Metaurum flumen, et Hasdrubal  
Devictus, et pulcher fugatis  
Ille dies latio tenebris,

Qui primus almâ risit adoræa,  
Dirus per urbes Afer ut Italas,  
Ceu flamma per tædas, vel Eurus  
Per Siculas equitavit undas.

Post hoc secundis usque laboribus  
Romana pubes crevit, et impio  
Vastata Pœnorum tumultu  
Fana Deos habuere rectos.

Dixitque tandem perfidus Hannibal:  
Cervi, luporum præda rapacium,  
Sectamur ultro quos opimus  
Fallere et effugere est triumphus.

Gens, quæ cremato fortis ab Illo  
Jactata Tuscis æquoribus sacra,

Natosque, maturosque patres,  
Pertulit Ausonias ad urbes,

Duris ut illex tonsa bipennibus  
Nigræ feraci frondis in Algido,  
Per damna, per cædes, ab ipso  
Ducit opes animunque ferro.

Non Hydra secto corpore firmior  
Vinci dolentem crevit in Herculem;  
Monstrumve submittere Colchi  
Majus, Echioniæve Thebæ.

Mersæ profundo, pulchrior evenit:  
Luctere, multâ prornet integrum  
Cum laude victorem, geretque  
Prælia conjugibus loquenda.

Carthagini jam non ego nuntios  
Mittam superbos: occidit, occidit  
Spes omnis et fortuna nostri  
Nominis, Hasdrubale interempto.

Nil Claudiæ non perficient manus,  
Quas et benigno numine Juppiter  
Defendit, et curæ sagaces  
Expediunt per acuta belli.

---

## ODE V.

AD AUGUSTUM.

DIVIS orte bonis, optime Romulæ  
Custos gentis, abes jam nimium diu:

---



Maturum reditum pollicitus patrum  
Sancto concilio, redi.

Lucem redde tuæ, Dux bone, patriæ :  
Instar veris enim vultus ubi tuus  
Affulsit, populo gratior it dies,  
Et soles melius nitent.

Ut mater juvenem, quem Nothus invido  
Flatu Carpathii trans maris æquora  
Cunctantem spatio longius annuo  
Dulci distinet a domo,

Votis ominibusque et precibus vocat,  
Curvo nec faciem littore dimovet :  
Sic desideriiis icta fidelibus  
Quærit patria Cæsarem.

Tutus bos etenim rura perambulat :  
Nutrit rura Ceres, almaque Faustitas :  
Pacatum volitant per mare navitæ :  
Culpari metuit Fides :

Nullis polluitur casta domus stupris :  
Mos et lex maculosum edomuit nefas :  
Laudantur simili prole puerperæ :  
Culpam pœna premit comes.

Quis Parthum paveat? quis gelidum Scythen ?  
Quis, Germania quos horrida parturit  
Fetus, incolumi Cæsare? quis feræ  
Bellum curet Iberiæ?

Condit quisque diem collibus in suis,  
Et vitem viduas ducit ad arbores :

Hinc ad vina redit lætus, et alteris  
Te mensis adhibet Deum :

Te multâ prece, te prosequitur mero  
Defuso pateris; et Laribus tunm  
Miscet numen, uti Græcia Castoris  
Et magni memor Herculis.

Longas ô utinam, Dux bone, serias  
Præstes Hesperiae! dicimus integro  
Sicci manè die, dicimus uvidi,  
Quum Sol Oceano spbest.

## ODE VI.

### AD APOLLINEM.

**D**IVÆ, quem proles Niobeæ magnæ  
Vindicem linguæ, Tityosque raptor,  
Sensit, et Trojæ propè victor altæ  
Phthius Achilles,

Ceteris major, tibi miles impar;  
Filius quamquam Thetidos marinæ  
Dardanas turres quateret tremendâ  
Cuspide pugnax:

Ille, mordaci velut icta ferro  
Pinus, aut impulsa cupressus Euro,  
Procidit latè, posuitque collum in  
Pulvere Teucro.

Ille non, inclusus equo Minervæ  
Sacra mentito, male feriatos



CARMINUM LIB. IV.

111

Troas et lætam Priami choreis  
Falleret aulam :

Sed palàm captis gravis, heu nefas ! heu !  
Nescios fari pueros Achivis  
Ureret flammis, etiam latentem  
Matris in alvo ;

Ni, tuis victus Venerisque gratæ  
Vocibus, Divùm Pater adnuisset  
Rebus Aenææ potiore ductos  
Alite muros.

Doctor Argivæ fidicen Thalix,  
Phœbe, qui Xantho lavis amne crines,  
Dauniæ defende decus Camœnæ,  
Lævis Agyieû !

Spiritum Phœbus mihi, Phœbus artem  
Carminis nomenque dedit poëtæ.  
Virginum primæ, puerique claris  
Patribus orti,

Delix tutela Deæ, fugaces  
Lyncas et cervos cohibentis arcu,  
Lesbium servate pedem, meique  
Pollicis ictum ;

Rite Latonæ puerum canentes,  
Rite crescentem face Noctilucam,  
Prosperam frugum, celeremque pronos  
Volvere menses.

Nupta jam dices : Ego Dis amicum,  
Sæculo festas referente luces,  
Reddidi carmen, docilis modorum  
Vatis Horati.

## ODE VII.

## AD TORQUATUM.

**D**IFFUGERE nives : redeunt jam gramina campis,  
Arboribusque comæ :  
Mutat terra vices, et decrescentia ripas  
Flumina prætereunt.  
Gratia cum Nymphis geminisque sororibus andet  
Ducere nuda choros.  
Immortalia ne speres monet Annus, et alium  
Quæ rapit Hora diem.  
Frigora mitescunt Zephyris : Ver proterit Aestas,  
Interitura, simul  
Pomifer Autumnus fruges effuderit : et mox  
Bruma recurrit iners.  
Damna tamen celeres reparant coelestia lunæ :  
Nos, ubi decidimus  
Quò pius Aeneas, quò dives Tullus, et Ancus,  
Pulvis et umbra sumus.  
Quis scit an adjiciant hodiernæ crastina summæ  
Tempora Di superi?  
Cuncta manus avidas fugient hæredis, amico  
Quæ dederis animo.  
Quum semel occideris, et de te splendida Minos  
Fecerit arbitria,  
Non, Torquate, genus, non te facundia, non te  
Restituet pietas.  
Infernis neque enim tenebris Diana pudicum  
Liberat Hippolytum :  
Nec Lethæa valet Theseus abrumperè caro  
Vincula Pirithoo.

## ODE VIII.

## AD CENSORINUM.

**D**ONAREM pateras grataque commodus,  
Censorine, meis æra sodalibus,  
Donarem tripodas, præmia fortium  
Graiorum; neque tu pessima munerum  
Ferres: divite me scilicet artium  
Quas aut Parrhasius protulit, aut Scopas;  
Hic saxo, liquidis ille coloribus  
Solers nunc hominem ponere, nunc Deum:  
Sed non hæc mihi vis, nec tibi talium  
Res est aut animus deliciarum egena.  
Gaudes carminibus: carmina possumus  
Donare, et pretium dicere muneri.  
Non incisa notis marmora publicis,  
Per quæ spiritus et vita redit bonis  
Post mortem ducibus; non celeres fugæ,  
Rejectæque retrorsum Hannibalis minæ;  
Non incendia Carthaginis impiæ,  
Ejus qui domitæ nomen ab Africa  
Lucratus rediit, clariùs indicant  
Laudes, quàm Calabræ Pierides: neque,  
Si chartæ sileant quod bene feceris,  
Mercedem tuleris. Quid foret Illiæ  
Mavortisque puer, si taciturnitas  
Obstaret meritis invida Romuli?  
Ereptum Stygiis fluctibus Æacum  
Virtus et favor et lingua potentium  
Vatum divitibus consecrat insulis.  
Dignum laude virum Musa vetat mori:

Cœlo Musa beat. Sic Jovis interest  
 Optatis epulis impiger Hercules :  
 Clarum Tyndaridæ sidus ab infimis  
 Quassas eripiunt æquoribus rates :  
 Ornatus viridi tempora pampino  
 Liber vota bonos ducit ad exitus.

## ODE IX.

## AD LOLLIUM.

**N**æ fortè credas interitura quæ ,  
 Longè sonantem natus ad Ausidum,  
 Non antè vulgatas per artes  
 Verba loquor socianda chordis.

Non, si priores Mæonius tenet  
 Sedes Homerus, Pindaricæ latent  
 Cæque, et Alcæi minaces,  
 Stesichorique graves Camœnæ :

Nec, si quid olim lusit Anacreon,  
 Delevit ætas : spirat adhuc amor,  
 Vivuntque commissi calores  
 Aeoliæ fidibus puellæ.

Non sola comptos arsit adulteri  
 Crines, et aurum vestibus illitum  
 Mirata, regalesque cultus,  
 Et comites, Helene Lacœna :

Primusve Teucer tela Cydonio  
 Direxit arcu : non semel Ilios  
 Vexata : non pugnavit ingens  
 Idomeneus Sthenelusve solus

Dicenda Musis prœlia : non ferox  
Hector, vel acer Deiphobus graves  
Excepit ictus pro pudicis  
Conjugibus puerisque primus.

Vixere fortes ante Agamemnona  
Multi : sed omnes illacrymabiles  
Urgentur, ignotique, longâ  
Nocte, carent quia vate sacro.

Paulùm sepultæ distat inertie  
Celata virtus. Non ego te meis  
Chartis inornatum silebo,  
Totve tuos patiar labores

Impunè, Lolli, carpere lividas  
Obliviones. Est animus tibi  
Rerumque prudens, et secundis  
Temporibus dubiisque rectus ;

Vindex avaræ fraudis, et abstinens  
Ducentis ad se cuncta pecuniæ ;  
Consulque non unius anni,  
Sed quoties bonus atque fidus

Judex honestum prætulit utili,  
Rejecit alto dona nocentium  
Vultu, per obstantes catervas  
Explicuit sua victor arma.

Non possidentem multa vocaveris  
Rectè beatum : rectiùs occupat  
Nomen beati, qui Deorum  
Muneribus sapienter uti,

Duramque callet pauperiem pati,  
Pejusque leto flagitium timet ;

Non ille pro caris amicis  
Aut patriâ timidus perire.

---

## ODE X.

AD LIGURINUM.

**O** CRUELIS adhuc, et Veneris muneribus potens,  
Insuperata tuæ quum veniet pluma superbiæ,  
Et, quæ nunc humeris involitant, deciderint comæ,  
Nunc et qui color est puniceæ flore prior rosæ  
Mutatus Ligurinum in faciem verterit hispidam;  
Dices, Heu! ( quoties te in speculo videris alterum )  
Quæ mens est hodie, cur eadem non puero fuit?  
Vel cur his animis incolumes non redeunt genæ?

---

## ODE XI.

AD PHYLLIDEM.

**E**ST mihi nonum superantis annum  
Plenus Albani cadus: est in horto,  
Phylli, nectendis apium coronis:  
Est hederæ vis

Multa, quâ crines religata fulges.  
Ridet argento domus: ara, castis  
Vincta verbenis, avet immolato  
Spargier agno.



Cuncta festinat manus, huc et illuc  
Cursitant mixtæ pueris puellæ :  
Sordidum flammæ trepidant rotantes  
Vertice fumum.

Ut tamen nôris quibus advoceris  
Gaudiis ; Idus tibi sunt agendæ,  
Qui dies mensem Veneris marinæ  
Findit Aprilem :

Jure solemnibus mihi, sanctiorque  
Penè natali proprio, quòd ex hæc  
Luce Mæcenæ meus adfluentes  
Ordinat annos.

Telephum, quem tu petis, occupavit,  
Non tuæ sortis juvenem, puella  
Dives et lasciva, tenetque gratâ  
Compede vinctum.

Terret ambustus Phæton avaras  
Spes ; et exemplum grave præbet ales  
Pegasus, terrenum equitem gravatus  
Bellerophonem ;

Semper ut te digna sequare, et, ultra  
Quàm licet sperare nefas putando,  
Disparem vites. Age jam, meorum  
Finis amorum,

Non enim posthac aliâ calebo  
Feminâ, condisce modos amandâ  
Voce quos reddas : minuentur atræ  
Carmine curæ.

## ODE XII.

## AD VIRGILIUM.

JAM Veris comites, quæ mare temperant,  
Impellunt animæ lintea Thraciæ:  
Jam nec prata rigent, nec fluvii strepunt  
Hibernâ nive turgidi.

Nidum ponit, Ityn flebiliter gemens,  
Infelix avis, et Cécropiæ domus  
Aeternum opprobrium, quod malè barbaras  
Regum est ultra libidines.

Dicunt in tenero gramine pinguium  
Custodes ovium carmina fistulâ,  
Delectantque Deum cui pecus et nigri  
Colles Arcadiæ placent.

Adduxere sitim tempora, Virgili:  
Sed pressum Calibus ducere Liberum  
Si gestis, juvenum nobilium cliens,  
Nardo vina merebere.

Nardi parvus onyx eliciet cadum  
Qui nunc Sulpitiis accubat horreis,  
Spes donare novas largus, amaraque  
Curarum eluere efficax.

Ad quæ si properas gaudia, cum tuâ  
Velox merce veni: non ego te meis  
Immunem meditor tingere poculis,  
Plenâ dives ut in domo.

Verum pone moras, et studium lucri ;  
Nigrorumque memor, dum licet, ignium,  
Misce stultitiam consiliis brevem :  
Dulce est desipere in loco.

---

## ODE XIII.

AD LYCEN.

AUDIVERE, Lyce, Di mea vota, Di  
Audivere, Lyce : sis anus, et tamen  
Vis formosa videri ;  
Ludisque et bibis impudens,

Et cantu tremulo pota Cupidinem  
Lentum sollicitas. Ille virentis et  
Doctæ psallere Chiæ  
Pulchris excubat in genis.

Importunus enim transvolat aridas  
Quercus, et refugit te, quia luridi  
Dentes te, quia rugæ  
Turpant, et capitis nives.

Nec Cossæ referunt jam tibi purpuræ,  
Nec clari lapides, tempora quæ semel  
Notis condita fastis  
Inclusit volucris dies.

Quò fugit Venus? heu! quòve color decens?  
Quò motus? quid habes illius, illius,  
Quæ spirabat amores,  
Quæ me surpuerat mihi,

## Q. HORATII FLACCI

Felix post Cynaram, notaque et artium  
 Gratarum facies? Sed Cynaræ breves  
 Annos fata dederunt,  
 Servatura diù parem

Corniciæ vetulæ temporibus Lycen;  
 Possent ut juvenes visere fervidi,  
 Multo non sine risu,  
 Dilapsam in cineres facem.

## ODE XIV.

AD AUGUSTUM.

QUAE cura patrum, quæve Quiritium,  
 Plenis honorum muneribus tuas,  
 Auguste, virtutes in ævum  
 Per titulos memoresque fastos

Aeternet? ô, quæ sol habitabiles  
 Illustrat oras, maxime principum,  
 Quem legis expertes Latinæ  
 Vindelici didicere nuper

Quid Marte posses? Milite nam tuo  
 Drusus Genaunos, implacidum genus,  
 Brennosque veloces, et arces  
 Alpibus impositas tremendis,

Dejecit acer plus vice simplici.  
 Major Neronum mox grave prælium  
 Commisit, immanesque Rhætos  
 Auspiciis pepulit secundis:

Spectandus, in certamine Martio,  
Devota morti pectora liberæ  
Quantis fatigaret ruinis,  
Indomitas propè qualis undas

Exercet Auster, Pleiadum choro  
Scindente nubes, impiger hostium  
Vexare turmas, et frementem  
Mittere equum medios per ignes.

Sic tauriformis volvitur Aufidus,  
Qui regna Dauni præfuit Appuli,  
Quum sævit, horrendamque cultis  
Diluvium meditatur agris;

Ut barbarorum Claudius agmina  
Ferrata vasto diruit impetu,  
Primosque et extremos metendo,  
Stravit humum, sine clade victor,

Te copias, te consilium, et tuos  
Præbente divos: nam, tibi quo die  
Portus Alexandria supplex  
Et vacuum patefecit aulam,

Fortuna lustrò prospera tertio  
Belli secundos reddidit exitus,  
Laudemque et optatum peractis  
Imperiis decus arrogavit.

Te Cantaber non antè domabilis,  
Medusque, et Indus, te profugus Scythes  
Miratur, o tutela præsens  
Italix, dominæque Romæ:

Te, fontium qui celat origines  
 Nilusque, et Ister, te rapidus Tigris,  
 Te belluosus qui remotis  
 Obstrepit Oceanus Britannis,

Te non paventis funera Galliae,  
 Duræque tellus audit Iberiæ:  
 Te cæde gaudentes Sicambri  
 Compositis venerantur armis.

## ODE XV.

## AUGUSTI LAUDES.

**P**HORAEUS volentem prælia me loqui  
 Victas et urbes increpuit lyra,  
 Ne parva Tyrrhenum per æquor  
 Vela darem. Tua, Cæsar, ætas

Fruges et agris rettulit uberes,  
 Et signa nostro restituit Jovi  
 Direpta Parthorum superbis  
 Postibus, et vacuum duellis

Janum Quirini clausit, et ordinem  
 Rectum et vaganti fræna licentiæ  
 Injecit, amovitque culpas,  
 Et veteres revocavit artes,


Per quas Latinum nomen et Italiæ  
 Crevere vires, famaque et imperi  
 Porrecta majestas ad ortum  
 Solis ab Hesperio cubili.

Custode rerum Cæsare, non furor  
Civilis, aut vis eximet otium;  
Non ira, quæ procudit enses,  
Et miseras inimicat urbes.

Non qui profundum Danubium hibunt  
Edicta rumpent Julia, non Getæ,  
Non Seres, infidive Persæ,  
Non Tanaim prope flumen orti.

Nosque et profestis lucibus et sacris,  
Inter jocosæ munera Liberi,  
Cum prole matronisque nostris,  
Rite deos prius apprecati,

Virtute functos, more patrum, duces,  
Lydis remixto carmine tibiis,  
Trojamque et Anchisen, et almæ  
Progeniem Veneris canemus.




QUINTI  
HORATII FLACCI  
EPODON LIBER.

---

ODE I.

AD MAECENATEM.

**I**BIS Liburnis inter alta navium,  
Amice, propugnacula,  
Paratus omne Cæsaris periculum  
Subire, Mæcenas, tuo,  
Quid nos, quibus te vita si superstite  
Jucunda; si contrà, gravis?  
Utrumne jussi persequemur otium,  
Non dulce, ni tecum simul?  
An hunc laborem mente laturi decet  
Quà ferre non molles viros?  
Feremus; et te vel per Alpium juga,  
Inhospitalem et Caucasum,  
Vel occidentis usque ad ultimum sinum,  
Forti sequemur pectore.





Roges tuum labore quid juvem meo  
 Imbellis, ac firmus parum?  
 Comes minore sum futurus in metu,  
 Qui major absentes habet:  
 Ut assidens imploribus pullis avis  
 Serpentium allapsus timet,  
 Magis relictis; non, ut adsit, auxili  
 Latura plus præsentiis.  
 Libenter hoc et omne militabitur  
 Bellam in tuæ spem gratiæ:  
 Non ut juvencis illigata pluribus  
 Aratra nitantur meis;  
 Pecusve Calabris ante sidus fervidum  
 Lucana mutet pascua;  
 Nec ut superni villa candens Tusculi  
 Circæa tangat mœnia.  
 Satis superque me benignitas tua  
 Ditavit: haud paravero  
 Quod aut avarus, ut Chremes, terrâ premam,  
 Discinctus aut perdam ut nepos.

---

## ODE II.

**B**EATUS ille qui procul negotiis,  
 Ut prisca gens mortalium,  
 Paterna rura bobus exercet suis,  
 Solutus omni fœnore.  
 Neque excitatur classico miles truci,  
 Neque horret iratum mare;  
 Forumque vitat, et superba civium  
 Potentiorum limina.  
 Ergo aut adultâ vitium propagine  
 Altas maritat populos;  
 Inutilesque falce ramos amputans,

Feliciores inserit;  
 Aut in reductâ valle mugientium  
     Prospectat errantes greges;  
 Aut pressa puris mella condit amphoris;  
     Aut tondet infirmas oves:  
 Vel, quum decorum mitibus pomis caput  
     Autumnus arvis extulit,  
 Ut gaudet insitiva decerpens pyra,  
     Certantem et uvam purpuræ,  
 Quâ muneretur te, Priape, et te, pater  
     Silvane, tutor finium!  
 Libet jacere modò sub antiquâ ilice,  
     Modò in tenaci gramine.  
 Labuntur altis interim ripis aquæ;  
     Queruntur in silvis aves;  
 Fontesque lymphis obstrepunt manantibus,  
     Somnos quod invitet leves.  
 At, quum tonantis annus hibernus Jovis  
     Imbres nivesque comparat,  
 Aut trudit acres hinc et hinc multâ cane  
     Apros in obstantes plagas;  
 Aut amite levi rara tendit retia,  
     Turdibus edacibus dolos;  
 Pavidumque leporem, et advenam laqueo gruena  
     Jucunda captat præmia.  
 Quis non malarum, quas amor curas habet,  
     Hæc inter obliviscitur?  
 Quòd si pudica mulier in partem juvens  
     Domum atque dulces liberos,  
 Sabina qualis, aut perusta solibus  
     Pernicis uxor Appuli,  
 Sacrum vetustis extruat lignis focum  
     Lassi sub adventum viri,  
 Claudensque textis cratibus lætum pecus  
     Distenta siccet ubera,  
 Et horna dulci vina promens dolio

# EPODON LIBER.

127

Dapes inemptas apparet :  
 Non me Lucrina juerint conchyliâ ,  
 Magisve rhombus , aut scari ,  
 Si quos Eois intonata fluctibus  
 Hiems ad hoc vertat mare ;  
 Non Afra avis descendat in ventrem meum ,  
 Non attagen Ionicus  
 Jucundior , quàm lecta de pinguiissimis  
 Oliva ramis arborum ,  
 Aut herba lapathi prata amantis , et gravi  
 Malvæ salubres corpori ,  
 Vel agna festis cæsa Terminalibus ,  
 Vel hœdus ereptus lupo.  
 Has inter epulas , ut juvat pastas oves  
 Videre properantes domum ;  
 Videre fessos vomerem inversum boves  
 Collo trahentes languido ;  
 Positosque vernas , ditis examen domûs ,  
 Circum renidentes Lares !  
 Hæc ubi locutus sœnerator Alfius ,  
 Jam jam futurus rusticus ,  
 Omnem redegit Idibus pecuniam ;  
 Quærit Kalendis ponere.

## ODE III.

### AD MAECENATEM.

PARENTIS olim si quis impiâ manu  
 Senile guttur fregerit ,  
 Edat cicutis allium nocentius.  
 O dura messorum ilia !  
 Quid hoc veneni sævit in præcordiis !  
 Num viperinus his cruor

Incoctus herbis me fefellit? an malas  
 Canidia tractavit dapes?  
 Ut Argonautas præter omnes candidum  
 Medea mirata est ducem,  
 Ignota tauris illigaturum juga,  
 Perunxit hoc Jasonem:  
 Hoc delibutis ulta donis pellicem,  
 Serpente fugit alite.  
 Nec tantus umquam siderum insedit vapor  
 Siticulosæ Apuliæ;  
 Nec munus humeris efficacis Herculis  
 Inarsit æstuosius.  
 At, si quid umquam tale concupiveris,  
 Jocose Mæcnas, precor  
 Manum puella suavio opponat tuo,  
 Extremâ et in spondâ cubet.

---

## ODE IV.

## IN MENAM.

**L**UPIS et agnis quanta sortitò obtigit  
 Tecum mihi discordia est,  
 Ibericis peruste funibus latus,  
 Et crura durâ compede.  
 Licet superbus ambules pecuniâ,  
 Fortuna non mutat genus.  
 Videsne, sacram metiente te viam  
 Cum bis ter ulnarum togâ,  
 Ut ora vertat huc et huc euntium  
 Liberrima indignatio?  
 Sectus flagellis hic Triumviralibus,  
 Præconis ad fastidium,  
 Arat Falerni mille fundi jugera,

EPODON LIBER.

129

Et Appiam mannis terit:  
Sedilibusque magnus in primis eques,  
Othone contempto, sedet.  
Quid addinet tot ora navium gravi  
Rostrata duci pondere  
Contra latrones atque servilem manum,  
Hoc, hoc tribuno militum?

---

ODE V.

IN CANIDIAM VENEFICAM.

AT, o Deorum quidquid in cœlo regit  
Terras et humanum genus!  
Quid iste fert tumultus? et quid omnium  
Vultus in unum me truces?  
Per liberos te, si vocata partibus  
Lucina veris adfuit,  
Per hoc inane purpuræ decus, precor,  
Per improbatum hæc Jovem,  
Quid ut noverca me intueris, aut uti  
Petita ferro bellua?  
Ut hæc trementi questus ore, constitit  
Insignibus raptis puer,  
Impube corpus, quale posset impia  
Mollire Thracum pectora;  
Canidia, brevibus implicata viperis  
Crines et incompertum caput,  
Jubet sepulcris caprificos erutas,  
Jubet cupressos funebres,  
Et uncta turpis ova ranæ sanguine,  
Plumamque nocturnæ strigis,  
Herbasque quas Iolcos atque Iberia  
Mittit venenorum ferax,

Et ossa ab ore rapta jejunæ canis,  
Flammis aduri Colchicis.  
At expedita Sagana, per totam domum  
Spargens avernales aquas,  
Horret capillis ut marinus asperis  
Echinus, aut currens aper.  
Abacta nullâ Veia conscientia  
Ligonibus duris humum  
Exhauriebat, ingemens laboribus;  
Quò posset infossus puer  
Longo die bis terque mutatæ dapis  
Inemori spectaculo;  
Quum promineret ore, quantum exstant aquâ  
Suspensa mento corpora:  
Exusta nti medulla et aridum jecur  
Amoris esset poculum,  
Interminato quum semel fixæ cibo  
Intabuissent pupulæ.  
Non defuisse masculæ libidinis  
Ariminensem Foliam,  
Et otiosa credidit Neapolis,  
Et omne vicinum oppidum,  
Quæ sidera, excantata voce Thessalâ,  
Lunamque cœlo deripit.  
Hic irresectum sæva dente livido  
Canidia rodens pollicem,  
Quid dixit? aut quid tacuit? O rebus meis  
Non infideles arbitræ,  
Nox et Diana quæ silentium regis,  
Arcana quum fiunt sacra;  
Nunc, nunc adeste; nunc in hostiles domos  
Iram atque numen vertite.  
Formidolosæ dum latent silvis feræ,  
Dulci sopore languidæ,  
Senem, quod omnes rideant, adulterum  
Latrent Suburanæ canes,

Nardo perunctum, quale non perfectius  
    Meæ laborârint manus.  
Quid accidit? cur dira barbaræ minus  
    Venena Medæ valent,  
Quibus superbam fugit ulta pellicem,  
    Magni Creontis filiam,  
Quam palla, tabo munus imbutum, novam  
    Incendio nuptam abstulit?  
Atqui nec herba nec latens in asperis  
    Radix fefellit me locis.  
Indormit unctis omnium cubilibus  
    Oblivione pellicum.  
Ah! ah! solutus ambulat veneficæ  
    Scientioris carmine.  
Non usitatis, Vare, potionibus,  
    O multa fleturum caput!  
Ad me recurre; nec vocata mens tua  
    Marsis redibit vocibus.  
Majus parabo, majus infundam tibi  
    Fastidienti poculum.  
Priusque cælum sidet inferius mari,  
    Tellure porrectâ super,  
Quàm non amore sic meo flagres, uti  
    Bitumen atris ignibus.  
Sub hæc puer jam nou, ut antè, mollibus  
    Lenire verbis impias;  
Sed, dubius unde rumperet silentium,  
    Misit Thyesteas preces.  
Venena, magnum fas nefasque, non valent  
    Convertere humanam vicem.  
Diris agam vos: dira detestatio  
    Nullâ expiatur victimâ.  
Quin, ubi perire jussus expiravero,  
    Nocturnus occurram Furor,  
Petamque vultus umbra curvis unguibus,  
    Quæ vis Deorum est Manium;

Et inquietis adsidens præcordiis ,  
 Pavore somnos auferam.  
 Vos turba vicatim hinc et hinc saxis petens  
 Contundet obscenas anus.  
 Post insepulta membra different lupi  
 Et Esquilinæ alites :  
 Neque hoc parentes , heu ! mihi superstites !  
 - Effugerit spectaculum.

## ODE VI.

IN CASSIUM SEVERUM,  
 POETAM MALEDICUM.

QUID immerentes hospites vexas , canis ,  
 Ignavus adversum lupos ?  
 Quin huc inanes , si potes , vertis minas ,  
 Et me remorsurum petis ?  
 Nam , qualis ant Molossus aut fulvus Lacon ,  
 Amica vis pastoribus ,  
 Agam per altas aure sublatâ nives ,  
 Quæcumque præcedet fera.  
 Tu , quum timendâ voce complesti nemus ,  
 Projectum odoraris cibum.  
 Cave , cave , namque in malos asperrimus  
 Parata tollo cornua :  
 Qualis Lycambæ spretus infido gener ,  
 Aut acer hostis Bupalò.  
 An , si quis atro dente me petiverit ,  
 Inultus ut flebo puer ?



## ODE VII.

## AD POPULUM ROMANUM.

Quò, quò scelesti ruitis? aut cur dexteris  
Aptantur enses conditi?  
Parumne campis atque Neptuno super  
Fusum est Latini sanguinis?  
Non ut superbas invidæ Carthaginis  
Romanus arces ureret,  
Intactus aut Britannus ut descenderet  
Sacrà catenatus vià;  
Sed ut, secundùm vota Parthorum, suâ  
Urbs hæc periret dexterâ.  
Neque hic lupis mos, nec fuit leonibus,  
Numquam nisi in dispar feris.  
Furorne cæcus, an rapit vis acrior?  
An culpa? responsum date.  
Tacent; et ora pallor albus inficit,  
Mentesque percussæ stupent.  
Sic est: acerba fata Romanos agunt,  
Scelusque fraternæ necis,  
Ut immerentis fluxit in terram Remi  
Sacer nepotibus crnor.

## ODE VIII.

## IN ANUM LIBIDINOSAM.

Rogare longo putidam te sæculo  
Vires quid enervet meas?

Quum sit tibi dens ater, et rugis vetus  
 Frontem senectus exaret;  
 Hietque turpis inter aridas nates  
 Podex, velut crudæ bovis.  
 Sed incitat me pectus et mammæ putres,  
 Equina quales ubera;  
 Venterque mollis, et femur tumentibus  
 Exile suris additum.  
 Esto beata; funus atque imagines  
 Ducant triumphales tuum;  
 Nec sit marita quæ rotundioribus  
 Onusta baccis ambulet.  
 Quid, quòd libelli Stoici inter sericos  
 Jacere pulvillos amant?  
 Illiterati num minus nervi rigent?  
 Minusve languet fascinum?  
 Quòd ut superbo provocas ab inguine,  
 Ore adlaborandum est tibi.

## ODE IX.

## AD MAECENATEM.

QUANDO repostum Cæcubum ad festas dapes,  
 Victore lætus Cæsare,  
 Tecum sub altâ, sic Jovi gratum, domo,  
 Beate Mæcenas, bibam,  
 Sonante mixtum tibiis carmen lyrâ,  
 Hæc Dorium, illis Barbarum;  
 Ut nuper, actus quum freto Neptunius  
 Dux fugit, ustis navibus,  
 Minatus urbi vincla, quæ detraxerat  
 Servis amicus perfidis?  
 Romanus, cheu! posterî negabit!

# EPODON LIBER.

137

Emancipatus feminae,  
Fert vallum et arma miles, et spadonibus  
Servire rogosis potest;  
Interque signa turpe militaria  
Sol adspicit conopeum.  
Ad hoc frementes verterunt bis mille equos  
Galli canentes Cæsarem;  
Hostiliumque navium portu latent  
Puppes sinistrorsum citæ.  
Io triumphe! tu moraris aureos  
Currus, et intactas boves:  
Io triumphe! nec Jugurthino parem  
Bello reportasti ducem;  
Neque Africano, cui super Carthaginem  
Virtus sepulcrum condidit.  
Terrâ marique victus hostis punico  
Lugubre mutavit sagum;  
Aut ille centum nobilem Cretam urbibus,  
Ventis iturus non suis,  
Exercitatas aut petit Syrtes Noto;  
Aut fertur incerto mari.  
Capaciores affer huc, puer, scyphos,  
Et Chia vina, aut Lesbia,  
Vel, quod fluentem nauseam coërceat,  
Metire nobis Cæcubum.  
Curam metumque Cæsaris rerum juvat  
Dulci Lyæo solvere.

---

## ODE X.

IN MAEVIUM POETAM.

**M**ALA soluta navis exit alite,  
Ferens olentem Mævium.

Ut horridis utrumque verberes latus,  
 Auster, memento fluctibus.  
 Niger rudentes Eurys, inverso mari,  
 Fractosque remos differat.  
 Insurgat Aquilo, quantus altis montibus  
 Frangit tremantes ilices:  
 Nec sidus atrâ nocte amicum appareat,  
 Quâ tristis Orion cadit:  
 Quietiore nec feratur æquore,  
 Quàm Graia victorum manus,  
 Quum Pallas isto vertit iram ab Illo  
 In impiam Ajacis ratem.  
 O quantus instat navitis sudor tuis,  
 Tibique pallor luteus,  
 Et illa non virilis ejulatio,  
 Preces et aversum ad Jovem,  
 Ionius udo quum remugiens sinus  
 Noto carinam ruperit!  
 Opima quòd si præda curvo littore  
 Porrecta mergos juveris,  
 Libidinosus immolabitur caper,  
 Et agna tempestatibus.

## ODE XI.

## AD PECTIUM.

PECTI, nihil me, sicut antea, juvat  
 Scribere versiculos amore perculsum gravi;  
 Amore, qui me præter omnes expetit  
 Mollibus in pueris aut in puellis urere.  
 Hic tertius December, ex quo destitit  
 Inachiâ furere, silvis honorem decutit.  
 Heu me! per urbem, nam pudet tanti mali,

Fabula quanta fui! conviviorum et pœnitet,  
 In quæis amantem et languor et silentium  
 Arguit, et latere petitus imo spiritus.  
 Contrane lacrum nil valere candidum  
 Pauperis ingenium! querebar applorans tibi,  
 Simul calentis inverecondus Deus  
 Fervidiora mero arcana promôrat loco.  
 Quòd si meis inæstuat præcordiis  
 Libera bilis, ut hæc iugrata ventis dividat  
 Fomenta, vnlus nil malum levantis;  
 Desinet inparibus certare submotus pudor.  
 Ubi hæc severus te palàm laudaveram,  
 Jussus abire domum, ferebar incerto pede  
 Ad non amicos, heu! mihi postes, et, heu!  
 Limina dura, quibus lumbos et infregi latus.  
 Nunc, gloriantis quamlibet mulierculam  
 Vincere mollitiâ, amor Lycisci nie tenet;  
 Unde expedire non amicorum queant  
 Libera consilia, nec contumeliæ graves;  
 Sed alius ardor aut puellæ candidæ,  
 Aut teretis pueri longam renodantis comam.

ODE XII.

IN ANUM LIBIDINOSAM.

QUID tibi vis, mulier nigris dignissima barris?  
 Munera cur mihi, quidve tabellas  
 Mittis, nec firmo juveni, neque naris obesæ?  
 Namque sagaciùs unus odoror  
 Polypus an gravis hirsutis cabet hircus in alis,  
 Quam canis acer ubi lateat sus.  
 Qui sudor vietis et quam malus undique membris  
 Crescit odor, quum pene soluto

Indomitam properat rabiem sedare, nec illi  
 Jam manet humida creta colorque  
 Stercore fucatus crocodili, jacque subando  
 Tenta cubilia tectaque rumpit,  
 Vel mea quum sævis agitat fastidia verbis!  
 Inachia langues minùs ac me:  
 Inachiam ter nocte potes; mihi semper ad unum  
 Mollis opus. Pereat malè, quæ te,  
 Lesbia, quærenti taurum, monstravit inertem;  
 Quum mihi Cœus adesset Amyntas,  
 Cujus in indomito cons'antior inguine nervus,  
 Quàm nova collibus arbor, inhæret,  
 Muricibus Tyriis iteratæ vellera lanæ  
 Cui properabantur? Tibi nempè,  
 Ne foret æquales inter conviva magis quem  
 Diligeret mulier sua quàm te.  
 O ego infelix, quam tu fugis, ut pavet acres  
 Agna lupos, capræque leones!

## ODE XIII.

AD AMICOS.

**H**ORRIDA tempestas cœlum contraxit, et imbres  
 Nivesque deducunt Jovem: nunc mare, nunc silvæ,  
 Threicio Aquilone sônant. Rapiamus, amici,  
 Occasionem de die: dumque virent genua,  
 Et decet, obductâ solvatur fronte senectus.  
 Tu vina Torquato move consule pressa meo.  
 Cetera mitte loqui: Deus hæc fortasse benignâ  
 Reducet in sedem vice. Nunc et Achæmenio  
 Perfundi nardo juvat, et fide Cylleneâ  
 Levare diris pectora sollicitudinibus:

Nobilis ut grandi cecinit Centaurus alumno :  
 Invictæ mortalis, Deâ nate puer Thetide ,  
 Te manet Assaraci tellus, quam frigida parvi  
 Findunt Scamandri flumina, lubricus et Simois ;  
 Unde tibi reditum certo subtemine Parcæ  
 Rupere ; nec mater domum cœrula te revehet.  
 Illic omne malum vino cantuque levato ,  
 Deformis ægrimoniz dulcibus alloquiis.

ODE XIV.

AD MÆCENATEM.

**M**OLLIS inertia cur tantam diffuderit imis  
 Oblivionem sensibus ,  
 Pocula Lethæos ut si ducentia somnos  
 Arente fauce traxerim ,  
 Candide Mæcenas, occidis sæpè rogando :  
 Deus, Deus nam me vetat  
 Inceptos, olim promissum carmen, iamhos  
 Ad umbilicum adducere.  
 Non aliter Samio dicunt arsisse Bathillo  
 Anacreonta Teium ,  
 Qui persæpè cavâ testudine flevit amorem  
 Non elaboratum ad pedem.  
 Ureris ipse miser : quòd si non pulchrior ignis  
 Accendit obsessam Ilion ,  
 Gaude sorte tuâ ; me libertina, neque uno  
 Contenta, Phryne, macerat.

## ODE XV.

AD NEAERAM AMICAM..

**N**ox erat, et cœlo fulgebat Luna sereno  
Inter minora sidera,  
Quum tu, magnorum numen læsura Deorum,  
In verba jurabas mea,  
Arctius atque hederâ procera adstringitur ilex  
Lentis adhærens brachiis:  
Dum pecori lupus, et nautis infestus Orion  
Turbaret hibernum mare,  
Intonsosque agitare Apollinis aura capillos,  
Fore hunc amorem mutuum.  
O dolitura meâ multum virtute Neæra:  
Nam, si quid in Flacco viri est,  
Non feret assiduas potiori te dare noctes,  
Et quæret iratus parem;  
Nec semel offensæ cedet constantia formæ,  
Si certus intrârit dolor.  
At tu, quicumque es felicior. atque meo nunc  
Superbus incedis malo,  
Sis pecore et multâ dives tellure licebit,  
Tibique Pactolus fluat,  
Nec te Pythagoræ fallant arcana renati,  
Formaque vincas Nireæ;  
Ehen! translatos aliò mœrebis amores:  
Ast ego vicissim risero.



ODE XVI.

AD POPULUM ROMANUM.

**A**LTERA jam teritur bellis civilibus ætas,  
 Suis et ipsa Roma viribus ruit:  
 Quam neque finitimi valuerunt perdere Marsi,  
 Minacis aut Etrusca Porsenæ manus,  
 Aemula nec virtus Capuæ, nec Spartacus acer,  
 Novisque rebus infidelis Allobrox,  
 Nec fera cœruleâ domuit Germania pube,  
 Parentibusque abominatus Hannibal,  
 Impia perdemus devoti sanguinis ætas,  
 Ferisque rursus occupabitur solum.  
 Barbarus, heu! cineres insistet victor, et urbem  
 Eques sonante verberabit ungulâ:  
 Quæque carent ventis et solibus, ossa Quirini,  
 Nefas videre! dissipabit insolens.  
 Fortè, quid expediat, communiter, aut melior pars,  
 Malis carere quæritis laboribus.  
 Nulla sit hâc potior sententia: Phocæorum  
 Velut profugit exsecrata civitas,  
 Agros atque Lares proprios, habitandaque fana  
 Apris reliquit et rapacibus lupis;  
 Ire pedes quocumque ferent, quocumque per undas  
 Notus vocabit aut protervus Africus.  
 Sic placet? an meliùs quis habet suadere? secundâ  
 Ratem occupare quid moramur alite?  
 Sed juremus in hæc, simul imis saxa renârint  
 Vadis levata, ne redire sit nefas:  
 Neu conversa domum pigeat dare lintea, quando

Padus Matina laverit cacumina ;  
In mare seu celsus procurrerit Apeninus ;  
Novæque monstra junxerit libidine  
Mirus amor, juvet ut tigres subsidere cervis ,  
Adulteretur et columba miluo ,  
Credula nec rivos timeant armenta leones ,  
Ametque salsa levis hircus æquora.  
Hæc, et quæ poterunt reditus abscondere dulces ,  
Eamus omnis execrata civitas ,  
Aut pars indocili melior grege : mollis et exspes  
Inominata perprimat cubilia.  
Vos, quibus est virtus, muliebrem tollite luctum,  
Etrusca præter et volate littora.  
Nos manet Oceanus circum vagus arva : beata  
Petamus arva, divites et insulas,  
Reddit ubi Cererem tellus inarata quotannis,  
Et imputata floret usque vinea ,  
Germinat et numquam fallentis termes olivæ ,  
Suamque pulla ficus ornat arborem ,  
Mella cavâ manant ex ilice, montibus altis  
Levis crepante lympa desilit pede.  
Illic injussæ veniunt ad mulctra capellæ ,  
Refertque tenta grex amicus ubera ;  
Nec vespertinus circumgemit ursus ovile ,  
Nec intumescit alta viperis humus :  
Nulla nocent pecori contagia, nullius astri  
Gregem æstiosa torret impotentia.  
Pluraque felices mirabimur ; ut neque largis  
Aquosus Enrus arva radat imbribus ,  
Pinguia nec siccis urantur semina glebis ,  
Utrumque rege temperante cœlitum.  
Non huc Argoo contendit remige pinus ,  
Neque impudica Colchis intulit pedem ;  
Non huc Sidonii torserunt cornua nautæ ,  
Laboriosa nec cohors Ulixæi :

Juppiter illa piæ secrevit littora genti,  
 Ut inquinavit ære tempus aureum;  
 Aere, dehinc ferro duravit sæcula, quorum  
 Pius secunda vate me datur fuga.

ODE XVII.

AD CANIDIAM.

HORATIUS.


**J**AM jam efficaci do manus scientiæ;  
 Supplex et oro regna per Proserpinæ,  
 Per et Dianæ non movenda numina,  
 Per atque libros carminum valentium  
 Refixa cœlo devocare sidera,  
 Canidia, parce vocibus tandem sacris,  
 Citumque retro solve, solve, turbinem.  
 Movit nepotem Telephus Nereium,  
 In quem superbus ordinârat agmina  
 Mysorum, et in quem tela acuta torserat.  
 Unxere matres Iliæ addictum feris  
 Alitibus atque canibus homicidam Hectorem,  
 Postquam relictis mœnibus rex procidit,  
 Heu! pervicacis ad pedes Achillei.  
 Setosa duris exuere pellibus  
 Laboriosi remiges Ulixei,  
 Volente Circe, membra; tunc mens, et sonus  
 Relapsus, atque notus in vultus honor.  
 Dedi satis superque pœnarum tibi,  
 Amata nautis multum et institoribus.  
 Fugit juventas, et verecundus color  
 Reliquit ossa pelle amicta luridâ;  
 Tuis capillus albus est odoribus.

Nullum a labore me reclinat otium :  
 Urget diem nox , et dies noctem ; neque est  
 Levare tenta spiritu præcordia.  
 Ergo negatum vincor ut credam miser ,  
 Sabella pectus increpare carmina ,  
 Caputque Marsâ dissilire nœniâ.  
 Quid ampliùs vis ? O mare et terra ! ardeo ,  
 Quantùm neque atro delibutus Hercules  
 Nessi cruore , nec Sicanâ fervida  
 Urens in Aetnâ flamma. Tu , donec cinis  
 Injuriis aridus ventis ferar ,  
 Cales venenis officina Colchicis.  
 Quæ finis ? aut quod me manet stipendium ?  
 Effare : jussas cum fide penas luam ,  
 Paratus expiare , seu poposceris ,  
 Centum juvencos , sive mendaci lyrâ  
 Voles sonari ; tu pudica , tu proba ,  
 Perambulabis astra sidus aureum.  
 Infamis Helenæ Castor offensus vice ,  
 Fraterque magni Castoris , victi prece ,  
 Adempta vati reddidere lumina.  
 Et tu , potes nam , solve me dementia ,  
 O nec paternis obsoleta sordibus ,  
 Nec in sepulcris pauperum prudens anus  
 Novemdiales dissipare pulveres.  
 Tibi hospitale pectus et puræ manns ;  
 Tuusque venter Pactumeius ; et tuo  
 Cruore rubros obstetrix pannos lavit ,  
 Utcumque fortis exsillis puerpera.

## CANIDIA.

Quid obseratis auribus fundis preces ?  
 Non saxa nudis surdiora navitis  
 Neptunus alto tundit hibernus salo.  
 Inultus ut tu riseris Cotyttia  
 Vulgata , sacrum liberi Cupidinis ?  
 Et Esquilini Pontifex venefici

Impunè ut urbem nomine impleris meo?  
Quid proderat ditasse Pelignas anus,  
Velociusve miscuisse toxicum?  
Sed tardiora fata te votis manent.  
Ingrata misero vita ducenda est, in hoc,  
Novis ut usque suppetas doloribus.  
Optat quietem Pelopis infidus pater,  
Egens benignæ Tantalus semper dapis;  
Optat Prometheus obligatus aliti;  
Optat supremo collocare Sisyphus  
In monte saxum: sed vetant leges Jovis.  
Voles modò altis desilire turribus,  
Modò ense pectus Norico recludere;  
Frustrâque vincla gutturi nectes tno,  
Fastidiosâ tristis ægrimonîâ.  
Vectabor humeris tunc ego inimicis eques,  
Meæque terra cedit insolentiæ.  
An, quæ movere cereas imagines,  
Ut ipse nôsti curiosus, et polo  
Deripere Lunam vocibus possim meis,  
Possim crematos excitare mortuos,  
Desiderique temperare poculum,  
Florem artis in te nil habentis exitum?



QUINTI  
HORATII FLACCI  
CARMEN  
SAECULARE.

~~~~~  
AD APOLLINEM ET DIANAM.

**P**ROBAE', silvarumque potens Diana,  
Lucidum cœli decus, o colendi  
Semper et culti, date quæ precamur  
Tempore prisco;

Quo Sibyllini monuere versus  
Virgines lectas puerosque castos  
Dis quibus septem placere colles  
Dicere carmen.

Alme Sol, curru nitido diem qui  
Promis et celas, aliusque et idem  
Nasceris, possis nihil urbe Româ  
Visere majus!

Q. HORATII FLACCI, etc. 147

Rite maturos aperire partus  
Lenis Ilithuia, tuere matres;  
Sive tu Lucina probas vocari,  
Seu Genitalis.

Diva, producas sobolem, patrumque  
Prosperes decreta super jugandis  
[Feminis, prolisque novæ feraci  
Lege maritâ.

Certus undenos decies per annos  
Orbis ut cantus referatque ludos,  
Ter die claro, totiesque gratâ  
Nocte frequentes.

Vosque veraces cecinisse, Parcæ,  
Quod semel dictum est, stabilisque rerum  
Terminus servet, bona jam peractis  
Jungite fata.

Fertilis frugum pecorisque Tellus  
Spiceâ donet Cererem coronâ:  
Nutriant fetus et aquæ salubres  
Et Jovis auræ.

Condito mitis placidusque telo  
Supplices audi pueros, Apollo.  
Siderum regina bicornis, audi,  
Luna, puellas.

Roma si vestrum est opus, Iliæque  
Littus Etruscum tenere turmæ,  
Jussa pars mutare Lares et urbem  
Sospite cursu,

Cui per ardentem sine fraude Trojam  
Custus Aeneas, patriæ superstes,  
Liberum munivit iter, daturus  
Plura relictis:

Di, probos mores docili juventæ,  
Di, senectuti placidæ quietem,  
Romulæ genti date remque prolemque  
Et decus omne.

Quæque vos bobus veneratur albis  
Clarus Anchisæ Venerisque sanguis,  
Impetret, bellante prior, jacentem  
Lenis in hostem.

Jam mari terræque manus potentes  
Medus Albanasque timet securës:  
Jam Scythæ responsa petunt, superbi  
Nuper, et Indi.

Jam Fides, et Pax, et Honor, Pudorque  
Priscus, et neglecta redire Virtus  
Audet; apparetque beata pleno  
Copia cornu.

Augur et fulgente decorus arcu  
Phœbus, acceptusque novem Camœnis,  
Qui salutari levat arte fessos  
Corporis artus,

Si Palatinas videt æquus aras;  
Remque Romanam Latiumque felix  
Alterum in lustrum meliusque semper  
Proroget ævum.






CARMEN SAECULARE. 149

Quæque Aventinum tenet Algidumque,  
Quindecim Diana preces virorum  
Curet, et votis puerorum amicas  
    Applicet aures.

Hæc Jovem sentire Deosque cunctos  
Spem bonam certamque domum reporto,  
Doctus et Phœbi chorus et Dianæ  
    Dicere laudes.




QUINTI  
HORATII FLACCI  
SATIRARUM  
LIBER PRIMUS.

---

SATIRA I.

AD MAECENATEM.

**Q**ui fit, Mæcenas, ut nemo quam sibi sortem  
Seu ratio dederit, seu fors objecerit, illâ  
Contentus vivat, laudet diversa sequentes?  
O fortunati mercatores! gravis annis  
Miles ait, multo jam fractus membra labore.  
Contrà mercator, navim jactantibus Austris,  
Militia est potior: quid enim? concurritur; horæ  
Memento cita mors venit, aut victoria læta.  
Agricolam laudat juris legumque peritus,  
Sub galli cantum consultor ubi ostia pulsat.  
Ille datis vadibus qui rure extractus in urbem est  
Solos felices viventes clamat in urbe.



Cetera de genere hoc, adeo sunt multa, loquacem  
 Delassare valent Fabium. Ne te morer, audi  
 Quò rem deducam. Si quis Deus, En ego, dicat,  
 Jam faciam quod vultis: eris tu, qui modò miles,  
 Mercator: tu, consultus modò, rusticus: hinc vos,  
 Vos hinc, mutatis discedite partibus. Eia!  
 Quid statis? Nolint. Atqui licet esse beatia.  
 Quid causæ est meritò quin illis Juppiter ambas  
 Iratus buccas inflat, neque se fore posthac  
 Tam facilem dicat votis ut præbeat aurem?  
 Præterea, ne sic, ut qui jocularia, ridens  
 Percurram; quamquam ridentem dicere verum  
 Quid vetat? ut pueris olim dant crustula blandi  
 Doctores, elementa velint ut discere prima:  
 Sed tamen amoto quæramus seria ludo.  
 Ille gravem duro terram qui vertit aratro,  
 Perfidus hic caupo, miles, nautæque per omne  
 Audaces mare qui currunt, hâc mente laborem  
 Sese ferre, senes ut in otia tuta recedant,  
 Aiunt, quum sibi sint congesta cibaria: sicut  
 Parvula, nam exemplo est, magni formica laboris  
 Ore trahit quodcumque potest, atque addit acervo  
 Quem struit, haud ignara ac non incauta futuri.  
 Quæ, simul inversum contristat Aquarius annum,  
 Non usquam prorepat, et illis utitur antè  
 Quæsitis sapiens: quum te neque fervidus æstus  
 Dimoveat Incro, neque hiems, ignis, mare, ferrum;  
 Nil obstat tibi, dum ne sit te ditior alter.  
 Quid juvat immensum te argenti pondus et auri  
 Furtim defossâ timidum deponere terrâ?—  
 Quod, si comminuas, vilem redigatur ad assem.—  
 At, ni id sit, quid habet pulchri constructus acervus?  
 Millia frumenti tua triverit area centum;  
 Non tuus hoc capiet venter plus quàm meus: ut, si  
 Reticulum panis venales inter onusto  
 Fortè vehas humero, nihilo plus accipias quàm

Qui nil portarit. Vel dic, quid referat intra  
 Naturæ fines viventi, jugera centum, an  
 Millearet? — Atsuave est ex magno tollere acervo. —  
 Dum ex parvo nobis tantumdem haurire relinquas,  
 Cur tua plus laudes cumeris granaria nostris?  
 Ut, tibi si sit opus liquidi non amplius urna,  
 Vel cyatho, et dicas: Magno de flumine malle,  
 Quàm ex hoc fonticulo tantumdem sumere. Eò fit  
 Plenior ut si quos delectet copia justo,  
 Cum ripâ simul avulsos ferat Aufidus acer.  
 At qui tantulo eget quanto est opus, is neque limo  
 Turbatam haurit aquam, neque vitam amittit in undis.  
 At bona pars hominum decepta cupidine falso,  
 Nil satis est, inquit; quia tanti, quantum habetas, sis.  
 Quid facias illi? jubeas miserum esse, libenter  
 Quatenus id facit: ut quidam memoratur Athenis,  
 Sordidus ac dives, populi contemnere voces  
 Sic solitus: Populus me sibilat; at mihi plaudo  
 Ipse domi, simul ac nummos contempnor in arcâ.  
 Tantalus a labris sitiens fugientia captat  
 Flumina. Quid rides? mutato nomine de te  
 Fabula narratur: congestis undique saccis  
 Indormis inhians, et tamquam parcere sacris  
 Cogeris, aut pictis tamquam gaudere tabellis.  
 Nescis quo valeat nummus, quem præbeat usum?  
 Panis ematur, olus, vini sextarius: adde,  
 Queis humana sibi doleat natura negatis.  
 An vigilare metu exanimem, noctesque diesque  
 Formidare malos fures, incendia, servos,  
 Ne te compilent fugientes, hoc juvat? horum  
 Semper ego optârîm pauperrimus esse bonorum. —  
 At, si condoluit tentatum frigore corpus,  
 Aut alius casus lecto te affixit, habes qui  
 Assideat, fomenta paret, medicum roget, ut te  
 Suscitet, ac reddat natis carisque propinquis? —

Non uxor saluum te vult, non filius: omnes  
Vicini oderunt, noti, pueri atque puellæ.  
Miraris, quum tu argento post omnia ponas,  
Si nemo præstet, quem non merearis, amorem?  
An, si cognatos, nullo natura labore  
Quos tibi dat, retinere velis, servareque amicos,  
Infelix operam perdas, ut si quis asellum  
In campo doceat parentem currere frænis?  
Denique sit finis quærendi; quoque habeas plus,  
Pauperiem metuas minùs, et finire laborem  
Incipias, parto quod avebas; ne facias quod  
Ummidius quidam, non longa est fabula, dives  
Ut metiretur nummos; ita sordidus, ut se  
Non umquam servo melius vestiret; ad usque  
Supremum tempus, ne se penuria victus  
Opprimeret, metuebat. At hunc liberta securi  
Divisit medium, fortissima Tyndaridarum. —  
Quid mi igitur suades? ut vivam Nævius? aut sic  
Ut Nomentanus? — Pergis pugnantia secum  
Frontibus adversis componere? Non ego, avarum  
Quum veto te fieri, vappam jubeo ac nebulonem.  
Est inter Tanaim quiddam socerumque Viselli.  
Est modus in rebus, sunt certi denique fines,  
Quos ultra citraque nequit consistere rectum.  
Illuc, unde abii, redeo. Nemon' ut avarus  
Se probet, at potiùs laudet diversa sequentes?  
Quodque aliena capella gerat distentius uber,  
Tabescat? neque se majori pauperiorum  
Turbæ comparet? hunc atque hunc superare laboret?  
Sic festinanti semper locupletior obstat:  
Ut, quum carceribus missos rapit ungula currus,  
Instat equis auriga suos vincentibus, illum  
Præteritum temnens extremos inter euntem.  
Inde fit ut rarò, qui se vixisse beatum  
Dicat, et exacto contentus tempore vitæ

Cedat uti conviva satur, reperire queamus.  
 Jam satis est: ne me Crispini scrinia lippi  
 Compilasse putes, verbum non ampliùs addam.

## SATIRA II.

### IN MOECHOS.

**A**MBUBAJARUM collegia, pharmacopolæ,  
 Mendici, mimæ, balatrones, hoc genus omne  
 Mœstum ac sollicitum est cantoris morte Tigelli;  
 Quippe benignus erat: contrà hic, ne prodigus esse  
 Dicatur metuens, inopi dare nolit amico  
 Frigus quo duramque famem depellere possit.  
 Hunc si perconteris, avi cur atque parentis  
 Præclaram ingrata stringat malus ingluvie rem,  
 Omnia conductis coëmens obsonia nummis;  
 Sordidus atque animi quod parvi nolit haberi,  
 Respondet: laudatur ab his, culpatur ab illis.  
 Fufidius vappæ famam timet ac nebulonis,  
 Dives agris, dives positus in fœnore nummis.  
 Quinas hic capiti mercedes exsecat; atque  
 Quânto perditior quisque est, tantò acriùs urget;  
 Nomina sectatur, modò sumptâ veste virili  
 Sub patribus duris, tironum. Maxime, quis non,  
 Juppiter, exclamet, simul atque audit? — At in se  
 Pro quæstu sumptum facit. — Hic vix credere possis  
 Quàm sibi non sit amicus: ita ut pater ille, Terenti  
 Fabula quem miserum nato vixisse fugato  
 Inducit, non se pejus cruciaverit atque hic.  
 Si quis nunc quærat, Quò res hæc pertinet? Illuc:  
 Dum vitant stulti vitia, in contraria currunt.  
 Malthinus tunicis demissis ambulat; est qui

Ingenuum ad obscenum subdinctis usque facetus :  
Pastillos Rufillus olet, Gorgonius hircinum :  
Nil medium est. Sunt qui nolint tetigisse, nisi illas  
Quarum subantâ talos tegat instita veste :  
Contrâ alius nullam, nisi olenti in fornice stantem.  
Quidam notus homo quum exiret fornice, Macte  
Virtute esto, inquit sententia dia Catonis :  
Nam, simul ac venas inflavit tetra libido,  
Huc juvenes æquum est descendere ; non alienas  
Permolere uxores. Nolim laudari, inquit,  
Sic me, mirator cunni Cupiennius albi.  
Audire est operæ pretium, procedere rectè  
Qui mœchis non vultis, ut omni parte laborent ;  
Utque illis multo corrupta dolore voluptas,  
Atque hæc rara, cadat dura inter sæpè pericla.  
Hic se præcipitem tecto dedit : ille flagellis  
Ad mortem cæsus : fugiens hic decedit acrem  
Prædonum in turbam : dedit hic pro corpore nummos :  
Hunc perminxerunt calones : quin etiam illud  
Accidit, ut cuidam testes caudamque salacem  
Demeteret ferrum. Jure omnes : Galba negabat.  
Tutior at quantò merx est in classe secundâ !  
Libertinarum dico, Sallustius in quas  
Non minus insanit quàm qui mœchatur. At hic si  
Quà res, quà ratio suaderet, quaque modestè  
Munificum esse licet, vellet bonus atque benignus  
Esse ; daret quantum satis esset, nec sibi damno  
Dedecorique foret : verum hoc se amplectitur uno ;  
Hoc amat, hoc laudat : Matronam nullam ego tango.  
Ut quondam Marsæus, amator Originis, ille  
Qui patrium mimæ donat fundumque laremque,  
Nil fuerit mi, inquit, cum uxoribus umquam alienis.  
Verum est cum mimis ; est cum meretricibus : unde  
Fama malum gravius, quàm res, trahit. An tibi abundè  
Personam satis est, non illud quidquid ubique

Officit, evitare? Bonam deperdere famam,  
Rem patris oblimare, malum est ubicumque. Quid  
inter-

est in matronâ, ancillâ, peccesve togatâ?  
Villius in Faustâ Syllæ gener, hoc miser uno  
Nomine deceptus, pœnas dedit usque superque  
Quàm satis est; pugnis cæsus, ferroque petitus;  
Exclusus fore, quum Longarenus foret intus.  
Huic si mutonis verbis mala tanta videntis  
Dicerethæcanimus: Quid vis tibi? numquid ego a te  
Magno prognatum deposco consule cunnum,  
Velatumque stolâ, mea quum conferbuit ira?  
Quid responderet? Magno patre nata puella est.  
At quantò meliora monet pugnantiæque istis  
Dives opis natura suæ, si tu modò rectè  
Dispensare velis, ac non fugienda petendis  
Immiscere! Tuo vitio rerumne labores,  
Nil referre putas? Quare, ne pœniteat te,  
Desine matronas sectarier, unde laboris  
Plus haurire mali est, quàm ex re decerpere fructus.  
Nec magis huic inter niveos viridesque lapillos,  
Sit licet hoc, Cerinthe, tuo tenerum est femur, ant  
crus

Rectius; atque etiam melius persæpè togatæ.  
Adde huc, quòd merцем sine fucis gestat; apertè  
Quod venale habet ostendit; nec, si quid honesti est,  
Jactat habetque palàm, quærit quò turpia celet.  
Regibus hic mos est: ubi equos mercantur, opertos  
Inspiciunt; ne, si facies, ut sæpè, decora  
Molli fulta pede est, emptorem inducat hiantem  
Quòd pulchræ clunes, breve quòd caput, ardua cervix.  
Hoc illi rectè: ne corporis optima Lynceis  
Contemplere oculis, Hypsæâ cæcior, illa  
Quæ mala sunt spectes:—O crus! O brachia!—Verùm  
Depygis, nasuta, brevi latere ac pede longo est.  
Matronæ, præter faciem, nil cernere possis,



Cetera, ni Catia est, demissâ veste tegentis.  
 Si interdicta petes, vallo circumdata, nam te  
 Hoc facit insanum, multæ tibi tum officient res :  
 Custodes, lectica, ciniffones, parasitæ,  
 Ad talos stola demissa, et circumdata palla;  
 Plurima quæ inuideant purè apparere tibi rem.  
 Altera nil obstat: Cois tibi penè videre est  
 Ut nudam; ne crure malo, ne sit pede turpi;  
 Metiri possis oculo latus. An tibi mavis  
 Insidias fieri, pretiumque avellier, antè  
 Quàm mercem ostendi? — « Leporem venator ut altà  
 « In nive sectetur, positum sic tangere nolit »,  
 Cantat; et apponit: « Meus est amor huic similis; nam  
 « Transvolat in medio posita, et fugientia captat ». —  
 Hiscene versiculis speras tibi posse dolores,  
 Atque æstus, curasque graves e pectore pelli?  
 Nonne cupidinibus statuit natura modum, quem,  
 Quid latúra sibi, quid sit dolitura negatum,  
 Quærere plus prodest, et inane abscindere soldo?  
 Num, tibi quum fauces urit sitis, aurea quæris  
 Pocula? num esuriens fastidis omnia, præter  
 Pavonem rhombumque? Tument tibi quum inguina,  
 num, si

Ancilla aut verna est præsto puer impetus in quem  
 Continuò fiat, malis tentigine rumpi?

Non ego: namque parabilem amo Venerem facilem-  
 que. —

Illam, « post paulò, sed pluris, si exierit vir; »  
 Gallis hanc, Philodemus ait: sibi, quæ neque magno  
 Stet pretio, neque cunctetur, quum est jussa, venire,  
 Candida rectaque sit; munda hactenus, ut neque longa  
 Nec magis alba velit, quàm det natura, videri.  
 Hæc ubi supposuit dextrum corpus mihi lævo,  
 Ilia et Aegeria est: do nomen quodlibet illi.  
 Nec vereor ne, dum futuo, vir rure recurrat,  
 Janua frangatur, latret canis, undique magno

Pulsa domus strepitu resonet, vel pallida lecto  
 Desiliat mulier, miseram se conscia clamet;  
 Cruribus hæc metuat, doti deprensa; egomet mi.  
 Disinctâ tunicâ fugiendum est, ac pede nudo;  
 Ne nummi pereant, aut pyga, aut denique fama.  
 Deprendi miserum est: Fabio vel iudice vincam.

### SATIRA III.

OMNIUS hoc vitium est cantoribus, inter amicos  
 Ut numquam inducant animum cantare rogati,  
 Injussi numquam desistant. Sardus habebat  
 Ille Tigellinus hoc. Cæsar, qui cogere posset,  
 Si peteret per amicitiam patris atque suam, non  
 Quidquam proficeret: si collihuisset, ab ovo  
 Usque ad mala citaret, Io Bacche, modò summâ  
 Voce, modò hæc resonat quæ chordis quatuor imâ.  
 Nil æquale homini fuit illi: sæpè velut qui  
 Currebat fugiens hostem; persæpè velut qui  
 Junonis sacra ferret: habebat sæpè ducentos,  
 Sæpè decem servos: modò reges atque tetrarchas,  
 Omnia magna loquens; modò sit mihi mensa tripes, et  
 Concha salis puri, et toga, quæ defendere frigus,  
 Quamvis crassa, queat. Decies centena dedisses  
 Huic parco paucis contento, quinque diebus  
 Nil erat in oculis: noctes vigilabat ad ipsum  
 Mane; diem totam stertebat: nil fuit umquam  
 Sic impar sibi. Nunc aliquis dicat mihi: — Quid tu?  
 Nullane habes vitia? — Immo alia, et fortasse minora.  
 Mænius absentem Novium quum carperet; Heus tu,  
 Quidam ait, ignoras te? an ut ignotum dare nobis  
 Verba putas? Egomet mi ignosco, Mænius inquit.  
 Stultus et improbus hic amor est, dignusque notari.  
 Quum tuæ pervideas oculis mala lippus inunctis,  
 Cnr in amicorum vitiis tam cernis acutum,

Quàm aut aquila, aut serpens Epidaurins? At tibi  
contra

Evenit, inquirant vitia ut tua rursus et illi. —  
Iracundior est paulò: minùs aptus acutis  
Naribus horum hominum. Rideri possit, eo quod  
Rusticiùs tonso toga defluit, et malè laxus  
In pede calceus hæret. — At est bonus, ut melior vir  
Non alius quisquam: at tibi amicus: at ingenium  
ingens

Inculto latet hoc sub corpore. Denique te ipsum  
Concute, num qua tibi vitiorum inseverit olim  
Natura, aut etiam consuetudo mala: namque  
Neglectis urenda filix innascitur agris.  
Illuc prævertamur, amatorem quòd amicæ  
Turpia decipiunt cæcum vitia, aut etiam ipsa hæc  
Delectant; veluti Balbinum polypus Hagnæ.  
Vellem in amicitia sic erraremus, et isti  
Errori nomen virtus posuisset honestum.  
At, pater ut gnati, sic nos debemus amici,  
Si quod sit vitium, non fastidire. Strabonem  
Appellat pætum pater; et pullum, malè parvus  
Si cui filius est, ut abortivus fuit olim  
Sisyphus: hunc varum, distortis cruribus; illum  
Balbutit scaurum, pravis fultum malè talis.  
Parciùs hic vivit? frugi dicatur: ineptus  
Et jactantior hic paulò est? concinnus amicis  
Postulat ut videatur: at est truculentior, atque  
Plus æquo liber? simplex fortisque habeatur.  
Caldior est? acres inter numeretur: opinor,  
Hæc res et jungit, junctos et servat, amicos.  
At nos virtutes ipsas invertimus, atque  
Sincerum cupimus vas incrustare. Probus quis  
Nobiscum vivit; multum est demissus homo: illi  
Tardo cognomen pingui damus: hic fugit omnes  
Insidias, nullique malo latus obdit apertum,  
Quum genus hoc inter vitæ versetur, ubi acris  
Invidia atque vigent ubi crimina; pro bene sano

Ac non incanto, fictum astutumque vocamus.  
Simplicior quis, et est qualem me sæpè libenter  
Obtulerim tibi, Mæcenas, ut forte legentem  
Aut tacitum impellat quovis sermone? Molestus!  
Communi sensu planè caret! inquit. Eheu!  
Quàm temerè in nosmet legem sancimus iniquam!  
Nam vitiis nemo sine nascitur: optimus ille est  
Qui minimis urgetur. Amicus dulcis, ut æquum est,  
Quum mea compenset vitiis bona, pluribus hisce,  
Si modò plura mihi bona sunt, inclinet: amari  
Si volet hæc lege, in trutinâ ponetur eadem.  
Qui ne tuberibus propriis offendant amicum  
Postulat, ignoscet verrucis illius: æquum est  
Peccatis veniam poscentem reddere rursus.  
Denique, quatenus excidi penitùs vitium iræ,  
Cetera item nequeunt stultis hærentia: cur non  
Ponderibus modulisque suis ratio utitur, ac res  
Ut quæque est, ita suppliciiis delicta coercet?  
Si quis eum servum, patinam qui tollere jussus  
Semesos pisces tepidumque ligurrierit jus,  
In cruce suffigat, Labeone insanior inter  
Sanos dicatur. Quantò hoc furiosius atque  
Majus peccatum est! Paulùm deliquit amicus,  
Quod nisi concedas, habere insuavis, acerbus;  
Odisti, et fugis, ut Drusonem debitor æris,  
Qui, nisi, quum tristes misero venèrè Kalendæ,  
Mercedem aut nummos unde unde extricat, amaras  
Porrecto jugulo historias, captivus ut, audit.  
Comminxit lectum potus, mensæve catillum  
Evandri manibus tritum dejecit; ob hanc rem,  
Aut positum antè meâ quia pullum in parte catini  
Sustulit esuriens, minus hoc jucundus amicus  
Sit mihi. Quid faciam, si furtum fecerit, aut si  
Prodiderit commissa fide, sponsumve negarit?  
Queis paria esse ferè placuit peccata, laborant  
Quum ventum ad verum est: sensus moresque repu-  
gnant,

Atque ipsa utilitas, justī prope mater et æqui.  
Quum prorepserunt primis animalia terris,  
Mutum et turpe pecus, glandem atque cubilia propter,  
Unguibus et pugnis, dein fustibus, atque ita porro  
Pugnabant armis quæ post fabricaverat usus;  
Donec verba, quibus voces sensusque notarent,  
Nominaque invenere: Dehinc abstinere bello,  
Oppida coeperunt munire, et ponere leges,  
Ne quis fur esset, neu latro, neu quis adulter.  
Nam fuit ante Helenam cunnus teterrima belli  
Causa: sed ignotis perierunt mortibus illi,  
Quos Venerem incertam rapientes, more ferarum,  
Viribus editior cædebat, ut in grege taurus.  
Jura inventa metū injusti fateare necesse est,  
Tempora si fastosque velis evolvere mundi.  
Nec natura potest justo secernere iniquum,  
Dividit ut bona diversis, fugienda petendis.  
Nec vincet ratio hoc, tantumdem ut peccet idemque  
Qui teneros caules alieni fregerit horti,  
Et qui nocturnus Divū sacra legerit. Adsit  
Regula peccatis quæ poenas irroget æquas,  
Ne scuticā dignum horribili sectere flagello.  
Nam, ut ferulā cædas meritum majora subire  
Verbera, non vereor; quum dicas esse pares res  
Furta latrociniiis, et magnis parva mineris  
Falce recisurum simili te, si tibi regnum  
Permittant homines. Si dives, qui sapiens est,  
Et sutor bonus et solus formosus et est rex;  
Cur optas quod habes?—Non nōsti quid pater, inquit,  
Chrysippus dicat: sapiens crepidas sibi numquam  
Nec soles fecit; sutor tamen est sapiens.— Quo?—  
Ut, quamvis tacet Hermogenes, cantor tamen atque  
Optimus est modulator; ut Alfēnus vaser, omni  
Abjecto instrumento artis, clausæque tabernæ,  
Tonsor erat; sapiens operis sic optimus omnis  
Est opifex solus, sic rex.— Vellunt tibi barbam

Lascivi pueri; quos tu nisi fuste coërces,  
 Urgeris turbâ circum te stante, miserque  
 Rumperis et latras, magnorum maxime regum.  
 Ne longum faciam: dum tu quadrante lavatum  
 Rex ibis, neque te quisquam stipator, ineptum  
 Præter Crispinum, sectabitur; et mihi dulces  
 Ignoscent, si quid peccavero stultus, amici;  
 Inque vicem illorum patiar delicta libenter,  
 Privatusque magis vivam te rege beatus.

---

### SATIRA IV.

**E**UPOLEIS atque Cratinus Aristophanesque, poëtæ,  
 Atque alii quorum comœdia prisca virorum est,  
 Si quis erat dignus describi, quòd malus, aut fur,  
 Quòd mœchus foret, aut sicarius, aut alioqui  
 Famosus, multâ cum libertate notabant.  
 Hinc omnis pendet Lucilius, hosce sequutus,  
 Mutatis tantum pedibus numerisque; facetus,  
 Emunctæ naris, durus componere versus.  
 Nam fuit hoc vitiosus; in horâ sæpè ducentos,  
 Ut magnum, versus dictabat, stans pede in uno.  
 Quum flueret lutulentus, erat quod tollere velles:  
 Garrulus, atque piger scribendi ferre laborem,  
 Scribendi rectè; nam ut multum, nil moror. Ecce,  
 Crispinus minimo me provocat. — Accipe, si vis,  
 Accipe jam tabulas; detur nobis locus, hora,  
 Custodes; videamus uter plus scribere possit. —  
 Di bene fecerunt, inopis me quodque pusilli  
 Finxerunt animi, rarò et perpauca loquentis:  
 At tu conclusas hircinis foliibus auras,  
 Usque laborantes dum ferrum molliat ignis,  
 Ut major, imitare... Beatus Fannius, ultro

Delatis capsis et imagine : quum mea nemo  
 Scripta legat, vulgo recitare timentis, ob hanc rem,  
 Quod sunt, quos genus hoc minimè juvat, ut pote  
 plures

Culpari dignos. Quemvis mediâ erue turbâ :  
 Aut ob avaritiam, aut miserâ ambitione laborat.  
 Hic nuptarum insanus amoribus, hic puerorum :  
 Hunc capit argenti splendor; stupet Albius ære :  
 Hic mutat merces surgente a sole ad eum quo  
 Vespertina tepet regio; quin per mala præceps  
 Fertur, uti pulvis collectus turbine, ne quid  
 Summâ deperdat metuens, aut ampliet ut rem.  
 Omnes hi metuunt versus, odere poëtas. —  
 Fœnum habet in cornu; longè fuge; dummodo risum  
 Excutiat sibi, non hic cuiquam parcat amico;  
 Et, quodcumque semel chartis illevertit, omnes  
 Gestiat à furno redeuntes scire, lacuque,  
 Et pueros et annos. — Agedum, pauca accipe contrâ.  
 Primum ego ne illorum dederim quibus esse poëtas  
 Excerptam numero: neque enim concludere versum  
 Dixeris esse satis; neque, si quis scribat, uti nos,  
 Sermoni propiora, putes hunc esse poëtam.  
 Ingenium cui sit, cui mens divinior, atque os  
 Magna sonaturum, des nominis hujus honorem.  
 Idcirco quidam, Comœdia necne poëma  
 Esset, quæsiwere; quod acer spiritus ac vis  
 Nec verbis nec rebus inest; nisi quod pede certo  
 Differt sermoni, sermo merus. — At pater ardens  
 Sævit quod, meretrice nepos insanus amicâ,  
 Filius uxorem grandi cum dote recuset,  
 Ebrins et, magnum quod dedecus, ambulet ante  
 Noctem cum facibus. — Numquid Pomponius istis  
 Audiret leviora, pater si viveret?... Ergo  
 Non satis est puris versum perscribere verbis;  
 Quem si dissolvas, quivis stomachetur eodem  
 Quo personatus pacto pater. His, ego quæ nunc,

Olim quæ scripsit Lucilius, eripias si  
Tempora certa modosque, et, quod prius ordine ver-  
bum est,

Posterius facias, præponens ultima primis;  
Non, ut si solvas, « Postquam discordia tetra  
• Belli ferratos postes portasque refregit »,  
Invenias etiam disjecti membra poetæ.  
Hactenus hæc: aliàs, justum sic necne poema;  
Nunc illud tantum quæram, meritone tibi sit  
Suspectum genus hoc scribendi. Sulcius acer  
Ambulat et Caprius, rauci malè, cumque libellis;  
Magnus uterque timor latronibus; at, bene si quis  
Et puris vivat manibus, contemnat utrumque.  
Ut sis tu similis Cœli Birrique latronum,  
Non ego sim Capri, neque Sulci; cur metuas me?  
Nulla taberna meos habeat neque pila libellos,  
Queis manus insudet vulgi Hermogenisque Tigelli;  
Nec recitem cuiquam, nisi amicis, idque coactus,  
Non ubivis, coramve quibnslibet. — In medio qui  
Scripta foro recitent sunt multi. — Quique lavantes:  
Suave locus voci resonat conclusus. Inanes  
Hoc juvat, haud illud quærentes, num sine sensu,  
Tempore num faciant alieno. — Lædere gaudes,  
Inquis: et hoc studio pravus facis. — Unde petitur  
Hoc in me jacies? est auctor quis denique eorum  
Vixi cum quibus? Absentem qui rodit amicam;  
Qui non defendit, alio culpante; solutos  
Qui captat risus hominum, famamque dicacis;  
Fingere qui non visa potest; commissa tacere  
Qui nequit: hic niger est; hunc tu, Romane, caveto.  
Sæpe tribus lectis videas cœnare quaternos;  
E quibus unus avel quavis aspergere cunctos,  
Præter eum qui præbet aquam; post, hunc quoque  
potus,  
Condita quum verax aperit præcordia Liber:  
Hic tibi comis et urbanus liberque videtur



Infesto nigris. Ego, si risi quòd ineptus  
Pastillos Rufillus olet, Gorgonius hircum,  
Lividus et mordax videor tibi. Mentio si qua  
De Capitolini furtis injecta Petilli  
Te coram fuerit, defendas, ut tuus est mos:—  
Me Capitolinus convictore usus amicoque  
A puero est, causâque meâ permulta rogatus  
Fecit; et incolumis lætor quòd vivit in urbe:  
Sed tamen admiror quo pacto iudicium illud  
Fugerit.—Hic nigræ succus loliginis; hæc est  
Aerugo mera; quod vitium procul abfore chartis,  
Atque animo prius, ut, si quid promittere de me  
Possum aliud, verè promitto. Liberius si  
Dixero quid, si fortè jocosius, hoc mihi juris  
Cum veniâ dabis: insuevit pater optimus hoc me,  
Ut fugerem, exemplis vitiorum quæque notando.  
Quum me hortaretur, parcè, frugaliter, atque  
Viverem uti contentus eo quod mi ipse parâsset:  
Nonne vides, Albi ut malè vivat filius? utque  
Barrus inops, magnum documentum ne patriam rem  
Perdere quis velit. A turpi meretricis amore  
Quum deterreret, Sectani dissimilis sis.  
Ne sequerer mœchas, concessâ quum Venere uti  
Possem, Deprensi non bella est fama Treboni,  
Aiebat. Sapiens, vitatu quidque petitu  
Sit melius, causas reddet tibi: mi satis est, si  
Traditum ab antiquis morem servare, tuamque,  
Dum custodis eges, vitam famamque tueri  
Incolumem possum: simul ac duraverit ætas  
Membra animumque tuum, nabis sine cortice. Sic me  
Formabat puerum dictis: et sive jubebat  
Ut facerem quid, Habes auctorem quo facias hoc;  
Unum ex iudicibus selectis objiciebat:  
Sive vetabat, An hoc inhonestum et inutile factum,  
Necne sit, addubites, flagret rumore malo quum  
Hic atque ille? Avidos vicinum funus ut ægros

Exanimat, mortisque metu sibi parcere cogit :  
 Sic teneros animos aliena opprobria sæpè  
 Absterrent vitiiis. Ex hoc ego sanus ab illis  
 Perniciem quæcumque ferunt, mediocribus, et queis  
 Ignoscas, vitiiis teneor : fortassis et isthinc  
 Largiter abstulerit longa ætas, liber amicus,  
 Consilium proprium. Neque enim, quum lectulus  
 aut me

Porticus excepit, desum mihi : Rectius hoc est ;  
 Hoc faciens, vivam meliùs ; sic dulcis amicis  
 Occurram : hoc quidam non bellè ; numquid ego illi  
 Imprudens olim faciam simile ? Hæc ego mecum  
 Compressis agito labris ; ubi quid datur otti,  
 Illudo chartis. Hoc est mediocribus illis  
 Ex vitiiis unum ; cui si concedere nolis,  
 Multa poetarum veniat manus, auxilio quæ  
 Sit mihi, nam multò plures sumus ; ac veluti te  
 Judæi cogemus in hanc concedere turban.

---

## SATIRA V.

**E**GRESSUM magnà me excepit Aricia Româ  
 Hospitio modico ; rhetor comes Heliodorus,  
 Græcorum longè doctissimus. Inde Forum Appi,  
 Differtum nautis, cauponibus atque malignis.  
 Hoc iter ignavi divisimus, altiùs ac nos  
 Præcinctis unum : minùs est gravis Appia tardis.  
 Hic ego, propter aquam, quòd erat deterrima, ventri  
 Indico bellum, cœnantes haud animo æquo  
 Expectans comites. Jam nox inducere terris  
 Umbras, et cœlo diffundere signa parabat :  
 Tum pueri nautis, pueris convicia nautæ  
 Ingerere. — Huc appelle. — Trecentos inseris ; ohe !  
 Jam satis est ! Dum ses exigitur, dum mula ligatur,

Tota abit hora. Mali culices ranæque palustres  
Avertunt somnos: absentem ut cantat amicam  
Multà prolutus vappà nauta atque viator  
Certatim: tandem fessus dormire viator  
Incipit; ac missæ pastum retinacula mulæ  
Nauta piger saxo religat, stertitque supinus.  
Jamque dies aderat, quum nil procedere lintrem  
Sentimus; donec cerebrosus prosilit unus,  
Ac mulæ nautæque caput lumbosque saligno  
Fuste dolat: quartà vix demum exponimur horà.  
Ora manusque tuà lavimus, Feronia, lymphà.  
Millia tum pransi tria repimus, atque subimus  
Impositum saxis latè candentibus Anxur.  
Huc venturus erat Mæcenas, optimus atque  
Cocceius, missi magnis de rebus uterque  
Legati, aversos soliti componere amicos.  
Hic oculis ego nigra meis collyria lippus  
Illinere. Interea Mæcenas advenit atque  
Cocceius, Capitoque simul Fonteius, ad unguem  
Factus homo, Antoni, non ut magis alter, amicus.  
Fundos Aufidio Lusco prætore libenter  
Linquimus, insani ridentes præmia scribæ,  
Prætextam, et latum clavum, prunæque batillum.  
In Mamurrarum lassi deinde urbe manemus,  
Murænà præbente domum, Capitone culinam.  
Postera lux oritur multò gratissima: namque  
Plotius et Varinus Sinnessæ Virgiliusque  
Occurrunt; animæ, quales neque candidiores  
Terra tulit, neque queis me sit devinctior alter.  
O qui complexus et gaudia quanta fuerunt!  
Nil ego contulerim jucundo sanus amico.  
Proxima Campano ponti quæ villula tectum  
Præbuit, et parochi, quæ debent, ligna salemque. ]  
Hinc muli Capuæ clitellas tempore ponunt.  
Lusum it Mæcenas; dormitum ego Virgiliusque:  
Namque pilà lippis inimicum et ludere crudis.

Hinc nos Cocceii recipit plenissima villa,  
Quæ super est Caudi cauponas. Nunc mihi paucis  
Sarmenti scurræ pugnam Messique Cicirri,  
Musa, velim memores; et quo patre natus uterque  
Contulerit lites. Messi clarum genus Osci;  
Sarmenti domina exstat. Ab his majoribus orti  
Ad pugnam venêre. Prior Sarmentus: Equi te  
Esse feri similem dico. Ridemus: et ipse  
Messius, accipio; caput et movet. O tua cornu  
Ni foret exsecto frons, inquit, quid faceres, quum  
Sic mutilus minitaris? At illi fœda cicatrix  
Setosam lævi frontem turpaverat oris.  
Campanum in morbum, in faciem permulta jocatus,  
Pastorem saltaret uti Cyclopa rogabat:  
Nil illi larvâ aut tragicis opus esse cothurnis.  
Multa Cicirrus ad hæc: donasset jamne catenam  
Ex voto Laribus, quærebat: scriba quod esset,  
Deterius nihilo dominæ jus esse. Rogabat  
Denique cur nunquam fugisset, cui satis una  
Farris libra foret, gracili sic tamque pusillo.  
Prorsus jucundè cœnam produximus illam.  
Tendimus hinc rectè Beneventum, ubi sedulus hospes  
Penè arsit, macros dum turdos versat in igne:  
Nam vaga per veterem dilapso flamma culinam  
Vulcano summum properabat lambere tectum.  
Convivas avidos cœnam servosque timentes  
Tum rapere, atque omnes restinguere velle videres.  
Incipit ex illo montes Apulia notos  
Ostentare mihi, quos torret Atabulus, et quos  
Numquam erepsemus, nisi nos vicina Trivici  
Villa recepisset, lacrymoso non sine fumo,  
Udos cum foliis ramos urente camino.  
Hic ego mendacem stultissimus usque puellam  
Ad mediâ noctem expecto: somnus tamen aufert  
Intectum Veneri; tum immundo somnia visu  
Nocturnam vestem maculant ventremque supinum.

Quatuor hinc rapimur viginti et millia rhedis,  
 Mansuri oppidulo quod versu dicere non est,  
 Signis perfacile est: venit vilissima rerum  
 Hic aqua; sed panis longè pulcherrimus, ultra  
 Callidus ut soleat humeris portare viator:  
 Nam Canusi lapidosus, aquæ non ditior urna;  
 Qui locus a forti Diomede est conditus olim.  
 Flentibus hinc Varius discedit mœstus amicis.  
 Inde Rubos fessi pervenimus, utpote longum  
 Carpentem iter, et factum corruptius imbri.  
 Postera tempestas melior; via pejor ad usque  
 Bari mœnia piscosi. Dehinc Gnatia, lymphis  
 Iratis extracta, dedit risusque jocosque;  
 Dum, flammâ sine, thura liquescere limine sacro  
 Persuadere cupit: credat Judæus Apella,  
 Non ego; namque Deos didici securum agere ævum;  
 Nec, si quid miri faciat natura, Deos id  
 Tristes ex alto cœli demittere tecto.  
 Brundisium longæ finis chartæque viæque.

## SATIRA VI.

AD MÆCEN. T. E. M.

**N**ON, quia, Mæcenas, Lydorum quidquid Etruscos  
 Incoluit fines, nemo generosior est te;  
 Nec quod avus tibi maternus fuit atque paternus  
 Olim qui magnis legionibus imperitarent;  
 Ut plerique solent, naso suspendis adunco  
 Ignotos, ut me libertino patre natum:  
 Quum referre negas quali sit quisque parente  
 Natus, dum ingenuus. Persuades hoc tibi verè,  
 Ante potestatem Tulli atque ignobile regnum,  
 Multos sæpè viros nullis majoribus ortos

Et vixisse probos, amplis et honoribus auctos :  
 Contrà, Lævinum, Valeri genus, unde Superbus  
 Tarquinius regno pulsus fuit, unius assis  
 Non umquam pretio pluris licuisse, notante  
 Iudice, quem nosti, populo, qui stultus honores  
 Sæpè dat indignis et famæ servit ineptus ;  
 Qui stupet in titulis et imaginibus. Quid oportet  
 Nos facere, a vulgo longè latèque remotos ?  
 Namque esto, populus Lævino mallet honorem  
 Quàm Decio mandare novo ; censorque moveret  
 Appius, ingenuo si non essem patre natus :  
 Vel meritò, quoniam in propriâ non pelle quiessem.  
 Sed fulgente trahit constrictos gloria curru  
 Non minùs ignotos generosis. Quò tibi, Tulli,  
 Sumere depositum clavum, fierique tribuno ?  
 Invidia accrevit, privato quæ minor esset ;  
 Nam, ut quisque insanus nigris medium impediit cras  
 Pellibus, et latum demisit pectore clavum,  
 Audit continuò : Quis homo hic ? et, Quo patre natus ?  
 Ut, si qui ægrotet quo morbo Barrus, haberi  
 Ut cupiat formosus, eat quacumque, puellis  
 Injiciat curam quærendi singula, quali  
 Sit facie, surâ quali, pede, dente, capillo :  
 Sic qui promittit, cives, urbem sibi curæ,  
 Imperium fore, et Italiam, et delubra Deorum ;  
 Quo patre sit natus, num ignotâ matre inhonestus,  
 Omnes mortales curare et quærere cogit. —  
 Tune, Syri, Damæ, aut Dionysi filius, audes  
 Dejicere e saxo cives, aut tradere Cadmo ? —  
 At Novius collega gradu post me sedet uno :  
 Namque est ille, pater quod erat meus. — Hoc tibi  
 Paullus  
 Et Messala videris ? At hic, si plaustra ducenta  
 Concurrentque foro tria funera, magna sonabit  
 Cornua quod vincatque tubas : saltem tenet hoc nos. —  
 Nunc ad me redeo, libertino patre natum :

Quem rodunt omnes libertino patre natum;  
Nunc, quia, Mæcenas, tibi sum convictor; at olim,  
Quòd mihi pareret legio Romana tribuno.  
Dissimile hoc illi est: quia non, ut forsit honorem  
Jure mihi invidet quivis, ita te quoque amicum;  
Præsertim cautum dignos assumere, pravâ  
Ambitione procul. Felicem dicere non hoc  
Me possum, casu quòd te sortitus amicum;  
Nulla etenim tibi me fors obtulit: optimus olim  
Virgilius, post hunc Varius, dixere quid essem.  
Ut veni coràm, singultim pauca locutus,  
Infans namque pudor prohibebat plura profari,  
Non ego me claro natum patre, non ego circum  
Me Satureiano vectari rura caballo,  
Sed, quod eram, narro. Respondes, ut tuus est mos,  
Panca: abeo; et revocas nono post mense, jubesque  
Esse in amicorum numero. Magnum hoc ego duco,  
Quòd placui tibi, qui turpi secernis honestum,  
Non patre præclaro, sed vitâ et pectore puro.  
Atqui, si vitiis mediocribus ac mea paucis  
Mendosa est natura, alioqui recta, velut si  
Egregio inspersos reprêndas corpore nævos;  
Si neque avaritiam, neque sordes, nec mala lustra,  
Objiciet verè quisquam mihi; purus et insons,  
Ut me collaudem, si vivo, et carus amicis:  
Causa fuit pater his, qui macro panper agello  
Noluit in Flavi ludum me mittere, magni  
Quò pueri magnis e centurionibus orti,  
Lævo suspensi loculos tabulamque lacerto,  
Ibant octonis referentes idibus æra.  
Sed puerum est ausus Romani portare, docendum  
Artes quas doceat quivis eques atque senator  
Semet prognatos: vestem servosque sequentes  
In magno ut populo si quis vidisset, avità  
Ex re præberi sumptus mihi crederet illos.  
Ipse mihi custos incorruptissimus omnes

Circum doctores aderat. Quid multa? pudicum,  
 Qui primus virtutis honos, servavit ab omni  
 Non solum facto, verum opprobrio quoque turpi:  
 Nec timuit sibi ne vitio quis verteret olim  
 Si præco parvas, aut, ut fuit ipse, coactor,  
 Mercedis sequeretur; neque ego essem questus. Ab hoc  
 nunc

Laus illi debetur et a me gratia major.  
 Nil me pœniteat sanum patris hujus: eoque  
 Non, ut magna dolo factum negat esse suo pars  
 Quod non ingenuos habeat clarosque parentes,  
 Sic me defendam. Longè mea discrepat istis-  
 Et vox et ratio. Nam si natura juberet  
 A certis annis ævum remeare peractum,  
 Atque alios legere ad fastum quoscumque parentes  
 Optaret sibi quisque; meis contentus, honestos  
 Fascibus et sellis nolim mihi sumere; demens  
 Judicio vulgi; sanus fortasse tuo, quod  
 Nollem onus, haud umquam solitus, portare moles-  
 tum.

Nam mihi continuò major quærenda foret res,  
 Atque salutandi plures; ducendus et unus  
 Et comes alter, uti ne solus rusve peregrève  
 Exirem; plures calones atque caballi  
 Pascendi; ducenda pettorita. Nunc mihi curto  
 Ire licet mulo, vel, si libet, usque Tarentum,  
 Mantica cui lumbos onere ulceret, atque eques armos.  
 Objiciet nemo sordes mihi, quas tibi, Tulli,  
 Quum Tiburte viâ prætorem quinque sequuntur  
 Te pueri, lasanum portantes ænophorumque.  
 Hoc ego commodius quàm tu, præclare senator,  
 Millibus atque aliis vivo: quacumque libido est,  
 Incedo solus; percontor quanti olus ac far;  
 Fallacem circum vespertinumque pererro  
 Sæpè forum; assisto divinis; inde domum me  
 Ad porri et ciceris refero laganique catinum:





Cœna ministratur pueris tribus ; et lapis albus  
 Pocula cum cyatho duo sustinet ; astat echino  
 Vilis cum paterà guttus , Campana supellex.  
 Deinde eo dormitum , non sollicitus mihi quòd cras  
 Surgendam sit manè , obeundus Marsya , qui se  
 Vultum ferre negat Noviorum posse minoris.  
 Ad quartam jaceo ; post hanc vagor ; aut ego , lecto  
 Aut scripto quod me tacitum juvet : ungor olivo ,  
 Non quo fraudatis immundus Natta lucernis.  
 Ast , ubi me fessum sol acrior ire lavatum  
 Admonuit , fugio rabiosi tempora signi.  
 Pransus non avidè , quantum interpellat inani  
 Ventre diem durare , domesticus otior. Hæc est  
 Vita solutorum miserà ambitione gravique :  
 His me consolor , victurus suaviùs ac si  
 Quæstor avus pater atque meus patruusque fuissent.

---

 SATIRA VII.

**P**ROSCRIPTI Regis Rupili pus atque venenum  
 Ibrida quo pacto sit Persius ultus , opinor  
 Omnibus et lippis notum et tonsoribus esse.  
 Persius hic permagna negotia dives habebat  
 Clazomenis , etiam lites cum Rege molestas ;  
 Durus homo , atque odio qui posset vincere Regem ;  
 Confidens , tumidusque ; adeo sermonis amari ,  
 Sisennas , Barros , ut equis præcurreret albis.  
 Ad Regem redeo. Postquam nihil inter utrumque  
 Convenit ( hoc etenim sunt omnes jure molesti ,  
 Quo fortes , quibus adversum bellum incidit : inter  
 Hectora Priamidem animosum atque inter Achillem  
 Ira fuit capitalis , ut ultima divideret mors ;  
 Non aliam ob causam , nisi quòd virtus in utroque  
 Summa fuit. Duo si discordia vexet inertes ,

Aut si disparibus bellum incidat, ut Diomed  
 Cum Lycio Glaucō; discedet pigrior, ultro  
 Muneribus missis.) Bruto prætorē tenente  
 Ditem Asiā, Rupili et Persi par pūnat, uti non  
 Compositus melius cum Bitho Bacchius; in ius  
 Acres procurrunt, magnum spectāculum uterque.  
 Persius exponit causam, ridetur ab omni  
 Conventu; laudat Brutum, laudatque cohortem;  
 Solem Asiæ Brutum appellat; stellasque salubres  
 Appellat comites, excepto Rege; Canem illum,  
 Invisum agricolis sidus, venisse: ruebat,  
 Flumen ut hibernum fertur quò rara securis.  
 Tum Prænестinus salso multamque fluenti  
 Expressa arbusto regerit convicia; durus  
 Vindemiator et invictus, cui sæpè viator  
 Cessisset, magnā compellans voce cucullum.  
 At Græcus, postquam est Italo perfusus aceto,  
 Persius exclamat: Per magnos, Brute, Deos te  
 Oro, qui reges consueris tollere, cur non  
 Hunc Regem jugulas? operum hoc, mihi crede, tuo-  
 rum est.

---

### SATIRA VIII.

OLIM truncus eram ficulnus, inutile lignum,  
 Quum faber, incertus scamnum faceretne Priapum,  
 Maluit esse Deum. Deus inde ego, furum aviumque  
 Maxima formido: nam fures dextra coercet,  
 Obscenoque ruber porrectus ab inguine palus;  
 Ast importunas volucres in vertice arundo  
 Terret fixa, vetatque novis considerare in hortis.  
 Huc prius angustis ejecta cadavera cellis  
 Conservus vili portanda locabat in arcâ.  
 Hoc miseræ plebi stabat commune sepulcrum,

Pantolabo scurræ, Nomentanoque nepoti.  
 Mille pedes in fronte, trecentos cippus in agrum  
 Hic dabat; hæredes monumentum ne sequeretur.  
 Nunc licet Esquiliis habitare salubribus, atque  
 Aggere in aprico spatium, quo modò tristes  
 Albis informem spectabant ossibus agrum.  
 Quam mihi non tantum furesque, feræque suetæ  
 Hunc vexare locum, curæ sunt atque labori,  
 Quantum carminibus quæ versant atque venenis  
 Humanos animos: has nullo perdere possum  
 Nec prohibere modo, simul ac vaga luna decorum  
 Protulit os, quin ossa legant, herbasque nocentes.  
 Vidi egomet nigrâ succinctam vadere pallâ  
 Canidiam, pedibus nudis passoque capillo,  
 Cum Saganâ majore ululantem; pallor utrasque  
 Fecerat horrendas aspectu. Scalpere terram  
 Unguibus, et pullam divellere mordicus agnam  
 Cœperunt: cruor in fossam confusus, ut inde  
 Manes elicerent, animas responsa daturas.  
 Lanea et effigies erat, altera cerea; major  
 Lanea, quæ poenis compesceret inferiorem.  
 Cerea suppliciter stabat, servilibus, utque  
 Jam peritura, modis. Hecaten vocat altera sævam,  
 Altera Tisiphonem: serpentes atque videres  
 Infernas errare canes; lunamque rubentem,  
 Ne foret his testis, post magna latere sepulcra,  
 Mentior at si quid, merdis caput inquiner albis  
 Corvorum; atque in me veniant mictum atque caca-  
 tum

Julius et fragilis Pediatia furque Voranus.  
 Singula quid memorem? quo pacto alterna loquentes  
 Umbrae cum Saganâ resonârunt triste et acutum;  
 Utque lupi barbam variæ cum dente colubræ  
 Abdiderint furtim terris; et imagine cereâ  
 Largior arserit ignis; et ut non testis inultus  
 Horruerim voces Furiarum et facta dæarum?

Nam, displosa sonat quantum vesica, pepedi  
 Diffusâ nate ficus; at illæ currere in urbem:  
 Canidiæ dentes, altum Saganæ caliendrum  
 Excidere, atque herbas, atque incantata lacertis  
 Vincula, cum magno risuque jocoque videres.

## SATIRA IX.

**I**AM fortè viâ Sacrà, sicut meus est mos,  
 Nescio quid meditans nugarum, totus in illis:  
 Accurrit quidam notus mihi nomine tantum;  
 Arreptâque manu:—Quid agis, dulcissime, rerum?—  
 Suaviter, ut nunc est, inquam; et cupio omnia quæ vis.  
 Quum assectaretur, Num quid vis? occupo. At ille,  
 Nôris nos, inquit; docti sumus. Hic ego, pluris  
 Hoc, inquam, mihi eris. Misere discedere querens,  
 Ire modò ocius, interdum consistere, in aurem  
 Dicere nescio quid puero. Quum sudor ad imos  
 Manaret talos: O te, Bolane, cerebri  
 Felicem! aiebam tacitus. Quum quidlibet ille  
 Garriret, vicos, urbem laudaret; ut illi  
 Nil respondebam: Misere cupis, inquit, abire,  
 Jamdudum video: sed nil agis; usque tenebo,  
 Persequar. Hinc quò nunc iter est tibi?—Nil opus est te  
 Circumagi: quemdam volo visere, non tibi notum:  
 Trans Tiberim longè cubatis, prope Cæsaris hortos.—  
 Nil habeo quod agam, et non sum piger; usque se-  
 quar te.

Demitto aurículas, ut iniquæ mentis asellus,  
 Quum gravius dorso subiit onus. Incipit ille:  
 Si bene me novi, non Viscum pluris amicum,  
 Non Varium, facies: nam quis me scribere plures  
 Aut citius possit versus? quis membra movere  
 Mollius? invidet quod et Hermogenes, ego canto.

Interpellandi locus hic erat : — Est tibi mater,  
Cognati, queis te salvo est opus? — Haud mihi quis-  
quam;

Omnes composui. — Felices ! nunc ego resto :  
Confice ; namque instat fatum mihi triste, Sabella .  
Quod puero cecinit, divinâ mota anus urnâ :  
« Hunc neque dira veuena, nec hosticus auferet ensis,  
« Nec laterum dolor, aut tussis, nec tarda podagra ;  
« Garrulus hunc quando consumet cumque : loquaces,  
« Si sapiat, vitet, simul atque adoleverit ætas ».

Ventum erat ad Vestæ, quartâ jam parte diei  
Præteritâ ; et casu, tunc respondere vadato  
Debebat : quod ni fecisset, perdere litem.  
Si me amas, inquit, paulum hic ades. — Inteream, si  
Aut valeo stare, aut novi civilia jura !  
Et propero quò scis. — Dubius sum quid faciam, in-  
quit ;

Tene relinquam, an rem. — Me, sodes. — Non fa-  
ciam, ille.

Et præcedere cœpit. Ego, ut contendere durum est  
Cum victore, sequor. — Mæcenas quomodo tecum ?  
Hinc repetit. — Paucorum hominum, et mentis bene  
sanæ :

Nemo dexteriùs fortunâ est usus. — Haberes  
Magnum adiutorem, posset qui ferre secundas,  
Hunc hominem velles si tradere ; dispeream, ni  
Summòsses omnes. — Non isto vivimus illic,  
Quo tu rere, modo : domus hæc nec purior ulla est,  
Nec magis his aliena malis : nil mi officit umquam,  
Ditior hic, aut est quia doctior : est locus uni-  
cuique suus. — Magnum narras, vix credibile. — At-  
qui

Sic habet. — Accendis quare cupiam magis illi  
Proximus esse. — Velis tantummodo ; quæ tua virtus,  
Expugnabis : et est qui vinci possit ; eoque  
Difficiles aditus primos habet. — Haud mihi deero :

Muneribus servos corrumpam; non, hodie at  
 Exclusus fuero, desistam; tempora quaeram;  
 Occurram in triviis; deducam. Nil sine magno  
 Vita labore dedit mortalibus. — Hæc dum agit, ecce  
 Fuscus Aristius occurrit, mihi carus, et illum  
 Qui pulchrè nôsset. Consistimus. Unde venis? et  
 Quò tendis? rogat; et respondet. Vellere cœpi,  
 Et prensare manu lentissima brachia, nutans,  
 Distorquens oculos, ut me eriperet: malè salsus  
 Ridens dissimulare: meum jecur urere bilis.  
 Certe nescio quid secreto velle loqui te  
 Aiebas mecum. — Memini bene; sed meliori  
 Tempore dicam: hodie tricesima sabbata: vin' tu  
 Curtis Judæis oppedere? Nulla mihi, inquam,  
 Relligio est. — At mi: sum paulò infirmior, unus  
 Multorum: ignoscas; aliàs loquar. — Huncine solem  
 Tam nigrum surrexe mihi! fugit improbus, ac me  
 Sub cultro linquit. Casu venit obvius illi  
 Adversarius: et, Quò tu, turpissime? magnà  
 Exclamat voce; et, Licet antestari? Ego verò  
 Oppono auriculam: rapit in jus: clamor utrinque;  
 Undique concursus. Sic me servavit Apollo.

---

## SATIRA X.

**N**IMIS in composito dixi pede currere versus  
 Lucili. Quis tam Lucili fautor ineptè est,  
 Ut non hoc fateatur? At idem, quòd sale multo  
 Urbem defricuit, chartà laudatur eadem.  
 Nec tamen hoc tribuens dederim quoque cetera: nam  
 sic

Et Laberì mimos, ut pulchra poemata, mirer.  
 Ergo non satis est risu diducere rictum  
 Auditoris: et est quædam tamen hic quoque virtus.

Est brevitate opus, ut currat sententia, nen se  
Impediat verbis lassas onerantibus aures.  
Et sermone opus est modò tristi, sæpè jocosò,  
Defendente vicem modò rhetoris atque poëtæ,  
Interdum urbani, parcentis viribus, atque  
Extenuantis eas consultò. Ridiculum acri  
Fortiùs et meliùs magnas plerumque secat res.  
Illi, scripta quibus comœdia prisca viris est,  
Hoc stabant, hoc sunt imitandi; quos neque pulcher  
Hermogenes umquam legit, neque simius iste,  
Nil præter Calvum et doctus cantare Catullum. —  
At magnum fecit, quòd verbis Græca Latinis  
Miscuit. — O seri studiorum! quine putetis  
Difficile et mirum Rhodio quod Pitholeonti  
Contigit? — At sermo linguâ concinnus utrâque  
Suavior, ut Chio nota si commixta Falerni est.  
Quum versus facias, te ipsum percontor, an et quum  
Dura tibi peragenda rei sit causa Petilli,  
Scilicet oblitus patriæque patrisque Latini,  
Quum Pedius causas exsudet Poplicola, atque  
Corvinus, patriis intermiscere petita  
Verba foris malis, Canusini more bilinguis?  
Atque ego, quum Græcos facerem, natus mare citra,  
Versiculos, vetuit me tali voce Quirinus,  
Post mediam noctem visus, quum somnia vera:  
In silvam non ligna feras insaniùs ac si  
Magnas Græcorum malis implere catervas.  
Turgidus Alpinus jugulat dum Memnona, dumque  
Diffingit Rheni luteum caput, hæc ego ludo,  
Quæ nec in sæde sonent certantia, judice Tarpâ,  
Nec redeant iterum atque iterum spectanda theatris.  
Argutâ meretrice potes, Davoque Chremeta  
Eludente senem, comis garrire libellos,  
Unus vivorum, Fundani: Pollio regum  
Facta canit, pede ter percusso: forte epos acer,  
Ut nemo, Varius ducit: molle atque facetum

Virgilio annuerunt gaudentes rure Camœnæ.  
 Hoc erat, experto frustrâ Varrone Atacino  
 Atque quibusdam aliis, melius quod scribere possem,  
 Inventore minor: neque ego illi detrahere ausim  
 Hærentem capiti multâ cum laude coronam.  
 At dixi fluere hunc lutulentum, sæpè ferentem  
 Plura quidem tollenda relinquendis: age, quæso,  
 Tu nihil in magno doctus reprændis Homero?  
 Nil comis tragici mutat Lucilius Acci?  
 Non ridet versus Enni gravitate minores,  
 Quam de se loquitur, non ut majore reprænsis?  
 Quid vetat et nosmet, Lucili scripta legentes,  
 Quærere num illius, num rerum, dura negarit  
 Versiculos natura magis factos, et euntes  
 Mollius, ac si quis pedibus quid claudere senis,  
 Hoc tantum, contentus, amet scripsisse ducentos  
 Ante cibum versus, totidem cœnatus; Hetrusci  
 Quale fuit Cassi rapido ferventius amni  
 Ingenium, capsis quem fama est esse librisque  
 Ambustum propriis? Fuerit Lucilius, inquam,  
 Comis et urbanus; fuerit limatior idem,  
 Quàm rudis et Græcis intacti carminis auctor,  
 Quàmque poetarum seniorum turba: sed ille,  
 Si foret hoc nostrum fato dilatus in ævum,  
 Detereret sibi multa; recideret omne quod ultra  
 Perfectum traheretur; et in versu faciendo  
 Sæpè caput scaberet, vivos et roderet ungues.  
 Sæpè stylum vertas, iterum, quæ digna legi sint,  
 Scripturus, neque, te ut miretur turba, labores,  
 Contentus paucis lectoribus. An tua demens  
 Vilibus in ludis dictari carmina malis?  
 Non ego: nam satis est Equitem mihi plaudere, ut au-  
 dax,  
 Contemptis aliis, explosa Arbuscula dixit.  
 Men' moveat cimex Pantilius? aut crucier, quòd  
 Vellicet absentem Demetrius, aut, quòd ineptus



Fannius Hermogenis lædat conviva Tigelli ?  
Plotius et Varius, Mæcenas Virgiliusque,  
Valgius, et probet hæc Octavius optimus, atque  
Fuscus; et hæc utinam Viscorum laudet uterque :  
Ambitione relegatâ, te dicere possum,  
Pollio, te, Messala, tuo cum fratre ; simulque  
Vos, Bibule et Servi ; simul his te, candide Furni :  
Complures alios, doctos ego quos et amicos  
Prudens prætereo, quibus hæc, sint qualiacumque,  
Arridere velim ; doliturus, si placeant spe  
Deterius nostrâ. Demetri, teque, Tigelli,  
Discipularum inter jubeo plorare cathedras.  
I, puer, atque meo citus hæc subscribe libello.



QUINTI  
HORATII FLACCI  
SATIRARUM  
LIBER SECUNDUS.

---

SATIRA I.

HORATIUS.

**S**UNT quibus in Satirâ videor nimis acer, et ultra  
Legem tendere opus; sine nervis altera, quidquid  
Composui, pars esse putat, similesque meorum  
Mille die versus deduci posse. Trebati,  
Quid faciam præscribe.

TREBATIUS.

Quiescas.

HORATIUS.

Ne faciam, inquis,

Omnino versus?

TREBATIUS.

Aio.

HORATIUS.

Peream malè, si non  
Optimum erat : verùm nequeo dormire.

TREBATIUS.

Ter uncti  
Transnanto Tiberim, somno quibus est opus alto,  
Irriguumque mero sub noctem corpus habento.  
Aut, si tantus amor scribendi te rapit, aude  
Cæsaris invicti res dicere, multa laborum  
Præmia laturus.

HORATIUS.

Cupidum, pater optime, vires  
Deficiunt : neque enim quivis horrentia pilis  
Agmina, nec fractâ pereuntes cuspidè Gallos,  
Aut labentis equo describat vulnèra Parthi.

TREBATIUS.

Attamen et justum poteras et scribere fortem,  
Scipiadam ut sapiens Lucilius.

HORATIUS.

Haud mihi deero,  
Quum res ipsa feret. Nisi dextro tempore, Flacci  
Verba per attentam non ibunt Cæsaris aurem :  
Cui malè si palpere, recalcitrat undique tutus.

TREBATIUS.

Quantò rectiùs hoc, quàm tristi lædere versu  
Pantolabum scurram Nomentanumque nepotem !  
Quum sibi quisque timet, quamquam est intactus, et  
odit.

HORATIUS.

Quid faciam? Saltat Milonius, ut semel icto  
Accessit fervor capiti numerusque lucernis :  
Castor gaudet equis ; ovo prognatus eodem,  
Pugnis : quot capitum vivunt, totidem studiorum  
Millia. Me pedibus delectat claudere verba,  
Lucili ritu, nostrum melioris utroque.  
Ille velut fidis arcana sodalibus olim

Credebat libris ; neque , si malè cesserat , usquam  
 Decurrens aliò , neque si bene : quo sit ut omnia  
 Votivà pateat veluti descripta tabellà  
 Vita senis . Sequor hunc , Lucanus an Appulus , anceps :  
 Nam Venuſinus arat finem sub utrumque colonus ,  
 Missus ad hoc , pulsus , vetus est ut fama , Sabellis ,  
 Quò ne per vacuum Romano incurreret hostis ;  
 Sive quòd Appula gens , seu quòd Lucania bellum  
 Incuteret violenta . Sed hic stylus haud petet ultro  
 Quemquam animantem ; et me veluti custodiet ensis  
 Vaginà tectus ; quem cur distringere coner ,  
 Tutus ab infestis latronibus ? O pater et rex  
 Juppiter , ut pereat positum rubigine telum ,  
 Nec quisquam noceat cupido mihi pacis ! At ille  
 Qui me commòrit , meliùs non tangere ! clamo ,  
 Flebit , et insignis totà cantabitur urbe .  
 Servius iratus leges minitatur et urnam :  
 Canidia Albuti , quibus est inimica , venenum :  
 Grande malum Turius , si quis se judice certet .  
 Ut , quo quisque valet , suspectos terreat , utque  
 Imperet hoc natura potens , sic collige mecum :  
 Dente lupus , cornu taurus petit ; unde , nisi intus  
 Monstratum ? Scævæ vivacem crede nepoti  
 Matrem : nil faciet sceleris pia dextera : mirum !  
 Ut neque calce lupus quemquam , neque dente petit  
 bos :

Sed mala tollet anum vitiato melle cicuta .  
 Ne longum faciam ; seu me tranquilla senectus  
 Expectat , seu mors atris circumvolat alis ;  
 Dives , inops ; Romæ , seu fors ita jusserit , exul ;  
 Quisquis erit vitæ , scribam , color .

TRÉBATIUS .

O puer , ut sis  
 Vitalis metuo , et majorum ne quis amicus  
 Frigore te feriat .

HORATIUS.

Quid? quum est Lucilius ausus

Primus in hunc operis componere carmina morem,  
 Detrahare et pellem, nitidus quâ quisque per ora  
 Cederet, introrsum turpis; num Lælius, et qui  
 Duxit ab oppressâ meritum Carthagine nomen,  
 Ingenio offensi, aut læso doluere Metello,  
 Famosisque Lupo cooperto versibus? Atqui  
 Primores populi arripuit populumque tributum,  
 Scilicet uni æquus virtuti atque ejus amicis.  
 Quin, ubi se a vulgo et scenâ in secreta remôrant  
 Virtus Scipiadæ et mitis sapientia Læli,  
 Nugari cum illo, et discincti ludere, donec  
 Decoqueretur olus, soliti. Quidquid sum ego, quamvis  
 Infra Lucili censum ingeniumque, tamen me  
 Cum magnis vixisse invita fatebitur usque  
 Invidia, et, fragili quærens illidere dentem,  
 Offendet solido: nisi quid tu, docte Trebati,  
 Dissentis.

TREBATIUS.

Equidem nihil hîc diffindere possum.

Sed tamen, ut monitus caveas, ne forte negoti  
 Incutiat tibi quid sanctarum inscitia legum,  
 Si mala condiderit in quem quis carmina, jus est  
 Judiciumque.

HORATIUS.

Esto, si quis mala; sed bona si quis

Judice condiderit laudatus Cæsare, si quis  
 Opprobriis dignum latraverit, integer ipse?

TREBATIUS.

Solventur risu tabulæ; tu missus abibis.

## SATIRA II.

**Q**UAE virtus et quanta, boni, sit vivere parvo,  
 Nec meus hic sermo est, sed quæ præcepit Ofellus  
 Rusticus, abnormis sapiens crassâque Minervâ,  
 Discite, non inter lances mensasque nitentes,  
 Quum stupet insanis acies fulgoribus, et quum  
 Acclinis falsis animus meliora recusat;  
 Verùm hic impransi mecum disquirite.—Cur hoc?—  
 Dicam, si potero. Malè verum examinat omnis  
 Corruptus iudex. Leporem sectatus, equove  
 Lassus ab indomito, vel si Romana fatigat  
 Militia assuetum græcari, seu pila velox,  
 Molliter austerum studio fallente laborem,  
 Seu te discus agit; pete cedentem aëra disco:  
 Quum labor extuderit fastidia, siccus, inanis,  
 Sperne cibum vilem; nisi Hymettia mella Falerno  
 Ne biberis diluta: foris est promus, et atrum  
 Defendens pisces hiemat mare; cum sale panis  
 Latrantem stomachum bene leniet. Unde putas, aut  
 Qui partum? Non in caro nidore voluptas  
 Summa, sed in te ipso est. Tu pulmentaria quære  
 Sudando: pinguem vitiis albumque nec ostrea,  
 Nec scarus, aut poterit peregrina juvare lagois.  
 Vix tamen eripiam, posito pavone, velis quin  
 Hoc potiùs, quàm gallinà, tergere palatum,  
 Corruptus vanis rerum; quia veneat auro  
 Rara avis, et pictà pandat spectacula caudâ.  
 Tamquam ad rem attineat quidquam. Num vesceris  
     istâ  
 Quam laudas plumâ? coctove num adest honor idem?  
 Carne tamen quamvis distat nihil hâc magis illa,  
 Imparibus formis deceptum te patet; esto:  
 Unde datum sentis, lupus hic Tiberinus, an alto

Captus hiet, pontesne inter jactatus, an amnis  
Ostia sub Tusci? Laudas insane trilibrem  
Mullum, in singula quem minuas pulmenta necesse  
est.

Ducit te species, video. Quò pertinet ergo  
Proceros odiase lupos? Quia scilicet illis  
Majorem natura modum dedit, his breve pondus.  
Jejunus rarò stomachus vulgaria temnit.  
Porrectum magno magnum spectare catino  
Vellem, ait Harpyiis gula digna rapacibus. At vos,  
Præsentes Austri, coquite horum obsonia: quamvis  
Putet aper rhombusque recens, mala copia quando  
Aegrum sollicitat stomachum; quum rapula plenus  
Atque acidas mavult inulas. Necdum omnis abacta  
Pauperies epulis regum: nam vilibus ovis  
Nigrisque est oleis hodie locus. Haud ita pridem  
Galloni præconis erat acipensere mensa  
Infamis. Quid? tum rhombos minùs sequor alebat?  
Tutus erat rhombus, tutoque ciconia nido,  
Donec vos auctor docuit prætorius. Ergo,  
Si quis nunc mergos suaves edixerit assos,  
Parebit pravi docilis Romana juvenus.  
Sordidus a tenui victu distabit, Ofello  
Judice: nam frustrà vitium vitaveris illud,  
Si te aliò pravum detorseris. Avidienus,  
Cui Canis ex vero ductum cognomen adhæret,  
Quinquennes oleas est et silvestria corna;  
Ac, nisi mutatum, parcit defundere vinum; et  
Cujus odorem olei nequeas perferre, licebit  
Ille repotia, natales, aliosve dierum  
Festos albus celebret, cornu ipse bilibri  
Caulibus instillat, veteris non parvus aceti.  
Quali igitur victu sapiens utetur? et horum  
Utrum imitabitur? Hæc urget lupo, hæc canis, aiunt.  
Mundus erit, qui non offendat sordibus, atque  
In neutram partem cultus miser. Hic neque servis,  
Albuti senis exemplo, dum mania didit,

Sævus erit; neque, sicut simplex Nævius, unctam  
Convivis præbebit aquam: vitium hoc quoque ma-  
gnum.

Accipe nunc victus tenuis quæ quantaque secum  
Afferat. Imprimis valeas bene: nam, variae res  
Ut noceant homini, credas, memor illius escæ  
Quæ simplex olim tibi sederit. At simul assis  
Miscueris elixa, simul conchylia turdis;  
Dulcia se in bilem vertent, stomachoque tumultum  
Lenta feret pituita. Vides ut pallidus omnis  
Cenâ desurgat dubiâ? Quin corpus onustum  
Hesternis vitiis animum quoque prægravat unâ,  
Atque affligit humo divinæ particulam auræ.  
Alter, ubi dicto citius curata sopori  
Membra dedit, vegetus præscripta ad munia surgit.  
Hic tamen ad melius poterit transcurrere quondam:  
Sive diem festum rediens adduxerit annus;  
Sive recreare volet tenuatum corpus; ubique  
Accedent anni, et tractari mollius ætas  
Imbecilla volet. Tibi quidnam accedet ad istam  
Quam puer et validus præsumis mollitiem, seu  
Dura valetudo inciderit, seu tarda senectus?  
Rancidum aprum antiqui laudabant: non quis nasus  
Illis nullus erat, sed credo, hâc mente, quòd hospes  
Tardiùs adveniens vitiatum commodiùs, quàm  
Integrum edax dominus, consumeret. Hos utinam  
inter

Heros natum tellus me prima tulisset!  
Das aliquid famæ, quæ carmine gratior aurem  
Occupat humanam? Grandes rhombi patinæque  
Grande ferunt unâ cum damno dedecus: addæ  
Iratum patrum, vicinis, te tibi iniquum,  
Et frustrâ mortis cupidum, quum deerit genti  
As, laquei pretium. Jure, inquit, Trausius istis  
Jurgatur verbis: ego vectigalia magna  
Divitiasque habeo tribus amplas regibus. Ergo,



Quod superat, non est melius quò insumere possis?  
Cur eget indignus quisquam, te divite? Quare  
Templa ruunt antiqua Deum? Cur, improbe, caræ  
Non aliquid patriæ tanto emetiris acervo?  
Uni nimirum tibi rectè semper erunt res?  
O magnus posthac inimicis risus! Uterne  
Ad casus dubios fides sibi certius; hic qui  
Pluribus assuerit mentem corpusque superbum;  
An qui, contentus parvo metuensque futuri,  
In pace, ut sapiens, aptarit idonea bello? —  
Quò magis his credas; puer hunc ego parvus Ofellum  
Integris opibus novi non latius usum,  
Quàm nunc accisis. Videas metato in agello  
Cum pecore et gnatis fortem mercede colonum, —  
Non ego, narrantem, temerè edi luce profestà  
Quidquam, præter olus, fumosæ cum pede pernæ.  
Ac mihi seu longum post tempus venerat hospes,  
Sive operum vacuo gratus conviva per imbrem  
Vicinus, bene erat, non piscibus urbe petitis,  
Sed pullo atque hædo: tum pensilis uva secundas  
Et nux ornabat mensas cum duplici fenu:  
Post hoc Indus erat: cuppâ potare magistrâ;  
Ac venerata Ceres, ita culmo surget alto,  
Explicuit vino contractæ seria frontis.  
Sæviat atque novos moveat fortuna tumultus,  
Quantùm hinc imminuet? quantò aut ego parcius,  
aut vos,  
O pueri, nituistis, ut huc novus incola venit?  
Nam propriæ telluris herum natura neque illum,  
Nec me, nec quemquam statuit: nos expulit ille;  
Illum aut nequities aut vafri inscitia juris,  
Postremò expellet certè vivacior hæres.  
Nunc ager Umbreni sub nomine, nuper Ofelli  
Dictus, erit nulli proprius; sed cedit in usum  
Nunc mihi, nunc alii: quocirca vivite fortes,  
Fortiaque adversis opponite pectora rebus.

## SATIRA III.

DAMASIPPUS.

Sic rarò scribis, ut toto non quater anno  
 Membranam poscas, scriptorum quæque retexens,  
 Iratus tibi quòd vini somnique benignus  
 Nil dignum sermone canas. Quid fiet? ab ipsa  
 Saturnalibus huc fugisti; sobrius ergo  
 Dic aliquid dignum promissis: incipe. Nil est.  
 Culpantur frustrà calami, inmeritusque laborat  
 Iratis natus paries Dis atque poëtis.  
 Atqui vultus erat multa et præclara minantis,  
 Si vacuum tepido cepisset villula tecto.  
 Quorsum pertinuit stipare Platona Menandro;  
 Eupolin, Archilochum, comites educere tantos?  
 Invidiam placare paras virtute relictà?  
 Contemnere miser: vitanda est improba Siren  
 Desidia; aut, quidquid vitæ meliore parasti,  
 Ponendum æquo animo.

HORATIUS.

Di te, Damasippe, Desæque,  
 Verum ob consilium donent tonsore! Sed unde  
 Tam bene me nôsti?

DAMASIPPUS.

Postquam omnis res mea Janum  
 Ad mediam fracta est, aliena negotia curo,  
 Excussus propriis. Olim nam quærere anabam  
 Quo vaser ille pedes lavisset Sisyphus ære,  
 Quid sculptum infabrè, quid fustum duriùs esset;  
 Callidus huic signo ponebam millia centum;  
 Hortos egregiasque domos mercarier unus  
 Cum lucro nôram: unde frequentia Mercuriale  
 Imposuere mihi cognomen compita.

HORATIUS.

Novi :

Et morbi miror purgatum te illius.

DAMASIPPUS.

Atqui

Emovit veterem mirè novus, ut solet, in cor

Trajecto lateris miseri capitisque dolore :

Ut lethargicus hic, quum fit pugil, et medicum urget.

HORATIUS.

Dum ne quid simile huic, esto ut libet.

DAMASIPPUS.

O bone, ne te

Frustrare; insanis et tu, stultique prope omnes,

Si quid Stertinius veri crepat; unde ego mira

Descripsi docilis præcepta hæc, tempore quo me

Solatus jussit sapientem pascere barbam,

Atque e Fabricio non tristem ponte reverti.

Nam malè re gestà quum vellem mittere operto]

Me capite in flumen, dexter stetit: et, Cave faxis

Te quidquam indignum; pudor, inquit, te malus urget,

Insanos qui inter vereare insanos haberi.

Primum nam inquiram quid sit furere: hoc si erit in te

Solo, nil verbi, pereas quin fortiter, addam.

Quem mala stultitia et quemcumque inscitia veri

Cæcum agit, insanum Chrysippi porticus et grex

Autumat. Hæc populos, hæc magnos formula reges,

Excepto sapiente, tenet. Nunc accipe quare

Desipiant omnes æquè ac tu, qui tibi nomen

Insano posuere. Velut silvis, ubi passim

Palantes error certo de tramite pellit,

Ille sinistrorsum, hic dextrorsum abit; unus utrique

Error sed variis illudit partibus: hoc te

Crede modo insanum, nihilo ut sapientior ille

Qui te deridet caudam tradat. Est genus unum

Stultitiæ, nihilum metuenda timentis; ut ignes,

Ut rupes, fluviosque in campo obstare queratur:

Alterum et huic varium, et nihilo sapientius, ignes  
 Per medios fluviosque ruentis. Clamet amica  
 Mater, honesta soror, cum cognatis, pater, uxor:  
 Hic fossa est ingens! hic rupes maxima! serva!  
 Non magis audierit, quàm Fusius ebrius olim,  
 Quum Ilionam edormit, Catienis mille ducentis,  
 « Mater, te appello », clamantibus. Huic ego vulgum  
 Errori similem cunctum insanire docebo.  
 Insanit veteres statuas Damasippus emendo.  
 Integer est mentis Damasippi creditor? Esto:  
 Accipe quod numquam reddas mihi, si tibi dicam;  
 Tunc insanus eris si acceperis, an magis excors  
 Rejectâ prædâ quam præsens Mercurius fert?  
 Scribe decem a Nerio: non est satis; adde Cicutas  
 Nodosi tabulas centum; mille adde catenas:  
 Effugiet tamen hæc sceleratus vincula Proteus.  
 Quum rapies in jus malis ridentem alienis,  
 Fiet aper, modò avis, modò saxum, et, quum volet,  
 arbor.

Si malè rem gerere insani est; contrà bene, sani:  
 Putidius multò cerebrum est, mihi crede, Perilli,  
 Dictantis quod tu numquam rescribere possis.  
 Audire, atque togam jubeo componere, quisquis  
 Ambitione malâ aut argenti pallet amore,  
 Quisquis luxuriâ, tristive superstitione,  
 Aut alio mentis morbo calet; huc propius me,  
 Dum doceo insanire omnes, vos ordine adite.  
 Danda est ellebori multò pars maxima avaris:  
 Nescio an Anticyram ratio illis destinet omnem.  
 Hæredes Staberi summam incidere sepulcro:  
 Ni sic fecissent, gladiatorum dare centum  
 Damnati populo paria, atque epulum arbitrio Arri,  
 Frumenti quantum metit Africa. Sive ego pravè,  
 Seu rectè, hoc volui, ne sis patruus mihi. Credo  
 Hoc Staberi prudentem animum vidisse. — Quid ergo  
 Sensit, quum summam patrimoni insculpere saxo

Hæredes voluit? — Quoad vixit, credidit ingens  
 Pauperiem vitium, et cavit nihil acrius; ut, si  
 Fortè minùs locuples uno quadrante perisset,  
 Ipse videretur sibi nequior: omnis enim res,  
 Virtus, fama, decus, divina humanaque, pulchris  
 Divitiis parent; quas qui contraxerit, ille  
 Clarus erit, fortis, justus. — Sapiensne? — Etiam;  
 et rex,

Et quidquid volet. Hoc, veluti virtute paratum,  
 Speravit magnæ laudi fore. Quid simile isti  
 Græcus Aristippus, qui servos projicere aurum  
 In mediâ jussit Libyâ, quia tardius irent  
 Propter onus segnes? uter est insanius horum?  
 Nil agit exemplum litem quod lite resolvit.  
 Si quis emat citharas, emptas comportet in unum,  
 Nec studio citharæ, nec Musæ deditus ulli;  
 Si scalpra et formas, non sutor; nautica vela,  
 Aversus mercaturis; delirus et amens  
 Undique dicatur meritò. Qui discrepat istis,  
 Qui nummos aurumque recondit, nescius uti  
 Compositis, metuensque velut contingere sacrum?  
 Si quis ad ingentem frumenti semper acervum  
 Porrectus vigilet cum longo fuste; neque illinc  
 Audeat esuriens dominus contingere granum,  
 Ac potius foliis parcus vescatur amaris;  
 Si, positus intus Chii veterisque Falerni  
 Mille cadis... nihil est... tercentum millibus, acre  
 Potet acetum; age, si et stramentis incubet, unde  
 octoginta annos natus, cui stragula vestis,  
 Blattarum ac tinearum epulæ, putrescat in arcâ:  
 Nimirum insanus paucis videatur, eo quod  
 Maxima pars hominum morbo jactatur eodem.  
 Filius aut etiam hæc libertus ut exhibat hæres,  
 Dis icimice senex custodis? ne tibi desit?  
 Quantulum enim summæ curtabit quisque dierum,  
 Ungere si caules oleo meliore, caputque

Casperis impexâ fordam porrigine? Quare,  
 Si quidvis satis est, perjuras, surripis, aufers  
 Undique? tun' sanus? Populum si cedere saxis  
 Incipias, servosque tuo quos ære parâris,  
 Insanam te omnes pueri clamentque puellæ:  
 Quum laqueo uxorem interimis matremque veneno,  
 Incolumi capite es? Quid enim? neque tu hoc facis  
 Argis,

Nec ferro, ut demens genitricem occidit Orestes.  
 An tu reris eum occisâ insanisse parente?  
 Ac non antè malis dementem actum furiis, quàm  
 In matris jugulo ferrum tepefecit acutum?  
 Quin, ex quo est habitus malè tutæ mentis Orestes,  
 Nil sanè fecit quod tu reprêndere possis:  
 Non Pyladen ferro violare ausuave sororem  
 Electram: tantùm malediciti utrique, vocando  
 Hanc Furiam, hunc aliud, jussit quod splendida bilis.  
 Pauper Opimius argenti positi intus et auri,  
 Qui Veientanum festis potare diebus  
 Campanâ solitus trullâ, vappamque profestis,  
 Quondam lethargo grandi est oppressus, ut hæres  
 Jam circum loculos et claves lætus ovasque  
 Curreret: hunc medicus multùm celer atque fidelis  
 Excitat hoc pacto: mensam poni jubet, atque  
 Effundi saccos nummorum; accedere plures  
 Ad numerandum: hominem sic erigit. Addit et illud:  
 Ni tua custodis, avidus jam hæc auferet hæres. —  
 Men' vivo? — Ut vivas igitur, vigila: hoc age. —  
 Quid vis?

Deficient inopem venæ te, ni cibus atque  
 Ingens accedat stomacho fultura ruenti.  
 Tu cessas? agedum, sume hoc ptisanarium oryzae. —  
 Quanti emptæ? — Parvo. — Quanti ergo? — Octus-  
 sibus. — Eheu!  
 Quid refert morbo an furtis pereamve rapinis?  
 Quisnam igitur sanus? — Qui non stultus. — Quid  
 avarus?

Stultus et insanus. — Quid? si quis non sit avarus,  
Continuò sanus? — Minimè. — Cur, Stoice? — Dicam.  
Non est cardiacus, Craterum dixisse putato,  
Hic æger. Rectè est igitur, surgetque? Negabit,  
Quòd latus aut renes morbo tententur acuto.  
Non est perjurus, neque sordidus; immolet æquis  
Hic porcum Laribus: verùm ambitiosus et audax;  
Naviget Anticyram: quid enim differt, barathrone  
Dones quidquid habes, an numquam utare paratis?  
Servius Oppidius Canusi duo prædia, dives  
Antiquo censu, gnatis divisisse duobus  
Fertur, et hæc moriens pueris dixisse vocatis  
Ad lectum: Postquam te talos, Aule, nucesque  
Ferre sinu laxo, donare et ludere vidi;  
Te, Tiberi, numerare, cavis abscondere tristem;  
Extimui ne vos ageret vesania discors;  
Tu Nomentanum, tu ne sequerere Cicutam.  
Quare, per divos oratus uterque Penates,  
Tu cave ne minuas, tu ne majus facias id  
Quod satis esse putat pater, et natura coërcet.  
Præterea, ne vos titillet gloria, jure-  
jurando obstringam ambo: uter ædilis fueritve  
Vestrum prætor, is intestabilis et sacer esto.  
In cicere atque fabâ bona tu perdasque lupinis,  
Latus ut in Circo spatiere, aut æneus ut stes,  
Nudus agris, nudus nummis, insane, paternis?  
Scilicet ut plausus quos fert Agrippa feras tu,  
Astuta ingenuum vulpes imitata leonem?  
Ne quis humasse velit Ajacem, Atrida, vetas cur? —  
Rex sum. — Nil ultra quæro plebeius. — Et æquam  
Rem imperito: at, si cui videor non justus, inulto  
Dicere quod sentit permitto. — Maxime regum,  
Di tibi dent captâ classem reducere Trojâ!  
Ergo consulere, et mox respondere licebit? —  
Consule. — Cur Ajax, heros ab Achille secundus,  
Putrescit, toties servatis clarus Achivis?  
Gaudeat ut populus Priami Priamusque inhumato,

Per quem tot juvenes patrio carnere sepulcro? —  
 Mille ovium insanus morti dedit, inclutum Ulyxen  
 Et Menelaum unâ mecum se occidere clamans. —  
 Tu quum pro vitulâ statuis dulcem Aulide natam  
 Ante aras, spargisque molâ caput, improbe, salâ,  
 Rectum animi servas? — Quorsum? — Insanus quid  
 enim Ajax

Fecit, quum stravit ferro pecus? abstinuit vim  
 Uxore et gnato. mala multa precatus Atridis.  
 Non ille aut Teucrum aut ipsum violavit Ulyxen. —  
 Verum ego, ut hærentes adverso littore naves  
 Eriperem, prudens placavi sanguine Divos.  
 Nempe tuo, furiose. — Meo, sed non furiosus. —  
 Qui species alias veri scelerisque tumultu  
 Permixtas capiet, commotus habebitur; atque,  
 Stultitiâne erret, nihilum distabit, an irâ.  
 Ajax, quum immeritos occidit, desipit, agnos?  
 Quum prudens scelus ob titulos admittis inanes,  
 Stas animo? et purum est vitio tibi, quum tumidum  
 est, cor?

Si quis lecticâ nitidam gestare amet agnam,  
 Huic vestem, ut gnatâ, paret, ancillas paret, aurum,  
 Rufam aut Rufillam appellet, fortique marito  
 Destinet uxorem; interdicto huic omne adimat jus  
 Prætor, et ad sanos abeat tutela propinquos.  
 Quid! si quis gnatam pro mutâ devovet agnâ,  
 Integer est animi? Ne dixeris. Ergo, ubi prava  
 Stultitia, hic est summa insania: qui sceleratus,  
 Et furiosus erit: quem cepit vitrea fama,  
 Hunc circumtonuit gaudens Bellona cruentis.  
 Nunc age, luxuriam et Nomentanum arripe mecum.  
 Vincet enim stultos ratio insanire nepotes.  
 Hic simul accepit patrimoni mille talenta,  
 Edicit piscator uti, pomarius, auceps,  
 Unguentarius, ac Tusci turba impia vici,  
 Cum scurris fartor, cum Velabro omne macellum,



Manè domum veniant. Quid tum? Venère frequentes.  
Verba facit leno: Quidquid mihi, quidquid et horum  
Cuique domi est, id crede tuum; et vel nunc pete,  
vel cras.

Accipe quid contrà juvenis responderit æquus:  
In nive Lucanà dormis ocreatus, ut aprum  
Cœnem ego; tu pisces hiberno ex æquore vellis:  
Segnis ego, indignus qui tantum possideam. Aufer:  
Sume tibi decies; tibi tantundem; tibi triplex,  
Unde uxor mediâ currit de nocte citata.  
Filius Aesopi detractam ex aure Metellæ,  
Scilicet ut decies solidum exsorberet, aceto  
Diluit insignem baccam: qui sanior ac si  
Illud idem in rapidum flumen jaceretve cloacam?  
Quinti progenies Arri, par nobile fratrum,  
Nequitia, et nugis, pravorum et amore gemellum,  
Lascinias soliti impenso prandere cœmptas.  
Quorsum abeant? sani ut cretâ, an carbone notandi?  
Aedificare casas, plaustello adjungere mures,  
Ludere par impar, equitare in arundine longâ,  
Si quem delectet barbatum, amentia verset.  
Si puerilius his ratio esse evincet amare;  
Nec quidquam differre, utrumne in pulvere, trimus  
Quale prius, ludas opus, an meretricis amore  
Sollicitus plores: quæro, faciasne quod olim  
Mutatus Polemon? ponas insignia morbi,  
Fasciolas, cubital, focalia, potus ut ille  
Dicitur ex collo furtim carpsisse coronas,  
Postquam est impransi correptus voce magistri?  
Porrigis irato puero quum poma, recusat:  
Sume, Catelle; negat: si non des, optat. Amator  
Exclusus qui distat, agit ubi secum, eat an non  
Quò rediturus erat non arcessitus, et hæret  
Invisis foribus? Ne nunc, quum me vocat ultro,  
Accedam? an potius mediter finire dolores?  
Exclusit, revocat: redeam? non, si obsecret. Ecce

Servus, non paulò sapientior : O here, quæ res  
 Nec modum habet, neque consilium, ratione modoque  
 Tractari non vult. In amore hæc sunt mala ; bellum ;  
 Pax rursus : hæc si quis, tempestatis propè ritu  
 Mobilia et cæcà fluitantia sorte, laboret  
 Reddere certa sibi, nihilò plus explicet, ac si  
 Insanire paret certà ratione modoque.

Quid ? quum, Picenis excerpens semina pomis,  
 Gaudes si cameram percusti fortè, penes te es ?  
 Quid ? quum balba feris annoso verba palato,  
 Aedificante casas qui sanior ? Adde cruorem  
 Stultitiæ, atque ignem gladio scrutare. Modò, inquam,  
 Hellade percussà Marius quum præcipitat se,  
 Cerritus fuit ? an commotæ crimine mentis  
 Absolves hominem, et sceleris damnabis eundem,  
 Ex more imponens cognata vocabula rebus ?  
 Libertinus erat, qui circum compita siccus  
 Lantia manè senex manibus currebat ; et, unum,  
 Quiddam magnum addens, unum me surpite morti ;  
 Dis etenim facile est, orabat : sanus utrisque  
 Auribus atque oculis ; mentem, nisi litigiosus,  
 Exciperet dominus quum venderet. Hoc quoque vul-

gus

Chryippus ponit secundà in gente Meneni.  
 Juppiter, ingentes qui das adimisque dolores,  
 Mater ait pueri menses jam quinque cubantis,  
 Frigida si puerum quartana reliquerit, illo  
 Manè die quo tu indicis jejunia, nudus  
 In Tiberi stabit. Casus medicusve levàrit  
 Aegrum ex præcipiti, mater delira necabit  
 In gelidà fixum ripà, febrimque reducet.  
 Quone malo mentem concussa ? timore Deorum.  
 Hæc mihi Stertinus, sapientum octavus, amico  
 Arma dedit, posthac ne compellarer inultus.  
 Dixerit insanum qui me, totidem audiet ; atque

Respicere ignoto discet pendentia tergo.

HORATIUS.

Stoice, post damnum sic vendas omnia pluris :  
Quâ me stultitiâ, quoniam non est genus unum,  
Insanire putas ? ego nam videor mihi sanus.

DAMASIPPUS.

Quid ? caput abscissum demens quum portat Agave  
Gnati infelicis, sibi tum furiosa videtur ?

HORATIUS.

Stultum me fateor, liceat concedere veris,  
Atque etiam insanum ; tantum hoc edissere, quo me  
Aegrotare putes animi vitio.

DAMASIPPUS.

Accipe : Primùm

Aedificas, hoc est, longos imitaris, ab imo  
Ad summum totus moduli bipedalis ; et idem  
Corpore majorem rides Turbonis in armis  
Spiritus et incessum : qui ridiculus minùs illo ?  
An, quodcumque facit Mæcenas, te quoque verum est  
Tantò dissimilem et tantò certare minorem ?  
Absentis ranæ pullis vituli pede pressis,  
Unus ubi effugit, matri denarrat ut ingens  
Bellua cognatos eliserit. Illa rogare,  
Quantane ? num tandem, se inflans, sic magna fuisset ? —

Major dimidio. — Num tantò ? Quum magis atque  
Se magis inflaret. — Non, si te ruperis, inquit,  
Par eris. Hæc a te non multum absudit imago.  
Adde poemata nunc, hoc est, oleum adde camino :  
Quæ si quis sanus fecit, sanus facis et tu.  
Non dico horrendam rabiem...

HORATIUS.

Jam desine.

DAMASIPPUS.

Cultum

Majorem censu...

HORATIUS.

Teneas, Damasippe, tuis te.

DAMASIPPUS.

Mille puellarum, puerorum mille furores...

HORATIUS.

O major tandem parcas insane minori.

## SATIRA IV.

HORATIUS.

U<sup>nde</sup>, et quò Catius?

CATIUS.

Non est mihi tempus aventi

Ponere signa novis præceptis, qualia vincant  
Pythagoram, Anytique reum, doctumque Platona.

HORATIUS.

Peccatum fateor, quum te sic tempore lævo

Interpellàrim: sed des veniam bonus oro.

Quòd si interciderit tibi nunc aliquid, repetes mox;

Sive est naturæ hoc, sive artis, mirus utroque.

CATIUS.

Quin id erat curæ, quo pacto cuncta tenerem;

Utpote res tennes, tenui sermone peractas.

HORATIUS.

Ede hominis nomen: simul et Romanus, an hospes.

CATIUS.

Ipsa memor præcepta canam; celabitur auctor.

Longa quibus facies ovis erit, illa memento,

Ut succi melioris et ut magis alma rotundis,

Ponere: namque marem cohibent callosa vitellum.

Caule suburbano, qui siccis crevit in agris,

Dulcior; irriguo nihil est elutius horto.

Si vespertinus subitò te oppresserit hospes,



Ne gallina malum responset dura palato,  
Doctus eris vivam mixto mersare Falerno :  
Hoc teneram faciet. Pratensibus optima fungis  
Natura est ; aliis malè creditur. Ille salubres  
Aestates peraget , qui nigris prandia moris  
Finiat , ante gravem quæ legerit arbore solem.  
Aufidius forti miscebat mella Falernq ;  
Mendosè , quoniam vacuis committere venis  
Nil nisi lene decet : leni præcordia mulso  
Prolueris melius. Si dura morabitur alvus ,  
Mytilus et viles pellent obstantia conchæ ,  
Et lapathi brevis herba , sed albo non sine Coo.  
Lubrica nascentes implent conchylia lunæ.  
Sed non omne mare est generosæ fertile testæ :  
Murice Baiano melior Lucrina peloris ;  
Ostrea Circeiis , Miseno oriuntur echini ;  
Pectinibus patulis jactat se molle Tarentum.  
Nec sibi cœnarum quivis temerè arroget artem ,  
Non prius exactâ tenui ratione saporum.  
Nec satis est carâ pisces averrere mensâ  
Ignarum quibus est jus aptius , et quibus assis  
Languidus in cubitum jam se conviva reponet.  
Umbæ , et ilignâ nutritus glande , rotundas  
Curvet aper lances carnem vitantis inertem :  
Nam Laurens malus est , ulvis et arundine pinguis.  
Vinea summittit capreas non semper edules.  
Fecundæ leporis sapiens sectabitur armos.  
Piscibus atque avibus quæ natura et foret ætas ,  
Ante meum nulli patuit quæsita palatum.  
Sunt quorum ingenium nova tantùm crustula promit.  
Nequaquam satis iam re unâ consumere curam :  
Ut si quis solùm hoc , mala ne sint vina , laboret ,  
Quali perfundat pisces securus olivo.  
Massica si cœlo supponas vina sereno ,  
Nocturnâ si quid crassi est tenuabitur aurâ ,  
Et decedet odor nervis inimicus ; at illa

Integrum perdunt lino vitiata saporem.  
 Surrentina vaser qui miscet sæce Falernâ  
 Vina, columbino limum bene colligit ovo,  
 Quatenus ima petit volvens aliena vitellus.  
 Tostis marcentem squillis recreabis et Afrâ  
 Potorem cochleâ; nam lactuca innatat acri  
 Post vinum stomacho: pernâ magis ac magis hillis  
 Flagitat in morsus refici; quin omnia malit  
 Quæcumque immundis fervent illata popinis.  
 Est operæ pretium duplicis pernoscere juris  
 Naturam: simplex e dulci constat olivo,  
 Quod pingui miscere mero muriâque decebit,  
 Non aliâ quàm quâ Byzantia pntruit orca.  
 Hoc ubi confusum sectis inferbuit herbis,  
 Corycioque croco sparsum stetit, insuper addes  
 Pressa Venafrans quod bacca remisit olivæ.  
 Picens cedunt pomis Tiburtia succo;  
 Nam facie præstant. Venucula convenit ollis;  
 Rectius Albanam fumo duraveris uvam.  
 Hanc ego cum malis, ego facem primus et halec,  
 Primus et invenior piper album, cum sale nigro  
 Incretum, puris circumposuisse catillis.  
 Immane est vitium dare millia terna macello,  
 Angustoque vagos pisces urgere catino.  
 Magna movet stomacho fastidia, seu puer unctis  
 Tractavit calicem manibus dum furta ligurrit;  
 Sive gravis veteri crateræ limus adhæsit.  
 Villibus in scopis, in mappis, in scobe, quantus  
 Consistit sumptus? neglectis, flagitium ingens.  
 Ten' lapides varios lutulentâ radere palmâ,  
 Et Tyrias dare circum illota toralia vestes,  
 Oblitum quantò curam sumptumque minorem  
 Hæc habeant, tantò reprændi justius illis  
 Quæ nisi divitibus nequeant contingere mensis?

HORATIUS.

Docte Cati, per amicitiam Divosque rogatus,  
 Ducere me auditum, perges quòcumque, memento.

Nam, quamvis referas memori mihi pectore cuncta,  
 Non tamen interpres tantumdem jueris : adde  
 Vultum habitumque hominis ; quem tu vidisse beatus  
 Non magni pendis , quia contigit : at mihi cura  
 Non mediocris inest fontes ut adire remotos  
 Atque haurire queam vitæ præcepta beatæ.

## SATIRA V.

ULYSSES.

**H**oc quoque, Tiresia, præter narrata, petenti  
 Responde, quibus amissas reparare queam res  
 Artibus atque modis. Quid rides ?

TIRESIAS.

Jamne doloso

Non satis est Ithacam revehi , patriosque Penates  
 Aspicere ?

ULYSSES.

O nulli quidquam mentite, vides ut  
 Nudus inopsque domum redeam , te vate ; neque illuc  
 Aut apotheca procis intacta est , aut pecus : atqui  
 Et genus , et virtus , nisi cum re , villior algæ est.

TIRESIAS.

Quando pauperiem , missis ambagibus , horres ,  
 Accipe quâ ratione queas ditescere. Turdus  
 Sive aliud privum dabitur tibi ; devolet illuc  
 Res ubi magna nitet , domino sene : dulcia poma ,  
 Et quoscumque feret cultus tibi fundus honores ,  
 Ante Larem gustet venerabilior Lare dives :  
 Qui quamvis perjurus erit , sine gente , cruentus  
 Sanguine fraterno , fugitivus ; ne tamen illi  
 Tu comes exterior , si postulet , ire recuses.

ULYSSES.

Utne tegam spurco Damæ latus ? haud ita Trojæ  
 Me gessi , certans semper melioribus.

TIRRESIAS.

Ergo

Pauper eris.

ULYSSES.

Fortem hoc animum tolerare jubebo :

Et quondam majora tuli. Tu protenus, unde  
 Divitias ærisque ruam, dic, augur, acervos.

TIRRESIAS.

Dixi equidem, et dico. Captes astutus ubique  
 Testamenta senum : neu, si vaser unus et alter  
 Insidiatorem præroso fugerit hamo,  
 Aut spem deponas, aut artem illusos omittas.  
 Magna minorve foro si res certabitur olim,  
 Vivet uter locuples sine gnatis, improbus ultro  
 Qui meliorem audax vocet in jus ; illius esto  
 Defensor : famâ civem causâque priorem  
 Sperne, domi si gnatus erit fecundave conjux.  
 Quinte, puta, aut Publi, (gaudent prænominemolles  
 Auriculæ,) tibi me virtus tua fecit amicum :  
 Jus anceps novi, causas defendere possum :  
 Eripiet quivis oculos citiùs mihi, quàm te  
 Contemptum cassâ nuce pauperet : hæc mea cura est,  
 Ne quid tu perdas, neu sis jocus. Ire domum atque  
 Pelliculam curare jube : si cognitor ipse.  
 Persta atque obdura, seu rubra canicula findet  
 Infantes statuas, seu pingui tentus omaso  
 Furius hibernas canâ nive conspuet Alpes.  
 Nonne vides, aliquis cubito stantem propè tangens  
 Inquiet, Ut patiens ! ut amicus aptus ! ut acer !  
 Plures annabunt thunni, et cetaria crescent.  
 Si cui præterea validus malè filius in re  
 Præclarâ sublatuſ aletur ; ne manifestum  
 Cælibis obsequium nudet te, leniter in spem  
 Arrepe officiosus, ut et scribare secundus  
 Hæres, et, si quis casus puerum egerit Orco,  
 In vacuum venias : perrarò hæc alea fallit.



Qui testamentum tradet tibi cumque legendum,  
 Abnuere et tabulas a te remove memento :  
 Sic tamen ut limis rapias quid prima secundo  
 Cera velit versu ; solus multisne cohæres,  
 Veloci percurre oculo. Plerumque recoctus  
 Scriba ex Quinqueviro corvum deludet hiantem,  
 Captatorque dabit risus Nasica Corano.

ULYSSES.

Nam furis ? an prudens ludis me obscura canendo ?

TIRSIAS.

O Lærtiade, quidquid dicam, aut erit, aut non :  
 Divinare etenim magnus mihi donat Apollo.

ULYSSES.

Quid tamen ista velit sibi fabula, si licet, ede.

TIRSIAS.

Tempore quo juvenis Parthis horrendus, ab alto  
 Demissum genus Aenea, tellure marique  
 Magnus erit, forti nubet procera Corano  
 Filia Nasicæ, metuentis reddere soldum.  
 Tum gener hoc faciet ; tabulas socero dabit, atque  
 Ut legat orabit : multum Nasica negatas  
 Accipiet tandem et tacitus leget ; invenietque  
 Nil sibi legatum, præter plorare, suisque.  
 Illud ad hæc jubeo : mulier si fortè dolosa  
 Libertusve senem delirum temperet, illis  
 Accedas socius ; laudes, lauderis ut absens.  
 Adjuvat hoc quoque ; sed vincit longè prius, ipsum  
 Expugnare caput. Scribet mala carmina vecors ?  
 Laudato : scortator erit ? cave te roget ; ultro  
 Penelopen facilis potiori trade.

ULYSSES.

Putasne

Perduci poterit tam frugi tamque pudica,  
 Quam nequiere proci recto depellere cursu ?

TIRSIAS.

Venit enim magnum donandi parca juvenus,

Nec tantum Veneris quantum studiosa culinæ.  
Sic tibi Penelope frugi est: quæ, si semel uno  
De sene gustarit, tecum partita lucellum,  
Ut cavis, a corio numquam absterrebitur uncto.  
Mesene, quod dicam, factum est: Anus improba Thebis  
Ex testamento sic est elata: cadaver  
Unctum oleo largo nudis humeris tulit hæres;  
Scilicet elabi si posset mortua, credo,  
Quod nimium institerat viventi. Cautus adito:  
Neu desis operæ, neve immoderatus abundes.  
Difficilem et morosum offendet garrulus: ultra  
Non etiam sileas. Davus sis comicus, atque  
Stes capite obstipo, multum similis metuenti.  
Obsequio grassare: mone, si increbuit aura,  
Cautus uti velet carum caput: extrahe turbâ,  
Oppositis humeris: aurem substringe loquaci.  
Importunus amat laudari? donec, Ohe! jam  
Ad cælum manibus sublati, dixerit, urge; et  
Crescentem tumidis infla sermonibus utrem.  
Quum te servitio longo curaque levârit;  
Et certum vigilans, Quartæ esto partis Ulyxes,  
Audieris, hæres: Ergo nunc Dama sodalis  
Nusquam est, undemihi tam fortem tamque fidelem?  
Sparge subinde: et, si paulum potes, illacrymare. Est  
Gaudia prodentem vultum celare. Sepulcrum,  
Permissum arbitrio, sine sordibus extrue: funus  
Egregiè factum laudet vicinia. Si quis  
Fortè cohæredum senior malè tussiet, huic tu  
Dic, ex parte tuâ, seu fundi sive domûs sit  
Emptor, gaudentem nummo te addicere. Sed me  
Imperiosa trahit Proserpina: vive, valeque.

## SATIRA VI.

**H**oc erat in votis: modus agri non ita magnus,  
Hortus ubi, et tecto vicinus jugis aquæ fons,  
Et paulum silvæ super his foret. Auctius atque  
Di melius fecere: bene est. Nihil amplius oro,  
Maia nate, nisi ut propria hæc mihi munera faxis.  
Si neque majorem feci ratione malâ rem,  
Nec sum facturus vitio culpæve minorem;  
Si veneror stultus nihil horum: O si angulus ille  
Proximus accedat, qui nunc denormat agellum!  
O si urnam argenti fors quæ mihi monstret, ut illi,  
Thesauro invento, qui mercenarius agrum  
Illum ipsum mercatus aravit, dives amico  
Hercule! si quod adest gratum juvat: hæc prece te oro,  
Pingue pecus domino facias, et cetera, præter  
Ingenium; utque soles, custos mihi maximus adsis.  
Ergo, ubi me in montes et in arcem ex urbe removi,  
Quid prius illustrem satiris, musâque pedestri?  
Nec mala me ambitio perdit, nec plumbeus Auster,  
Autumnusque gravis, Libitinæ quæstus acerbæ.  
Matutine pater, seu Jane libentiùs audis,  
Unde homines operum primos vitæque labores  
Instituunt, sic Dis placitum, tu carminis esto  
Principium. Romæ sponsores me rapis. — Eia!  
Ne prior officio quisquam respondeat, urge:  
Sive Aquilo radit terras, seu bruma nivalem  
Interiore diem gyro trahit, ire necesse est. —  
Postmodo, quod mi obsist, clarè certumque locuto,  
Luctandum in turbâ; faciendâ injuria tardia. —  
Quid vis, insane? et quas res agis? improbus urget  
Iratis precibus; tu pulses omne quod obstat,  
Ad Mæcenatem memori si mente recurras. —

Hoc juvat et melli est, non mentiar. At, simul atras  
Ventum est Esquilias, aliena negotia centum  
Per caput et circa saliunt latus. Ante secundam  
Roscius orabat sibi adesses ad Puteal cras.  
De re communi scribæ magnâ atque novâ te  
Orabant hodie meminisses, Quinte, reverti:  
Imprimat his cura Mæcenas signa tabellis.  
Dixeris, Experiar: Si vis, potes, addit et instat.  
Septimus octavo propior jam fugerit annus,  
Ex quo Mæcenas me cepit habere suorum  
In numero, duntaxat ad hoc, quem tollere rhedâ  
Vellet, iter faciens, et cui concedere nugæ  
Hoc genus: Hora quota est? Thrax est Gallina Syro par?  
Matutina parum cantos jam frigora mordent:  
Et quæ rimosâ bene deponuntur in aure.  
Per totum hoc tempus subjectior in diem et horam  
Invidiæ. Noster ludos spectaverat unâ;  
Luserat in campo; Fortunæ filius; omnes.  
Frigidus a Rostris manat per compita rumor:  
Quicumque obvius est me consulit: — O bone, nam te  
Scire, Deos quoniam propius contingis, oportet:  
Num quid de Dacis audisti? — Nil equidem. — Ut tu  
Semper eris derisor! — At omnes Di exagitent me,  
Si quidquam. — Quid? militibus promissa Triquetra  
Prædia Cæsar, an est Italâ tellure daturus?  
Jurantem me scire nihil mirantur, ut unum  
Scilicet egregii mortalem altique silenti.  
Perditur hæc inter misero lux, non sine votis:  
O rus, quando ego te aspiciam? quandoque licebit,  
Nunc veterum libris, nunc somno et inertibus horis,  
Ducere sollicitæ jucunda obliviam vitæ?  
O quando faba, Pythagoræ cognata, simulque  
Unctæ satis pingui ponentur oluscula lardo?  
O noctes cœnæque Deum, quibus ipse meique  
Ante Larem proprium vescor, vernasque procaces  
Pasco libatis dapibus! Prout cuique libido est,

Siccat inæquales calices conviva, solutus  
Legibus insanis: seu quis capit acria fortis  
Pocula, seu modicis uvescit lætius. Ergo  
Sermo oritur, non de villis domibusve alienis,  
Nec malè necne Lepos saltet: sed, quod magis ad nos  
Pertinet et nescire malum est, agitamus: utramne  
Divitiis homines, an sint virtute beati;  
Quidve ad amicitias, usus rectumne, trahat nos;  
Et, quæ sit natura boni; summumque quid ejus.  
Cervius hæc inter vicinus garrit aniles  
Ex re fabellas. Nam si quis laudat Arellit  
Sollicitas ignarus opes, sic incipit: — Olim  
Rusticus urbanum murem mus paupere fertur  
Accepisse cavo, veterem vetus hospes amicum;  
Asper et attentus quæsit, ut tamen arctum  
Solveret hospitii animum. Quid multa? neque ille  
Sepositi ciceris, nec longæ invidit avenæ:  
Aridum et ore ferens acinum, semesaque lardi  
Frusta dedit, cupiens variâ fastidia cœnâ  
Vincere tangentis malè singula dente superbo:  
Quum pater ipse domûs palæa porrectus in hornâ  
Easet ador loliumque, dapis meliora relinquens.  
Tandem urbanus ad hunc, Quid te juvat, inquit,  
amice,

Prærupti nemoris patientem vivere dorso?  
Vis tu homines urbemque feris præponere silvis?  
Carpe viam, mihi crede, comes, terrestria quando  
Mortales animas vivunt sortita, neque ulla est  
Aut magno aut parvo lethi fuga: quo, bone, circa,  
Dum licet, in rebus jucundis vive beatus;  
Vive memor quàm sis ævi brevis. Hæc ubi dicta  
Agrestem populere, domo levis exilit: inde  
Ambo propositum peragunt iter, urbis aventes  
Mœnia nocturni subrepere. Jamque tenebat  
Nox medium cœli spatium, quum ponit uterque  
In locuplete domo vestigia; rubro ubi cocco

Tincta super lectos canderet vestis eburnos,  
 Multaque de magnâ superessent fercula cœnâ,  
 Quæ procul extractis inerant hesterna canistria.  
 Ergo ubi purpureâ porrectum in veste locavit  
 Agrestem, veluti succinctus cursitat hospes,  
 Continuatque dapes; nec non vernaliter ipsis  
 Fungitur officiis, prælambens omne quod adfert.  
 Ille cubans gaudet mutata sorte, bonisque  
 Rebus agit letum convivam; quum subito ingens  
 Valvarum strepitus lectis excussit utrumque.  
 Currere per totum pavidi conclave; magisque  
 Exanimes trepidare, simul domus alta Molœsis  
 Personuit canibus. Tum rusticus, Haud mihi vitâ  
 Est opus hæc, ait; et vales: me silva cavaque  
 Tutus ab insidiis tenui solabitur ervo.

---

## SATIRA VII.

DAVUS.

JAM DUDUM ausculto; et, cupiens tibi dicere servus  
 Pauca, reformido.

HORATIUS.

Davusne?

DAVUS.

Ita, Davus, amicum

Mancipium domino, et frugi, quod sit satis, hoc est,  
 Ut vitale putes.

HORATIUS.

Age, libertate Decembri,

Quando ita majores voluerunt, utere: narra.

DAVUS.

Pars hominum vitiis gaudet constanter, et urget  
 Propositum: pars multa natat, modò recta capessens,  
 Interdum pravis obnoxia. Sæpè notatus

Cum tribus annellis, modò lava Priscus inani,  
 Vixit inæqualis, clavum ut mutaret in horas;  
 Aedibus ex magnis subitò se conderet unde  
 Mondior exiret vix libertinus honestè.  
 Jam mœchus Romæ, jam mallet doctor Athenis  
 Vivere, Vertumnis, quotquot sunt, natus iniquis.  
 Scurra Volanerius, postquam illi justa chiragra  
 Contudit articulos, qui pro se tolleret atque  
 Mitteret in phimum talos, mercede diurnâ  
 Conductum pavit: quantò constantior idem  
 In vitiis, tantò leviùs miser, ac prior illo  
 Qui jam contento, jam laxo, fune laborat.

HORATIUS.

Non dices hodie quorsum hæc tam putida tendant,  
 Furcifer?

DAVUS.

Ad te, inquam.

HORATIUS.

Quo pacto, pessime?

DAVUS.

Laudas

Fortunam et mores antiquæ plebis; et idem,  
 Si quis ad illa Deus subitò te agat, usque recuses;  
 Aut quia non sentis quod clamas rectius esse,  
 Aut quia non firmus rectum defendis, et hæres,  
 Nequidquam cœno cupiens evellere plantam.  
 Romæ rus optas; absentem rusticus urbem  
 Tollis ad astra levis. Si nusquam es fortè vocatus  
 Ad cœnam, laudas securum olus: ac, velut usquam  
 Vincit eas, ita te felicem dicis, amasque,  
 Quòd nusquam tibi sit potandum. Jusserit ad se  
 Mæcenas serum sub lumina prima venire  
 Convivam: Nemon' oleum feret ociùs? ecquis  
 Audit? cum magno blateras clamore, furisque.  
 Milvins et scurræ, tibi non referenda precati,  
 Discedunt. Etenim fateor me, dixerit ille,

Duci ventre levem; nasum nidore supinor;  
 Imbecillas, iners, si quid vis, adde, popino.  
 Tu, quum sis quod ego, et fortassis nequior, ultro  
 Insectere, velut melior? verbisque decoris  
 Obvolvas vitium? Quid, si me stultior ipso  
 Quingentis empto drachmis, deprènderis? Aufer  
 Me vultu terrere; manum stomachumque teneto,  
 Dum, quæ Crispini docuit me janitor, edo.  
 Te conjux aliena capit, meretricula Davum.  
 Peccat uter nostràm cruce dignius? acris ubi me  
 Natura incendit, sub clarâ nuda lucernâ  
 Quæcumque excepit turgentis verbera caudæ  
 Clunibus, aut agitavit equum lasciva supinum,  
 Dimittit neque famosum, neque sollicitum ne  
 Ditiior aut formæ melioris meiat eodem;  
 Tu, quum projectis insignibus, annulo equestri,  
 Romanoque habitu, prodis ex iudice Dama  
 Turpis, odoratum caput obscurante lacernâ,  
 Non es quod simulas? Metuens induceris, atque  
 Altercante libidinibus tremis ossa pavore.  
 Quid refert, uri virgis ferroque necari  
 Auctoratus eas; an turpi clausus in arcâ,  
 Quò te demisit peccati conscia horilis  
 Contractum, genibus tangas caput? Estne marito  
 Matronæ peccantis in ambo justa potestas?  
 In corruptorem vel justior. Illa tamen se  
 Non habitu mutatve loco, peccatve supernè,  
 Quum te formidet mulier, neque credat amanti.  
 Ibis sub furcam prudens, dominoque furepti  
 Committes rem omnem et vitam et cum corpore fa-  
 mam.  
 Evasti? metues, credo, doctusque cavebis:  
 Quæres quando iterum paveas, iterumque perire  
 Possis. O toties servus! Quæ bellua ruptis,  
 Quum semel effugit, reddit se prava catenis!



Non sum mœchus, ais. Neque ego, hercule, fur, ubi  
vasa

Prætereo sapiens argentea. Tolle periculum,  
Jam vaga prosiliet frænis natura remotis.  
Tunc mihi dominus, rerum imperiis hominumque  
Tot tantisque minor, quem ter vindicta quaterque  
Imposita haud umquam miserâ formidine privet?  
Adde super, dictis quod non levius valeat: nam  
Sive vicarius est, qui servo paret uti mos  
Vester ait, seu conservus; tibi quid sum ego? Nempe  
Tu, mihi qui imperitas, aliis servis miser, atque  
Duceris ut nervis alienis mobile lignum.  
Quisnam igitur liber? Sapiens, sibi qui imperiosus;  
Quem neque pauperies, neque mors, neque vincula  
terrent;

Responsare cupidinibus, contemnere honores  
Fortis, et in seipso totus, teres atque rotundus,  
Externi ne quid valeat per læve morari;  
In quem manca ruit semper fortuna. Potesne  
Ex his ut proprium quid noscere? Quinque talenta  
Poscit te mulier, vexat, foribusque repulsum  
Perfundit gelidâ: rursus vocat. Eripe turpi  
Colla iugo: Liber, liber sum, dic age. Non quis;  
Urget enim dominus mentem non lenis, et acra  
Subjectat lasso stimulos, versatque negantem.  
Vel, quum Pausiacâ torpes, insane, tabellâ,  
Qui peccas minùs atque ego, quum Fulvi Rutubæque,  
Aut Placideiani contento poplite miror  
Prœlia, rubricâ picta aut carbone; velut si  
Re verâ pugnent, feriant vitentque moventes  
Arma viri? Nequam et cessator Davus; at ipse  
Subtilis veterum iudex et callidus audis.  
Nil ego, si ducor libo fumante: tibi ingens  
Virtus atque animus coenis responsat opimis.  
Obsequium ventris mihi perniciosius est: cur?

Tergo plector enim. Qui tu impunitior illa,  
 Quæ parvo sumi nequeunt, quum obsonia captas?  
 Nempe inamārescunt epulæ sine fine petitæ,  
 Illusique pedes vitiosum ferre recusant  
 Corpus. An hic peccat, sub noctem qui puer uvam  
 Furtivam mutat strigili? qui prædia vendit,  
 Nil servile, gulæ parens, habet? Adde, quòd idem  
 Non horam tecum esse potes; non otia rectè  
 Ponere; teque ipsum vitas, fugitivus ut erro;  
 Jam vino quærens, jam somno, fallere curam:  
 Frustrā; nam comes atra premit sequiturque fugacem.

HORATIUS.

Unde mihi lapidem?

DAVUS.

Quorsum est opus?

HORATIUS.

Unde sagittas?

DAVUS.

Aut insanit homo, aut versus facit.

HORATIUS.

Ociùs hinc te

Ni rapis, accedes opera agro nona Sabino.

## SATIRA VIII.

HORATIUS.

UT te Nasidieni juvit cœna beati!  
 Nam mihi, quærenti convivam, dictus herè illic  
 De medio potare die.

FUNDANIUS.

Sic, ut mihi numquam

In vitâ fuerit meliùs.

HORATIUS.

Da, si grave non est,

Quæ prima iratum ventrem placaverit esca.

FUNDANIUS.

In primis Lucanus aper: leni fuit Austro  
Captus, ut aiebat cœnæ pater. Acria circum  
Rapula, lactucæ, radices, qualia lassarum  
Pervellunt stomachum; siser, hælec, sæcula Coa.  
His ubi sublati puer altè cinctus acernam  
Gausape purpureo mensam pertersit, et alter  
Sublegit quodcumque jaceret inutile, quodque  
Posset cœnantes offendere; ut Attica virgo  
Cum sacris Cereris, procedit fuscus Hydaspes,  
Cæcuba vina ferens; Alcon, Chium maris expers.  
Hic herus: Albanum, Mæcenas, sive Falernum  
Te magis appositis delectat, habemus utrumque.

HORATIUS.

Divitias miseras! Sed queis cœnantibus unâ,  
Fundani, pulchrè fuerit tibi, nôsse laboro.

FUNDANIUS.

Summus ego; et prope me Viscus Thurinus; et infrà,  
Si memini, Varius: cum Servilio Balatrone  
Vibidius, quos Mæcenas adduxerat umbras.  
Nomentanus erat super ipsum, Porcius infrà,  
Ridiculus totas simul obsorbere placentas.  
Nomentanus ad hoc, qui, si quid fortè lateret,  
Indice monstraret digito: nam cetera turba,  
Nos, inquam, cœnamus aves, conchylia, pisces,  
Longè dissimilem noto celantia succum;  
Ut vel continnò patuit, quum passeris atque  
Ingustata mihi porrexerat ilia rhombi.  
Post hoc me docuit melimela rubere minorem  
Ad lnam delecta. Quid hoc intersit, ab ipso  
Audieris meliùs. Tum Vibidius Balatroni:  
Nos, nisi damnosè bibimus, moriemur inulti.  
Et calices poscit majores. Vertere pallor  
Tum parochi faciem, nil sic metuentis ut acres  
Potores; vel quòd maledicunt liberiùs, vel

Fervida quòd subtile exsurdant vina palatum.  
Invertunt Alliphanis vinaria tota  
Vibidius Balatroque, sequentis omnibus: imi  
Convivæ lecti nihilum nocuere lagenis.  
Affertur squillas inter murena natantes  
In patinâ porrecta. Sub hoc herus, Hæc gravida, inquit,  
Capta est, deterior post partum carne futura.  
His mixtum jus est oleo quod prima Venafri  
Pressit cella; garo de succis piscis Iberi;  
Vino quinquenni, verùm citra mare nato,  
Dum coquitur, cocto Chium sic convenit ut non  
Hoc magis ullum aliud; pipere albo, non sine aceto  
Quod Methymnæam vitio mutaverit uvam.  
Erucas virides, inulas ego primus amaras  
Monstravi incoquere; illutos Cartillus echinos,  
Ut melius, muriâ quam testa marina remittit.  
Interea suspensa graves aulæa ruinas  
In patinam fecere, trahentia pulveris atri  
Quantum non Aquilo Campanis excitat agris.  
Nos majus veriti, postquam nihil esse periculi  
Sensimus, erigimur. Rufus posito capite, ut si  
Filius immaturus obisset, flere. Quis esset  
Finis, ni sapiens sic Nomentanus amicum  
Tolleret: Heu Fortuna! quis est crudelior in nos  
Te deus? ut semper gaudes illudere rebus  
Humanis! Varius mappâ compescere risum  
Vix poterat. Balatro, suspendens omnia naso,  
Hæc est conditio vivendi, aiebat; eoque  
Responsura tuo numquam est par fama labori.  
Tene, ut ego accipiar lautè, torquerier omni  
Sollicitudine districtum? ne panis adustus,  
Ne malè conditum jus apponatur? ut omnes  
Præcincti recte pueri comitque ministrent?  
Adde hos præterea casus: aulæa ruant si,  
Ut modò; si patinam pede lapsus frangat agaso.  
Sed convivatoris, uti ducis, ingenium res

Adversæ nudare solent, celare secundæ.  
 Nasidienus ad hæc: Tibi Di, quæcumque preceris,  
 Commoda dent; ita vir bonus es convivaque comis.  
 Et soleas poscit. Tum in lecto quoque videres  
 Stridere secretâ divisos aure susurros.

HORATIUS.

Nullos his mallet ludos spectasse: sed illa  
 Redde, age, quæ deinceps risisti.

FUNDANIUS.

Vibidius dum  
 Quærit de pueris num sit quoque fracta lagena,  
 Quòd sibi poscenti non dentur pocula; dumque  
 Ridetur fictis rerum, Balatrone secundo;  
 Nasidienne, redis mutatæ frontis, ut arte  
 Emendaturus fortunam; deinde sequuti  
 Mazonomo pueri magno discerpta ferentes  
 Membra gruis, sparsi sale multo, non sine farre;  
 Pinguibus et ficis pastum jecur anseris albi;  
 Et leporum avulsos, ut multò suavius, armos,  
 Quàm si cum lumbis quis edit: tum pectore adusto  
 Vidimus et merulas poni, et sine clune palumbes.  
 Suaves res, si non causas narraret earum et  
 Naturas dominus: quem nos sic fugimus ulti,  
 Ut nihil omnino gustaremus, velut illis  
 Canidia afflasset, pejor serpentibus Afris.



QUINTI  
HORATII FLACCI  
EPISTOLARUM  
LIBER PRIMUS.

~~~~~  
EPISTOLA I.

AD MAECENATEM.

**P**RIMA dicte mihi, summâ dicende Camcenâ,  
Spectatum satis, et donatum jam rude, quæris,  
Mæcenas, iterum antiquo me includere ludo.  
Non eadem est ætas, non mens. Veianius, armis  
Herculis ad postem fixis, latet abditus agro,  
Ne populum extremâ toties exoret arenâ.  
Est mihi purgatam crebrò qui personet aurem :  
Solve senescentem maturè sanus equum, ne  
Pécceat ad extremum ridendus, et ilia ducat.  
Nunc itaque et versus et cetera ludicra pono :  
Quid verum atqne decens curo et rogo, et omnis in  
hoc sum :

Condo et compono quæ mox depromere possim.  
 Ac, ne fortè roges quo me duce, quo lare tuter:  
 Nullius addictus jurare in verba magistri,  
 Quò me cumque rapit tempestas, deferor hospes.  
 Nunc agilis fio, et mersor civilibus undis,  
 Virtutis veræ castos, rigidusque satelles:  
 Nunc in Aristippi fortim præcepta relabor,  
 Et mihi res, non me rebus, submittere conor.  
 Ut nox longa quibus mentitur amica, diesque  
 Longa videtur opus debentibus; ut piger annus  
 Pupillis quos dura premit custodia matrum:  
 Sic mihi tarda fluunt ingrataque tempora quæ spem  
 Consiliumque morantur agendi gnæviter id quod  
 Aequè pauperibus prodest, locupletibus æquè,  
 Aequè neglectum pueris senibusque nocebit.  
 Restat ut his ego me ipse regam solerque elementis:  
 Non possis oculo quantum contendere Lynceus,  
 Non tamen idcirco contemnas lippus inungi;  
 Nec, quia desperes invicti membra Glyconis,  
 Nodosâ corpns nolis prohibere cheragrâ.  
 Est quadam prodire tenuis, si non datur ultrâ.  
 Fervet avaritiâ miseroque cupidine pectus?  
 Sunt verba et voces quibus hunc lenire dolorem  
 Possis, et magnam morbi deponere partem.  
 Laudis amore tumes? sunt certa piacula quæ te  
 Ter purè lecto poterunt recreare libello.  
 Invidus, iracundus, iners, vinosus, amator,  
 Nemo adeo ferus est ut non mitescere possit,  
 Si modò culturæ patientem commodet aurem.  
 Virtus est vitium fugere; et sapientis prima  
 Stultitiâ caruisse. Vides, quæ maxima credis  
 Esse mala, exiguum censum, turpemque repulsam,  
 Quanto devites animo capitisque labore:  
 Impiger extremos curris mercator ad Indos,  
 Per mare pauperiem fugiens, per saxa, per ignes:  
 Ne cures ea quæ stultè miraris et optas,

*Discere et audire, et meliori credere non vis?  
Quis circum pagos et circum compita pugna  
Magna coronari contemnat Olympia, cui spes,  
Cui sit conditio dulcis sine pulvere palmæ?  
Vilius argentum est auro, virtutibus aurum.  
O cives, cives, quærenda pecunia primum est,  
Virtus post nummos. Hæc Janus summus ab imo  
Prodocet: hæc recinunt juvenes dictata senesque,  
Lævo suspensi loculos tabulamque lacerto.  
Si quadringentis sex septem millia desunt,  
Est animus tibi, sunt mores, et lingua, fidesque;  
Plebs eris. At pueri ludentes, Rex eris, aiunt,  
Si rectè facies. Hic murus æneus esto,  
Nil conscire sibi, nullâ pallescere culpâ.  
Rosciâ, dic sodes, melior lex, an puerorum est  
Nænia, quæ regnum rectè facientibus offert,  
Et maribus Curiis et decantata Camillis?  
Iane tibi melius suadet, qui rem facias; rem,  
Si possis, rectè; si non, quocumque modo rem;  
Ut propius spectes lacrymosa poemata Pupî:  
An qui fortunæ te responsare superbæ  
Liberum et erectum præsens hortatur et aptat?  
Quòd si me populus Romanus fortè roget cur  
Non, ut porticibus, sic iudiciis fruar isdem,  
Nec sequar aut fugiam quæ diligit ipse vel odit:  
Olim quod vulpes ægroto cauta leoni  
Respondit, referam: Quia me vestigia terrent,  
Omnia te adversum spectantia, nulla retrorsum.  
Bellua multorum es capitem: nam quid sequar? aut  
quem?  
Pars hominum gestit conducere publica: sunt qui  
Crustis et pomis viduas venientur avaras,  
Excipiantque senes quos in vivaria mittant:  
Multis occulto crescit res fœnore. Verùm  
Esto, aliis alios rebus studiisque teneri;  
Iidem eadem possunt horam durare probantes?*





Nullus in orbe sinus Baïis prælucet amœnis,  
 Si dixit dives, lacus et mare sentit amorem  
 Festinantis heri; cui si vitiosa libido  
 Fecerit auspicium, cras ferramenta Theanum  
 Tollebis, fabri. Lectus genialis in aulâ est?  
 Nil sit esse prius, melius nil cælibe vitâ;  
 Si non est, jurat bene solis esse maritis.  
 Quo teneam vultus mutantem Protea nodo?  
 Quid pauper? ride: mutat cœnacula, lectos,  
 Balnea, tonsores; conducto navigio æquè  
 Nauseat ac locuples quem ducit priva triremis.  
 Si curtatus inæquali tonsore capillos  
 Occurri, rides: si fortè subucula pexæ  
 Trita subest tunicæ, vel si toga dissidet impar,  
 Rides. Quid mea quum pugnat sententia secum?  
 Quod petiit, spernit; repetit quod nuper omisit?  
 Aestuat, et vitæ disconvenit ordine toto?  
 Diruit, ædificat, mutat quadrata rotundis?  
 Insanire putas solemnia me, neque rides,  
 Nec medici credis, nec curatoris egere  
 A prætore dati, rerum tutela mearum  
 Quum sis, et pravè sectum stomacheris ob unguem  
 De te pendentis, te respicientis amici.  
 Ad summam, sapiens uno minor est Jove; dives,  
 Liber, honoratus pulcher, rex denique regum:  
 Præcipuè sanus, nisi quum pituita molesta est.

## EPISTOLA II.

AD LOLLIIUM.

TROJANI belli scriptorem, maxime Lolli,  
 Dum tu declamas Romæ, Præneste relegi;  
 Qui, quid sit pulchrum, quid tarpe, quid utile, quid  
 non,

Flavius ac melius Chrysippo et Crantore dicit.  
 Car ita crediderim, nisi quid te detinet, audi.  
 Fabula, quæ Paridis propter narratur amorem  
 Gæcia barbariæ lento collisa duello,  
 Stultorum regum et populorum continet æstus.  
 Antenor censet belli præcidere causam.  
 Quid Paris? ut salvus regnet vivatque beatus,  
 Cogi posse negat. Nestor componere lites  
 Inter Peliden festinat et inter Atriden:  
 Hanc amor, ira quidem communiter urit utrumque.  
 Quidquid delirant reges, plectuntur Achivi.  
 Seditions, dolis, scelere, atque libidine et irâ,  
 Iliacos intra muros peccatur et extra.  
 Rursus, quid virtus et quid sapientia possit,  
 Utile proposuit nobis exemplar Ulyxen;  
 Qui, domitor Trojæ, multorum providus urbes  
 Et mores hominum inspexit; latumque per æquor,  
 Dum sibi, dum sociis reditum parat, aspera multa  
 Pertulit, adversis rerum immersabilis undis.  
 Sirenum voces et Circæ pocula nôsti;  
 Quæ si cum sociis stultus cupidusque bibisset,  
 Sub dominâ meretrice fuisset turpis et excors,  
 Vixisset canis immundus, vel amica luto sus.  
 Nos numerus sumus, et fruges consumere nati,  
 Sponsi Penelopæ, nebulones, Alcinoique  
 In cute curandâ plus æquo operata juvenus;  
 Cui pulchrum fuit in medios dormire dies, et  
 Ad strepitum citharæ cessatum ducere curam.  
 Ut jugulent hominem, surgunt de nocte latrones:  
 Ut teipsum serves, non expergiscoeris? Atqui  
 Si noles sanus, curres hydropicus: et, ni  
 Posces ante diem librum cum lumine, si non  
 Intendes animum studiis et rebus honestis;  
 Invidiâ vel amore vigil torquere. Nam cur  
 Quæ lædunt oculum festinas demere, si quid  
 Est animum differre curandi tempus in annum?

Dimidium facti, qui cœpit, habet : sapere aude ;  
 Incipe : qui rectè vivendi prorogat horam ,  
 Rusticus expectat dum defluat amnis ; at ille  
 Labitur, et labetur in omne volubilis ævum.  
 Quæritur argentum , puerisque beata creandis  
 Uxor, et incultæ pacantur vomere silvæ.  
 Quod satis est cui contigit, hic nihil ampliùs optet.  
 Non domus et fundus , non æris acervus et auri  
 Aegroto domini deduxit corpore febres ,  
 Non animo curas. Valeat possessor oportet ,  
 Si comportatis rebus bene cogitat uti.  
 Qui cupit aut metuit , juvat illum sic domus et res ,  
 Ut lippum pictæ tabulæ, fomenta podagram ,  
 Auriculas citharæ collectà sorde dolentes.  
 Sincerum est nisi vas , quodcumque infundis acescit.  
 Sperne voluptates : nocet emptà dolore voluptas.  
 Semper avarus eget ; certum voto pete finem.  
 Invidus alterius macrescit rebus opimis :  
 Invidiâ Siculi non invenere tyranni  
 Majus tormentum. Qui non moderabitur iræ ,  
 Infectum volet esse dolor quod suaserit et mens ,  
 Dum pœnas odio per vim festinat inulto.  
 Ira furor brevis est : animum rege , qui , nisi paret ,  
 Imperat : hunc frænis, hunc tu compesce catenâ.  
 Fingit equum tenerâ docilem cervice magister  
 Ire viam quâ monstret eques. Venaticus , ex quo  
 Tempore cervinam pellem latravit in aulâ ,  
 Militat in silvis catalus. Nunc adhibe puro  
 Pectore verba , puer ; nunc te melioribus offer.  
 Quo semel est imbuta recens , servabit odorem  
 Testa diu. Quòd si cessas, aut strenuus anteis,  
 Nec tardum opperior, nec præcedentibus insto.

## EPISTOLA III.

## AD JULIUM FLORUM.

**J**ULI Flore, quibus terrarum militet oris  
 Claudius Augusti privignus, scire laboro.  
 Thracæne vos, Hebrusque nivali compede vinctus,  
 An freta vicinas inter currentia turres,  
 An pingues Asiæ campi collesque morantur?  
 Quid studiosa cohors operum struit? Hæc quoque  
 curo:

Quis sibi res gestas Augusti scribere sumit?  
 Bella quis et paces longum diffundit in ævum?  
 Quid Titius, Romana brevi venturus in ora,  
 Pindarici fontis qui non expalluit haustus,  
 Fastidire lacus et rivos ausus apertos?  
 Ut valet? ut meminit nostri? fidibusne Latinis  
 Thebanos aptare modos studet, auspice Musâ?  
 An tragicâ deservit et ampullatur in arte?  
 Quid mihi Celsus agit? monitus, multumque monendus,

Privatas ut quærat opes, et tangere vitet  
 Scripta Palatinus quæcumque recepit Apollo;  
 Ne, si fortè suas repetitum venerit olim  
 Grex avium plumas, moveat cornicula risum,  
 Furtivis nudata coloribus. Ipse quid audes?  
 Quæ circumvolitas agilis thyma? non tibi parvum  
 Ingenium, non incultum est, nec turpiter hirtum.  
 Seu linguam causis acuis, seu civica jura  
 Respondere paras, seu condis amabile carmen,  
 Prima ferēs hederæ victricis præmia: quòd si  
 Frigida curarum fomenta relinquere posses,  
 Quò te cœlestis sapientia duceret, ires.

Hoc opus, hoc studium parvi properemus et ampli,  
 Si patriæ volumus, si nobis, vivere cari.  
 Debes hoc etiam rescribere, si tibi curæ,  
 Quantæ conveniat, Munatius : an male sarta  
 Gratia nequidquam coit et rescinditur? at vos  
 Seu calidus sanguis, seu rerum inscitia vexat  
 Indomitâ cervice feros, ubicumque locorum  
 Vivitis, indigni fraternum rumpere fœdus,  
 Pascitur in vestrum reditum votiva juvenca.

---

## EPISTOLA IV.

### AD ALBIUM TIBULLUM.

ALBI, nostrorum sermonum candide iudex,  
 Quid nunc te dicam facere in regione Pedanâ?  
 Scribere quod Cassi Parmensis opuscula vincat?  
 An tacitum silvas inter reptare salubres,  
 Curantem quidquid dignum sapiente bonoque est?  
 Non tu corpus eras sine pectore. Di tibi formam,  
 Di tibi divitias dederunt, artemque fruendi.  
 Quid voveat dulci nutricula majus alumno,  
 Qui sapere et fari possit quæ sentiat, et cui  
 Gratia, fama, valetudo contingat abundè,  
 Et mundus victus, non deficiente crumenâ?  
 Inter spem curamque, timores inter et iras,  
 Omnem crede diem tibi diluxisse supremum:  
 Grata superveniet, quæ non sperabitur, hora.  
 Me pinguem et nitidum bene curatâ cute vises,  
 Quum ridere voles, Epicuri de græge porcum.

## EPISTOLA V.

## AD TORQUATUM.

S<sub>i</sub> potes Archiacis conviva recumbere lectis,  
Nec modicâ cœnare times olus omne patellâ,  
Supremo te sole domi, Torquate, manebo.  
Vina bibes iterum Tauro diffusa, palustres  
Inter Minturnas Sinuessanumque Petrinum.  
Sin melius quid habes, arcesse, vel imperium fer.  
Jamdudum splendet focus, et tibi munda supellex.  
Mitte leves spes, et certamina divitiarum,  
Et Moschi causam: cras nato Cæsare festus  
Dat veniam somnumque dies; impunè licebit  
Aestivam sermone benigno tendere noctem.  
Quò mihi, fortunâ si non conceditur uti?  
Parcus ob heredis curam nimiumque severus  
Assidet insano. Potare et spargere flores  
Incipiam, patiarque vel inconsultus haberi.  
Quid non ebrietas designat? operta recludit;  
Spes jubet esse ratas; in proelia trudit inertem;  
Sollicitis animis onus eximit; addocet artes.  
Fecundi calices quem non fecere disertum?  
Contractâ quem non in paupertate solutum?  
Hæc ego procurare et idoneus imperor, et non  
Invitus; ne turpe toral, ne sordida mappa  
Corruget nares; ne non et cantharus et lanx  
Ostendat tibi te; ne fidos inter amicos  
Sit qui dicta foras eliminet; ut coeat par  
Jungaturque pari. Butram tibi Septiciumque,  
Et nisi cœna prior, potiorque puella, Sabinum  
Detinet, assumam: locus est et pluribus umbris;  
Sed nimis arcta premunt olidæ convivia capræ.

Tu, quotus esse velis, rescribe; et, rebus omissis,  
Atria servantem postico falle clientem.

---

## EPISTOLA VI.

## AD NUMICIUM.

**N**IL admirari propè res est una, Numici,  
Solaque, quæ possit facere et servare beatum.  
Hunc solem et stellas et decedentia certis  
Tempora momentis sunt qui formidine nullâ  
Imbuti spectent: quid censes munera terræ?  
Quid maris extremos Arabas ditantis et Indos?  
Ludicra quid, plausus, et amici dona Quiritis?  
Quo spectanda modo, quo sensu credis et ore?  
Qui timet his adversa, ferè miratur eodem,  
Quo cupiens, pacto: pavor est utrobique molestus:  
Improvvisa simul species exterret utrumque.  
Gaudeat, an doleat; cupiat, metuatne; quid ad rem,  
Si, quidquid vidit melius pejusve suâ spe,  
Defixis oculis animoque et corpore torpet?  
Insani sapiens nomen ferat, æquus iniqui,  
Ultrâ quàm satis est virtutem si petat ipsam.  
I nunc, argentum, et marmor vetus, æraque, et artes  
Suspice; cum gemmis Tyrios mirare colores:  
Gaude quòd spectant oculi te mille loquentem:  
Gnavus mane forum et vespertinus pete tectum:  
Ne plus frumenti dotilibus emetat agris  
Mutus; et, indignum, quòd sit pejoribus ortus,  
Hic tibi sit potius quàm tu mirabilis illi.  
Quidquid sub terrâ est, in apricum proferet ætas;  
Defodiet condetque nitentia. Quum bene notum  
Porticus Agrippæ et via te conspexerit Appi,  
Ire tamen restat Numa quòd devenit et Ancus.

Si latus aut renes morbo tentantur acuto,  
Quære sagam morbi. Vis rectè vivere? quis non?  
Si virtus hoc una potest dare, fortis omissis  
Hoc age deliciis. Virtutem verba putes, ut  
Lucum ligna? cave ne portus occupet alter,  
Ne Cibyrica, ne Bithyna negotia perdas.  
Mille talenta rotundentur, totidem altera; porrò et  
Tertia succedant, et quæ pars quadret acervum.  
Scilicet uxorem cum dote, fidemque, et amicos,  
Et genus, et formam, regina pecunia donat:  
Ac bene nummatum decorat Suadela Venusque.  
Mancipiis locuples eget æris Cappadocum rex:  
Ne fueris hic tu. Chlamydes Lucullus, ut aiunt,  
Si posset centum scenæ præbere rogatus,  
Qui possum tot? ait: tamen et quæram, et quò habebò  
Mittam. Post paulò scribit sibi millia quinque  
Esse domi chlamydem; partem, vel tolleret omnes.  
Exilis domus est, ubi non et multa supersunt,  
Et dominum fallunt, et prosunt furibus. Ergo,  
Si res sola potest facere et servare beatum,  
Hoc primus repetas opus, hoc postremus omittas.  
Si fortunatum species et gratia præstat,  
Mercemur servum qui dicet nomina, lævum  
Qui fodicet latus, et cogat trans pondera dextram  
Porrigere: Hic multum in Fabiâ valet, ille Velinâ:  
Cuilibet hic fasces dabit; eripietque curule,  
Cui volet, importunus, ebur: frater, pater, adde;  
Ut cuique est ætas, ita quemque facetus adopta.  
Si, bene qui cœnat, bene vivit; lucet, eamus  
Quò ducit gula: piscemur, venemur; ut olim  
Gargilius, qui manè plagas, venabula, servos,  
Differtum transire forum populumque jubebat,  
Unus ut e multis, populo spectante, referret  
Emptum mulus aprum. Crudi tumidique lavemur,  
Quid deceat, quid non, obliti, Cærite cerâ  
Digni, remigium vitiosum Ithacensis Ulixæi,



Cui potior patriâ fuit interdicta voluptas.  
 Si, Mimnermus uti censet, sine amore jocisque  
 Nil est jucundum; vivas in amore jocisque.  
 Vive, vale: si quid novisti rectius istis,  
 Candidus imperti; si non, his utere mecum.

## EPISTOLA VII.

## AD MAECENATEM.

QUINQUE dies tibi pollicitus me rure futurum,  
 Sextilem totum mendax desideror. Atqui,  
 Si me vivere vis, rectèque videre valentem,  
 Quam mihi das ægro, dabis ægrotare timenti,  
 Mæcenas, veniam; dum fîcus prima calorque  
 Designatorem decorat lictoribus atris;  
 Dum pueris omnis pater et matercula pallet;  
 Officiosaque sedulitas et opella forensis  
 Adducit febres et testamenta resignat.  
 Quod si bruma nives Albanis illinet agris,  
 Ad mare descendet vates tuus, et sibi parcoat,  
 Contractusque leget; te, dulcis amice, reviset  
 Cum Zephyris, si concedes, et hirundine primâ.  
 Non, quo more pyris vesci Calaber jubet hospes,  
 Tu me fecisti locupletem.—Vescere sodes.—  
 Jam satis est.—At tu quantumvis tolle.—Benignè.—  
 Non invisa ferēs pueris munuscula parvis.—  
 Tam teneor dono, quàm si dimittar onustus.—  
 Ut libet: hæc porcis hodie comedenda relinquis.—  
 Prodigus et stultus donat quæ spernit et odit.  
 Hæc seges ingratos tulit, et feret omnibus annis.  
 Vir bonus et sapiens dignis ait esse paratus;  
 Nec tamen ignorat quid distent æra lupinis.  
 Dignum præstabo me etiam pro laude merentis.

Quòd si me noles usquam discedere, reddes  
Forte latus, nigros angustâ fronte capillos;  
Reddes dulcè loqui; reddes ridere decorum, et  
Inter vina fugam Cinaræ morere protervæ.  
Fortè per angustam tennuî nitedula rimam  
Repererat in cumeram frumenti; pastaque rursus  
Ire foras pleno tendebat corpore frustrâ.  
Cui mustela procul, Si vis, ait, effugere isthinc,  
Macra cavum repetes arctum, quem macra subisti.  
Hâc ego si compellor imagine, cuncta resigno:  
Nec somnum plebis laudo, satur altitium; nec  
Otia divitiis Arabum liberrima muto.  
Sæpè verecundum laudâsti; Rexque Paterque  
Audisti coram; nec verbo parcius absens:  
Inspice si possum donata reponere lætus.  
Haud malè Telemachus, proles patientis Ulyxei:  
Non est aptus equis Ithace locus; ut neque planis  
Porrectus spatiis, neque multæ prodigus herbæ:  
Atreide, magis apta tibi tua dona relinquam.  
Parvum parva decent: mihi jam non regia Roma,  
Sed vacuum Tibur placet, aut imbellè Tarentum.  
Strenuus et fortis, causisque Philippus agendis  
Clarus, ab officiis octavam circiter horam  
Dum redit atque foro nimium distare Carinas  
Jam grandis natu queritur, conspexit, ut aiunt,  
Adrasum quemdam vacnâ tonsoris in umbrâ,  
Cultello proprios purgantem leniter ungues.  
Demetri, (puer hic non lævè jussa Philippi  
Accipiebat,) abi; quære et refer, unde domo, quis,  
Cujus fortunæ; quo sit patre, quove patrono.  
It, redit, et narrat: Vulteiû nomine Menam,  
Præconem, tenui censu, sine crimine notum;  
Et properare loco, et cessare, et quærere, et uti,  
Gaudentem parvisque sodalibus et lare certo,  
Et ludis, et, post decisa negotia, Campo.  
Scitari libet ex ipso quæcumque refers: dic

Ad cœnam veniat. Non sanè credere Menà :  
 Mirari secum tacitus. Quid multa ? Benignè,  
 Respondet.—Neget ille mihi?—Negat improbus, et te  
 Neglegit, aut horret. — Vulteiū manè Philippus  
 Viliā vendentem tunicato scruta popello  
 Occupat, et salvere jubet prior. Ille Philippo  
 Excusare laborem et mercenaria vincla,  
 Quòd non manè domum venisset; denique, quòd non  
 Providisset enim.—Sic ignovisse putato  
 Me tibi, si cœnas hodie mecum.—Ut libet.—Ergo  
 Post nonam venies: nunc i, rem strenuus ange.—  
 Ut ventum ad cœnam est, dicenda tacenda locutus,  
 Tandem dormitum dimittitur. Hic, ubi sæpè  
 Occultum visus decurrere piscis ad hamum,  
 Manè cliens, et jam certus conviva, jubetur  
 Rura suburbana indictis comes ire Latinis.  
 Impositus mannis arvum cœlumque Sabinum  
 Non cessat landare. Videt, ridetque, Philippus :  
 Et, sibi dum requiem, dum risus undique quærit,  
 Dum septem donat sestertia, mutua septem  
 Promittit, persuadet uti mercetur agellum.  
 Mercatur: ne te longis ambagibus ultra  
 Quàm satis est morer; ex nitido fit rusticus, atque  
 Sulcos et vineta crepat mera, præparat ulmos,  
 Immoritur studiis, et amore senescit habendi.  
 Verùm, ubi oves furto, morbo periere capellæ,  
 Spem mentita seges, bos est enectus arando;  
 Offensus damnis, mediâ de nocte caballum  
 Arripit, iratusque Philippi tendit ad aedes.  
 Quem simul aspexit scabrum intonsunque Philip-  
 pus,—  
 Durus, ait, Vultei, nimis attentusque videris  
 Esse mihi.—Pot, memiserum, patrone, vocares,  
 Si velles, inquit, verum mihi ponere nomen.  
 Quod te per Genium, dextramque, Deosque Penates  
 Obsecro et obtestor, vitæ me redde priori. —

Qui semel aspexit quantum dimissa petitis  
Præstent, maturè redeat, repetatque relicta.  
Metiri se quemque suo modulo ac pede verum est.

## EPISTOLA VIII.

AD CELSUM ALBINOVANUM.

**C**ELSO gaudere et bene rem gerere Albinovano,  
Musa rogata, refer, comiti scribæque Neronis.  
Si quaeret quid agam; dic, multa et pulchra minantem,  
Vivere nec rectè, nec suaviter: haud quia grando  
Contuderit vites, oleamve momorderit æstus;  
Nec quia longinquis armentum ægrotet in arvis;  
Sed quia, mente minùs validus quàm corpore toto,  
Nil audire velim, nil discere, quod levet ægrum;  
Fidis offender medicis, irascar amicis,  
Cur me funesto properent arcere veterno;  
Quæ nocere sequar; fugiam quæ profore credam;  
Romæ Tibur amem ventosus, Tibure Romam.  
Post hæc, ut valeat, quo pacto rem gerat et se,  
Ut placeat juveni, percontare, utque cohorti.  
Si dicet, Rectè: primùm gaudere; subinde  
Præceptum auriculis hoc instillare memento:  
Ut tu fortunam, sic nos te, Celse, feremus.

## EPISTOLA IX.

AD CLAUDIUM NERONEM.

**S**ERIMUS, Claudii, nimirum intelligit unus  
Quanti me facias: nam, quum rogat, et prece cogit

Scilicet, ut tibi se laudare et tradere coner,  
 Dignum mente domoque legentis honesta Neronis;  
 Manere quum fungi propioris censet amici;  
 Quid possim videt ac novit me valdè ipso.  
 Multa quidem dixi cur excusatus abirem;  
 Sed timui mea ne finxisse minora putarer,  
 Dissimulator opis propriæ, mihi commodus uni.  
 Sic ego, majoris fugiens opprobria culpæ,  
 Frontis ad urbanæ descendendi præmia. Quòd si  
 Depositum laudas ob amici jussa pudorem,  
 Scribe tui gregis hunc, et fortem crede bonumque.

## EPISTOLA X.

## AD FUSCUM ARISTIUM.

U NUS amatorem Fuscum salvere jubemus  
 Ruris amatores; hæc in re scilicet unâ  
 Multum dissimiles, ad cetera penè gemelli.  
 Fraternalis animis, quidquid negat alter, et alter:  
 Annuimus pariter, vetuli notique columbi;  
 Tu nidum servas, ego laudo ruris amœni  
 Rivos, et musco circumlita saxa, nemusque.  
 Quid quæris? vivo, et regno, simul ista reliqui  
 Quæ vos ad cælum effertis rumore secundo:  
 Utque sacerdotis fugitivus, liba recuso;  
 Pane egeo, jam mellitis potiore placentis.  
 Vivere naturæ si convenienter oportet,  
 Ponendæque domo quærenda est area primùm;  
 Novistine locum potiore rure beato?  
 Est ubi plus tepeant hiemes? ubi gratior aura  
 Leniat et rabiem Canis, et momenta Leonis,  
 Quum semel accepit solem furibundus acutum?  
 Est ubi divellat somnos minùs invida cura?

Deterius Libycis olet aut nitet herba lapillis?  
 Parior in vicis aqua tendit rumpere plumbum,  
 Quàm quæ per pronum trepidat cum murmure rivum?  
 Nempe inter varias nutritur silva columnas,  
 Laudaturque domus longos quæ prospicit agros.  
 Naturam expelles furcâ, tamen usque recurret,  
 Et mala perumpet furtim fastidia victrix.  
 Non, qui Sidonio contendere callidus ostro  
 Nescit Aquinatæ potentia vellera fucum,  
 Certius accipiet damnum propiusve medullis,  
 Quàm qui non poterit vero distinguere falsum.  
 Quem res plus nimio delectavere secundæ,  
 Mutatæ quætient. Si quid mirabere, pones  
 Invitus. Fuge magna; licet sub paupere tecto  
 Reges et regum vitâ præcurrere amicos.  
 Cervus equum pugna melior communibus herbis  
 Pellebat, donec minor in certamine longo  
 Imploravit opes hominis, frænumque recepit:  
 Sed, postquam victor violens discessit ab hoste,  
 Non equitem dorso, non frænam depulit ore.  
 Sic qui, pauperiem veritus, potiore metallis  
 Libertate caret, dominum vehet improbus, atque  
 Serviet æternùm, quia parvo nesciet uti.  
 Cui non conveniet sua res, ut calceus olim,  
 Si pede major erit, subvertet; si minor, uret.  
 Lætus sorte tuâ vives sapienter, Aristi;  
 Nec me dimittes incastigatum, ubi plura  
 Cogere quàm satis est, ac non cessare, videbor.  
 Imperat aut servit collecta pecunia cunque,  
 Tortum digna sequi potius, quàm ducere, funem.  
 Hæc tibi dictabam post fanum putre Vacunæ,  
 Excepto quòd non simul esses, cetera lætus.

## EPISTOLA XI.

## AD BULLATIUM.

QUID tibi visa Chios, Bullati, notaque Lesbos?  
Quid concinna Samos? quid Cræsi regia Sardis?  
Smyrna quid et Colophon? majora minorave famâ?  
Cunctaque præ Campo et Tiberino flumine sordent?  
An venit in votum Attaliciis ex urbibus una?  
An Lebedum laudas, odio maris atque viarum? —  
Scis Lebedus quid sit; Gabiis desertior atque  
Fidenis vicus: tamen illic vivere vellem;  
Oblitusque meorum, obliviscendus et illis,  
Neptunum procul e terrâ spectare furem. —  
Sed neque qui Capuâ Romam petit, imbre lutoque  
Aspersus, voiet in cauponâ vivere: nec, qui  
Frigus collegit, furnos et balnea laudat,  
Ut fortunatam plenè præstantia vitam:  
Nec, si te validus jactaverit Auster in alto,  
Idcirco navem trans Aegæum mare vendas.  
Incolumi Rhodos et Mitylene pulchra facit, quod  
Pænula solstitio, campestre nivalibus auris,  
Per brumam Tiberis, Sextili mense caminus.  
Dum licet, et vultum servat fortuna benignum,  
Romæ laudetur Samos, et Chios, et Rhodos absens.  
Tu, quamcumque Deus tibi fortunaverit horam,  
Gratâ sume manu; neu dulcia differ in annum,  
Ut, quocumque loco fueris, vixisse libenter  
Te dicas: nam, si ratio et prudentia curas,  
Non locus effusi latè maris arbiter, aufert;  
Cælum, non animum, mutant, qui trans mare currunt.  
Strenua nos exercet inertia: navibus atque

Quadrigris petimus bene vivere. Quod petis, hic est,  
Est Ulubris, animus si te non deficit æquus.

## EPISTOLA XII.

### AD ICCIUM.

**F**RACTUSUS Agrippæ Siculis, quos colligis, Icci,  
Si rectè fruieris, non est ut copia major  
Ab Jove donari possit tibi: tolle querelas;  
Pauper enim non est cui rerum suppetit usus.  
Si ventri bene, si lateri est pedibusque tuis, nil  
Divitiæ poterunt regales addere majus.  
Si fortè in medio positorum abstemius herbis  
Vivis et urticâ, sic vives protinus, ut te  
Confestim liquidus Fortunæ rivus inlauret:  
Vel quia naturam mutare pecunia nescit;  
Vel quia cuncta putas unâ virtute minora.  
Miramur si Democriti pecus edit agellos  
Cultaque, dum peregrè est animus sine corpore velox;  
Quum tu, inter scabiem tantam et contagia lucri,  
Nil parvum sapias, et adhuc sublimia cures,  
Quæ mare compescant causæ; quid temperet annum;  
Stellæ sponte suâ jussæne vagentur et errent;  
Quid premat obscurum lunæ, quid proferat orbem;  
Quid velit et possit rerum concordia discors;  
Empedocles, an Stertinium deliret acumen?  
Verum, seu pisces, seu porrum, et cape trucidas,  
Utere Pompeio Grospho; et, si quid petet, ultro  
Defer: nil Grosphus nisi verum orabit æquum.  
Vilis amicorum est annona, bonis ubi quid de' est.  
Ne tamen ignores quo sit Romana loco res:



Cantaber Agrippæ, Claudî virtute Neronis  
 Armenius cecidit: jus imperiumque Phraates  
 Cæsaris accepit genibus minor: aurea fruges  
 Italiæ pleno diffudit Copia cornu.

## EPISTOLA XIII.

## AD VINIUM ASELLAM.

UT proficiscentem docui te sæpè diùque,  
 Augusto reddes signata volumina, Vini,  
 Si validus, si lætus erit, si denique poscet;  
 Ne studio nostri pecces, odiumque libellis  
 Sedulus importes operâ vehemente minister.  
 Si te forte meæ gravis uret sarcina chartæ,  
 Abjicito potius quàm quò perferre juberis  
 Clitellas ferus impingas, Asinæque paternum  
 Cognomen vertas in risum, et fabula fias.  
 Viribus uteris per clivos, flumina, lamas.  
 Victor propositi simul ac perveneris illuc,  
 Sic positum servabis onus, ne fortè sub alâ  
 Fasciculum portes librorum, ut rusticus agnum,  
 Ut vinosa glomos furtivæ Pyrrhia lanæ,  
 Ut cum pileolo soleas conviva tribulis.  
 Ne vulgò narres te sudavisse ferendo  
 Carmina quæ possint oculos auresque morari  
 Cæsaris: oratus multâ prece, nitere porrò.  
 Vade, vale; cave ne titubes, mandataque frangas.

## EPISTOLA XIV.

## AD VILlicum suum.

VILlicæ silvarum et mihi me reddentis agelli,  
Quem tu fastidis, habitatum quinque focis, et  
Quinque bonos solitum Variam dimittere patres;  
Certemus spinas animone ego fortius, an tu  
Evellas agro; et melior sit Horatius, an res.  
Me quamvis Lamæ pietas et cura moratur,  
Fratrem morientis, raptò de fratre dolentis  
Insolabiliter; tamen isthuc meus animusque  
Fert, et amat spatiis obstantia rumpere claustra.  
Rure ego viventem, tu dicis in urbe, beatum:  
Cui placet alterius, sua nimirum est odio sors.  
Stultus uterque locum immeritum causatur iniquè;  
In culpâ est animus, qui se non effugit umquam.  
Tu mediastinus tacitâ prece rura petebas,  
Nunc urbem et ludos et balnea villicus optas:  
Me constare mihi scis, et discedere tristem,  
Quandocumque trahunt invisa negotia Romam.  
Non eadem miramur; eò disconvenit inter  
Meque et te: nam, quæ deserta et inhospita tesqua  
Credis, amœna vocat mecum qui sentit, et odit  
Quæ tu pulchra putas. Fornix tibi et uncta popina  
Incitant urbis desiderium, video; et quòd  
Angulus iste feret piper et thus ocius uvâ;  
Nec vicina subest vinum præbere taberna  
Quæ possit tibi; nec meretrix tibicina, cujus  
Ad strepitum salias terræ gravis. Et tamen urges  
Jampridem non tacta ligonibus arva, bovemque  
Disjunctum curas, et strictis frondibus exples:  
Addit opus pigro rivus, si decedit imber,

Multà mole docendus aprico parcere prato.  
 Nunc, age, quid nostrum concentum dividat, audi  
 Quem tennes decuere togæ nitidique capilli,  
 Quem scis immunem Cinaræ placuisse rapaci,  
 Quem bibulum liquidi mediâ de luce Falerni,  
 Cœna brevis juvat, et prope rivum somnus in herbâ:  
 Nec lusisse pudet, sed non incidere ludum.  
 Non isthic obliquo oculo mea commoda quisquam  
 Limat; non odio obscuro morsuque venenat.  
 Rident vicini glebas et saxa moventem.  
 Cum servis urbana diaria rodere mavis;  
 Horum tu in numerum voto ruis. Invidet usum  
 Lignorum et pecoris tibi calo argutus et horti.  
 Optat ephippia bos piger; optat arare caballus.  
 Quam scit uterque, libens, censebo, exerceat artem.

## EPISTOLA XV.

AD NUMONIUM VALAM.

QUAE sithiens Velæ, quod cœlum, Vala, Salerni,  
 Quorum hominum regio, et qualis via: (nam mihi  
 Baias

Musa supervacuas Antonius, et tamen illis  
 Me facit invisum, gelidâ quum perluor undâ  
 Per medium frigus: sanè myrteta relinqui,  
 Dictaque cessantem nervis elidere morbum  
 Sulphura contemni, vicus gemit, invidus ægris  
 Qui caput et stomachum supponere fontibus audent  
 Clusinis, Gabiosque petunt et frigida rura:  
 Mutandus locus est, et diversoria nota  
 Præteragendus equus: Quò tendis? non mihi Cumas  
 Est iter, aut Baias, lævâ stomachosus habenâ  
 Dicet eques: sed equis frænato est auris in ore:)

Major utrum populum frumenti copia pascat ;  
Collectosne bibant imbres , puteosne perennes  
Jugis aquæ : ( nam vina nihil moror illius oræ :  
Rure meo possum quidvis perferre patique ;  
Ad mare quum veni , generosum et lene requiro ;  
Quod curas abigat , quod cum spe divite manet  
In venas animumque meum , quod verba ministret ,  
Quod me Lucauræ juvenem commendet amicæ : )  
Tractus uter plures lepores , uter educet apros :  
Utra magis pisces et echinos æquora celent ;  
Pinguis ut inde domum possim Phæaxque reverti :  
Scribere te nobis , tibi nos accredere , par est.  
Mænius , ut , rebus maternis atque paternis  
Fortiter absumptis , urbanus cepit haberi ,  
Scurra vagus , non qui certum præsepe teneret ,  
Impransus non qui civem dignosceret hoste ,  
Quælibet in quemvis opprobria fingere sævus ,  
Pernicies et tempestas barathrumque macelli ,  
Quidquid quæsierat , ventri donabat avaro.  
Hic , ubi nequitiz fautoribus et timidis nil  
Aut paulum abstulerat , patinas cœnabat omasi ,  
Vilis et agninz , tribus ursis quod satis esset ;  
Scilicet ut ventres lamnâ candente nepotum  
Diceret urendos , corrector Bestius. Idem  
Quidquid erat nactus prædæ majoris , ubi omne  
Verterat in fumum et cinerem , Non hercule miror ,  
Aiebat , si qui comedunt bona , quum sit obeso  
Nil melius turdo , nil vulvâ pulchrius amplâ.  
Nimirum hic ego sum ; nam tuta et parvula laudo ,  
Quum res deficient , satis inter vilia fortis :  
Verum , ubi quid melius contingit et unctius , idem  
Vos sapere et solos aio bene vivere , quorum  
Conspicitur nitidis fundata pecunia villis.

## EPISTOLA XVI.

## AD QUINCTIUM.

N<sup>o</sup> perconteris fundus meus, optime Quincti,  
Arvo pascat herum, an baccis opulentet olivæ,  
Pomisne, an pratis, an amictâ vitibus ulmo;  
Scribetur tibi forma loquaciter et situs agri.  
Continui montes, nisi dissocientur opacâ  
Valle: sed ut veniens dextrum latus aspiciat sol,  
Lævum decedens curru fugiente vaporet.  
Temperiem laudes. Quid, si rubicunda benignè  
Corna vepres et pruna ferunt? si quercus et ilex  
Multâ fruge pecus, multâ dominum juvat umbrâ?  
Dicas adductum propiùs frondere Tarentum.  
Fons etiam rivo dare nomen idoneus, ut nec  
Frigidior Thracam nec purior ambiat Hebrus,  
Infirmo capiti fuit utilis, utilis alvo.  
Hæ latebræ dulces, et jam, si credis, amœnæ,  
Incolumem tibi me præstant septembribus horis.  
Tu rectè vivis, si curas esse quod audis:  
Jactamus jampridem omnis te Roma beatum.  
Sed vereor ne cui de te plus quàm tibi credas;  
Neve putes alium sapiente bonoque beatum;  
Neu, si te populus sanum rectèque valentem  
Dictitet, occultam febrem sub tempus edendi  
Dissimules, donec manibus tremor incidat unctis.  
Stultorum incurata pudor malus ulcera celat.  
Si quis bella tibi terrâ pugnata marique  
Dicat, et his verbis vacuas permulceat aures,  
« Tene magis salvum populus velit, an populum tu,  
« Servet in ambiguo, qui consulit et tibi et urbi,  
« Juppiter »; Augusti laudes agnoscere possis.

Quum pateris sapiens emendatusque vocari,  
 Responderne tuo, dic sodes, nomius? — Nempe  
 Vir bonus et prudens dici delector. — Ego, ac tu.  
 Qui dedit hoc hodie, cras, si volet, auferet; ut, si  
 Detulerit fasces indigno, detrahent idem.  
 Pone, meum est, inquit. Pono, tristisque recedo.  
 Idem si clamet furem, neget esse pudicum,  
 Contendat laqueo collum pressisse paternum;  
 Mordear opprobriis falsis, autemve colorem?  
 Falsus humor juvat et mendax infamia terret  
 Quem, nisi mendosum et medicandum? Vir bonus  
 est quis?

Qui consulta patrum, qui leges juraque servat;  
 Quo multæ magnæque secantur iudice lites;  
 Quo res sponsore et quo causæ teste tenentur.  
 Sed videt hunc omnis domus et vicinia tota  
 Introsum turpem, speciosum pelle decorâ.  
 Nec furtum feci, nec fugi, si mihi dicat  
 Servus: Habes pretium, loris non ureris, aio. —  
 Non hominem occidi. — Non pasces in cruce cor-  
 vos. —

Sum bonus et frugi. — Renuit negat atque Sabellus:  
 Cautus enim metuit foveam lupus, accipiterque  
 Suspectos laqueos, et opertum milium hamum.  
 Oderunt peccare boni virtutis amore;  
 Tu nihil admittes in te formidine pœnæ:  
 Sit spes fallendi, miscebis sacra profania.  
 Nam de mille fabæ modiis quum surripis unum,  
 Damnum est, non facinus, mihi pacto lenius isto.  
 Vir bonus, omne forum quem spectat et omne tribu-  
 nal,

Quandocumque Deos vel porco vel bove placat,  
 Jane pater, clarè, clarè quum dixit, Apollo;  
 Labra movet, metuens audiri: Pulchra Laverna,  
 Da mihi fallere, da justum sanctumque videri;  
 Noctem peccatis et fraudibus objice nubem.

Qui melior servo, qui liberior sit avarus,  
 In triviis fixum quum se demittit ob assem,  
 Non video: nam qui cupiet, metuet quoque; porro,  
 Qui metuens vivit, liber mihi non erit umquam.  
 Perdidit arma, locum virtutis deseruit, qui  
 Semper in augendâ festinat et obruitur re.  
 Vendere quum possis captivum, occidere noli:  
 Serviet utiliter: sine pascat durus aretque;  
 Naviget ac mediis hiemet mercator in undis;  
 Annonæ prosit; portet frumenta penusque.  
 Vir bonus et sapiens audebit dicere: Penthem,  
 Rector Thebarum, quid me perferre patique  
 Indignum coges? — Adimam bona. — Nempe pecus,  
 rem,  
 Lectos, argentum: tollas licet. — In manicis et  
 Compedibus sævo te sub custode tenebo. —  
 Ipse Deus, simul atque volam, me solvet — Opinor,  
 Hoc sentit: Moriar; mors ultima linea rerum est.

## EPISTOLA XVII.

AD SCAEVAM.

QUAMVIS, Scæva, satis per te tibi consulis, et scis  
 Quo tandem pacto deceat majoribus uti,  
 Disce, docendus adhuc, quæ censet amicus; ut ai  
 Cæcus iter monstrare velit: tamen aspice si quid  
 Et nos, quod cures proprium fecisse, loquamur.  
 Si te grata quies et primam somnus in horam  
 Delectat; si te pulvis strepitusque rotarum,  
 Si lædit caupona, Ferentinum ire jubebo:  
 Nam neque divitibus contingunt gaudia solis;  
 Nec vixit malâ, qui natus moriensque fefellit.  
 Si prodesse tuis, paulòque benignius ipsum

Te tractare voles, accedes siccus ad unctum. —  
Si pranderet olus patienter, regibus uti  
Nollet Aristippus. — Si sciret regibus uti,  
Fastidiret olus, qui me notat. — Utrius horum  
Verba probes et facta, doce; vel junior audi  
Cur sit Aristippi potior sententia. Namque  
Mordacem Cynicum sic eludebat, ut aiunt: —  
Scurror ego ipse mihi, populo tu; rectius hoc et  
Splendidius multò est: equus ut me portet, alat rex,  
Officium facio; tu poscis villa rerum,  
Dante minor, quamvis fers te nullius egentem. —  
Omnis Aristippum decuit color et status et res,  
Tentantem majora, ferè præsentiis æquum.  
Contra, quem duplici panno patientia velat,  
Mirabor, vitæ via si conversa decebit.  
Alter purpureum non expectabit amictum,  
Quidlibet indutus celeberrima per loca vadet,  
Personamque feret non inconcinnus utramque:  
Alter Mileti textam cane pejus et angue  
Vitabit chlamydem; morietur frigore, si non  
Rettuleris pannum: refer, et sine vivat ineptus.  
Res gerere et captos ostendere civibus hostes,  
Attingit solium Jovis et cœlestia tentat:  
Principibus placuisse viris, non ultima laus est.  
Non cuivis homini contingit adire Corinthum.  
Sedit, qui timuit ne non succederet; esto:  
Quid? qui pervenit, fecitne viriliter? Atqui  
Hic est, aut nusquam, quod quærimus: hic onus  
horret,  
Ut parvis animis et parvo corpore majus;  
Hic subit et perfert. Aut virtus nomen inane est,  
Aut decus et pretium rectè petit experiens vir.  
Coram rege suâ de paupertate tacentes  
Plus poscente ferent. Distat, sumasne pudenter,  
An rapias: atqui rerum caput hoc erat, hic fons.  
« Indotata mihi soror est, paupercula mater,



« Et fundus nec vendibilis, nec pascere firmus »,  
 Qui dicit, clamat: « Victum date ». Succinit alter:  
 « Et mihi dividuo findetur munere quadra ».  
 Sed tacitus pasci si posset corvus, haberet  
 Plus dapis, et rixæ multò minus, invidiæque.  
 Brundisium comes aut Surrentum ductus amœnum,  
 Qui queritur salebras et acerbum frigus et imbres,  
 Aut cistam effractam aut subducta viatica plorat,  
 Nota refert meretricis acumina, sæpè catellam,  
 Sæpè periscelidem raptam sibi flentis; uti mox  
 Nulla fides damnis verisque doloribus adsit.  
 Nec semel irrisus triviis attollere curat  
 Fracto crure planum; licet illi plurima manet  
 Lacryma; per sanctum juratus dicat Osirim,  
 Credite, non ludo; crudeles, tollite claudum.  
 Quære peregrinum, viciuia rauca reclamat.

## EPISTOLA XVIII.

AD LOLLIIUM.

SI bene te novi, metues, liberrime Lolli,  
 Scurrantis speciem præbere professus amicum.  
 Ut matrona meretrici dispar erit atque  
 Discolor, infido scurræ distabit amicus.  
 Est huic diversum vitio vitium propè majus,  
 Asperitas agrestis et inconcinna graviasque,  
 Quæ se commendat tonsâ cute, dentibus atris;  
 Dum vult libertas dici mera, veraque virtus.  
 Virtus est medium vitiorum et utrimque reductam.  
 Alter in obsequium plus æquo pronus, et imi  
 Derisor lecti, sic nutum divitis horret,  
 Sic iterat voces, et verba cadentia tollit,  
 Ut puerum sævo credas dictata magistro

Reddere, vel partes mimum tractare secundas.  
Alter rixatur de lanâ sæpè caprinâ,  
Propugnat nugis armatus: scilicet, ut non  
Sit mihi prima fides, et, verè quod placet, ut non  
Acriter elatrem, pretium ætas altera sordet.  
Ambigitur quid enim? Castor sciat an Dolichos plus;  
Brundisium Minuci meliùs via ducat, an Appi.  
Quem damnosa Venus, quem præceps alea nudat,  
Gloria quem supra vires et vestit et ungit,  
Quem tenet argenti sitis importuna famesque,  
Quem paupertatis pudor et fuga, dives amicus,  
Sæpè decem vitiis instructior, odit et horret:  
Aut, si non odit, regit; ac, veluti pia mater,  
Plus quàm se sapere et virtutibus esse priorem  
Vult, et ait propè vera: Mæ, contendere noli,  
Stultitiam patiuntur opes; tibi parvula res est:  
Arcta decet sanum comitem toga; desine mecum  
Certare. Eutrapelus cuicumque nocere volebat  
Vestimenta dabat pretiosa. Beatus enim jam  
Cum pulchris tunicis sumet nova consilia et spes;  
Dormiet in lucem; scorto postponet honestum  
Officium; nummos alienos pascet; ad imum  
Thrax erit, aut olitoris aget mercede cabellum.  
Arcanum neque tu scrutaberis ullius umquam;  
Commissumque teges, et vino tortus et irâ.  
Nec tua laudabis studia, aut aliena reprêndes;  
Nec, quum venari volet ille, poemata panges.  
Gratia sic fratrum geminorum, Amphionis atque  
Zethi, dissiluit, donec suspecta severo  
Conticuit lyra. Fraternali cessasse putatur  
Moribus Amphion: tu cede potentis amici  
Lenibus imperiis; quotiesque educet in agros  
Aetolis onerata plagis jumenta canesque,  
Surge, et inhumanæ senium depone Camœnæ,  
Cœnes ut pariter pulmenta laboribus empta.  
Romanis solemne viris opus, utile famæ,  
Vitæque et membris; præsertim quum valeas, et

Vel cursu superare canem , vel viribus aprum ,  
Possis : adde , virilia quòd speciosius arma  
Non est qui tractet : scis quo clamore coronæ  
Proelia sustineas campestria : denique sævam  
Militem puer et Cantabrica bella tulisti  
Sub duce qui templis Parthorum signa refigit  
Nunc , et , si quid abest , Italis adjudicat armis.  
Ac , ne te retrahas , et inexcusabilis abstes ,  
Quamvis nil extra numerum fecisse modumque  
Curas , interdum nugaris rure paterno :  
Partitur lintres exercitus ; Actia pugna  
Te duce per pueros hostili more refertur ;  
Adversarius est frater ; lacus , Adria ; donec  
Alterutrum velox victoria fronde coronet.  
Consentire suis studiis qui crediderit te ,  
Fautor utroque tuum laudabit pollice ludum.  
Protinus ut moneam , si quid monitoris eges tu ,  
Quid de quoque viro , et cui dicas , sæpè videto.  
Percunctatorem fugito ; nam garrulus idem est ,  
Nec retinent patulæ commissa fideliter aures ;  
Et semel emissum volat irrevocabile verbum.  
Non ancilla tuum jecur ulceret ulla puerve  
Intra marmoreum venerandi limen amici ;  
Ne dominus pueri pulchri caræve puellæ  
Munere te parvo beet , aut incommodus angat.  
Qualem commendes etiam atque etiam aspice ; ne mox  
Incutiant aliena tibi peccata pudorem.  
Fallimur , et quondam non dignum tradimus : ergo ,  
Quem sua culpa premet , deceptus omitte tueri :  
Ut penitus notum , si tentent crimina , serves ,  
Tuterisque tuo fidentem præsidio ; qui  
Dente Theonino quum circumroditur , ecquid  
Ad te post paulò ventura pericula sentis ?  
Nam tua res agitur , paries quum proximus ardet ;  
Et neglecta solent incendia sumere vires.  
Dulcis inexpertis cultura potentis amici ;  
Expertus metuit. Tu , dum tua navis in alto est .

Hoc age ne mutata retrorsum te ferat aura.  
 Oderunt hilarem tristes, tristemque jocosus;  
 Sedatum celeres, agilem gnævumque remissi:  
 Potores bibuli mediâ de nocte Falernei  
 Oderunt porrecta negantem pocula; quamvis  
 Nocturnos jures te formidare vapores.  
 Deme supercilio nubem: plerumque modestus  
 Occupat obscuri speciem, taciturnus acerbi.  
 Inter cuncta leges, et percontabere doctos,  
 Quâ ratione queas traducere leniter ævum;  
 Ne te semper inops agitet vexetque cupido,  
 Ne pavor, et rerum mediocriter utilium spes:  
 Virtutem doctrina paret, naturam donet;  
 Quid minuat curas, quid te tibi reddat amicum;  
 Quid purè tranquillet, honos, an dulces lucellum,  
 An secretum iter, et fallentis semita vitæ.  
 Me quoties reficit gelidus Digentia rivus,  
 Quem Mandela bibit, rugosus frigore pagus,  
 Quid sentire putas? quid credis, amice, precari?  
 Sit mihi quod nunc est, etiam minus: et mihi vivam  
 Quod superest ævi, si quid superesse volunt Di:  
 Sit bona librorum et provise frugis in annum  
 Copia; neu finitem dubiæ spe pendulus horæ.  
 Sed satis est orare Jovem quæ donat et aufert:  
 Det vitam, det opes; æquum mihi animus ipse parabo.

## EPISTOLA XIX.

AD MAECENATEM.

**P**AISCO si credis, Mæcenas docte, Cratino,  
 Nulla placere diu nec vivere carmina possunt,  
 Quæ scribuntur aquæ potioribus: ut malè sanos  
 Ascripsit Liber Satyris Faunisque poëtas,

Vina ferè dulces oluerunt manè Camenæ.  
 Laudibus arguitur vini vinosus Homerus:  
 Ennius ipse pater numquam, nisi potus, ad arma  
 Prosiluit dicenda. « Forum putealque Libonis,  
 « Mandabo siccis, adimam cantare severis ».  
 Hoc simul edixit, non cessavere poetæ  
 Nocturno certare mero, putere diurno.  
 Quid, si quis vultu torvo ferus et pede nudo  
 Exiguæque togæ simulet textore Catonem,  
 Virtutemne repræsentet moresque Catonis?  
 Rupit larbitam l'imagenis æmula lingua,  
 Dum studet urbanus, tenditque disertus haberi.  
 Decipit exemplar vitiis imitabile: quòd si  
 Pallerem casu, biberent exsangue cuminum.  
 O imitatores, servum pecus, ut mihi sæpè  
 Bilem, sæpè jocum, vestri movère tumultus!  
 Libera per vacuum posui vestigia princeps;  
 Non aliena meo pressi pede. Qui sibi fidit,  
 Dux regit examen. Parios ego primus iambos  
 Ostendi Latio, numeros animosque sequutus  
 Archilochi, non res et agentia verba Lycamben.  
 Ac, ne me foliis ideo brevioribus ornes  
 Quòd timui mutare modos et carminis artem,  
 Temperat Archilochi Musam pede mascula Sappho,  
 Temperat Alcæus: sed rebus et ordine dispar;  
 Nec socerum quærit, quem versibus oblinat atris;  
 Nec sponsæ laqueum famoso carmine nectit.  
 Hunc ego, non alio dictum prius ore, Latinis  
 Vulgavi fidicen: juvat immemorata ferentem  
 Ingenuis oculisque legi, manibusque teneri.  
 Scire velis mea cur ingratus opuscula lector  
 Lauget ametque domi, premat extra limen iniquus?  
 Non ego ventosæ plebis suffragia venor  
 Impensis cornarum et tritæ munere vestis;  
 Non ego, nobilium scriptorum auditor et ultor,  
 Grammaticas ambire tribus et pulpita dignor:

Hinc illæ lacrymæ. Spisais indigna theatris  
 Scripta pudet recitare, et nugis addere pondus,  
 Si dixi: Rides, ait, et Jovis auribus ista  
 Servas: filis enim manare poetica mella  
 Te solum, tibi pulcher. Ad hæc ego naribus uti  
 Formido: et, luctantis acuto ne secer ungui,  
 Displicet iste locus, clamo, et diludia posco.  
 Ludus enim genuit trepidum certamen et iram,  
 Ira truces inimicitias et funebre bellum.

## EPISTOLA XX.

## AD LIBRUM SUUM.

V<sup>ERTUTUM</sup> Janumque, liber, spectare videris;  
 Scilicet ut prostes Sosiorum pumice mandus.  
 Odisti claves et grata sigilla pudico:  
 Paucis ostendi gemis, et communia laudas,  
 Non ita nutritus. Fuge quò descendere gestis:  
 Non erit emisso reditus tibi. Quid miser egi?  
 Quid volui? dices, ubi quid te læserit. Et scis  
 In breve te cogi, plenus quum languet amator.  
 Quòd si non odio peccantis desipit angur,  
 Carus eris Romæ, donec te deserat ætas.  
 Contrectatus ubi manibus sordescere vulgi  
 Ceperis, aut tineas pasces taciturnus inertes,  
 Aut fugies Uticam, aut victus mitteris Ilerdam.  
 Ridebit monitor non exauditus; ut ille  
 Qui malè parentem in rupes protrusit asellum  
 Iratus: quis enim invitum servare laboret?  
 Hoc quoque te manet, ut pueros elementa docentem  
 Occupet extremis in vicis balba senectus.  
 Quum tibi sol tepidus plures admoverit aures,  
 Me libertino natum patre, et in tenni re

Majores pennas nido extendisse, loqueris;  
 Ut, quantam generi detras, virtutibus addas:  
 Me primis urbis belli placuisse domique,  
 Corporis exigui, precantum, solibus aptam,  
 Irasci celerem, tamen ut placabilis essem.  
 Fortè meum si quis te percontabitur ævum,  
 Me quater undenos sciat implevisse Decembres,  
 Collegam Lepidum quo duxit Lollius anno.



QUINTI  
HORATII FLACCI  
EPISTOLARUM  
LIBER SECUNDUS.

---

EPISTOLA I.

AD AUGUSTUM.

Quum tot sustineas et tanta negotia solus,  
Res Italas armis tuteris, moribus ornes,  
Legibus emendes, in publica commoda peccem,  
Si longo sermone morer tua tempora, Caesar.  
Romulus, et Liber pater, et cum Castore Pollux,  
Post ingentia facta, Deorum in templa recepti,  
Dum terras hominumque colunt genus, aspera bella  
Componunt, agros assignant, oppida condunt,  
Ploravere suis non respondere favorem  
Speratum meritis. Diram qui contudit hydram,  
Notaque fatali portenta labore subegit,  
Comperit invidiam supremo fine domari.  
Urit enim fulgore suo, qui prægravat artes



Infra se positas : extinctus amabitur idem.  
 Præsenti tibi maturos largimur honores,  
 Jurandasque tuum per nomen ponimus aras,  
 Nil oriturum aliàs, nil ortum tale fatentes.  
 Sed tuus hic populus, sapiens et justus in uno,  
 Te nostris ducibus, te Graiis antefерendo,  
 Cetera nequaquam simili ratione modoque  
 Aestimat; et, nisi quæ terris semota suisque  
 Temporibus defuncta videt, fastidit et odit:  
 Sic fautor veterum, ut tabulas peccare vetantes,  
 Quas bis quinque viri sanxerunt, fœdera regum,  
 Vel Gabiis vel cum rigidis æquata Sabinis,  
 Pontificum libros, annosa volumina vaturn,  
 Dictitet Albano Musas in monte locutas.  
 Si, quia Græcorum sunt antiquissima quæque  
 Scripta vel optima, Romani pensantur eadem  
 Scriptores trutinâ, non est quodd multa loquantur:  
 Nil intra est oleam, nil extra est in nuce, duri.  
 Venimus ad summum fortunæ: pingimus atque  
 Psallimus et luctamur Achivis doctius unctis.  
 Si meliora dies, ut vina, poëmata reddit,  
 Scire velim pretium chartis quotus arroget annus.  
 Scriptor abhinc annos centum qui decidit, inter  
 Perfectos veteresque referri debet, an inter  
 Viles atque novos? excludat jurgia finis.—  
 Est vetus atque probus, centum qui perficit annos.—  
 Quid, qui deperiit minor uno mense, vel anno,  
 Inter quos referendus erit? veteresne poëtas,  
 An quos et præsens et postera respuet ætas?—  
 Iste quidem veteres inter ponetur honestè,  
 Qui vel mense brevi vel toto est junior anno.—  
 Utor permissio, caudæque pilos ut equinæ  
 Paulatim vello, et demo unum, demo etiam unum;  
 Dum cadat, elusus ratione ruentis acervi,  
 Qui redit ad fastos, et virtutem æstimat annis,  
 Miraturque nihil nisi quod Libitina sacravit.

Ennius, et sapiens et fortis, et alter Homerus,  
Ut critici dicunt, leviter curare videtur  
Quò ; romissa cadant et somnia Pythagorea.  
Nævius in manibus non est, et mentibus hæret  
Penè recens, adeo sanctum est vetus omne poemâ.  
Ambigitur quoties uter utro sit prior, aufert  
Pacuvius docti famam senis, Actius alti ;  
Dicitur Afrani toga convenisse Menandro ;  
Plautus ad exemplar Siculi properare Epicharmi ;  
Vincere Cæcilius gravitate, Terentius arte.  
Hos ediscit, et hos arcto stipata theatro  
Spectat Roma potens ; habet hos numeratque poëtas  
Ad nostrum tempus Livi scriptoris ab ævo.  
Interdum vulgus rectum videt ; est ubi peccat.  
Si veteres ita miratur laudatque poëtas,  
Ut nihil anteferat, nihil illis comparet, errat :  
Si quædam nimis antiquè, si pleraque durè  
Dicere cedit eos, ignavè multa fatetur,  
Et sapit, et mecum facit, et Jove judicat æquo.  
Non equidem insector, delendave carmina Livi  
Esse reor, memini quæ plagosum mihi parvo  
Orbilium dictare ; sed emendata videri,  
Pulchraque, et exactis minimum distantia, miror.  
Inter quæ verbum emicuit si fortè decorum, et  
Si versus paulò concinnior unus et alter,  
Injustè totum ducit venditque poemâ.  
Indignor quidquam reprehendi, non quia crassè  
Compositum illepidève pntetur, sed quia nuper ;  
Nec veniam antiquis, sed honorem et præmia posci.  
Rectè necne crocum floresque perambulet Attæ  
Fabula si dubitem, clament perisse pudorem  
Cuncti penè patres, ea quum reprehendere coner  
Quæ gravis Aesopus, quæ doctus Roscius egit :  
Vel quia nil rectum, nisi quod placuit sibi, ducunt ;  
Vel quia turpe putant parere minoribus, et, quæ  
Imberbi didicere, senes perdenda fateri.

Jam saliare Numæ carmen qui laudat, et illud  
 Quod mecum ignorat solus vult scire videri,  
 Ingeniis non ille favet plauditique sepultis,  
 Nostra sed impugnat, nos nostraque lividus odit.  
 Quòd si tam Græiis novitas invisa fuisset  
 Quàm nobis, quid nunc esset vetus? aut quid haberet  
 Quod legeret tereretque viritum publicus usus?  
 Ut primùm positis nugari Græcia bellis  
 Cœpit, et in vitium fortunâ labier æquâ,  
 Nunc athletarum studiis, nunc arsit equorum;  
 Marmoris aut eboris fabros aut æris amavit;  
 Suspendit pictâ vultum mentemque tabellâ;  
 Nunc tibicinibus, nunc est gavisa tragœdis:  
 Sub nutrice puella velut si luderet infans,  
 Quod cupidè petiit maturè plena reliquit.  
 Quid placet aut odio est, quod non mutabile credas?  
 Hoc paces habuere bonæ ventique secundi.  
 Romæ dulce diù fuit et solemne reclusâ  
 Manè domo vigilare, clienti promere jura,  
 Cautos nominibus rectis expendere nummos,  
 Majores audire, minori dicere per quæ  
 Crescere res posset, minui damnosa libido.  
 Mutavit mentem populus levis, et calet uno  
 Scribendi studio: puerique patresque severi  
 Fronde comas vincti cœnant et carmina dictant.  
 Ipse ego, qui nullos me affirmo scribere versus,  
 Invenior Parthis mendacior; et, priùs orto  
 Sole, vigil calamus et chartas et scrinia posco.  
 Navem agere ignarus navis timet; abrotonum ægro  
 Non audet, nisi qui didicit, dare; quod medicorum est,  
 Promittunt medici; tractant fabrilia fabri:  
 Scribimus indocti doctique poemata passim.  
 Hic error tamen et levis hæc insania, quantas  
 Virtutes habeat, sic collige: Vatis avarus  
 Non temerè est animus; versus amat, hoc studet unum;  
 Detrimenta, fugas ærvorum, incendia ridet;

Non fraudem socio puerove incogitat ullam  
 Pupillo: vivit siliquis et pane secundo.  
 Militæ quamquam piger et malus, utilis urbi.  
 Si das hoc, parvis quoque rebus magna juvari:  
 Os tenerum pueri balbumque poëta figurat;  
 Torquet ab obscenis jam nunc sermonibus aurem;  
 Mox etiam pectus præceptis format amicis,  
 Asperitatis et invidiæ corrector et iræ;  
 Rectè facta refert; orientia tempora notis  
 Instruit exemplis: inopem solatur et ægrum.  
 Castis cum pueris ignara puella mariti  
 Disceret unde preces, vatem ni Musa dedisset?  
 Poscit opem chorus, et præsentia numina sentit;  
 Cœlestes implorat aquas doctâ prece blandus;  
 Avertit morbos, metuenda pericula pellit;  
 Impetrat et pacem, et locupletem frugibus annum.  
 Carmine Di superi placantur, carmine Manes.  
 Agricola præsci, fortes, parvoque beati,  
 Condita post frumenta, levantes tempore festo  
 Corpus, et ipsum animum spe finis dura ferentem,  
 Cum sociis operum, pueris, et conjuge fidâ,  
 Tellurem porco, Silvanum lacte piabant,  
 Floribus et vino Genium memorem brevis ævi.  
 Fescennina per hunc inventa licentia morem  
 Versibus alternis opprobria rustica fudit;  
 Libertasque recurrentes accepta per annos  
 Ludit amabiliter, donec jam sævus apertam  
 In rabiem verti cœpit jocus, et per honestas  
 Ire domos impunè minax: dolere cruento  
 Dente lacessiti; fuit intactis quoque cura  
 Conditione super communi: quin etiam lex  
 Pœnaque lata, malo quæ nollet carmine quemquam  
 Describi. Vertèrè modum, formidiue fustis,  
 Ad bene dicendum delectandumque redacti.  
 Græcia capta ferum victorem cepit, et artes  
 Intulit agresti Latio. Sic horridus ille

Defluxit numerus Saturnius; et grave virus  
 Munditiæ pepulere: sed in longum tamen ævum  
 Manserunt hodieque manent vestigia ruris.  
 Serus enim Græcis admovit acmina chartis;  
 Et, post Punica bella quietus, quærere cœ, it  
 Quid Sophocles et Thespis et Aeschylus utile ferrent.  
 Tentavit quoque rem si dignè vertere posset;  
 Et placuit sibi, naturâ sublimis et acer:  
 Nam spirat tragicum satis, et feliciter audet;  
 Sed turpem putat inscitè metuitque lituram.  
 Creditur, ex medio quia res arcessit, habere  
 Sudoris minimum, sed habet Comœdia tantò  
 Plus oneris, quantò veniæ minùs. Aspice Plautus  
 Quo pacto partes tutetur amantis ephēbi,  
 Ut patris attentis, lenonis ut insidiosi:  
 Quantus sit Dossennus edacibus in parasitis;  
 Quàm non adstricto percurrat pulpita socco.  
 Gestit enim nummum in loculos demittere, post hoc  
 Securus cadat an recto stet fabula talo.  
 Quem tulit ad scenam ventoso gloria curru,  
 Exanimat lentus spectator, sedulus inflat.  
 Sic leve, sic parvum est, animum quod landis avarum  
 Subruit ac reficit. Valeat res ludicra, si me  
 Palma negata macrum, donata reducit o'imum.  
 Sæpè etiam audacem fugat hoc, terretque poetam,  
 Quod numero plures, virtute et honore minores,  
 Indocti stolidique, et depugnare parati  
 Si discordet eques, media inter carmina poscunt  
 Aut ursum, aut pugiles: his nam plebecula gaudet.  
 Verùm equiti quoque jam migravit ab aure voluptas  
 Omnis ad incertos oculos et gaudia vana.  
 Quatuor aut plures aulæa premuntur in horas,  
 Dum fugiunt equitum turmæ peditumque catervæ;  
 Mox trahitur manibus regum fortuna retortis;  
 Esseda festinant, pilenta, petorrita, naves;  
 Captivum portatur ebur, captiva Corinthus.

Si foret in terris, rideret Democritus, seu  
Diversum confusa genus panthera camelo,  
Sive elephas albus vulgi converteret ora:  
Spectaret populum ludis attentius ipsis,  
Ut sibi præbentem mimo spectacula plura.  
Scriptores autem narrare putaret asello  
Fabellam surdo: nam quæ pervincere voces  
Evaluere sonum referunt quem nostra theatra?  
Gargannum mugire putes nemus, aut mare Tuscum:  
Tanto cum strepitu ludi spectantur et artes  
Divitiæque peregrinæ; quibus oblitus actor  
Quum stetit in scenâ, concurrat dextera lævæ.  
Dixit adhuc aliquid? — Nil sanè. — Quid placet ergo? —

Lana Tarentino violas imitata veneno.  
Ac ne fortè putes me, quæ facere ipse recusem,  
Quum rectè tractent alii, laudare malignè;  
Ille per extantum funem mihi posse videtur  
Ire poëta menum qui pectus inaniter angit,  
Irritat, mulcet, falsis terroribus implet,  
Ut magnus, et modò me Thebis, modò ponit Athenis.  
Verùm age, et his qui se lectori credere malunt,  
Quàm spectatoris fastidia ferre superbi,  
Curam redde brevem, si munus Apolline dignum  
Vis complere libris, et vatibus addere calcar,  
Ut studio majore petant Heliconæ virentem.  
Multa quidem nobis facimus mala sæpè poëtæ,  
Ut vineta egomet cædam mea, quàm tibi librum  
Sollicito damus, aut fesso; quum lædimur unum  
Si quis amicorum est ausus reprædere versum;  
Quum loca jam recitata revolvimus irrevocati;  
Quum lamentamur non apparere labores  
Nostros et tenui deducta poemata filo;  
Quum speramus eò rem venturam, ut, simul atque  
Carmina rescieris nos fingere, commodus ultro  
Arceasas, et egere vetes, et scribere cogas.

Sed tamen est operæ pretium cognoscere quales  
 Aedituos habeat belli spectata domique  
 Virtus, indigno non committenda poetæ.  
 Gratus Alexandro regi magno fuit ille  
 Choerilus, incultis qui versibus et malè natis  
 Rettulit acceptos, regale numisma, Philippos.  
 Sed, veluti tractata notam labemque remittunt  
 Atramenta, ferè scriptores carmine fædo  
 Splendida facta linunt. Idem rex ille, poema  
 Qui tam ridiculum tam carè prodigus emit,  
 Edicto vetuit ne quis se, præter Apellen,  
 Pingeret, aut alius Lysippo duceret æra  
 Fortis Alexandri vultum simulantia. Quòd si  
 Judicium subtile videndis artibus illud  
 Ad libros et ad hæc Musarum dona vocares,  
 Bœotùm in crasso jurares aëre natum.  
 At neque dedecorant tua de se judicia atque  
 Munera, quæ multà dantis cum laude tulerunt  
 Dilecti tibi Virgilius Variusque poetæ:  
 Nec magis expressi vultus per ænea signa  
 Quàm per vatis opus mores animique virorum  
 Clarorum apparent. Nec sermones ego mallet  
 Repentes per humum, quàm res componere gestas,  
 Terrarumque situs et flumina dicere, et arces  
 Montibus impositas, et barbara regna, tuisque  
 Auspiciis totum confecta duella per orbem,  
 Claustraque custodem pacis cohibentia Janum,  
 Et formidatam Parthis te principe Romam;  
 Si, quantum cuperem, possem quoque: sed neque  
 parvum  
 Carmen majestas recipit tua, nec meus audet  
 Rem tentare pudor quam vires ferre recusent.  
 Sedulitas autem, stultè quem diligit, urget,  
 Præcipuè quum se numeris commendat et arte:  
 Discit enim citiùs meminitque libentiùs illud  
 Quod quis deridet, quàm quod probat et veneratur.


Nil moror officium quod me gravat: ac neque ficto  
In pejus vultu proponi cerens usquam,  
Nec pravè factis decorari versibus opto;  
Ne rubeam pingui donatus munere, et unà  
Cum scriptore meo, capsâ porrectus apertâ,  
Deferar in vicum vendentem thus et odores,  
Et piper, et quidquid chartis amicitur ineptis.

---

## EPISTOLA II.

AD JULIUM FLORUM.

FLORUS, bono claroque fidelis amice Neroni,  
Si quis fortè velit puerum tibi vendere, natum  
Tibure vel Gabiis, et tecum sic agat: Hic, et  
Candidus et talos a vertice pulcher ad imos,  
Fiet eritque tuus nummorum millibus octo,  
Verna ministeriis ad nutus aptus heriles,  
Litterulis Græcis imbutus, idoneus arti  
Cuilibet; argillâ quidvis imitaberis udâ:  
Quin etiam canet indoctum, sed dulcè, bibenti.  
Multa fidem promissa levant, ubi plenius sequo  
Laudat venales, qui vult extrudere, merces.  
Res urget me nulla, meo sum pauper in ære:  
Nemo hoc manganum faceret tibi: non tenerè a me  
Quivis ferret idem: semel hic cessavit, et, ut fit,  
In scalis latuit metuens pendentis habenzæ.  
Des nummos, excepta nihil te si fuga lædit.  
Ille ferat pretium, pœnz securus, opinor.  
Prudens emisti vitiosum; dicta tibi est lex:  
Insequeris tamen hunc, et lite moraris iniquâ.  
Dixi me pigrum proficiscenti tibi, dixi  
Talibus officiis prope mancam; ne mea sævus  
Jurgares ad te quòd epistola nulla veniret.





Quid tum profeci , mecum facientia jura  
 Si tamen attentas ? Quereris super hoc etiam , quòd  
 Expectata tibi non mittam carmina mendax.  
 Luculli miles collecta viatica multis  
 Aerumnis , lassus dum noctu stertit , ad assem  
 Perdiderat : post hoc vehemens lupus , et sibi et hosti  
 Iratus pariter , jejunis dentibus acer ,  
 Præsidium regale loco dejecit , ut aiunt ,  
 Summè munito , et multarum divite rerum.  
 Clarus ob id factum , donis ornatur honestis ;  
 Accipit et his dena super sestertia nummum.  
 Fortè sub hoc tempus castellum evertere prætor  
 Nescio quod cupiens , hortari cepit eundem  
 Verbis quæ timido quoque possent addere mentem :  
 I , bone , quòd virtus tua te vocat ; i pede fausto ,  
 Grandia laturus meritorum præmia : quid stas ?  
 Post hæc ille catus , quantumvis rusticus , ibit ,  
 Ibit eò quòd vis , qui zonam perdidit , inquit.  
 Romæ nutriri mihi contigit . atque doceri  
 Iratus Graiis quantum nocuisse Atilles :  
 Adjecere bonæ paulò plus artis Athenæ ;  
 Scilicet ut possem curvo dignoscere rectam ,  
 Atque inter silvas Academique querere verum.  
 Dura sed emovere loco me tempora grato ;  
 Civilisque rudem belli tulit ætus in arma ,  
 Cæsaris Augusti non responsura lacertis.  
 Unde simul primum me dimisere Philippi ,  
 Decisis humilem pennis , inopemque paterni  
 Et laris et fundi , paupertas impulit audax  
 Ut versus facerem : sed quòd non desit habentem  
 Quæ poterunt umquam satis expurgare cicuta ,  
 Nihil melius dormire putem quam scribere versus ?  
 Singula de nobis anni prædantur euntes ;  
 Eripere jocos , Venerem , convivia , ludum ;  
 Tendunt extorquere poemata : quid faciam vis ?  
 Denique non omnes eadem mirantur amantque :

Carmine tu gaudes; hic delectatur iambis;  
 Ille Bioneis sermonibus et sale nigro.  
 Tres mihi convivæ propè dissentire videntur,  
 Poscentes vario multùm diversa palato:  
 Quid dem? quid non dem? renuis tu quod jubet alter;  
 Quod petis, id sanè est invisum acidumque duobus,  
 Præter cetera, me Romæne poemata censes  
 Scribere posse inter tot curas totque labores?  
 Hic sponsum vocat, hic auditum scripta, relictis  
 Omnibus officiis: cubat hic in colle Quirini,  
 Hic extremo in Aventino; visendus uterque.  
 Intervals vides humanè commoda. Verùm  
 Puræ sunt plateæ, nihil ut meditantibus obstet.  
 Festinat calidus mulis gerulisque redemptor;  
 Torquet nunc lapidem. nunc ingens machina tignum;  
 Tristia robustis luctantur funera plaustris;  
 Hæc rabiosa fugit canis, hæc lutulenta ruit sus:  
 I nunc, et versus tecum meditare canoros.  
 Scriptorum chorus omnis amat nemus et fugit urbes,  
 Ritè cliens Bacchi somno gaudentis et umbræ:  
 Tu me inter strepitus nocturnos atque diurnos  
 Vis canere, et contracta sequi vestigia vatū?  
 Ingenium, sibi quod vacuas desumpsit Athenas,  
 Et studiis annos septem dedit, insenuitque  
 Libris et curis, statu taciturnius exit  
 Plerùmque, et risu populum quatit: hic ego, rerum  
 Fluctibus in mediis et tempestatibus urbis,  
 Verba lyræ motura sonum connectere digner?  
 Frater erat Romæ consuli rhetor, ut alter  
 Alterius sermone meros audiret honores;  
 Gracchus ut hic illi foret, huic ut Mucius ille.  
 Qui minus argutos vexat furor iste poëtas?  
 Carmina compono, hic elegos; mirabile visu,  
 Cælatumque novem Musis opus. Aspicere primū  
 Quantum cum fastu, quanto molimine circum-  
 spectemus vacuam Romanis vatibus ædem,



Mox etiam, si fortè vacas, sequere, et procul andi.  
 Quid ferat et quare sibi nectat uterque coronam.  
 Cædimur, et totidem plagis consumimus hostem,  
 Lento Samnites ad lumina prima duello.  
 Discedo Alcæus puncto illius; ille meo quis?  
 Quis, nisi Callimachus? si plus adposcere visus,  
 Fit Mimnermus, et optivo cognomine crescit.  
 Multa fero, ut placem genus irritabile vatum,  
 Quum scribo et supplex populi suffragia capto:  
 Idem, finitis studiis et mente receptà,  
 Obturem patulas impunè legentibus aures.  
 Ridentur mala qui componunt carmina; verùm  
 Gaudent scribentes, et se venerantur, et ultro,  
 Si taceas, laudant, quidquid scripsere, beati.  
 At, qui legitimum cupiet fecisse poemà,  
 Cum tabulis animum censoris sumet honesti;  
 Audebit quæcumque parum splendoris habebunt,  
 Et sine pondere erunt, et honore indigna ferentur,  
 Verba movere loca, quamvis invita recedant,  
 Et versentur adhuc intra penetralia Vestæ.  
 Obscurata diù populo bonus eruet, atque  
 Proferet in lucem speciosa vocabula rerum,  
 Quæ, priscis memorata Catonibus atque Cethegis,  
 Nunc situs informis premit et deserta vetustas:  
 Adsciscet nova, quæ genitor produxerit usus.  
 Vehemens et liquidus, puroque simillimus amni,  
 Fundet opes, Latiumque beabit divite linguâ.  
 Luxuriantia compescet, nimis aspera sano  
 Levabit cultu, virtute carentia tollet:  
 Ludentis speciem dabit, et torquebitur, ut qui  
 Nunc Satyrum, nunc agrestem Cyclopa movetur.  
 Prætulerim scriptor delirus inersque videri,  
 Dum mea delectent mala me, vel denique fallant,  
 Quàm sapere, et ringi. Fuit haud ignobilis Argis,  
 Qui se credebat miros audire tragicædos,  
 In vacuo letus sessor plausorque theatro;

Cetera qui vitæ servaret munia recto  
More; bonus sanè vicinus, amabilis hospes,  
Comis in uxorem; posset qui ignoscere servis,  
Et signo læso non insanire lagenæ;  
Posset qui rupem et puteum vitare patentem.<sup>1</sup>  
Hic ubi, cognatorum opibus curisque relectus,  
Expulit elleboro morbum bilemque mæreo,  
Et redit ad sese: Pol, me occidistis, amici,  
Non servastis, ait, cui sic extorta voluptas,  
Et de optus per vim mentis gratissimus error.  
Nimirum sapere est abjectis utile nugis,  
Et tempestivum pueris concedere ludum;  
Ac non verba sequi fidibus modulanda Latinis,  
Sed veræ numerosque modosque ediscere vitæ.  
Quocirca mecum loquor hæc, tacitusque recordor:  
Si tibi nulla sitim finiret copia lymphæ,  
Narrares medicis: quòd quantò plura parâsti,  
Tantò plura cupis, nulline faterier audes?  
Si vulnus tibi monstratâ radice vel herbâ  
Non fieret levius, fugeres, radice vel herbâ  
Proficiente nihil, curarier? Audieras, cui  
Rem Di donarent, illi decedere pravam  
Stultitiam; et, quum sis nihilo sapientior ex quo  
Plenior es, tamen uteris monitoribus iadem?  
At si divitiæ prudentem reddere possent,  
Si cupidum timidumque minùs te; nempe ruberes,  
Viveret in terris te si quis avarior uno.  
Si proprium est quod quis librâ mercatus et ære est,  
Quædam, si credis consultis, mancipat usus;  
Qui te pascit ager, tuus est: et villicus Orbi,  
Quum segetes occat, tibi mox frumenta daturas,  
Te dominum sentit. Das nummos; accipis uvam,  
Pullos, ova, cadum temeti: nempe modo isto  
Paulatim mercaris agrum, fortasse trecentis,  
Aut etiam suprà, nummorum millibus emptum.  
Quid refert, vivas numero nuper, an olim?

Emptor Aricini quondam Veientis et arvi  
 Emptum cœnat olus, quamvis aliter putat; emptis  
 Sub noctem gelidam lignis calefactat ahenum:  
 Sed vocat usque suum, quâ populus adsita certis  
 Limitibus vicina refugit iurgia; tamquam  
 Sit proprium quidquam, puncto quod mobilis horæ,  
 Nunc prece, nunc pretio, nunc vi, nunc sorte supre-  
 mâ,

Permutet dominos et cedat in altera jura.  
 Sic, quia perpetuus nulli datur usus, et hæres  
 Hæredem alterius, velut unda supervenit undam,  
 Quid vici prosunt, aut horrea? quidve Calabris  
 Saltibus adjecti Lucani, si metit Orcus  
 Grandia cum parvis, non exorabilis auro?  
 Gemmas, marmor, ebur, Tyrrhena sigilla, tabellas,  
 Argentum, vestes Gætulo murice tinctas,  
 Sunt qui non habeant; est qui non curat habere.  
 Cur alter fratrum cessare et ludere et ungi  
 Præferat Herodis palmetis pinguibus; alter,  
 Dives et importunus, ad umbram lucis ab ortu  
 Silvestrem flammis et ferro mitiget agrum;  
 Scit Genius, natale comes qui temperat astrum,  
 Naturæ Deus humanæ, mortalis in nnum-  
 quodque caput, vultu mutabilis, albus et ater.  
 Utar, et ex modico, quantum res poscet, acervo  
 Tollam; nec metuam quid de me judicet hæres,  
 Quod non plura datis invenerit: et tamen idem  
 Scire volam quantum simplex hilarisque nepoti  
 Discrepet, et quantum discordet parcus avaro.  
 Distat enim, spargas tua prodigus, an neque sumptum  
 Invitus facias, neque plura parare labores;  
 Ac potius, puer ut festis quinquatribus olim,  
 Exiguo gratoque fruaris tempore raptim.  
 Pauperies immunda procul procul absit: ego, utrum  
 Nave ferar magnâ an parvâ, ferar unus et idem.  
 Non agimur tumidis velis aquilone secundo;

Non tamen adversis ætatem ducimus austris :  
Viribus, ingenio, specie, virtute, loco, re,  
Extremi primorum, extremis usque priores.  
Non es avarus: abi. Quid? cetera jam simul isto  
Cum vitio fugère? caret tibi pectus inani  
Ambitione? caret mortis formidine, et irâ?  
Somnia, terrores magicos, miracula, sagas,  
Nocturnos lemures portentaque Thessala rides?  
Natales gratè numeras? ignoscis amicis?  
Lenior et melior fis accedente senectâ?  
Quid te exempta juvat spinis de pluribus una?  
Vivere si rectè nescis, decede peritis.  
Lusisti satis, edisti satis atque bibisti:  
Tempus abire tibi est, ne potum largiùs æquo  
Rideat et pulset lasciva decentiùs ætas.



QUINTI  
HORATII FLACCI  
ARS POETICA.

---

AD PISONES.

**H**UMANO capiti cervicem pictor equinam  
Jungere si velit, et varias inducere plumas;  
Undique collatis membris, ut turpiter atrum  
Desinat in piscem mulier formosa supernè,  
Spectatum admissi risum teneatis, amici?  
Credite, Pisones, isti tabulæ fore librum  
Persimilem, cujus, velut ægri somnia, vanæ  
Fingentur species; ut nec pes, nec caput uni  
Reddatur formæ. Pictoribus atque poëtis  
Quidlibet audendi semper fuit æqua potestas.  
Scimus, et hanc veniam petimusque damusque vicis-  
sim:

Sed non ut placidis coëant immitia; non ut  
Serpentes avibus gementur, tigribus agni.  
Inceptis gravibus plerumque et magna professis  
Purpureus, latè qui splendeat, unus et alter

Assuitur pannus; quum lucus et ara Dianæ,  
Et properantis aquæ per amœnos ambitus agros,  
Aut flumen Rhenum, aut pluvius describitur arcus:  
Sed nunc non erat his locus. Et fortasse cupressum  
Scis simulare: quid hoc, si fractis enatat exspes  
Navibus ære dato qui pingitur? Amphora corripit  
Institui; currente rotâ cur urceus exit?  
Denique sit, quod vis, simplex dumtaxat et unum.  
Maxima pars vatum, pater, et juvenes patre digni,  
Decipimur specie recti: brevis esse laboro,  
Obscurus fio: sectantem levia nervi  
Deficiunt animique: professus grandia turget:  
Serpit humi tutus nimium timidusque procellæ.  
Qui variare cupit rem prodigialiter unam  
Delphinum silvis appingit, fluctibus aprum.  
In vitium ducit culpæ fuga, si caret arte.  
Aemilium circa ludum faber imus et ungues  
Exprimet et molles imitabitur ære capillos;  
Infelix operis summâ, quia ponere totam  
Nesciet: hunc ego me, si quid componere curem,  
Non magis esse velim, quàm pravo vivere naso,  
Spectandum nigris oculis, nigroque capillo.  
Sumite materiam vestris, qui scribitis, æquam  
Viribus; et versate diù quid ferre recusent,  
Quid valeant humeri: cui lecta potenter erit res,  
Nec facundia deseret hunc, nec lucidus ordo.  
Ordinis hæc virtus erit et vennis, aut ego fallor;  
Ut jam nunc dicat, jam nunc debentia dici  
Pleraque differat, et præsens in tempus omittat.  
In verbis etiam tenuis cautusque serendis,  
Hoc amet, hoc spernat promissi carminis auctor.  
Dixeris egregiè, notum si callida verbum  
Reddidit junctura novum. Si fortè necesse est  
Indiciis monstrare recentibus abdita rerum,  
Fingere cinctutis non exaudita Cethegis  
Continget; dabiturque licentia sumpta pudenter:



Et nova fictaque nuper habebunt verba fidem, si  
Græco fonte cadant, parçè detorta. Quid autem  
Cæcilio Plautoque dabit Romanus ademptum  
Virgilio Varioque? ego cur, acquirere pauca  
Si possum, invideor, quum lingua Catonis et Enni  
Sermonem patrium ditaverit, et nova rerum  
Nomina protulerit? Licuit semperque licebit  
Signatum præsentè notâ producere nomen.  
Ut silvæ foliis pronos mutantur in annos,  
Prima cadunt; ita verborum vetus interit ætas,  
Et juvenum ritu florent modò nata, vigentque.  
Debemur mortì nos nostraque; sive receptus  
Terrâ Neptunus classes aquilonibus arcet,  
Regis opus; sterilisque diù palus, aptaque remis,  
Vicinas urbes alit et grave sentit aratrum;  
Seu cursum mutavit iniquum frugibus amnis,  
Doctus iter melius. Mortalia facta peribunt;  
Nedum sermonum stet honos, et gratia vivax.  
Multa renascentur quæ jam cecidere, cadentque  
Quæ nunc sunt in honore, vocabula, si volet usus,  
Quem penes arbitrium est et jus et norma loquendi.  
Res gestæ regumque ducumque, et tristia bella,  
Quo scribi possent numero monstravit Homerus.  
Versibus impariter junctis querimonia primùm,  
Post etiã inclusa est voti sententia compos.  
Quis tamen exiguos elegos emisit auctor  
Grammatici certant, et adhuc sub judice lis est.  
Archilochum proprio rabies armavit iambo:  
Hunc socci cepere pedem grandesque cothurni,  
Alternis aptum sermonibus, et populares  
Vincentem strepitus, et natum rebus agendis.  
Musa dedit fidibus Divos puerosque Deorum,  
Et pugilem victorem, et equum certamine primum,  
Et juvenum curas, et libera vina referre.  
Descriptas servare vices operumque colores  
Cur ego si nequeo ignoroque poeta salutor?

Cur nescire, pudens prave, quàm discere malo?  
Versibus exponi tragicis res comica non vult:  
Indignatur item privatis, ac propè socco  
Dignis, carminibus narrari cœna Thyestæ.  
Singula quæque locum teneant sortita decenter.  
Interdum tamen et vocem Comœdia tollit;  
Iratuque Chremes tumido delitigat ore.  
Et tragicus plerumque dolet sermone pedestri:  
Telephus et Peleus quum pauper et exsul, uterque  
Projicit ampullas et sesquipedalia verba,  
Si curat cor spectantis tetigisse querelâ.  
Non satis est pulchra esse poemata; dulcia suntu,  
Et quocumque volent animum auditoris agunto.  
Ut ridentibus arrident, ita flentibus adflent  
Humani vultus: si vis me flere, dolendum est  
Primum ipsi tibi; tunc tua me infortunia lædent,  
Telephe, vel Peleu: malè si mandata loqueris,  
Aut dormitabo, aut ridebo. Tristia mœstum  
Vultum verba decent; iratum, plena minarum;  
Ludentem, lasciva; severum, seria dictu.  
Format enim natura prius nos intus ad omnem  
Fortunarum habitum; juvat, aut impellit ad iram,  
Aut ad humum mœrore gravi deducit, et angit;  
Post effert animi motus interprete lingua.  
Si dicentis erunt fortunis absona dicta,  
Romani tollent equites peditesque cachinnum.  
Intererit multum Davusne loquatur, an heros;  
Maturusne senex, an adhuc florente juventâ  
Fervidus; an matrona potens, an sedula nutrix,  
Mercatorne vagus, cultorne virentis agelli;  
Colchus, an Assyrius; Thebis nutritus, an Argis.  
Aut famam sequere, aut sibi convenientia finge,  
Scriptor. Honoratum si fortè reponis Achillem,  
Impiger, iracundus, inexorabilis, acer,  
Jura neget sibi nata, nihil non arroget armis:  
Sit Medea ferox invictaque, flebilis Ino,

Perfidus Ixion, Io vaga, tristis Orestes.  
Si quid inexpertum scenæ committis, et audes  
Personam formare novam, servetur ad unum  
Qualis ab incepto processerit, et sibi constet.  
Difficile est propriè communia dicere: tuque  
Rectiùs Iliacum carmen deducis in actus,  
Quàm si proferres ignota indictaque primus.  
Publica materies privati juris erit, si  
Nec circa vilem patulumque moraberis orbem;  
Nec verbum verbo curabis reddere, fidus  
Interpres; nec desilies imitator in arctum,  
Unde pedem proferre pudor vetet, aut operis lex.  
Nec sic incipies, ut scriptor cyclicus olim:  
" Fortunam Priami cantabo et nobile bellum ".  
Quid dignum tanto feret hic promissor hiatu?  
Parturiunt montes, nascetur ridiculus mus.  
Quantò rectiùs hic qui nil molitur ineptè!  
" Dic mihi, Musa, virum, captæ post tempora Trojæ,  
" Qui mores hominum multorum vidit et urbes ".  
Non fumum ex fulgore, sed ex fumo dare lucem  
Cogitat, ut speciosa dehinc miracula promat;  
Antiphaten Scyllamque et cum Cyclope Charybdin;  
Nec reductum Diomedis ab interitu Meleagri,  
Nec gemino bellum Trojanum orditur ab ovo.  
Semper ad eventum festinat; et in medias res,  
Non secus ac notas, auditorem rapit; et, quæ  
Desperat tractata nitescere posse, relinquit;  
Atque ita mentitur, sic veris falsa remiscet,  
Primo ne medium, medio ne discrepet imum.  
Tu, quid ego et populus mecum desideret, audi.  
Si plausoris eges aulæa manentis, et usque  
Sesuri, donec cantor, Vos plaudite, dicat;  
Aetatis cujusque notandi sunt tibi mores,  
Mobilibusque decor naturis dandus et annis.  
Reddere qui voces jam scit puer, et pede certo  
Signat humum, gestit paribus colludere, et iram

Colligit ac ponit temere, et mutatur in horas.  
Imberbus juvenis, tandem custode remoto,  
Gaudet equis canibusque et aprici gramine campi;  
Cereus in vitium flecti, monitoribus asper,  
Utilium tardus provisor, prodigus æris,  
Sublimis, cupidusque et amata relinquere pernix.  
Conversis studiis, ætas animusque virilis  
Quærit opes et amicitias, inservit honori,  
Commisisse cavet quod mox mutare labore.  
Multa senem circumveniunt incommoda; vel quòd  
Quærit, et inventis miser abstinere ac timet uti;  
Vel quòd res omnes timide gelidèque ministrat,  
Dilator, spe longus, iners, avidusque futuri,  
Difficilis, querulus, laudator temporis acti  
Se puero, censor castigatorque minorum.  
Multa ferunt anni venientes commoda secum;  
Multa recedentes adimunt. Ne fortè seniles  
Mandentur juveni partes, pueroque viriles,  
Semper in adjunctis ævoque morabimur aptis.  
Aut agitur res in scenis, aut acta refertur:  
Segnius irritant animos demissa per aurem,  
Quàm quæ sunt oculis subjecta fidelibus, et quæ  
Ipse sibi tradit spectator. Non tamen intus  
Digna geri promes in scenam; multa que tolles  
Ex oculis, quæ mox narret facundia præsens:  
Ne pueros coram populo Medea trucidet;  
Aut humana palàm coquat exta nefarius Atreus;  
Aut in avem Progne vertatur, Cadmus in anguem.  
Quodcumque ostendis mihi sic, incredulus odi.  
Neve minor neu sit quinto productior actu  
Fabula quæ posci vult et spectata reponi:  
Nec Deus intersit, nisi dignus vindice nodus  
Inciderit: nec quarta loqui persona laboret.  
Actoris partes chorus officiumque virile  
Defendat; neu quid medios intercinat actus,  
Quod non proposito conducatur et hæreat aptè:

Ille bonis faveatque, et consilietur amicis;  
Et regat iratos, et amet pacare tumentes;  
Ille dapes laudet mensæ brevis; ille salubrem  
Justitiam, legesque, et apertis otia portis;  
Ille tegat commissa; Deosque precetur et oret,  
Ut redeat miseris, abeat fortuna superbis.  
Tibia non, ut nunc, orichalco vincta, tubæque  
Aemula, sed tennis simplexque foramine paucò  
Aspirare et adesse choris erat utilis, atque  
Nondum spissa nimis complere sedilia flatu,  
Quò sanè populus numerabilis, utpote parvus,  
Et frugì castusque verecundusque coibat.  
Postquam cœpit agros extendere victor, et urbem  
Latior amplecti murus, vinoque diurno  
Placari Genius festis impunè diebus,  
Accessit numerisque modisque licentia major.  
Indoctus quid enim saperet, liberque laborum,  
Rusticus urbano confusus, turpis honesto?  
Sic priscæ motumque et luxuriam addidit arti  
Tibicen, traxitque vagus per pulpita vestem:  
Sic etiam fidibus voces crevere severis,  
Et tulit eloquium insolitum facundia præceps;  
Utiliumque sagax rerum et divina futuri  
Sortilegis non discrepuit sententia Delphis.  
Carminè qui tragico vilem certavit ob hircum  
Mox etiam agrestes Satyros nudavit, et asper  
Incolumi gravitate jocum tentavit, eò quòd  
Illecebris erat et gratà novitate morandus  
Spectator, functusque sacris, et potus, et exlex.  
Verùm ita risores, ita commendare dicaces  
Conveniet Satyros, ita vertere seria ludo,  
Ne quicumque deus, quicumque adhibebitur heros,  
Regali conspectus in auro nuper et ostro,  
Migret in obscuras humili sermone tabernas;  
Aut, dum vitat humum, nubes et inania captet.  
Effutire leves indigna Tragedia versus,

Ut festis matrona moveri iussa diebus,  
 Intereit Satyris paulum pndibunda protervis.  
 Non ego inornata et dominantia nomina solum  
 Verbaque, Pisones, Satyrorum scriptor amabo;  
 Nec sic enitar tragico differre colori,  
 Ut nihil intersit Davusne loquatur, et audax  
 Pythias emuncto lucrata Simone talentum,  
 An custos famulusque Dei Silenus alumni.  
 Ex noto fictum carmen sequar, ut sibi quisvis  
 Speret idem; sudet multum frustraque laboret  
 Ausus idem: tantum series juncturaque pollet,  
 Tantum de medio sumptis accedit honoris.  
 Silvis deducti caveant, me iudice, Fauni  
 Ne, velut innati triviis ac penè forenses,  
 Aut ninium teneris juvenentur versibus umquam,  
 Aut immunda crepent ignominiosaque dicta:  
 Offendantur enim, quibus est equus et pater et res;  
 Nec, si quid fricti eiceris probat et nucis emptor,  
 Aequis accipiunt animis donantve coronam.  
 Syllaba longa brevi subjecta vocatur iambus;  
 Pes citus: unde etiam trimetris accrescere jussit  
 Nomen iambeis, quum senos redderet ictus,  
 Primus ad extremum similis sibi: non ita pridem,  
 Tardior ut paulò graviorque veniret ad aures,  
 Spondeos stabiles in jura paterna recepit  
 Commodus et patiens; non ut de sede secundam  
 Cederet aut quarum socialiter. Hic et in Acci  
 Nobilibus trimetris apparet rarus, et Enni  
 In scenam missos magno cum pondere versus,  
 Aut operæ celeris nimium curaque carentis,  
 Aut ignoratæ premit artis crimine turpi.  
 Non quisvis videt immodulata poemata iudex;  
 Et data Romanis venia est indigna poetis.  
 Idcircone vager, scribamque licenter, ut omnes  
 Visuros peccata putem mea, tutus, et intra  
 Spem veniæ cautus? Vitavi denique culpam,

Non laudem merui. Vos exemplaria Græca  
Nocturnâ versate manu, versate diurnâ.  
At vestri proavi Plautinos et numeros et  
Laudavere sales, nimium patienter utrumque,  
Ne dicam stultè, mirati; si modò ego et vos  
Scimus inurbanum lepido seponere dicto,  
Legitimumque sonum digitis callemus, et aure.  
Ignotum Tragicæ genus invenisse Camœnæ  
Dicitur, et plaustris vexisse poemata Thespis  
Qui canerent agerentque peruncti facibus ora.  
Post hunc, personæ pallæque repertor honestæ,  
Aeschylus et modicis instravit pulpita tignis,  
Et docuit magnumque loqui nitique cothurno.  
Successit vetus his Comœdia, non sine multâ  
Laude; sed in vitium libertas excidit et vim  
Dignam lege regi: lex est accepta, chorusque  
Turpiter obticuit, sublato jure nocendi.  
Nil intentatum nostri liquere poetæ:  
Nec minimum meruere decus, vestigia Græca  
Ausi deserere et celebrare domestica facta,  
Vel qui prætextas, vel qui docnere togatas.  
Nec virtute foret clarisve potentius armis,  
Quàm linguâ, Latium, si non offenderet unum  
quemque poetarum limæ labor et mora. Vos, o  
Pompilius sanguis, carmen reprehendite quod non  
Multa dies et multa litura coërcuit, atque  
Præsectum decies non castigavit ad unguem.  
Ingenium miserâ quia fortunatius arte  
Credidit, et excludit sanos Helicone poetæ,  
Democritus, bona pars non unguis ponere curat,  
Non barbam, secreta petit loca, balnea vitat.  
Nanciscetur enim pretium nomenque poetæ,  
Si tribus Anticyris caput insanabile numquam  
Tonsori Licino commiserit. O ego lævus,  
Qui purgor bilem sub verni temporis horam!  
Non alius faceret meliora poemata: verùm

Nil tanti est. Ergo fungar vice cotis , acutum  
Reddere quæ ferrum valet , exsors ipsa secandi :  
Munus et officium , nil scribens ipse , docebo ;  
Uncle parentur opes ; quid alat formetque poetam ;  
Quid deceat , quid non ; quò virtus , quò serat error.  
Scribendi rectè sapere est et principium et fons.  
Rem tibi Socraticæ poterunt ostendere chartæ :  
Verbaque provisam rem non invita sequentur.  
Qui didicit patriæ quid debeat , et quid amicis ,  
Quo sit amore parens , quo frater amandus , et hospes ,  
Quod sit conscripti , quod iudicis officium , quæ  
Partes in bellum missi ducis ; ille profectò  
Reddere personæ scit convenientia cuique.  
Respicere exemplar vitæ morumque jubebo  
Doctum imitatore , et veras hinc ducere voces.  
Interdum speciosa locis morataque rectè  
Fabula , nullius veneris , sine pondere et arte ,  
Valdiùs oblectat populum meliùsque moratur ,  
Quàm versus inopes rerum , nugæque canoræ.  
Gratiis ingenium , Gratiis dedit ore rotundo  
Musa loqui , præter laudem nullius avaris :  
Romani pueri longis rationibus assem  
Discunt in partes centum diducere. — Dicat  
Filius Albini , si de quincunce remota est  
Uncia , quid superat ? — Poteras dixisse , triens. — En !  
Rem poteris servare tuam. Redit uncia , quid fit ? —  
Semis. — An , hæc animos ærugo et cura peculi  
Quum semel imbuerit , speramus carmina fingi  
Posse linenda cedro et levi servanda cupresso ?  
Aut prodesse volunt , aut delectare , poetæ ,  
Aut simul et jucunda et idonea dicere vitæ.  
Quidquid præcipies , esto brevis ; ut citò dicta  
Percipiant animi dociles teneantque fideles :  
Omne supervacuum pleno de pectore manat.  
Ficta voluptatis causâ sint proxima veris :  
Nec , quodcumque volet , poscat sibi fabula credi ;



Neu pransæ Lamæ vivum puerum extrahat alvo.  
Centuriæ seniorum agitant expertia fragis ;  
Celsi prætereunt austera poemata Rhamnes ;  
Omne tulit punctum, qui miscuit utile dulci ,  
Lectorem delectando pariterque monendo.  
Hic meret æra liber Sosis ; hic et mare transit ,  
Et longum noto scriptori prorogat ævum .  
Sunt delicta tamen quibus ignovisse velimus :  
Nam neque chorda sonum reddit quem vult manus et  
mens ,  
Poscentique gravem persæpè remittit acutum ;  
Nec semper feriet quodcumque minabitur arcus .  
Verùm , ubi plura nitent in carmine, non ego paucis  
Offendar maculis , quas aut incuria fudit ,  
Aut humana parùm cavit natura.—Quid ergo est?—  
Ut scriptor si peccat idem librarius usque ,  
Quamvis est monitus, venià caret, et citharædus  
Ridetur, chordà qui semper oberrat eadem :  
Sic mihi, qui multùm cessat, sit Chærilus ille ,  
Quem bis terque bonum cum risu miror ; et idem  
Indignor, quandoque bonus dormitat Homerus .  
Verùm operi longo fas est obrepere somnum .  
Ut pictura, poësis : erit quæ , si propius stes ,  
Te capiet magis, et quædam, si longius abstes .  
Hæc amat obscurum ; volet hæc sub luce videri ,  
Judicis argutum quæ non formidat acumen :  
Hæc placuit semel, hæc decies repetita placebit .  
O major juvenum , quamvis et voce paternâ  
Fingeris ad rectum, et per te sapis, hoc tibi dictum  
Tolle memor certis medium et tolerabile rebus  
Rectè concedi. Consultus juris, et actor  
Causarum mediocris, abest virtute disert  
Messalæ, nec scit quantum Cascellius Anlus ;  
Sed tamen in pretio est : mediocribus esse poëtis  
Non homines, non Di, non concessere columnæ.  
Ut gratas inter mensas symphonia discors,

Et crassum unguentum, et Sardo cum melle papaver  
Offendunt, poterat duci quia cœna sine istis;  
Sic animis natum inventumque poema juvenis,  
Si paulum a summo discessit, vergit ad imum,  
Ludere qui nescit, campestribus abstinet armis,  
Indoctusque pilæ discive trochive quiescit,  
Ne spissæ risum tollant impunè coronæ:  
Qui nescit, versus tamen audet fingere!— Quidni?  
Liber et ingenuus, præsertim census equestrem  
Summam nummorum, vitioque remotus ab omni.—  
Tu nihil invitâ dices faciesve Minervâ;  
Id tibi iudicium est, ea mens: si quid tamen olim  
Scripseris, in Metii descendat iudicis aures,  
Et patris, et nostras; nonumque prematur in annum,  
Membris intus positis. Delere licebit  
Quod non edideris; nescit vox missa reverti.  
Silvestres homines sacer interpretæque Deorum  
Cædibus et victu sædo deterruit Orpheus;  
Dictus ob hoc lenire tigres rabidosque leones:  
Dictus et Amphion, Thebanæ conditor arcis,  
Saxa movere sono testudinis, et prece blandâ  
Ducere quò vellet. Fuit hæc sapientia quondam,  
Publica privatis secernere, sacra profanis,  
Concubitu prohibere vago, dare jura maritis,  
Oppida moliri, leges incidere ligno.  
Sic honor et nomen divinis vatibus atque  
Carminibus venit. Post hos insignis Homerus  
Tyrtæusque mares animos in Martia bella  
Versibus exacuit; dictæ per carmina sortes;  
Et vitæ monstrata via est; et gratia regum  
Pieriis tentata modis; ludusque repertus,  
Et longorum operum finis: ne fortè pudori  
Sit tibi Musa lyræ solers, et cantor Apollo.  
Naturâ fieret laudabile carmen, an arte,  
Quæsitum est. Ego nec studium sine divite venâ,  
Nec rude quid possit video ingenium: alterius sic

Altera poscit opem res, et conjurat amico.  
Qui studet optatam cursu contingere metam,  
Multa tulit fecitque puer; sudavit et alait;  
Abstinuit venere et vino: qui Pythia cantat  
Tibicen, didicit prius, extimuitque magistrum.  
Nec satis est dixisse: « Ego mira poemata pango:  
« Occupet extremum scabies; mihi turpe relinqui est,  
« Et, quod non didici, sanè nescire fateri ».  
Ut præco ad merces turbam qui cogit emendas,  
Assentatores jubet ad lucrum ire poeta  
Dives agris, dives positus in fœnore nummis.  
Si verò est unctum qui rectè ponere possit,  
Et spondere levi pro paupere, et eripere atria  
Litibus implicitum, mirabor si sciet inter-  
noscere mendacem verumque beatus amicum.  
Tu, seu donaris, seu quid donare velis cui,  
Nolito ad versus tibi factos ducere plenum  
Lætitiæ; clamabit enim, « Pulchrè! bene! rectè »!  
Pallescet super his; etiam stillabit amicis  
Ex oculis rorem; saliet, tundet pede terram.  
Ut, qui conducti plorant in funere, dicunt  
Et faciunt propè plura dolentibus ex animo; sic  
Derisor vero plus laudatore movetur.  
Reges dicuntur multis urgere calullis,  
Et torquere mero, quem perspexisse laborent,  
An sit amicitia dignus: si carmina condes,  
Numquam te fallant animi sub vulpe latentes.  
Quinctilio si quid recitares, Corrige, sodes,  
Hoc, aiebat, et hoc, Melius te posse negares,  
Bis terque expertum frustra: delere jubebat,  
Et malè tornatos incendi reddere versus.  
Si defendere delictum, quàm vertere, malles,  
Nullum ultrà verbum, aut operam sumebat inanem,  
Quin sine rivali teque et tua solus amares.  
Vir bonus et prudens versus reprehendit inertes,  
Calpabit duos, incompitis allinet atrum

Transverso calamo signum, ambitiosa recidet  
 Ornamenta, parùm claris lucem dare coget,  
 Arguet ambigüè dictum, mutanda notabit:  
 Fiet Aristarchus; non dicet, Cur ego amicum  
 Offendam in nugis? Hæ nugæ seria ducent  
 In mala derisum semel exceptumque sinistra.  
 Ut mala quem scabies aut morbus regius urget,  
 Aut fanaticus error, et iracunda Diana;  
 Vesanum tetigisse timent fugiuntque poëtam,  
 Qui sapiunt; agitant pueri, incantique sequuntur.  
 Hic, dum sublimes versus ructatur, et errat,  
 Si veluti meralis intentus decidit auceps  
 In puteum foveamve, licet, Succurrite, longum  
 Clamet, Io cives! non sit qui tollere curet.  
 Si curet quis opem ferre et demittere funem,  
 Qui scis an prudens huc se dejecerit, atque  
 Servari nolit? dicam; Siculique poëta  
 Narrabo interitum; Deus immortalis haberi  
 Dum cupit Empedocles, ardentem frigidus Aetnam  
 Insiluit. Sit jus, liceatque perire poëtis:  
 Invitum qui servat, idem facit occidenti:  
 Nec semel hoc fecit; nec, si retractus erit, jam  
 Fiet homo, et ponet famosæ mortis amorem.  
 Nec satis apparet cur versus factitet; utrum  
 Minxerit in patrios cineres, an triste bidental  
 Moverit incestus: certè furit, ac, velut ursus  
 Objectos cavæ valuit si frangere clathros,  
 Indoctum doctumque fugat recitator acerbus;  
 Quem verò arripuit, tenet, occiditque legendo,  
 Non missura cutem, nisi plena cruoris, hirudo.

FINIS.



# INDEX

## HORATII CARMINUM.

### ODARUM LIBER I.

I. <b>AD MÆCENATEM.</b> P. 1	XIX. De Glycera. P. 20
II. Ad Augustum Cæsarem.	XX. Ad Mæcenatem. 21
III. Ad navem qua Virgilius Athenas proficiscens vehabatur. 4	XXI. In Dianam et Apollinem. 22
IV. Ad L. Sextium, consulem. 6	XXII. Ad Aristium Fuscum. <i>ib.</i>
V. Ad Pyrrham. 7	XXIII. Ad Chloen. 23
VI. Ad M. Vipsanum Agrippam. <i>ib.</i>	XXIV. Ad Virgilium. 24
VII. Ad Munatium Plancum, consulem. 8	XXV. Ad Lydiam. 25
VIII. Ad Lydiam. 9	XXVI. De Aelio Lamia. 26
IX. Ad Thaliarchum. 10	XXVII. Ad Sodales. <i>ib.</i>
X. Ad Mercurium. 11	XXVIII. Archytas. 27
XI. Ad Leuconoe. 12	XXIX. Ad Iccium. 28
XII. Ad Augustum. <i>ib.</i>	XXX. Ad Venerem. 29
XIII. Ad Lydiam. 14	XXXI. Ad Apollinem. 30
XIV. Ad Rempubicam. 15	XXXII. Ad Lyram. 31
XV. Nerei vaticinium de excidio Trojæ. 16	XXXIII. Ad Albium Tibullum. <i>ib.</i>
XVI. Palinodia. 17	XXXIV. Ad seipsum. 32
XVII. Ad Tyndaridem. 19	XXXV. Ad Fortunam Antiatem. 33
XVIII. Ad Varum. 20	XXXVI. Ad Plotium Numidam. 34
	XXXVII. Ad sodales. 35
	XXXVIII. Ad puerum. 36

## ODARUM LIBER II.

I. Ad Asinium Pollio-	X. Ad Licinium.	Pag. 48
nem.	Pag. 38	
II. Ad Crispum Sallus-	XI. Ad Quinctium.	49
tium.	XII. Ad Mæcenatem.	50
40	XIII. In arborem.	51
III. Ad Dellium.	41	
IV. Ad Xanthiam Pho-	XIV. Ad Posthumum.	53
ceum.	42	
V. <i>Nondum subacta</i>	XV. In sui sæculi luxu-	54
<i>ferre jugum</i> .....	riam.	
43	XVI. Ad Grosphum.	55
VI. Ad Septimium.	44	
44	XVII. Ad Mæcenatem	56
VII. Ad Pompeium.	ægrotum.	
45	XVIII. <i>Non ebur</i> .....	57
VIII. Ad Barinen.	46	
46	XIX. In Bacchum.	59
IX. Ad Valgium.	47	
47	XX. Ad Mæcenatem.	60

## ODARUM LIBER III.

I. <i>Odi profanum</i> .....	62	XVI. Ad Mæcenatem.	84
II. <i>Angustam amicè</i> ...	64	XVII. Ad AElum La-	
III. <i>Iustum ac tenacem</i> .	65	miam.	86
IV. Ad Calliopen.	68	XVIII. Ad Faunum.	<i>ib.</i>
V. <i>Cælo tonantem</i> .....	71	XIX. Ad Telephum.	87
VI. Ad Romanos.	73	XX. Ad Pyrrhum.	88
VII. Ad Asterien.	75	XXI. Ad amphoram.	89
VIII. Ad Mæcenatem.	76	XXII. Ad Dianam.	90
IX. Ad Lydiam.	77	XXIII. Ad Phidylem.	<i>ib.</i>
X. In Lycen.	78	XXIV. In divites avaros.	91
XI. Ad Mercurium.	79	XXV. Ad Bacchum.	93
XII. Ad Neobulen.	81	XXVI. Ad Venerem.	94
XIII. Ad fontem Ban-		XXVII. Ad Galateam.	<i>ib.</i>
duisium.	<i>ib.</i>	XXVIII. Ad Lyden.	97
XIV. Ad Romanos.	82	XXIX. Ad Mæcenatem.	98
XV. In Chlorim.	83	XXX. <i>Exegi</i> .....	100

## ODARUM LIBER IV.

I. Ad Venerem.	101	III. Ad Melpomenen.	105
II. Ad Iulæm Antonium.	102	IV. Drusi laudes.	106

## HORATII CARMINUM. 283

V. Ad Augustum. P. 108	XI. Ad Phyllidem. P. 116
VI. Ad Apollinem. 110	XII. Ad Virgiliam. 118
VII. Ad Torquatam. 112	XIII. Ad Lycen. 119
VIII. Ad Censorinum. 113	XIV. Ad Augustum. 120
IX. Ad Lolium. 114	XV. Augusti laudes. 122
X. Ad Ligurinum. 116	

## EPODON LIBER.

I. Ad Mæcenatem. 124	IX. Ad Mæcenatem. 134
II. <i>Beatus ille qui...</i> 125	X. In Mævium poetam. 135
III. Ad Mæcenatem. 127	XI. Ad Pectium. 136
IV. In Menam. 128	XII. In Anum libidino-
V. In Canidiam venefi-	sam. 137
cam. 129	XIII. Ad Amicos. 138
VI. In Cassium Seve-	XIV. Ad Mæcenatem. 139
rum, poetam male-	XV. Ad Næeram ami-
dicum. 132	cam. 140
VII. Ad Populum ro-	XVI. Ad Populum ro-
manum. 133	manum. 141
VIII. In Anum libidi-	XVII. Ad Canidiam. 143
nosam. <i>ib.</i>	

## CARMEN SÆCULARE.

Ad Apollinem et Dianam. 146

## SATIRARUM LIBER I.

I. Ad Mæcenatem. 150	VI. Ad Mæcenatem. 169
II. In Mœchos. 154	VII. <i>Proscripti Regis</i> .. 173
III. <i>Omnibus hoc</i> .... 158	VIII. <i>Olim truncus</i> .... 174
IV. <i>Eupolis atque</i> .... 162	IX. <i>Ibam fortè vid</i> ... 176
V. <i>Egressum magnè</i> .. 166	X. <i>Nempe</i> ..... 178

## SATIRARUM LIBER II.

I. <i>Sunt quibus</i> ... .. 182	V. <i>Hoc quoque</i> ..... 203
II. <i>Quæ virtus</i> ..... 186	VI. <i>Hoc erat in votis</i> .. 207
III. <i>Sic rarò scribis</i> ... 190	VII. <i>Jamdudum</i> ..... 210
IV. <i>Unde, et quò</i> .... 200	VIII. <i>Utte Nasidieni</i> ... 214

## EPISTOLARUM LIBER I.

I. Ad Mæcenatem. P.	218	XI. Ad Ballatum. P.	235
II. Ad Lolium.	221	XII. Ad Iccium.	236
III. Ad Julium Florum.	224	XIII. Ad Vinium Asellam.	237
IV. Ad Albium Tibullum.	225	XIV. Ad villicum suum.	238
V. Ad Torquatum.	226	XV. Ad Numonium Valam.	239
VI. Ad Numicium.	227	XVI. Ad Quinctium.	241
VII. Ad Mæcenatem.	229	XVII. Ad Scævam.	243
VIII. Ad Celsum Albinovanum.	232	XVIII. Ad Lolium.	245
IX. Ad Claudium Neroneum.	ib.	XIX. Ad Mæcenatem.	248
X. Ad Fuscum Aristium.	233	XX. Ad Librum suum.	250

## EPISTOLARUM LIBER II.

I. Ad Augustum.	252	II. Ad Julium Florum.	260
-----------------	-----	-----------------------	-----

## ARS POETICA.

Ad Pisones.	267
-------------	-----







MAY 16 1941

